

Suttantapiṭake Khuddakanikāye

Cariyāpiṭakapāliyā saṁvaṇṇanābhūtā

Bhadantācariyadhammapālattherena katā

Paramatthadīpanī nāma

CARIYĀPIṬAKATṬHAKATHĀ



Romanized from Myanmar version published in 1959

© Buddhasāsana Society

Aṭṭhakathā Series 35

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa ဘ ha ဌ ḷa ၵ ṁ

VOWELS IN COMBINATION

-ာ ၵ = ā ဝိ = i ဝိ = ī ဣ = u ဣ = ū ဧ = e ဩ = o

က ka	ကာ kā	ကိ ki	ကိ kī	ကု ku	ကု kū	ကေ ke	ကော ko
ခ kha	ခါ khā	ခိ khi	ခိ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဌ ပာ	ည လာ
ကွ kka	ဓ င္ဂa	ဏ န္ဍa	ဇ သ္ဗa	ဇ ပာ	လျ လာ
ကျ kya	ဆ င္ဃa	ဏ န္ဏa	ဇ န္တa	ဇ ဗ္ဗa	လှ လာ
ကြ kri	ဇ ဣa	ဏ န္ဏa	ဇ န္တva	ဈ ဗျa	ဂှ ဖာ
ကလ kla	ဈ ဣာ	တ္တ	ဇ န္ဓha	ဇြ ဗာ	ညှာ
ကွ kva	ည ဣာ	တ္တ	ဇ န္ဓa	ဇ မ္ဗa	ညှာ
ချ khya	ဉ ဣာ	တ္တ	ဇ န္ဓra	ဇ မ္ဗa	ညှာ
ခွ khva	ဉ ဣာ	တ္တ	ဇ န္ဓha	ဇ မ္ဗa	ညှာ
ဂွ gga	ညှ ဣာ	တြာ	ဇ န္ဓa	ဇ မ္ဗa	ညှာ
ညှ ggha	ညှ ဣာ	ဇ န္ဓa	ဈ န္ဃa	ဇ မ္ဗa	ညှာ
ဂျ gya	ညှ ဣာ	ဇ န္ဓa	ဈ န္ဃa	ဈ မျာ	ညှာ
ဂြ gra	ဇ တ္တa	ဈ သ္ဃa	ဇ ပ္ဗa	ဈ မ္ဗာ	တ္တှာ
ကံ ṅka	ဇ တ္တha	ဇြာ	ဇ ပ္ဗa	လျ ယာ	တ္တှာ
နံ ṅkha	ညှ သ္ဓa	ဇ သ္ဃa	ဈ ပျာ	လျ ယာ	ညှာ
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Cariyāpiṭakattḥakathā

Mātikā		Piṭṭhaṅka
Ganthārambhakathā	...	1
Nidānakathā	...	3

1. Akittivagga

1. Akitticariyāvaṇṇanā	...	21
2. Saṅkhabrahmaṇacariyāvaṇṇanā	...	29
3. Kururājacariyāvaṇṇanā	...	36
4. Mahāsudassanacariyāvaṇṇanā	...	40
5. Mahāgovindacariyāvaṇṇanā	...	46
6. Nimirājacariyāvaṇṇanā	...	52
7. Candakumāracariyāvaṇṇanā	...	59
8. Sivrājacariyāvaṇṇanā	...	64
9. Vessantaracariyāvaṇṇanā	...	76
10. Sasapaṇḍitacariyāvaṇṇanā	...	104

2. Hatthināgavagga

1. Mātuposakacariyāvaṇṇanā	...	111
2. Bhūridattacariyāvaṇṇanā	...	116
3. Campeyyanāgacariyāvaṇṇanā	...	125
4. Cūḷabodhicariyāvaṇṇanā	...	131
5. Mahimsarājacariyāvaṇṇanā	...	138
6. Rurumigarājacariyāvaṇṇanā	...	141
7. Mātāṅgacariyāvaṇṇanā	...	149
8. Dhammadevaputtacariyāvaṇṇanā	...	157

Mātikā		Piṭṭhaṅka	
9. Alīnasattucariyāvaṇṇanā	163
10. Saṅkhapālacariyāvaṇṇanā	170

3. Yudhañjayavagga

1. Yudhañjayacariyāvaṇṇanā	177
2. Somanassacariyāvaṇṇanā	181
3. Ayogharacariyāvaṇṇanā	189
4. Bhisacariyāvaṇṇanā	193
5. Soṇapaṇḍitacariyāvaṇṇanā	202
6. Temiyacariyāvaṇṇanā	208
7. Kapirājacariyāvaṇṇanā	220
8. Saccatāpasacariyāvaṇṇanā	223
9. Vaṭṭapotakacariyāvaṇṇanā	225
10. Maccharājacariyāvaṇṇanā	229
11. Kaṇhadīpāyanacariyāvaṇṇanā	233
12. Mahāsutasomacariyāvaṇṇanā	240
13. Suvaṇṇasāmacariyāvaṇṇanā	249
14. Ekarājacariyāvaṇṇanā	254
15. Mahālomahaṃsacariyāvaṇṇanā	259
Uddānagāthāvaṇṇanā	262
Pakiṇṇakakathā	269
Nigamanakathā	327

Cariyāpiṭakatthakathāya mātikā niṭṭhitā.

Khuddakanikāya

Cariyāpiṭakatṭhakathā

Namo tassa Bhagavato Arahato Sammāsambuddhassa.

Ganthārambhakathā

Cariyā sabbalokassa, hitā yassa Mahesino.
Acinteyyānubhāvaṃ taṃ, vande **Lokagganāyakaṃ**.
Vijjācaraṇasampannā, yena nīyanti lokato.
Vande tamuttamaṃ **dhammaṃ**, Sammāsambuddhapūjitaṃ.
Sīlādiḡasampanno, ṭhito maggaphalesu yo.
Vande **ariyasamḡham** taṃ, puññakkhettaṃ anuttaraṃ.
Vandanājanitaṃ puññaṃ, iti yaṃ ratanattaye.
Hatantarāyo sabbattha, hutvāhaṃ tassa tejasā.
Imasmiṃ bhaddakappasmiṃ, sambhatā yā sudukkarā.
Ukkaṃsapāramippattā, dānapāramitādayo.
Tāsaṃ sambodhicariyānaṃ, ānubhāvavibhāvanāṃ.
Sakkesu Nigrodhārāme, vasantena Mahesinā.
Yaṃ Dhammasenāpatino, sabbasāvakaketuno.
Lokanāthena **Cariyā-piṭakaṃ** nāma desitaṃ.
Yaṃ Khuddakanikāyasmim, saṅgāyimsu mahesayo.
Dhammasaṅgāhakā Satthu, hetusampattidīpanāṃ.

Tassa sambodhisambhāra-vibhāganayayogato.

Kiñcāpi dukkarā kātum, **atthasaṃvaṇṇanā** mayā.

Saha saṃvaṇṇanaṃ yasmā, dharate Satthu sāsanaṃ.

Pubbācariyasihānaṃ, tiṭṭhateva vinicchayo.

Tasmā taṃ avalambitvā, ogāhitvā ca sabbaso.

Jātakānupanissāya, Porāṇaṭṭhakathānayaṃ.

Nissitaṃ vācanāmaggaṃ, suvisuddhamanākulaṃ.

Mahāvihāravāsīnaṃ, nipuṇatthavinicchayaṃ.

Nītaneyyatthabhedā ca, pāramī paridīpayāṃ.

Karissāmi taṃ¹ **Cariyā-piṭakassatthavaṇṇanaṃ**.

Iti ākaṅkhamānassa, saddhammassa ciraṭṭhitim.

Vibhajantassa tassatthaṃ, nisāmayatha sādhavoti.

Tattha **Cariyāpiṭakanti** kenatṭhena Cariyāpiṭakam? Atītāsu jātīsu Satthu cariyānubhāvappakāsiniṃ pariyattīti katvā, pariyatti-attho hi ayam piṭakasaddo “mā piṭakasampadānenā”ti-ādīsū² viya. Atha vā yasmā sā pariyatti tasseva Satthu purimajātīsu cariyānaṃ ānubhāvappakāsanena bhājanabhūtā, tasmāpi “Cariyāpiṭakan”ti vuccati, bhājanatthopi hi piṭakasaddo niddiṭṭho “atha puriso āgaccheyya, kudālapīṭakam ādāyā”ti-ādīsū³ viya. Taṃ panetaṃ **Cariyāpiṭakam** Vinayapiṭakam Suttantapiṭakam Abhidhammapīṭakanti tīsu piṭakesu **Suttantapiṭakapariyāpannaṃ**. Dīghanikāyo Majjhimanikāyo Saṃyuttanikāyo Aṅguttaranikāyo Khuddakanikāyoti pañcasu nikāyesu **Khuddakanikāyapariyāpannaṃ**. Suttaṃ Geyyaṃ Veyyākaraṇaṃ Gāthā Udānaṃ Itivuttakam Jātakam Abbhutadhammaṃ Vedallanti navasu sāsanaṅgesu **Gāthāsaṅghaṃ**.

“Dvāsīti Buddhato gaṇhim, dvesahassāni bhikkhuto.

Caturāsīti sahasāni, ye me dhammā pavattino”ti⁴—

1. Karissāmīti (Sī)

3. Ma 1. 178; Am 1. 205 piṭṭhesu.

2. Am 1. 189 piṭṭhādīsū.

4. Khu 2. 347 piṭṭhe.

evaṃ Dhammaḥṇḍāgārikena paṭiññātesu caturāsītiyā
dhammakhandhasahassesu katipayadhammakhandhasaṅgahaṃ. Vaggato
Akittivaggo Hatthināgavaggo Yudhañjayavaggoti vaggattayasaṅgahaṃ.
Cariyato Akittivagge dasa Hatthināgavagge dasa Yudhañjayavagge
pañcadasāti pañcatimsacariyāsaṅgahaṃ. Tīsu vaggesu **Akittivaggo** ādi,
cariyāsu **Akitticariyā**. Tassāpi—

“Kappe ca satahasse, caturo ca asaṅkhiye.

Etthantare yaṃ caritaṃ, sabbaṃ taṃ bodhipācanaṃ”ti—

ayaṃ gāthā ādi. Tassa ito pabhuti anukkamena atthasaṃvaṇṇanā hoti.

Ganthārambhakathā niṭṭhitā.

Nidānakathā

Sā panāyaṃ atthasaṃvaṇṇanā yasmā dūrenidānaṃ avidūrenidānaṃ
santikenidānanti imāni tīni nidānāni dassetvā vuccamānā suṇantehi
samudāgamato paṭṭhāya suṭṭhu viññātā nāma hoti, tasmā tesāṃ nidānānaṃ
ayaṃ vibhāgo veditabbo.

Dīpaṅkaradasabalassa pādamūlasmiṃ hi katābhinihārassa
mahābodhisattassa yāva Tusitabhavane¹ nibbatti, tāva pavatto kathāmaggo
dūrenidānaṃ nāma. Tusitabhavanato paṭṭhāya yāva Bodhimaṇḍe
sabbaññutaññāpatti, tāva pavatto kathāmaggo **avidūrenidānaṃ** nāma.
Mahābodhimaṇḍato pana paṭṭhāya yāva paccuppannavatthu, tāva pavatto
kathāmaggo **santikenidānaṃ** nāma. Imesu tīsu nidānesu yasmā dūrenidāna-
avidūrenidānāni sabbasādhāraṇāni, tasmā tāni **Jātakatṭhakathāyaṃ**²
vitthāritanayeneva vitthārato veditabbāni. Santikenidāne pana atthi visesoti
tiṇṇampi nidānānaṃ ayamādito paṭṭhāya saṅkhepakathā.

1. Tusitapure (Ka)

2. Jātaka-Ṭṭha 1. 3 piṭṭhādīsu.

Dīpaṅkarassa Bhagavato pādamūle katābhinihāro bodhisattabhūto Lokanātho attano abhinihārānurūpaṃ samattimsapāramiyo pūretvā sabbaññutaññāṇasambhāraṃ matthakaṃ pāpetvā Tusitabhavane nibbatto Buddhabhāvāya uppattikālaṃ āgamayamāno tattha yāvātāyukaṃ tathvā tato cuto Sakyarājakule paṭisandhiṃ gahetvā anantena parihārena¹ mahantena sirisobhaggena vaḍḍhamāno anukkamena yobbanam patvā ekūnatimse vayasmim katamahābhinnikkhamano chabbassāni mahāpadhānaṃ padahitvā vesākhapuṇṇamāyaṃ Bodhirukkhamūle nisinno sūriye anattaṅgamiteyeva mārabalaṃ vidhamitvā purimayāme pubbenivāsaṃ anussarivā majjhimayāme dibbacakkuṃ visodhetvā pacchimayāme diyaḍḍhakilesasahassaṃ khepetvā anuttaram sammāsambodhimabhisambujjhi.

Tato tattheva sattasattāhe vītināmetvā āsāḷhipuṇṇamāyaṃ Bārāṇasim gantvā Isipatane migadāye **Aññāsikoṇḍaṇṇappamukhā**² aṭṭhārasa brahmakotiyo dhammāmataraṃ pāyento dhammacakkaṃ³ pavattetvā **Yasā**dike veneyye arahatte patiṭṭhāpetvā te sabbeva saṭṭhi arahante lokānuggahāya vissajjetvā Uruvelaṃ gacchanto kappāsikavanasaṇḍe timsa **Bhaddavaggiye** sotāpattiṭṭhāpetvā Uruvelaṃ gantvā aḍḍhuḍḍhāni pāṭihāriyasahassāni dassetvā Uruvelakassapādayo sahassajaṭṭilaparivāre **tebhātikajaṭṭile** vinetvā tehi parivuto Rājagahanagarūpacāre Laṭṭhivanuyyāne nisinno **Bimbisārappamukhe** dvādasanahute brāhmaṇagahapatike sāsane otāretvā Magadharājena kārite Veḷuvanavihāre viharati.

Athevaṃ Bhagavati Veḷuvane viharante Sāriputtamoggallānesu aggasāvakaṭṭhāne tṭhāpitesu sāvakasannipāte jāte Suddhodanamahārājā “putto kira me chabbassāni dukkarakārikaṃ caritvā paramābhisambodhim patvā pavattitavaradhammacakko³ Rājagahaṃ nissāya Veḷuvane viharatī”ti sutvā dasapurisasahassaparivāre anukkamena dasa amacce pesesi “puttam me idhānetvā dassethā”ti. Tesu Rājagahaṃ gantvā Satthu dhammadesanāya arahatte patiṭṭhitesu Kāḷudāyittherena rañño adhippāye ārocite Bhagavā vīsatisahassakhīṇāsavaparivuto Rājagahato nikkhamitvā

1. Parivārena (Ka)

2. Aññātakoṇḍaṇṇappamukhā (Ka)

3. Saṃ 3. 368; Vi 3. 14; Khu 9. 329 piṭṭhādīsu.

saṭṭhiyojanam Kapilavatthum dvīhi māsehi sampāpuṇi. Sakyarājāno
 “amhākaṃ nāṭiseṭṭham passissāmā”ti sannipatitvā Nigrodhārāmaṃ
 Bhagavato ca bhikkhusamghassa ca vasanayoggaṃ kāretvā
 gandhapupphādihatthā paccuggamanam katvā Satthāraṃ Nigrodhārāmaṃ
 pavesesum. Tatra Bhagavā vīsatisahassakhīṇāsavaparivuto
 paññattavarabuddhāsane nisīdi. Sākiyā mānatthaddhā Satthu paṇipātaṃ
 nākaṃsu. Bhagavā tesam ajjhāsayaṃ oloketvā mānaṃ bhañjitvā te
 dhammadesanāya bhājane kātuṃ abhiññāpādaṃ catutthajjhānaṃ
 samāpajjitvā vuṭṭhāya ākāsaṃ abbhuggantvā tesam sīse pādapaṃsum
 okiramāno viya kaṇḍambarukkhamūle katapāṭihāriyasadisam
 Yamakapāṭihāriyam akāsi. Rājā taṃ acchariyam disvā “ayaṃ loke
 aggapuggalo”ti vandi, raññā pana vandite te ṭhātuṃ nāma na sakkonti,
 sabbepi Sākiyā vandimsu.

Tadā kira Bhagavā Yamakapāṭihāriyam karonto
 Lokavivaraṇapāṭihāriyampi akāsi—yasmim vattamāne manussā
 manussaloke yathāṭhitā yathānisinnāva Cātumahārājikato paṭṭhāya yāva
 Akaniṭṭhabhavanā sabbe deve tattha tattha attano bhavane kīlante
 dibbānubhāvena jotante mahatiṃ dibbasampattiṃ anubhavante santāni
 samāpattisukhāni anubhavante aññamaññaṃ dhammaṃ sākacchante ca
 Buddhānubhāvena attano maṃsacakkhunāva passanti, tathā
 heṭṭhāpathaviyam aṭṭhasu mahānirayesu soḷasasu ca Ussadanirayesu
 Lokantaraniraye cāti tattha tattha mahādukkhaṃ anubhavamāne satte
 passanti. Dasasahasilokadhātuyam devā mahacca¹ devānubhāvena
 Tathāgataṃ upasaṅkamitvā acchariyabbhutacittajātā pañjalikā namassamānā
 payirupāsanti, Buddhaguṇapaṭisamyuttā gāthāyo udāharantā thomenti
 apphoṭenti hasanti pītisomanassaṃ pavedenti. Yam sandhāya vuttaṃ—

“Bhummā mahārājikā Tāvatiṃsā,
 Yāmā ca devā Tusitā ca nimmitā.
 Paranimmitā yepi ca brahmakāyikā,
 Ānanditā vipulamakaṃsu ghosan”ti².

1. Mahatā... (Si)

2. Khu 4. 300 piṭṭhe Buddhavaṃse.

Tadā hi Dasabalo “atulaṃ attano Buddhabalaṃ dassessāmi”¹ti mahākaruṇāya samussāhito ākāse dasasahassacakkavālasamāgame caṅkamaṃ māpetvā dvādasayojanavitthate sabbaratanamaye caṅkame t̥hito yathāvuttaṃ devamanussanayanavihaṅgānaṃ¹ ekanipātabhūtamacchariyaṃ anaññasādhāraṇaṃ Buddhānaṃ samādhiññānubhāvādīpanaṃ pāṭihāriyaṃ dassetvā puna tasmim caṅkame caṅkamanto veneyyānaṃ ajjhāsayaṇurūpaṃ acinteyyānubhāvāya anopamāya Buddhalīlāya² dhammaṃ desesi. Tena vuttaṃ—

“Na hete jānanti sadevamānusā,
Buddho ayaṃ kīdisako naruttamo.
Iddhibalaṃ paññābalañca kīdisaṃ,
Buddhabalaṃ lokahitassa kīdisaṃ.

Na hete jānanti sadevamānusā,
Buddho ayaṃ edisako naruttamo.
Iddhibalaṃ paññābalañca edisaṃ,
Buddhabalaṃ lokahitassa edisaṃ.

Handāhaṃ dassayissāmi, Buddhabalamanuttaraṃ.
Caṅkamaṃ māpayissāmi, nabhe ratanamaṇḍitaṃ”³ti.

Evam Tathāgate attano Buddhānubhāvādīpanaṃ pāṭihāriyaṃ dassetvā dhammaṃ desente āyasmā Dhammasenāpati Sāriputto Rājagahe Gijjhakūṭapabbate t̥hito dibbacakkhunā passitvā tena Buddhānubhāvasandassanena acchariyabbhutacittajāto “handāhaṃ bhiyyoso mattāya Buddhānubhāvaṃ lokassa pākaṭaṃ karissāmi”¹ti sañjātaparivitakko attano parivārabhūtānaṃ pañcannaṃ bhikkhusatānaṃ tamatthaṃ ārocetvā iddhiyā ākāseṇa tāvadeva āgantvā saparivāro Bhagavantaṃ upasaṅkamtivā pañcapaṭiṭṭhitena vanditvā dasanakhasamodhānasamujjalamañjaliṃ sirasi paggayha Tathāgatassa mahābhinihāraṃ pāramiparipūraṇaṃca pucchi. Bhagavā taṃ kāyasakkhim katvā tattha sannipatitamanussānañceva dasasahassacakkavāladevabrahmānañca attano Buddhānubhāvaṃ paridīpayanto **Buddhavaṃsaṃ** desesi. Tena vuttaṃ—

1. Devamanussanāgavihaṅgānaṃ (Sī)

2. Buddhalīlāya (Sī, Ka)

3. Khu 4. 299 piṭṭhādīsu.

“Sāriputto mahāpañño, samādhijjhānakovido.
 Paññāya pāramippatto, pucchati Lokanāyakaṃ.
 Kīdiso te mahāvīra, abhinīhāro naruttama.
 Kamhi kāle tayā dhīra, patthitā bodhimuttamā.
 Dānaṃ sīlaṅca nekkhammaṃ, paññā vīriyaṅca kīdisaṃ.
 Khantisaccamadhiṭṭhānaṃ, mettupekkhā ca kīdisā.
 Dasa pāramī tayā dhīra, kīdisī Lokanāyaka.
 Kathaṃ upapāramī puṇṇā, paramatthapāramī kathaṃ.
 Tassa puṭṭho viyākāsi, karavīkamadhuragiṛo.
 Nibbāpayanto hadayaṃ, hāsayinganto sadevakan”ti¹.

Evaṃ Bhagavatā Buddhavaṃse desite āyasmā Dhammasenāpati “aho
 Buddhānaṃ hetusampadā, aho samudāgamasampatti, aho
 mahābhinihārasamijjhanā, dukkaraṃ vata Bhagavatā kataṃ ettakaṃ kālaṃ
 evaṃ pāramiyo pūrentena, evaṃvidhassa bodhisambhārasambharaṇassa
 anucchavikameva cetāṃ phalaṃ, yadidaṃ sabbaññutā balesu ca vasībhāvo
 evaṃmahiddhikātā evaṃmahānubhāvātā”ti Buddhaguṇārammaṇaṃ nāṇaṃ
 pesesi. So anaññasādhāraṇaṃ Bhagavato sīlaṃ samādhi paññā vimutti
 vimuttiñāṇadassanaṃ hiri-ottappaṃ saddhāvīriyaṃ satisampajaññaṃ
 sīlavisuddhiṭṭhivissuddhi samathavipassanā tīṇi kusalamūlāni tīṇi sucaritāni
 tayo sammāvitakkā tisso anavajjasaññāyo tisso dhātuyo cattāro satipaṭṭhānā
 cattāro sammappadhānā cattāro iddhipādā cattāro ariyamaggā cattāri
 ariyaphalāni catasso paṭisambhidā catuyoniparicchedakañāṇāni cattāro
 ariyavaṃsā cattāri vesārajjañāṇāni pañca padhāniyaṅgāni pañcaṅgiko
 sammāsamādhi ()² pañcendriyāni pañca balāni pañca nissaraṇiyā dhātuyo
 pañca vimuttāyatanañāṇāni pañca vimutti-paripācanīyā dhammā cha saraṇiyā
 dhammā cha anussatiṭṭhānāni cha gāravā cha nissaraṇiyā dhātuyo cha
 satatavihārā cha anuttariyāni cha nibbedhabhāgiyā saññā cha

1. Khu 4. 305 piṭṭhādīsu.

2. Pañcañāṇiko sammāsamādhi (Ka)

abhiññā cha asādhāraṇañāṇāni satta aparihāniyā dhammā satta ariyadhanāni
satta bojjhaṅgā satta sappurisdhammā satta niddasavattḥūni¹ satta saññā
satta dakkhiṇeyyapuggaladesanā satta khīṇāsavabaladesanā aṭṭha
paññāpaṭilābhahetudesanā aṭṭha sammattāni aṭṭha lokadhammātikkamā aṭṭha
ārambhavatthūni aṭṭha akkhaṇadesanā aṭṭha mahāpurisavitakkā aṭṭha
abhibhāyatanadesanā aṭṭha vimokkhā nava yonisomanasikāramūlakā
dhammā nava pārisuddhipadhāniyaṅgāni nava sattāvāsadesanā nava
āghātappaṭivīnaya nava paññā² nava nānattadesanā nava anupubbavīhārā
dasa nāthakaraṇā dhammā dasa kasiṇāyatanāni dasa kusalakammāpathā dasa
sammattāni dasa ariyavāsā dasa asekkhā dhammā dasa ratanāni dasa
Tathāgatabalāni ekādasa mettānisaṃsā dvādasa dhammacakkākārā terasa
dhutaṅgaguṇā cuddasa Buddhañāṇāni pañcadasa vimutti-paripācanīyā
dhammā soḷasavidhā ānāpānassatī soḷasa aparampariyā³ dhammā aṭṭhārasa
Buddhadhammā ekūnavīsati paccavekkhaṇañāṇāni catucattālīsa
ñāṇavatthūni paññāsa udayabbayañāṇāni paropaṇṇāsa kusaladhammā
sattasattati ñāṇavatthūni
catuvīsati koṭīsatasaḥassasamāpattisañcāritamahāvajirañāṇam⁴ anantanaya
samantapaṭṭhāna pavicaya paccavekkhaṇa desanāñāṇāni tathā anantāsu
lokadhātūsu anantānaṃ sattānaṃ āsayādivibhāvānañāṇāni cāti evamādike
acinteyyānubhāve Buddhaguṇe dhammanvayato anugacchanto anussaranto
neva antaṃ, na pamāṇaṃ passi. Thero hi attanopi nāma guṇānaṃ antaṃ vā
pamāṇaṃ vā āvajjento na passati, so Bhagavato guṇānaṃ pamāṇaṃ kiṃ
passissati, yassa yassa hi paññā mahatī ñāṇaṃ visadaṃ, so so Buddhaguṇe
mahantato saddahati, iti thero Bhagavato guṇānaṃ pamāṇaṃ vā
paricchedaṃ vā apassanto “mādisassa nāma sāvaka-pāramiñāṇe ṭhitassa
Buddhaguṇā ñāṇena paricchinditum na sakkā, pageva itaresaṃ, aho
acinteyyā aparimeyyabhedā mahānubhāvā sabbaññūguṇā, kevalaṃ panete
ekassa Buddhañāṇasseva sabbaso gocarā, nāññesaṃ. Kathetum pana
Sammāsambuddhehi vitthārato na sakkāyevā”ti niṭṭhamagamāsi.
Vuttañhetam—

1. Nijjaravatthūni (Sī, Ka)

2. Saññā (Ka)

3. Aparantapanīyā (Sī, Ka)

4. ...samāpattisañcaramahāvajirañāṇam, Dī-Ṭṭha 3. 58 piṭṭhepi passitabbaṃ.

“Buddhopi Buddhassa bhaṇeyya vaṇṇaṃ,
Kappampi ce aññaṃabhāsamaṇo.
Khīyetha kappo ciradīghamantare,
Vaṇṇo na khīyetha Tathāgatassā”¹.

Evam Buddhānaṃ guṇamahantataṃ nissāya
uppannabalavapītisomanasso puna cintesi “evarūpānaṃ nāma
Buddhaguṇānaṃ hetubhūtā Buddhakāraṇā dhammā pāramiyo aho
mahānubhāvā, katamāsu nu kho jātisu pāramitā paripācitā, kathamā vā
paripākaṃ gatā, handāhamā imamatthaṃ pucchanto evampi samudāgamato
paṭṭhāya Buddhānubhāvaṃ imassa sadevakassa lokassa pākaṭataraṃ
karissāmi”¹ti. So evamā cintetvā Bhagavantaṃ imaṃ pañhaṃ apucchi
“katamāsu nu kho bhante jātisu ime Buddhakāraṇā dhammā paripācitā,
kathamā vā paripākaṃ gatā”¹ti. Athassa Bhagavā tasmimā ratanacaṅkame
tisandhipallaṅkaṃ ābhujitvā Yugandharapabbate bālasūriyo viya
virocamāno nisinno “Sāriputta mayhaṃ Buddhakāraṇā dhammā samādānato
paṭṭhāya nirantaraṃ sakkaccakāritāya vīriyūpatthambhena ca sabbesu
kappesu bhavato bhavaṃ jātito jātīm paripaccantāyeva ahesuṃ, imasmimā
pana bhaddakappe imāsu jātisu te paripakkā jātā”¹ti dassento “kappe ca
satasahassee”¹ti-ādinaṃ Cariyāpiṭakaṃ Buddhāpadāniyanti dutiyābhiddhānaṃ
dhammapariyāyaṃ abhāsi. Apare pana “ratanacaṅkame caṅkamanto
devātidevo devabrahmādīhi pūjyamāno Nigrodhārāme otarivā
vīsatisahasakhīṇāsavaparivuto paññattavarabuddhāsane nisinno Bhagavā
vuttanayeneva āyasmatā Sāriputtena pucchito Cariyāpiṭakaṃ desesi”¹ti
vadanti. Ettāvataṃ dūrenidāna-avidūrenidānāni saṅkhepato dassetvā
Cariyāpiṭakassa santikenidānaṃ vitthārato niddiṭṭhanti veditabbaṃ.
Dūrenidānaṃ pana asaṅkhyeyyavibhāvanāyaṃ āvi bhavissatīti.

1. Idāni “**kappe ca satasahassee**”¹ti-ādinayappavattāya Cariyāpiṭakapāliya
atthasaṃvaṇṇanā hoti. Tatrāyaṃ **kappa**-saddo sa-upasaggo

1. Dī-Ṭṭha 1. 257; Dī-Ṭṭha 3. 61; Udāna-Ṭṭha 305 piṭṭhādīsu.

anupasaggoca

vitakkavidhānapaṭibhāgapaññattikālaparamāyusamaṇavohārasamantabhāvā’
bhisaddahana chedana viniyoga vinayakiriyā lesantarakappataṇhādīṭṭhi-
asaṅkhyeyyakappamahākappādīsu dissati. Tathā hesa “nekkhammasaṅkappo
abyāpādasāṅkappo”ti-ādīsu¹ vitakke āgato. “Cīvare vikappaṃ āpajjeyyā”ti-
ādīsu² vidhāne, adhikavidhānaṃ āpajjeyyāti attho. “Satthukappena vata kira
bho sāvakena saddhiṃ mantayamānā na jānimhā”ti-ādīsu³ paṭibhāge,
Satthusadisenāti ayaṃ hi tattha attho. “Idhāyasmā kappo”ti-ādīsu⁴
paññattiyāṃ. “Yena sudaṃ niccakappaṃ viharāmi”ti-ādīsu⁵ kāle.
“Ākaṅkhamāno Ānanda Tathāgato kappaṃ vā tiṭṭheyya kappāvasesaṃ vā”ti-
ādīsu⁶ paramāyumi. Āyukappo hi idha kappoti adhippeto. “Anujānāmi
bhikkhave pañcahi samaṇakappehi phalaṃ paribhuñjitum”ti-ādīsu⁷
samaṇavohāre. “Kevalakappaṃ Jetavanaṃ obhāsetvā”ti-ādīsu⁸
samantabhāve. “Saddhā saddahanā okappaṇā abhippasādo”ti-ādīsu⁹
abhisaddahane, saddhāyanti attho. “Alaṅkato kappitakesamassū”ti-ādīsu¹⁰
chedane. “Evameva ito dinnāṃ, peṭānaṃ upakappaṭi”ti-ādīsu¹¹ viniyoge.
“Kappakatenā akappakataṃ saṃsibbitaṃ hoti”ti-ādīsu¹² vinayakiriyāyaṃ.
“Atthi kappo nipajjitum, handāhaṃ nipajjāmi”ti-ādīsu¹³ lese. “Āpāyiko
nerayiko kappatṭho saṃghabhedako -pa- kappaṃ nirayamhi paccaṭi”ti ca
ādīsu¹⁴ antarakappe.

“Na kappayanti na purekkharonti,
Dhammāpi tesāṃ na paṭicchitāse.
Na brāhmaṇo sīlavatena neyyo,
Pāraṅgato na pacceti tādi”ti—

ādīsu¹⁵ taṇhādīṭṭhīsu. Tathā hi vuttaṃ **Niddese** “kappāti uddānato dve kappā
taṇhākappo diṭṭhikappo”ti¹⁶. “Anekepi saṃvattakappe anekepi

1. Ma 3. 118 piṭṭhe.

2. Vi 1. 372 piṭṭhe.

3. Ma 1. 205 piṭṭhe.

4. Khu 1. 444 piṭṭhe.

5. Ma 1. 316 piṭṭhe.

6. Dī 2. 92; Khu 1. 152 piṭṭhesu.

7. Vi 4. 244 piṭṭhe.

8. Khu 1. 3, 318 piṭṭhesu.

9. Abhi 1. 19 piṭṭhe.

10. Khu 2. 100; Khu 6. 278 piṭṭhesu.

11. Khu 1. 8; Khu 2. 129 piṭṭhesu.

12. Vi 2. 159 piṭṭhe.

13. Am 3. 140 piṭṭhe.

14. Am 3. 317; Khu 1. 203; Vi 4. 369; Abhi 4. 346, 429 piṭṭhesu.

15. Khu 1. 404 piṭṭhe Suttanipāte.

16. Khu 7. 74 piṭṭhe.

vivaṭṭakappe”ti-ādīsu¹ asaṅkhyeyyakappe. “Cattārimāni bhikkhave kappassa asaṅkhyeyyāni”ti-ādīsu² mahākappe. Idhāpi mahākappeyeva daṭṭhabbo³.

Tatrāyaṃ **padasiddhi**—kappīyatīti kappo, ettakāni vassānīti vā ettakāni vassasatānīti vā ettakāni vassasahassānīti vā ettakāni vassasatasahassānīti vā saṃvaccharavasena gaṇetum asakkuṇeyyattā kevalaṃ sāsaparāsi-upamādīhi kappetaḥ parikkappetaḥ parimāṇoti attho. Vuttañhetam—

“Kīvadīgho nu kho bhante kappoti? Dīgho kho bhikkhu kappo, so na sukaro saṅkhātum ‘ettakāni vassānī’ti vā ‘ettakāni vassasatānī’ti vā ‘ettakāni vassasahassānī’ti vā ‘ettakāni vassasatasahassānī’ti vā. Sakkā pana bhante upamaṃ kātunti? ‘Sakkā bhikkhū’ti Bhagavā avoca, seyyathāpi bhikkhu yojanaṃ āyāmena yojanaṃ vitthārena yojanaṃ ubbedhena mahāsāparāsi, tato vassasatassa vassasahassassa accayena ekamekaṃ sāsapaṃ uddhareyya, khippataraṃ kho so bhikkhu mahāsāparāsi iminā upakkamena parikkhayaṃ pariyādānaṃ gaccheyya, na tveva kappo, evaṃ dīgho kho bhikkhu kappo”ti⁴.

Svāyaṃ mahākappo saṃvaṭṭādivasena catu-asaṅkhyeyyakappasaṅgaho. Vuttampi cetam—

“Cattārimāni bhikkhave kappassa asaṅkhyeyyāni, katamāni cattāri? Saṃvaṭṭo saṃvaṭṭatṭhāyī vivaṭṭo vivaṭṭatṭhāyī”ti⁵.

Tattha tayo saṃvaṭṭā tejosamvaṭṭo āposamvaṭṭo vāyosamvaṭṭoti. Tisso saṃvaṭṭasīmā Ābhassarā Subhakiṇhā Vehapphalāti. Yadā hi kappo tejena saṃvaṭṭati, Ābhassarato heṭṭhā agginā ḍayhati. Yadā āpena saṃvaṭṭati, Subhakiṇhato heṭṭhā udakena vilīyati. Yadā vāyunā saṃvaṭṭati, Vehapphalato heṭṭhā vātena viddhamsati. Vitthārato pana koṭisatasahassacakkavāḷaṃ vinassati, yaṃ

1. Dī 1. 76; Ma 1. 42 piṭṭhādīsu.

2. Am 1. 460 piṭṭhe.

3. Dī-Ṭṭha 1. 96; Dī-Ṭṭha 3. 143; Saṃ-Ṭṭha 1. 14; Am-Ṭṭha 2. 239;

Khuddakapāṭha-Ṭṭha 97 piṭṭhesupi passitabbaṃ.

4. Saṃ 1. 389-390 piṭṭhesu.

5. Am 1. 460 piṭṭhe.

Buddhānaṃ āṇākkhettanti vuccati. Tesu tīsu saṃvaṭṭesu yathākkamaṃ kappavināsakamahāmeghato yāva jālāya vā udakassa vā vātassa vā upacchedo idaṃ ekaṃ asaṅkhyeyyaṃ **saṃvaṭṭo** nāma.

Kappavināsakajālādipacchedato yāva koṭisatasahassacakkavālaparipūrako sampattimahāmegho uṭṭhahati, idaṃ dutiyaṃ asaṅkhyeyyaṃ **saṃvaṭṭatṭhāyī** nāma.

Sampattimahāmeghato yāva candimasūriyapātubhāvo, idaṃ tatiyaṃ asaṅkhyeyyaṃ **vivaṭṭo** nāma. Candimasūriyapātubhāvato yāva puna kappavināsakamahāmegho, idaṃ catutthaṃ asaṅkhyeyyaṃ **vivaṭṭatṭhāyī** nāma. Imesu catusatṭhi-antarakappasaṅgahaṃ vivaṭṭatṭhāyī. Tena samānakālaparicchedā vivaṭṭādayo veditabbā. “Vīsati-antarakappasaṅgahan”ti eke. Iti imāni cattāri asaṅkhyeyyāni eko mahākappo hoti. Tena vuttaṃ “svāyaṃ mahākappo saṃvaṭṭādivasena catu-asaṅkhyeyyakappasaṅgaho”ti.

Kappetico accantasāmyogavasena upayogabahuvacanaṃ. **Satasahasseti** kappasaddasambandhena cāyaṃ pulliṅganiddeso, idhāpi accantasāmyogavaseneva bahuvacanaṃ. Samānādhikaraṇaṃ hetam padadvayaṃ. **Caturo ca asaṅkhiyeti** etthāpi eseva nayo. Kassa pana asaṅkhiyeti aññassa avuttattā kappassa ca vuttattā pakaraṇato kappānanti ayamatto viññāyateva. Na hi vuttaṃ vajjetvā avuttassa kassaci gahaṇaṃ yuttanti. **Ca**-saddo sampiṇḍanatto, mahākappānaṃ caturo asaṅkhyeyye satasahassee ca mahākappeti ayaṃ hettha attho. **Asaṅkhiyeti** ettha saṅkhātum na sakkāti asaṅkhiyā, gaṇanaṃ atikkantāti attho. “Asaṅkhyeyyanti eko gaṇanaviseso”ti eke. Te hi ekato paṭṭhāya mahābalakkhāpariyosānāni ekūnasatṭhiṭṭhānāni vajjetvā dasamahābalakkhāni asaṅkhyeyyaṃ nāma, satṭhimaṭṭhānantaranti vadanti, taṃ na yujjati, saṅkhyāṭṭhānantaraṃ nāma gaṇanaviseso, tassa asaṅkhyeyyabhāvābhāvato ekaṃ ṭhānantaraṃ asaṅkhyeyyañcāti viruddhametaṃ. Nanu ca asaṅkhyabhāvena asaṅkhyeyyattepi tassa catubbidhabhāvo na yujjati? No na yujjati, catūsu ṭhānesu asaṅkhyeyyabhāvassa icchitattā. Tatrāyamādito paṭṭhāya vibhāvanā—

Atīte kira ekasmiṃ kappe Taṇhaṅkaro Medhaṅkaro Saraṇaṅkaro Dīpaṅkaroti cattāro Sammāsambuddhā anukkamena loke uppajjimsu. Tesu Dīpaṅkarassa Bhagavato kāle Amaravatī nāma nagaraṃ ahoṣi.

Tattha Sumedho nāma brāhmaṇo paṭivasati ubhato sujāto mātito ca pitito ca saṃsuddhagahaṇiko yāva sattamā kulaparivaṭṭā akkhitto anupakkuṭṭho jātivādena, abhirūpo dassanīyo pāsādiko paramāya vaṇṇapokkharatāya samannāgato. So aññaṃ kammaṃ akatvā brāhmaṇasippameva uggaṇhi. Tassa daharakāleyeva mātāpitaro kālamakaṃsu. Athassa rāsivaḍḍhako amacco āyapotthakaṃ āharitvā suvaṇṇarajatamaṇimuttādibharite sārāgabbhe vivarivā¹ “ettakaṃ te kumāra mātusantakaṃ, ettakaṃ te pitusantakaṃ, ettakaṃ te ayyakapayyakānan”ti yāva sattamā kulaparivaṭṭā dhanam ācikkhitvā “etaṃ dhanam paṭipajjāhi”ti āha. **Sumedhapañḍito** cintesi “imaṃ evaṃ bahuṃ dhanam saṃharitvā mayham mātāpitādayo paralokaṃ gacchantā ekakahāpaṇampi gahetvā na gatā, mayā pana gahetvā gamanakāraṇam kātuṃ vaṭṭati”ti, so rañño ārocetvā nagare bherim carāpetvā mahājanassa dānam datvā himavantappadesam gantvā tāpasapabbajjam pabbajitvā sattāheneva aṭṭha samāpattiyo pañca ca abhiññāyo nibbattetvā samāpattivihārehi viharati.

Tasmiṃca kāle **Dīpaṅkaradasabalo** paramābhisambodhim patvā pavattitavaradhammacakko catūhi khīṇāsavasatasahashehi parivuto anupubbena cārikaṃ caramāno **Rammavatīnagaraṃ**² nāma patvā tassa avidūre **Sudassanamahāvihāre** paṭivasati. Rammavatīnagaravāsino “Satthā kira amhākaṃ nagaraṃ patvā Sudassanamahāvihāre paṭivasati”ti sutvā gandhamālādihatthā Satthāraṃ upasaṅkamitvā vanditvā gandhamālādīhi pūjetvā ekamantaṃ nisinnā dhammadesanaṃ sutvā svātanāya nimantetvā uṭṭhāyāsanaṃ pakkamiṃsu. Te punadivase mahādānaṃ sajjetvā nagaraṃ alaṅkaritvā Dasabalassa āgamanamaggaṃ haṭṭhatuṭṭhā sodhenti.

Tasmiṃca kāle **Sumedhatāpaso** ākāseṇa gacchanto te haṭṭhatuṭṭhe manusse disvā “ambho kassa tumhe imaṃ maggaṃ sodhethā”ti³ pucchi. Tehi “Sammāsambuddhassa āgamanamaggaṃ sodhemā”ti vutte atītesu Buddhesu katādhikārattā “Buddho”ti vacanaṃ sutvā uppannapītisomanasso tāvadeva ākāsaṭo oruyha “mayhampi okāsaṃ detha, ahampi

1. Dvāraṃ vivarivā (Sī) 2. Rammanagaraṃ (Sī) 3. Haṭṭhatuṭṭhā sodhethāti (Sī)

sodhessāmī”ti tehi dassitaṃ okāsaṃ “kiñcāpi ahaṃ imaṃ iddhiyā sattaratanavicittāṃ katvā alaṅkaritūṃ pahomi, ajja pana mayā kāyaveyyāvaccāṃ kātum vaṭṭati, kāyārahaṃ¹ puññaṃ gaṇhissāmī”ti cintetvā tiṇakacavarādayo nīharitvā paṃsum āharitvā samaṃ karonto sodheti. Aṇiṭṭhiteyeva pana tassa padesassa sodhane Dīpaṅkaro Bhagavā mahānubhāvānaṃ chaḷabhiññānaṃ khīṇāsavānaṃ catūhi satasahashehi parivuto taṃ maggaṃ paṭipajji. Sumedhapaṇḍito “Sammāsambuddho Buddhasāvaka ca mā cikkhallaṃ akkamantū”ti attano vākacīraṅca cammakhaṇḍaṅca jaṭākalāpaṅca² pasāretvā sayaṅca yena Bhagavā tena sīsaṃ katvā avakujjo nipajji, evaṅca cintesi “sacāhaṃ icchissāmī, imassa Bhagavato sāvako hutvā ajjeva kilese ghātesāmi. Kiṃ mayhaṃ ekakeneva saṃsāramahoghato nittharaṇena, yannūnāhampi evarūpo Sammāsambuddho hutvā sadevakaṃ lokaṃ saṃsāramaḥṇavato tāreyyan”ti. Iti so aṭṭhaṅgasamannāgatamahābhinihāravasena cittaṃ paṇidhesi. Atha Bhagavā āgantvā tassa ussīsake ṭhatvā cittācāraṃ samijjhanabhāvaṅcassa ñatvā “ayaṃ ito kappasatasahasādhikānaṃ catunnaṃ asaṅkhyeyyānaṃ matthake Gotamo nāma Sammāsambuddho bhavissati”ti sabbaṃ imaṃ Bhagavato pavattiṃ byākaritvā pakkāmi.

Tato aparepi Koṇḍaññabhadhagavantaṃ ādiṃ katvā anukkamena uppannā yāva Kassapadasabalapariyosānā Sammāsambuddhā mahāsattaṃ “Buddho bhavissati”ti byākarimsu. Iti amhākaṃ bodhisattassa pāramiyo pūrentasseva catuvīsati Sammāsambuddhā uppannā. Yasmiṃ pana kappe Dīpaṅkaradasabalo udapādi, tasmīṃ aññepi tayo Buddhā ahesuṃ, tesāṃ santike³ bodhisattassa byākaraṇaṃ nāhosi, tasmā te idha na gahitā. **Porāṇaṭṭhakathāyaṃ** pana tamhā kappā paṭṭhāya sabbabuddhe dassetuṃ idaṃ vuttaṃ—

“Taṇhaṅkaro Medhaṅkaro, athopi Saraṇaṅkaro.
Dīpaṅkaro ca Sambuddho, Koṇḍañño Dvipaduttamo.
Maṅgalo ca Sumano ca, Revato Sobhito Muni.
Anomadassī Padumo, Nārado Padumuttaro.

1. Kāyappasādaṃ (Sī)

2. Jaṭāmaṇḍalaṅca (Sī)

3. Santikā (Sī)

Sumedho ca Sujāto ca, Piyadassī mahāyaso.
Atthadassī Dhammadassī, Siddhattho Lokanāyako.

Tisso Phusso ca Sambuddho, Vipassī Sikhi Vessabhū.
Kakusandho Koṇḍāgamaṇo, Kassapo cāpi Nāyako.

Ete ahesuṃ Sambuddhā, vītarāgā samāhitā.
Sataraṃsīva uppannā, mahātamavinodanā.
Jalivā aggikkhandhāva, nibbutā te sasāvaka”ti¹.

Tattha Dīpaṅkaradasabalassa ca Koṇḍaññadasabalassa ca antare mahākappānaṃ ekaṃ asaṅkhyeyyaṃ Buddhasuñño loko ahosi, tathā Bhagavato Koṇḍaññassa ca Bhagavato Maṅgalassa ca antare, tathā Bhagavato Sobhitassa ca Bhagavato Anomadassissa ca antare, tathā Bhagavato Nāradassa ca Bhagavato Padumuttarassa ca antare. Vuttañhetam **Buddhavaṃse**²—

“Dīpaṅkarassa Bhagavato, Koṇḍaññassa ca Satthuno.
Etesaṃ antarā kappā, gaṇanāto asaṅkhiyā.

Koṇḍaññassa aparena, Maṅgalo nāma Nāyako.
Tesampi antarā kappā, gaṇanāto asaṅkhiyā.

Sobhitassa aparena, Anomadassī mahāyaso.
Tesampi antarā kappā, gaṇanāto asaṅkhiyā.

Nāradassa Bhagavato, Padumuttarassa Satthuno.
Tesampi antarā kappā, gaṇanāto asaṅkhiyā”ti.

Evam gaṇanātītātāya asaṅkhyeyyattepi catūsu ṭhānesu mahākappānaṃ gaṇanātikkamena “caturo ca asaṅkhiye”ti vuttaṃ, na saṅkhyāvisesenāti vedītabbaṃ. Yasmā pana Padumuttaradasabalassa ca Sumedhadasabalassa ca antare tiṃsakappasahassāni, Sujātadasabalassa ca Piyadassīdasabalassa ca antare navasahassādhikānaṃ kappānaṃ saṭṭhisahassāni dvāsītuttarāni aṭṭha ca satāni, Dhammadassīdasabalassa ca Siddhatthadasabalassa ca antare vīsati kappā, Siddhatthadasabalassa ca Tissadasabalassa ca antare eko

1. Jātaka-Ṭṭha 1. 52; Apadāna-Ṭṭha 1. 54 piṭṭhādīsu.

2. Khu 4. 382 piṭṭhe.

kappo, Bhagavato Vipassissa ca Bhagavato Sikhissa ca antare saṭṭhi kappā, Bhagavato ca Vessabhussa Bhagavato ca Kakusandhassa antare tiṃsa kappā, iti Padumuttaradasabalassa uppannakappato paṭṭhāya heṭṭhā tesam tesam Buddhānaṃ uppannakappehi iminā ca bhaddakappena saddhiṃ satasahassamahākappā, te sandhāya vuttaṃ “kappe ca satasahasse”ti. Imasmiṃ panatthe vitthāriyamāne sabbaṃ Buddhavaṃsapāliṃ āharitvā samvaṇṇetabbaṃ hotīti ativitthārabhīrukassa mahājanassa cittaṃ anurakkhantā na vitthārayimha. Atthikehi **Buddhavaṃsato**¹ gahetabbo. Yopi cettha vattabbo kathāmaggo, sopi **Aṭṭhasāliniyā**² dhammasaṅghavaṇṇanāya **Jātakatṭhakathāya**³ ca vuttanayeneva veditabbo.

Etthantareti ettha antarasaddo—

“Nadīresu saṅṭhāne, sabhāsu rathiyāsu ca.

Janā saṅgamma mantenti, mañca tañca kimantaran”ti⁴—

ādīsu kāraṇe āgato. “Addasā kho maṃ bhante aññatarā itthī vijjantarikāya bhājanāṃ dhovantī”ti-ādīsu⁵ khaṇe, vijjuniccharaṇakkhaṇeti attho. “Yassantarato na santi kopā”ti-ādīsu⁶ citte. “Antarā ca gayāṃ antarā ca bodhin”ti-ādīsu⁷ vivare. “Na upajjhāyassa bhaṇamānassa antarantarā kathā opātetabbā”ti-ādīsu⁸ vemajjhe. Idhāpi vemajjheyeva daṭṭhabbo⁹, tasmā etasmiṃ antare vemajjheti attho. Idaṃ vuttaṃ hoti—yasmiṃ mahākappe amhākaṃ Bhagavā Sumedhapaṇḍito hutvā Dīpaṅkarassa Bhagavato pādamūle—

“Manussattaṃ liṅgasampatti, hetu Satthāradassanaṃ.

Pabbajjā guṇasampatti, adhikāro ca chandata”ti¹⁰—

evaṃ vuttehi aṭṭhahi aṅgehi samannāgataṃ mahābhinihāraṃ akāsi, samattiṃsa pāramiyo pavicini¹¹ samādiyi, sabbepi Buddhakārake dhamme

1. Khu 4. 299 piṭṭhādīsu.

3. Jātaka-Ṭṭha 1. 2 piṭṭhādīsu.

5. Ma 2. 112 piṭṭhe.

7. Ma 1. 227; Vi 3. 11 piṭṭhesu.

9. Dī-Ṭṭha 1. 35; Am-Ṭṭha 2. 297 piṭṭhādīsopi passitabbaṃ.

10. Khu 4. 311 piṭṭhe.

2. Abhi-Ṭṭha 1. 33 piṭṭhādīsu.

4. Saṃ 1. 203 piṭṭhe.

6. Khu 1. 100 piṭṭhe Udāne.

8. Vi 3. 58 piṭṭhe.

11. Pavici (Sī)

sampādetum ārabhi, yamhi ce'tasmim bhaddakappe sabbaso pūritapāramī hutvā anuttaram sammāsambodhim abhisambujjhi, imesam dvinnam mahākappānam antare yathāvuttaparicchede kālaviseseti. Katham panetaṃ viññāyatīti? “Kappe ca satasahassee, caturo ca asaṅkhiye”ti idaṃ hi mahākappānam paricchedato aparicchedato ca saṅkhyādassanam, sā kho panāyam saṅkhyā saṅkhyeyyassa ādipariyosānaggahaṇam vinā na sambhavatīti yatha bodhisambhārānamārambho yatha ca te pariyosita tadubhayampi avadhibhāvena “etthantare”ti ettha atthato dassitanti viññāyatīti. Avadhi ca panāyam abhividhivasena veditabbo, na mariyādāvasena, ārambhosānakappānam ekadesena antogadhattā. Nanu ca nippadesena tesam apariyādānato abhividhi ca idha na sambhavatīti? Na idamevaṃ tadekadesepe tabbohārato. Yo hi tadekadesabhūto kappo, so nippadesato pariyādinnoti.

Yam caritam, sabbam tam bodhipācananti ettha **caritanti** cariyā, samattinsapāramisaṅgahā dānasīlādipaṭipatti, nātatthacariyālokatthacariyābuddhatthacariyānam tadantogadhattā. Tathā yā cimā aṭṭha cariyā, seyyathidaṃ? Paṇidhisampannānam catūsu iriyāpathesu **iriyāpathacariyā** indriyesu guttadvārānam ajjhattikāyatanesu **āyanacariyā** appamādavahārīnam catūsu satipaṭṭhānesu **saticariyā** adhicittamanuyuttānam catūsu jhānesu **samādhicariyā** buddhisampannānam catūsu ariyasaccesu **nānacariyā** sammā paṭipannānam catūsu ariyamaggesu **maggacariyā** adhigataphalānam catūsu sāmāññaphalesu **patticariyā**¹ tiṇṇam Buddhānam sabbasattesu **lokatthacariyā**ti. Tattha padesato dvinnam bodhisattānam Paccekabuddhabuddhasāvakaṇaṅca lokatthacariyā, mahābodhisattānam pana Sammāsambuddhānaṅca nippadesato. Vuttañhetam **Niddese**² “cariyāti aṭṭha cariyāyo, iriyāpathacariyā āyanacariyā”ti vitthāro. “Adhimuccanto saddhāya carati, paggaṇhanto vīriyena carati, upaṭṭhahanto satiyā carati, avikkhipanto samādhinā carati, pajānanto paññāya carati, vijānanto viññāṇena carati, evampi paṭipannassa kusalā dhammā āyatantīti āyanacariyāya carati, evampi paṭipanno visesamadhigacchatīti visesacariyāya carati”ti

1. Pakaticariyā (St)

2. Khu 8. 232-233; Khu 9. 215 piṭṭhādīsu.

yā imā aparāpi aṭṭha cariyā vuttā, tāsāṃ sabbāsāṃ pāramitāsveva samorodho vedītabbo. Tena vuttāṃ “caritanti cariyā, samattimśapāramisaṅgahā dānasīlādīpaṭṭipattī”ti. Hetucariyāya eva pana idhādhippetattā maggacariyāpatticariyānaṃ¹ idha anavarodho vedītabbo. Tena vuttāṃ “sabbāṃ taṃ bodhipācanā”ti.

Tattha **sabba**-saddo sabbasabbāṃ āyatanasabbāṃ sakkāyasabbāṃ padesasabbānti catūsu atthesu dissati. Tathā hi “sabbe dhammā sabbākārena Buddhassa Bhagavato nāṇamukhe āpāthamāgacchantī”ti-ādīsū² sabbasabbāsmim. “Sabbāṃ vo bhikkhave desessāmi taṃ suṇātha, kiñca bhikkhave sabbāṃ cakkhum ceva rūpā ca -pa- mano ceva dhammā cā”ti ettha āyatanasabbāsmim³. “Sabbāṃ sabbato sañjānātī”ti-ādīsū⁴ sakkāyasabbāsmim. “Sabbesampi vo sārīputta subhāsitaṃ pariyāyenā”ti-ādīsū⁵ padesasabbāsmim. Idhāpi padesasabbāsmim eva vedītabbo, bodhisambhārābhūtassa caritassa adhippetatthā.

Bodhīti rukkhopi ariyamaggopi nibbānampi sabbaññutaññānampi. “Bodhirukkhāṃ paṭhamābhīsambuddho”ti⁶ ca “antarā ca Gayāṃ antarā ca bodhin”ti⁷ ca āgataṭṭhāne bujjhāti etthāti rukkho bodhi. “Bodhi vuccati catūsu maggesu nāṇān”ti⁸ āgataṭṭhāne cattāri ariyasaccāni bujjhāti etenāti ariyamaggo bodhi. “Patvāna bodhim amatāṃ asaṅkhatān”ti⁹ āgataṭṭhāne bujjhāti etasmim nimittābhūtetī nibbānaṃ bodhi. “Pappoti bodhim varabhūrimedhaso”ti¹⁰ āgataṭṭhāne sabbe dhamme sabbākārena bujjhāti etenāti sabbaññutaññānaṃ bodhi. Idhāpi sabbaññutaññānaṃ adhippetāṃ. Arahattamaggasabbaññutaññānāni vā idha bodhīti vedītabbāni¹¹, mahābodhiyā adhippetattā Bhagavato. Āsavakkhayaññānapadaṭṭhānaṃ hi sabbaññutaññānaṃ sabbaññutaññānapadaṭṭhānaṃ āsavakkhayaññānaṃ “mahābodhī”ti vuccati. Etthāyaṃ saṅkhepattho—yathāvuttakālaparicchede yaṃ mama dānasīlādīpaṭṭipattisaṅkhātāṃ caritāṃ, taṃ sabbāṃ anavasesāṃ mahābodhiyā pācanaṃ sādhaṃ nibbattakanti. Etena bodhisambhārānaṃ nirantarābhāvaṃ dasseti. Atha

1. Pakaticariyānaṃ (Sī)

2. Khu 7. 277; Khu 8. 175; Khu 9. 377 piṭṭhādīsū.

3. Saṃ 2. 248 piṭṭhe.

4. Ma 1. 4 piṭṭhe.

5. Ma 1. 281 piṭṭhe.

6. Vi 3. 1; Khu 1. 77 piṭṭhesu.

7. Ma 1. 227; Vi 3. 11 piṭṭhesu.

8. Khu 8. 231 piṭṭhe.

9. Gavesitabbo.

10. Dī 3. 129 piṭṭhe.

11. Ma-Ṭṭha 1. 56; Vi-Ṭṭha 1. 109; Udāna-Ṭṭha 146 piṭṭhādīsūpi passitabbāṃ.

vā **sabbanti** etthantare yathāvuttakālaparicchede yaṃ caritaṃ, taṃ sabbam sakalameva anavasesaṃ bodhisambhārabhūtaṃ. Etena sabbasambhārabhāvanāṃ dasseti.

Catasso hi **bodhisambhāresu bhāvanā** sabbasambhārabhāvanā nirantarabhāvanā cirakālabhāvanā sakkaccabhāvanā cāti. Tāsu “kappe ca satahasse, caturo ca asaṅkhiye”ti iminā **cirakālabhāvanā** vuttā, yo cettha accantasamyogo, tena paṭhame atthavikappe sabbaggaṇena ca **nirantarabhāvanā**, dutiye atthavikappe “sabbam caritaṃ”ti iminā **sabbasambhārabhāvanā**, “bodhipācanan”ti iminā **sakkaccabhāvanā** vuttā hoti, yathā taṃ caritaṃ sammāsambodhiṃ pāceti evaṃbhūtabhāvadīpanato. Tathā hi taṃ “bodhipācanan”ti vattabbataṃ arahati, na aññathāti. Kathaṃ panettha bodhicariyāya nirantarabhāvo veditabbo? Yadi cittanirantarāya taṃ na yujjati, na hi mahābodhisattānaṃ mahābhinihārato uddham bodhisambhārasambharaṇacittato aññaṃ cittaṃ nappavattatīti sakkā vattum. Atha kiriyamayacittappavattiṃ sandhāya vucceyya, evampi na yujjati, na hi sabbāni tesāṃ kiriyamayacittāni bodhisambhārasambharaṇavaseneva pavattanti, eteneva payoganirantaratāpi paṭikkhittāti daṭṭhabbā. Jātinirantarāya pana nirantarabhāvanā veditabbā. Yassaṃ hi jātiyaṃ mahābodhisattena mahāpaṇidhānaṃ nibbattitaṃ, tato paṭṭhāya yāva carimattabhāvā na sā nāma jāti upalabbhati, yā sabbena sabbam bodhisambhārasambhatā na siyā antamaso dānapāramimattaṃ upādāya. Ayañhi niyatipatthitānaṃ bodhisattānaṃ dhammatā. Yāva ca te kammādīsu vasībhāvaṃ na pāpuṇanti, tāva sappadesampi sambhāresu payogamāpajjanti. Yadā pana sabbaso kammādīsu vasībhāvappattā honti, atha tato paṭṭhāya nippadesato eva bodhisambhāresu samīhanaṃ sātaccakiriyaṃ ca sampajjati. Sakkaccakāritā pana sabbakālaṃ hoti, evaṃ yena yena bodhisattānaṃ tattha tattha yathādhippāyaṃ samijjhanāṃ sampajjatīti. Evametāya gāthāya bodhisambhāresu sabbasambhārabhāvanā cirakālabhāvanā nirantarabhāvanā sakkaccabhāvanā cāti catassopi bhāvanā pakāsītīti veditabbā.

Tatra yasmā bodhisattacaritaṃ bodhisambhārā bodhicariyā aggayānaṃ pāramiyoti atthato ekaṃ, byañjanaṃ nānaṃ, yasmā ca parato

vibhāgena vakkhamānānaṃ dānapārami-ādīnaṃ caritanti idaṃ avisesavacanaṃ, tasmā sabbabodhisambhāresu kosallajananattham pāramiyo idha samvaṇṇetabbā. Tā parato **pakiṇṇakakathāyaṃ** sabbākārena samvaṇṇayissāma.

2. Iti Bhagavā attano bodhisattabhūmiyaṃ caritaṃ ārambhato paṭṭhāya yāva pariyoṣānā mahābodhiyā paripācanaevāti avisesato dassetvā idāni tassa paramukkaṃsagamanena atisayato bodhiparipācanabhāvaṃ dassetuṃ imasmim bhaddakappe katipayā pubbacariyā vibhāgato vibhāvento **“atītakappe”**ti-ādimāha.

Tattha **atītakappeti** ito purime purimatāre vā sabbasmim atikkante yathāvuttaparicchede mahākappe, kappānaṃ sataśahassādihikesu catūsu asaṅkhyeyyesūti attho. **Caritanti** ciṇṇaṃ dānādipaṭipattim. **Ṭhapayitvāti** muñcitvā aggahetvā, avatvāti attho. **Bhavābhaveti** bhava ca abhave ca, “itibhavābhavakathan”ti¹ ettha hi vuddhihāniyo bhavābhavāti vuttā. “Itibhavābhavatañca vītivatto”ti² ettha sampattivipatti vuddhi hāni sassatuccheda puñña pāpāni bhavābhavāti adhippetāni. “Itibhavābhavahetu vā bhikkhave bhikkhuno taṇhā uppajjamānā uppajjati”ti³ ettha pana paṇītaṇītataraṇi sappinavanītādibhesajjāni bhavābhavāti adhippetāni. Sampattibhavesu paṇītaraṇi paṇītatamā bhavābhavātipi vadanti eva, tasmā idhāpi so eva attho vedītabbo, khuddake ceva mahante ca bhavasminti vuttam hoti. **Imamhi kappeti** imasmim bhaddakappe. **Pavakkhissanti** kathayissam. **Suṇohīti** Dhammasenāpatiṃ savane niyojeti. **Meti** mama santike, mama bhāsatoti attho.

Nidānakathā niṭṭhitā.

1. Dī 1. 7 piṭṭhādīsu.

2. Khu 1. 100 piṭṭhe Udāne.

3. Am 1. 316; Khu 1. 268 piṭṭhesu.

1. Akittivagga

1. Akitticariyāvaṇṇanā

3. Evaṃ Bhagavā āyasmato Sāriputtattherassa sadevamanussāya ca parisāya attano pubbacariyāya savane ussāhaṃ janetvā idāni taṃ pubbacaritaṃ bhavantarapaṭicchannaṃ hatthatale āmalakaṃ viya paccakkhaṃ karonto “**yadā ahaṃ brahāraññe**”ti-ādimāha.

Tattha **yadāti** yasmiṃ kāle. **Brahāraññeti** mahā-araññe, araññāniyaṃ, mahante vaneti attho. **Suññeti** janavivitte. **Vipinakānaneti** vipinabhūte kānane, padadvayenāpi tassa araññassa gahanabhāvameva dīpeti, sabbametaṃ kāradīpaṃ sandhāya vuttaṃ. **Ajjhogāhetvāti** anupavisitvā. **Viharāmīti** dibbabrahma-ariya-āneñjavihārehi samuppāditasukhaviseseṇa iriyāpathavihāreṇa sarīradukkaṃ vicchinditvā harāmi attabhāvaṃ pavattemi. **Akitti nāma tāpasoti** evaṃnāmako tāpaso hutvā yadā ahaṃ tasmim araññe viharāmīti attho. Satthā tadā attano Akittitāpasabhāvaṃ Dhammasenāpatissa vadati. Tatrāyaṃ anupubbikathā¹—

Atīte kira imasmiṃyeva bhaddakappe Bārāṇasiyaṃ Brahmadatte nāma rājini rajjaṃ kārente bodhisatto asīkoṭivibhavassa brāhmaṇamahāsālassa kule nibbatti, “Akitti”tissa nāmaṃ karimsu. Tassa padasā gamanakāle bhaginīpi jāyi², “Yasavatī”tissā nāmaṃ karimsu. So soḷasavassakāle Takkasilāṃ gantvā sabbasippāni uggahetvā paccāgamāsi. Athassa mātāpitaro kalamakaṃsu. So tesaṃ petakiccāni kāretvā katipayadivasātikkamena ratanāvalokanaṃ āyuttakapurisehi kārayamāno “ettakaṃ mattikaṃ, ettakaṃ pettikaṃ, ettakaṃ pitāmahan”ti sutvā samviggamānaso hutvā “idaṃ dhanameva paññāyati, na dhanassa samhārakā, sabbe imaṃ dhanam pahāyeva gatā, ahaṃ pana naṃ³ ādāya gamissāmi”ti rājānaṃ āpucchitvā bherim carāpesi “dhanena atthikā Akittipaṇḍitassa gehaṃ āgacchantū”ti⁴.

1. Ānupubbikathā (Sī)

3. Dhanam (Sī, Ka)

2. Nibbattā (Ka)

4. Gacchantūti (Ka)

So sattāhaṃ mahādānaṃ pavattetvā dhane akhīyamāne “kiṃ me imāya dhanakīlāya, atthikā gaṇhissanti”ti nivesanadvāraṃ vivarivā hiraññasuvaṇṇādibharite sāragabbhe vivarāpetvā “dinnamyeva harantū”ti gehaṃ pahāya ñātiparivaṭṭassa paridevantassa bhaginiṃ gahetvā Bārāṇasito nikkhamitvā nadiṃ uttarivā dve tīṇi yojanāni gantvā pabbajitvā ramaṇīye bhūmibhāge paṇṇasālaṃ karitvā vasati. Yena pana dvārena tadā nikkhami, taṃ Akittidvāraṃ nāma jātaṃ. Yena titthena nadiṃ otiṇṇo, taṃ Akittititthaṃ nāma jātaṃ. Tassa pabbajitabhāvaṃ sutvā bahū manussā gāmanigamarājadhānivāsino tassa guṇehi ākaḍḍhiyamānahadayaṃ anupabbajimsu. Mahāparivāro ahosi, mahālābhasakkāro nibbatti, Buddhuppādo viya ahosi. Atha mahāsatto “ayaṃ lābhasakkāro mahā, parivāropi mahanto, kāyavivekamattampi idha na labhati, mayā ekākinā viharitūṃ vaṭṭati”ti cintetvā paramappicchabhāvato vivekaninnatāya ca kassaci ajānāpetvā¹ ekakova nikkhamitvā anupubbena Damiḷaraṭṭhaṃ patvā Kāvīrapaṭṭanasamīpe uyyāne viharanto jhānābhīñṇāyo nibbattesi. Tatrāpissa mahālābhasakkāro uppajji. So taṃ jigucchanto chaḍḍetvā ākāseṇa gantvā Kārādīpe otari. Tadā Kārādīpo Ahidīpo nāma. So tatha mahantaṃ kārarukkhaṃ upanissāya paṇṇasālaṃ māpetvā vāsaṃ kappesi. Appicchatāya pana katthaci agantvā tassa rukkhassa phalakāle phalāni khādanto phale asati pattāni udakasittāni² khādanto jhānasamāpattīhi vītināmesi.

Tassa sīlatejēna Sakkassa Paṇḍukambalasilāsaṇaṃ uṇhākāraṃ dassesi. Sakko “ko nu kho maṃ imamaḥ ṭhānā cāvetukāmo”ti āvajjento paṇḍitaṃ disvā “kimatthaṃ nu kho ayaṃ tāpaso evaṃ dukkaraṃ tapaṃ carati, Sakkattaṃ nu kho pattheti, udāhu aññaṃ, vīmaṃsissāmi naṃ. Ayaṃ hi suvisuddhakāyavacīmanosamācāro jīvite nirapekkho udakasittāni kārapattāni khādanti, sace Sakkattaṃ pattheti, attano sittāni kārapattāni mayhaṃ dassati, no ce, na dassati”ti brāhmaṇavaṇṇena tassa santikaṃ agamāsi. Bodhisattopi kārapattāni sedetvā “sītalībhūtāni khādissāmī”ti paṇṇasāladvāre nisīdi. Athassa purato Sakko

1. Anārocetvā (Ka)

2. Udakasinnāni (Ka)

brāhmaṇarūpena bhikkhāya atthiko hutvā aṭṭhāsi. Mahāsatto taṃ disvā “lābhā vata me, suladdhaṃ vata me, cirassaṃ vata me yācako diṭṭho”ti somanassappatto hutvā “ajja mama manorathaṃ matthakaṃ pāpetvā dānaṃ dassāmī”ti pakkabhājaneneva ādāya gantvā dānapāramiṃ āvajjetvā attano asesetvāva tassa bhikkhābhājane pakkhipi. Sakko taṃ gahetvā thokaṃ gantvā antaradhāyi. Mahāsattopi tassa datvā puna pariyeṭṭhiṃ anāpajjitvā teneva pītisukhena vītināmesi.

Dutiyadivase pana kārapattāni pacitvā “hiyyo dakkhiṇeyyaṃ alabhiṃ, ajja nu kho kathan”ti paṇṇasāladvāre nisīdi. Sakkopi tatheva āgami. Mahāsatto punapi tatheva datvā vītināmesi. Tatiyadivase ca tatheva datvā “aho vata me lābhā, bahuṃ vata puññaṃ pasavāmi, sacāhaṃ dakkhiṇeyyaṃ labheyyaṃ, evameva māsampi dvemāsampi dānaṃ dadeyyan”ti cintesi. Tisupi divasesu “tena dānena na lābhasakkārasilokaṃ na cakkavattisampattiṃ na Sakkasampattiṃ na brahmasampattiṃ na sāvaka bodhiṃ na paccekabodhiṃ patthemī, api ca idaṃ me dānaṃ sabbaññutaññānaṃ paccayo hotū”ti yathādhikāraṃ cittaṃ ṭhapesi. Tena vuttaṃ—

4. “Tadā maṃ tapatejena, santatto tidivābhibhū.
Dhārento brāhmaṇavaṇṇaṃ, bhikkhāya maṃ upāgami.
5. Pavanā ābhataṃ paṇṇaṃ, atelañca aloṇikaṃ.
Mama dvāre ṭhitaṃ disvā, sakaṭāhena ākirim.
6. Tassa datvānaṃ paṇṇaṃ, nikujjitvāna bhājanaṃ.
Punesanaṃ jahitvāna, pāvisiṃ paṇṇasālakaṃ.
7. Dutiyampi tatiyampi, upagañchi mamantikaṃ.
Akampito anolaggo, evamevamadāsahaṃ.
8. Na me tappaccayā atthi, sarīrasmiṃ vivaṇṇiyaṃ.
Pītisukhena ratiyā, vītināmeme taṃ divaṃ.
9. Yadi māsampi dvemāsāṃ, dakkhiṇeyyaṃ varaṃ labhe.
Akampito anolīno, dadeyyaṃ dānamuttamaṃ.

10. Na tassa dānaṃ dadamāno, yasaṃ lābhañca patthayim.

Sabbaññutaṃ patthayāno, tāni kammāni ācarin”ti.

Tattha **tadāti** yadā ahaṃ Akittināmako tāpaso hutvā tasmim dīpe kārāraññe viharāmi, tadā. **Manti** mama. **Tapatejenāti** silapāramitānubhāvena. Silaṃ hi duccharitasamkilesassa tapanato “tapo”ti vuccati, nekkhammavīriyapāramitānubhāvena vā. Tāpi hi taṇhāsamkilesassa kosajjassa ca tapanato “tapo”ti vuccati, ukkaṃsagatā ca tā bodhisattassa imasmim attabhāveti. Khantisamvarassa cāpi paramukkaṃsagamanato “khantipāramitānubhāvenā”tipi vattum vaṭṭateva. “Khantī paramaṃ tapo”ti¹ hi vuttam. **Santattoti** yathāvuttaguṇānubhāvajanitena dhammatāsiddhena Paṇḍukambalasilāsanassa uṇhākārena santāpito. **Tidivābhibhūti** devalokādhipati, Sakkoti attho. Paṇṇasālāya samīpe gahitampi kārapaṇṇam paṇṇasālāya araññamajjhagatattā “**pavanā ābhatan**”ti vuttam.

Atelañca alonikanti deyyadhammassa anuḷārabhāvepi ajjhāsayasampattiyā dānadhammassa mahājutikabhāvaṃ dassetum vuttam. **Mama dvāreti** mayhaṃ paṇṇasālāya dvāre. **Sakaṭāhena ākirinti** iminā attano kiñcipi asesetvā dinnabhāvaṃ dasseti.

Punesanaṃ jahitvānāti “ekadivasaṃ dvikkhattum ghāsesanaṃ na sallekhan”ti cintetvā dānapītiyā titto viya hutvā tasmim divase puna āhārapariyeṭṭhim akatvā.

Akampitoti sudūravikkhambhitattā macchariyena acalito dānajjhāsayato calanamattampi akārito. **Anolaggoti** lobhavasena īsakampi alaggo. **Tatiyampīti pi-saddena** dutiyampīti imaṃ sampiṇḍeti. **Evamevamadāsahanti** yathā paṭhamam, evamevaṃ dutiyampi tatiyampi adāsīm ahaṃ.

Na me tappaccayāti gāthāya vuttamevattham pākaṭam karoti. Tattha **tappaccayāti** dānapaccayā tīsu divasesu chinnāhāratāya sarīrasmim yena vevaṇṇiyena bhavitabbaṃ, tampi me **sarīrasmim vivaṇṇiyam** dānapaccayāyeva

1. Di 2. 42; Khu 1. 41 piṭṭhādīsu.

natthi. Kasmā? Dānavisayena **pītisukhena** dānavisayāya eva ca **ratiyā**. **Vītināmemei taṃ divanti** taṃ sakalaṃ timattadivasaṃ vītināmemei. Na kevalañca tīṇi eva divasāni, atha kho māsadvimāsamattampi kālaṃ evameva dātuṃ pahomīti dassetuṃ “**yadi māsampī**”ti-ādi vuttaṃ. **Anolīnoti** alīnacitto, dāne asaṅkucitacittoti attho.

Tassāti brāhmaṇarūpena āgatassa Sakkassa. **Yasanti** kittim, parivārasampattim vā. **Lābhañcāti** devamanussesu cakkavatti-ādibhāvena laddhabbaṃ lābhaṃ vā **na patthayim**. Atha kho sabbaññutaṃ sammāsambodhiṃ **patthayāno** ākaṅkhamāno **tāni** tīsu divasesu anekavāraṃ uppannāni dānamayāni puññakammāni dānassa vā parivārabhūtāni kāyasucaritādīni puññakammāni **ācarim** akāsinti.

Iti Bhagavā tasmim attabhāve attano sudukkaraṃ puññacaritamattameva idha mahātherassa pakāsesi. **Jātakadesanāyaṃ** pana catutthadivase Sakkassa upasaṅkamitvā bodhisattassa ajjhāsayaajānanaṃ varena upanīmantanā bodhisattassa varasampāṭicchanaśīsena dhammadesanā deyyadhammadakkhiṇeyyānaṃ puna Sakkassa anāgamaṇassa ca ākaṅkhamānatā ca pakāsītā. Vuttañhetam—

“Akittim disvāna sammantaṃ, Sakko bhūtapatī bravi.
 Kim patthayaṃ mahābrahme, eko sammasi ghammani.
 Dukkho punabbhavo Sakka¹, sarīrassa ca bhedanaṃ.
 Sammohamaṇaṇaṃ dukkhaṃ, tasmā sammāmi vāsava.
 Etasmim te sulapite, patirūpe subhāsīte.
 Varaṃ Kassapa te dammi, yaṃ kiñci manasicchasi.
 Varañce me ado Sakka, sabbabhūtānamissara.
 Yena putte ca dāre ca, dhanadhaññaṃ piyāni ca.
 Laddhā narā na tappanti, so lobho na mayī vase.
 Etasmim -pa- manasicchasi.

1. Nāma (Ka)

Varaṅce me ado Sakka, sabbabhūtānamissara.
 Khettaṃ vatthum hiraṅṅaṅca, gavāssaṃ dāsaporisaṃ.
 Yena jātena jīyanti, so doso na mayī vase.

Etasmim -pa- manasicchasi.

Varaṅce me ado Sakka, sabbabhūtānamissara.
 Bālaṃ na passe na suṅe, na ca bālena saṃvase.
 Bālena'llāpasallāpaṃ, na kare na ca rocaḃe.

Kim nu te akaraṃ bālo, vada Kassapa kāraṇaṃ.
 Kena Kassapa bālassa, dassanaṃ nābhikaṅkhasi.

Anayaṃ nayati dummedho, adhurāyaṃ niyuṅjati.
 Dunnayo seyyaso hoti, sammā vutto pakuppati.
 Vinayaṃ so na jānāti, sādhu tassa adassanaṃ.

Etasmim -pa- manasicchasi.

Varaṅce me ado Sakka, sabbabhūtānamissara.
 Dhīraṃ passe suṅe dhīraṃ, dhīrena saha saṃvase.
 Dhīrena'llāpasallāpaṃ, taṃ kare taṃ ca rocaḃe.

Kim nu te akaraṃ dhīro, vada Kassapa kāraṇaṃ.
 Kena Kassapa dhīrassa, dassanaṃ abhikaṅkhasi.

Nayaṃ nayati medhāvī, adhurāyaṃ na yuṅjati.
 Sunayo seyyaso hoti, sammā vutto na kuppati.
 Vinayaṃ so pajānāti, sādhu tena samāgamo.

Etasmim -pa- manasicchasi.

Varaṅce me ado Sakka, sabbabhūtānamissara.
 Tato ratyā vivasāne, sūriyuggamaṃ pati.
 Dibbā bhakkhā pātubhaveyyuṃ, sīlavanto ca yācakā.

Dadato me na khīyetha, datvā nānutapeyyahaṃ.
 Dadaṃ cittaṃ pasādeyyaṃ, etaṃ Sakka varaṃ vare.

Etasmim -pa- manasicchasi.

Varaṇce me ado Sakka, sabbabhūtānamissara.
 Na maṃ puna upeyyāsi, etaṃ sakka varam vare.
 Bahūhi vatacariyāhi, narā ca atha nāriyo.
 Dassanaṃ abhikaṅkhanti, kiṃ nu me dassane bhayaṃ.
 Taṃ tādisaṃ devavaṇṇaṃ, sabbakāmasamiddhinaṃ.
 Disvā tapo pamajjeyyaṃ, etaṃ te dassane bhayan”ti¹.

Atha sakko “sādhu bhante na te ito paṭṭhāya santikaṃ āgamiṣāmi”ti taṃ abhivādetvā pakkāmi. Mahāsatto yāvajīvaṃ tattheva vasanto āyupariyosāne brahmaloke nibbatti. Anuruddhatthero tadā Sakko ahoṣi. Lokanātho Akittipaṇḍito.

Tassa mahābhinnikkhamanasadisaṃ nikkhantattā **nekkhammapāramī**. Suvisuddhasīlacāratāya **śīlapāramī**. Kāma vitakkādīnaṃ suṭṭhu vikkhambhitattā **vīriyapāramī**. Khantisamvarassa paramukkamsagamanato **khantipāramī**. Paṭiññānurūpaṃ paṭipattiyā **saccapāramī**. Sabbattha acalasaṃdānādhiṭṭhānena **adhiṭṭhānapāramī**. Sabbasattesu hitajjhāsayena **mettāpāramī**. Sattasaṅkhārakata vippakāresu majjhatabhāvappattiyā **upekkhāpāramī**. Tāsaṃ upakāraṇupakāre dhamme jānitvā anupakāre dhamme pahāya upakāradhammesu pavattāpanapurecarā saha jātā ca upāyakosallabhūtā atisallekhavuttisādhanī ca paññā **paññāpāramī**ti imāpi dasa pāramiyo labbhanti.

Dānajjhāsayassa pana ati-uḷārabhāvena dānamukhena desanā pavattā. Tasmā sabbattha samakā² mahākaruṇā, dvepi puññañāṇasambhārā, kāyasucaritādīni tīṇi bodhisattasucaritāni, saccādhiṭṭhānādīni cattāri adhiṭṭhānāni, ussāhādayo catasso Buddhabhūmiyo, saddhādayo pañca mahābodhiparipācanīyā dhammā, alobhajjhāsayādayo cha bodhisattānaṃ ajjhāsayā, tiṇṇo tāressāmīti-ādayo satta paṭiññā dhammā, appicchassāyaṃ dhammo, nāyaṃ dhammo mahicchassāti-ādayo³ aṭṭha mahāpurisavitakkā, nava yonisomanasikāramūlakā dhammā, dānajjhāsayādayo dasa mahāpurisajjhāsayā, dānasīlādayo dasa puññakiriyavatthūnīti evamādayo ye anekasata-anekasahassappabhedā

1. Khu 5. 266 piṭṭhādīsu. 2. Sādhikā (Ka) 3. Dī 3. 249; Am 3. 62 piṭṭhādīsu.

bodhisambhārabhūtā mahābodhisattaguṇā, te sabbepi yathārahaṃ idha
niddhāretvā vattabbā.

Api cettha mahantaṃ bhogakkhandhaṃ mahantañca ñātiparivaṭṭaṃ
pahāya mahābhinnikkhamaṇasadiṣaṃ gehato nikkhamaṇaṃ, nikkhamitvā
pabbajitassa bahujanasaṃmatassa sato paramappicchabhāvena kulesu
gaṇesu ca alaggatā, accantameva lābhasakkārasilokajjigucchā,
pavivekābhirati, kāyajīvitanirapekkho pariccāgo, anāhārasseva sato
divasattayampi dānapītiyā parituṭṭhassa nibbikārasarīrayāpanaṃ,
māsadvimāsamattampi kālaṃ yācake sati āhāraṃ tatheva¹ datvā
“dānagateneva pītisukhena sarīraṃ yāpessāmi”ti pariccāge
anolīnavuttisādhako ulāro dānājñāsayo, dānaṃ datvā puna
āhārapariyeṭṭhiyā akaraṇahetubhūtā paramasallekhavuttīti evamādayo
mahāsattassa guṇānubhāvā veditabbā. Tenetaṃ vuccati—

“Evaṃ acchariyā hete, abbhutā ca Mahesino.
Mahākāruṇikā dhīrā, sabbalokekabandhavā.

Acinteyyānubhāvā ca, sadā saddhammagarā.
Bodhisattā mahāsattā, sucisallekhavuttino.

Mahāvātasamuddhata²-vīcimālo mahodadhi.
Api laṅheyya velantaṃ, bodhisattā na dhammataṃ.

Loke sañjātavaddhāpi, na te bhāvitabhāvino³.
Limpanti lokadhammehi, toyena padumaṃ yathā.

Yesaṃ ve attani sneho, nihīyati yathā yathā.
Sattesu karuṇāsneho, vaḍḍhateva tathā tathā.

Yathā cittaṃ vase hoti, na ca cittavasānugā.
Tathā kammaṃ vase hoti, na ca kammavasānugā.

Dosehi nābhibhūyanti, samugghātentī vā na te.
Carantā bodhipariyeṭṭhiṃ, purisā’jāniyā budhā.

1. Tasseva (Ka)

2. Samuṭṭhāta (Sī)

3. Bhāvitabhāvanā (Ka)

Tesu cittappasādopi, dukkhato parimocaye.
Pagevānukiriyā tesam, dhammassa anudhammato”ti.

Paramatthadīpaniyā Cariyāpiṭakasaṃvaṇṇanāya

Akitticariyāvaṇṇanā niṭṭhitā.

2. Saṅkhabrāhmaṇacariyāvaṇṇanā

11-12. Dutiyasmiṃ **punāparanti** puna aparaṃ, na kevalamidam Akitticariyameva, atha kho puna aparaṃ aññaṃ Saṅkha-cariyampi pavakkhissam, suṇohīti adhippāyo. Ito paresupi eseva nayo. **Saṅkhasavhayoti** Saṅkhanāmo. **Mahāsamuddaṃ taritukāmoti** suvaṇṇabhūmiṃ gantuṃ nāvāya mahāsamuddaṃ taritukāmo. **Upagacchāmi paṭṭananti** tāmalittipaṭṭanaṃ uddissa gacchāmi. Sayambhuññaṇa paccakabodhiyā adhigatattā sayameva bhūṭanti **sayambhum**. Kilesamārādīsu kenacipi na parājīṭanti **aparājītaṃ**, tiṇṇaṃ mārānaṃ matthakaṃ madditvā ṭhitanti attho. **Tattāya kaṭhinabhūmiyā**ti ghammasantāpena santattāya sakkharavālukānicittā kharāya kakkhaḷāya bhūmiyā.

13. **Tanti** taṃ Paccakabuddhaṃ. **Imamatthanti** imaṃ idāni vakkhamānaṃ “idaṃ khettaṃ”ti-ādikaṃ atthaṃ. **Vicintayinti** tadā Saṅkhabrāhmaṇabhūto cintesinti sathā vadati. Tatrāyaṃ anupubbikathā—

Atīte ayaṃ Bārāṇasī Moḷinī nāma ahosi. Moḷinīnagare Brahmadaṭṭe rajjaṃ kārente bodhisatto Saṅkha nāma brāhmaṇo hutvā aḍḍho mahaddhano catūsu nagaradvāresu nagaramajjhe attano nivesanadvāreti chasu ṭhānesu cha dānasālāyo kāretvā devasikaṃ chasatasahassāni vissajjento kapaṇaddhikādīnaṃ mahādānaṃ pavattesi. So ekadivasaṃ cintesi “ahaṃ gehe dhane khīṇe dānaṃ dātuṃ na sakkhissāmi, aparikkhīṇeyeva dhane nāvāya Suvaṇṇabhūmiṃ gantvā dhanam āharissāmi”ti. So nāvaṃ bhaṇḍassa pūrāpetvā puttadāraṃ āmantetvā “yāvāhaṃ āgacchissāmi, tāva me dānaṃ anupacchindantā pavattheyyāthā”ti vatvā dāsakammakaraparivuto upāhanaṃ āruyha chāttena dhāriyamānena paṭṭanagāmābhimukho pāyāsi.

Tasmim̄ khaṇe Gandhamādane eko Paccekabuddho sattāham̄ nirodhasamāpattim̄ samāpajjitvā nirodhasamāpattito vuṭṭhāya lokam̄ volokento tam̄ dhanāharaṇattham̄ gacchantam̄ disvā “mahāpuriso dhanam̄ āharitum̄ gacchati, bhavissati nu kho assa mahāsamudde antarāyo, no”ti āvajjetvā “bhavissatī”ti ñatvā “esa maṃ disvā chattañca upāhanañca mayham̄ datvā upāhanadānanissandena samudde bhinnāya nāvāya paṭiṭṭham̄ labhissati, karissāmi’ssa anuggahan”ti ākāsena gantvā tassa avidūre otaritvā majjhanhikasamaye caṇḍavātātapena aṅgārasanthatasadisam̄ uṇhavālukaṃ maddanto tassa abhimukham̄ āgañchi¹, so tam̄ disvāva haṭṭhatuṭṭho “puññakkhetam̄ me āgataṃ, ajja mayā ettha bījam̄ ropetum̄ vaṭṭatī”ti cintesi. Tena vuttam̄ “tamaham̄ paṭipathe disvā, imamattam̄ vicintayin”ti-ādi.

Tattha **idam̄ khettanti**-ādi cintitākārassanam̄. **Khettanti** khittam̄ bījam̄ mahapphalabhāvakaraṇena tāyatīti khettam̄, pubbaṇṇāparaṇṇaviruhanabhūmi. Idha pana khettam̄ viyāti khettam̄, aggadakkhiṇeyyo Paccekabuddho. Tenevāha “puññakāmassa jantuno”ti.

14. **Mahāgamanti** vipulaphalāgamam̄, sassasampattidāyakanti attho. **Bījam̄ na ropetīti** bījam̄ na vapati.

15. **Khettavaruttamanti** khettavaresupi uttamam̄. Sīlādiguṇasampannā hi visesato ariyasāvakā khettavarā, tatopi aggabhūto Paccekabuddho khettavaruttamo. **Kāranti** sakkāram̄. Yadi na karomīti sambandho. Idam̄ vuttam̄ hoti—idamīdisam̄ anuttaram̄ puññakkhetam̄ labhitvā tattha pūjāsakkāram̄ yadi na karomi, puññena atthiko nāmāham̄ na bhaveyyanti.

16-17. **Yathā amaccoti**-ādīnam̄ dvinnam̄ gāthānam̄ ayam̄ saṅkhepattho—**yathā** nāma yo koci raññā muddādhikāre² ṭhapito lañchanadharo amaccapuriso senāpati vā so **antepure jane** bahiddhā ca balakāyādīsu **rañño** yathānusiṭṭham̄ na paṭipajjati, **na tesam̄ dhanadhaññam̄ deti**, tam̄ tam̄ kattabbam̄ vattam̄ parihāpeti, so **muddito**³ parihāyati

1. Āgacchati (Sī, Ka)

2. Muddādhikāre (Sī, Ka)

3. Muddhato (Sī, Ka)

muddādhikāraladdhavibhavato paridhamsati, **evameva** ahampi puññakammasa rato laddhabbapuññaphalasaṅkhātāṃ **puññakāmo** dakkhiṇāya vipulaphalabhāvakarāṇena **vipulaṃ disvāna** taṃ **dakkhiṇaṃ** uḷāraṃ dakkhiṇeyyaṃ labhitvā **tassa dānaṃ yadi na dadāmi puññato** āyatim puññaphalato ca paridhamsāmi. Tasmā idha mayā puññaṃ kātabbamevāti.

Evam pana cintetvā mahāpuriso dūratova upāhanā orohitvā vegena upasaṅkamtivā vanditvā “bhante mayhaṃ anuggahatthāya imaṃ rukkhamūlaṃ upagacchathā”ti vatvā tasmim rukkhamūlaṃ upasaṅkamante tattha vālukaṃ ussāpetvā uttarāsaṅgaṃ paññāpetvā Paccekabuddhe tattha nisinne vanditvā vāsitariparissāvitena udakena tassa pāde dhovitvā gandhatelena makkhetvā attano upāhanaṃ puñchitvā gandhatelena makkhetvā tassa pāde paṭimuñcitvā “bhante imaṃ upāhanaṃ āruya imaṃ chattaṃ matthake katvā gacchathā”ti chattupāhanaṃ adāsi. Sopissa anuggahatthāya taṃ gahetvā pasādasamvaḍḍhanattham passantasseva vehāsaṃ uppatitvā Gandhamādanaṃ agamāsi. Tena vuttam—

18. “Evāham cintayitvāna, orohitvā upāhanā.

Tassa pādāni vanditvā, adāsim chattupāhanan”ti.

Bodhisatto taṃ disvā ativiya pasannacitto paṭṭanaṃ gantvā nāvaṃ abhiruhi. Athassa mahāsamuddaṃ tarantassa sattame divase nāvā vivaramadāsi. Udakaṃ ussiñcituṃ nāsakkhimsu. Mahājano maraṇabhayaabhīto attano attano devatā namassitvā mahāviraṇaṃ viravi. Bodhisatto ekaṃ upaṭṭhākaṃ gahetvā sakalasarīraṃ telena makkhetvā sappinā saddhim sakkharacuṇṇāni yāvadattham khāditvā tampi khādāpetvā tena saddhim kūpakayaṭṭhimatthakaṃ āruya “imāya disāya amhākaṃ nagaran”ti disaṃ vavatthapetvā macchakacchapaparipanthato attānaṃ saccādhīṭṭhānena pamocento tena saddhim usabhamattatṭhānaṃ atikkamtivā patitvā samuddaṃ tarituṃ ārabhi. Mahājano pana tattheva vināsaṃ pāpuṇi. Tassa tarantasseva satta divasā gatā. So tasmimpi kāle loṇodakena mukhaṃ vikkhāletvā uposathiko ahoṣiyeva.

Tadā pana īdisānaṃ purisavisesānaṃ rakkhaṇatthāya catūhi lokapālehi
 ṭhapitā Maṇimekhalā nāma devadhītā attano issariyena sattāhaṃ pamajjitvā
 sattame divase taṃ disvā “sacāyaṃ idha marissa, ativiya gārayhā
 abhavissan”ti saṃvigghadayā suvaṇṇapātiyā dibbabhojanassa pūretvā
 vegenāgantvā “brāhmaṇa idaṃ dibbabhojanaṃ bhuñjā”ti āha. So taṃ
 ulloketvā “nāhaṃ bhuñjāmi, uposathikomhī”ti paṭikkhipitvā taṃ
 pucchanto—

“Yaṃ tvaṃ sukhenā’bhisamekkhase maṃ,
 Bhuñjassu bhattaṃ iti maṃ vadesi.
 Pucchāmi taṃ nāri mahānubhāve,
 Devī nusi tvaṃ uda mānusī nū”ti¹—

āha. Sā tassa paṭivacanaṃ denti—

“Devī ahaṃ Saṅkha mahānubhāvā,
 Idhāgatā sāgaravārimajjhe.
 Anukampikā no ca paduṭṭhacittā,
 Taveva atthāya idhā’gatāsmi.
 Idha’nnapānaṃ sayanāsanañca,
 Yānāni nānāvividhāni Saṅkha.
 Sabbassa tyāhaṃ paṭipādayāmi,
 Yaṃ kiñci tuyhaṃ manasā’bhipatthitan”ti¹—

imā gāthā abhāsi. Taṃ sutvā mahāsatto “ayaṃ devadhītā samuddapiṭṭhe
 mayhaṃ ‘idañcidañca dammī’ti vadati, yañcesā mayhaṃ deti, tampi mama
 puññeneva, taṃ pana puññaṃ ayaṃ devadhītā jānāti nu kho, udāhu na
 jānāti, pucchissāmi tāva nan”ti cintetvā pucchanto imaṃ gāthamāha—

“Yaṃ kiñci yiṭṭhañca hutañca mayhaṃ,
 Sabbassa no issarā tvaṃ sugatte.
 Sussoṇi subbhūru vilaggamajjhe,
 Kissa me kammaṃ ayaṃ vipāko”ti¹.

1. Khu 5. 206 piṭṭhe.

Tattha **yiṭṭhanti** dānavasena yajitaṃ. **Hutanti** āhunapāhunavasena¹ dinnam. **Sabbassa no issarā tvanti** amhākaṃ puññakammasa sabbassa tvam issarā, “ayaṃ imassa vipāko, ayaṃ imassā”ti byākaritum² samatthā. **Sussoṇīti** sundarajaghane. **Subbhūrūti** sundarehi bhamukehi ūrūhi ca samannāgate. **Vilaggamajjheti** vilaggatanumajjhe. **Kissa meti** mayā katakammesu katarakammasa **ayaṃ vipāko**, yenāhaṃ appatiṭṭhe mahāsamudde ajja patiṭṭham labhāmīti.

Taṃ sutvā devadhītā “ayaṃ brāhmaṇo ‘yaṃ attanā kusalakammaṃ kataṃ, taṃ kammaṃ na jānāti’ti saññāya pucchati maññe, kathessāmi nan”ti nāvābhiruhanadivase Paccekabuddhassa chattupāhanadānapuññameva tassa kāraṇanti kathenti—

“Ghamme pathe brāhmaṇa ekabhikkhum,
Ugghaṭṭapādaṃ tasitaṃ kilantaṃ.
Paṭipādayī Saṅkha upāhanāni,
Sā dakkhiṇā kāmادهවා tava’jjā”ti³—

gāthamāha.

Tattha **ekabhikkhanti** ekaṃ Paccekabuddham sandhāyāha. **Ugghaṭṭapādanti** uṇhavālūkāya ghaṭṭapādaṃ, vibādhitapādanti attho. **Tasitanti** pipāsitaṃ. **Paṭipādayīti** paṭipādesi yojesi. **Kāmادهਵāti** sabbakāmadāyikā.

Taṃ sutvā mahāsatto “evarūpepi nāma appatiṭṭhe mahāsamudde mayā dinnam chattupāhanadānam mama sabbakāmadadaṃ jātam, aho sudinnan”ti tuṭṭhacitto—

“Sā hotu nāvā phalakūpapannā,
Anavassutā erakavātayuttā.
Aññassa yānassa na hettha bhūmi,
Ajjeva maṃ moḷiniṃ pāpayassū”ti⁴—

gāthamāha.

1. Āhunanapāhunavasena (Ka)

3. Khu 5. 206 piṭṭhe.

2. Jānitum (Ka)

4. Khu 5. 207 piṭṭhe.

Tattha **phalakūpapannā**ti mahānāvatāya bahūhi phalakehi upetā. Udakappavesanābhāvena **anavassutā**. Sammā gahetvā gamanakavātena **erakavātayuttā**.

Devadhītā tassa vacanam sutvā tuṭṭhahaṭṭhā dīghato aṭṭha-usabham vitthārato catu-usabham gambhīrato vīsatiyaṭṭhikam sabbaratanamayam nāvam māpetvā kūpaphiyārittayuttāni indanīlarajatasuvaṇṇamayādīni nimminivā sattanam ratanānam pūretvā brāhmaṇam āliṅgetvā¹ nāvam āropesi, upaṭṭhākam panassa na olokesi. Brāhmaṇo attanā katakalyāṇato tassa pattim adāsi, so anumodi. Atha devadhītā tampi āliṅgetvā nāvāya patiṭṭhāpetvā tam nāvam Moḷinīnagaram netvā brāhmaṇassa ghare dhanam patiṭṭhāpetvā attano vasanaṭṭhānameva agamāsi. Tenāha Bhagavā—

“Sā tattha vittā sumanā patītā,
Nāvam sucittam abhinimminivā.
Ādāya Saṅkham purisena saddhim,
Upānayī nagaram sādhumman”^{ti}2.

Mahāpurisassa hi cittasampattiyā Paccakabuddhassa ca nirodhato vuṭṭhitabhāvena sattasu cetanāsu ādicetanā diṭṭhadhammavedanīyā ati-
uḷāraphalā ca jātā. Idampi tassa dānassa appamattaphalanti daṭṭhabbam. Aparimāṇaphalam hi tam dānam bodhisambhārabhūtam. Tena vuttam—

19. “Tenevāham sataguṇato, sukhumālo sukhedhito.

Api ca dānam paripūrento, evam tassa adāsahan”^{ti}.

Tattha **tenā**ti tato Paccakabuddhato, **sataguṇatoti** sataguṇena, **aham** tadā saṅkhabhūto **sukhumālo**, tasmā **sukhedhito** sukhasamvaḍḍho, **api ca** evam santepi **dānam paripūrento**, **evam** mayham dānapāramī paripūretūti **tassa** Paccakabuddhassa attano sarīradukkham anapekkhitvā chattupāhanam **tassa** Paccakabuddhassa attano sarīradukkham anapekkhitvā chattupāhanam **adāsinti** attano dānajjhāsayassa uḷārabhāvam Satthā pavedesi.

1. Āliṅgitvā (Ka)

2. Khu 5. 207 piṭṭhe.

Bodhisattopi yāvajīvaṃ amitadhanagehaṃ ajjhāvasanto bhīyoso mattāya dānāni datvā sīlāni rakkhitvā āyupariyosāne sapaṛiso devanagaram pūresi. Tadā devadhītā Uppalavaṇṇā ahoṣi, puriso Ānandatthero, Lokanātho Saṅkhabrahmaṇo.

Tassa suvisuddhaniccasīla-uposathasīlādivasena sīlapāramī dānasīlādīnaṃ paṭipakkhato nikkhantattā kusaladhammasena nekkhammapāramī dānādiniṭṭhādanattham abbhussahanavasena tathā mahāsamuddataraṇavāyāmasena ca vīriyapāramī tadattham adhivāsanakhantivasena khantipāramī paṭiññānurūpappaṭipattiyā saccapāramī sabbattha acalasaṃdānādhiṭṭhānavasena adhiṭṭhānapāramī sabbasattesu hitajjhāsayavasena mettāpāramī sattasaṅkharakatavippakāresu majjhatabhāvappattiyā upekkhāpāramī sabbapāramīnaṃ upakāraṇupakāre dhamme jānitvā anupakāre dhamme pahāya upakāradhammesu pavattāpanapurecarā saha-jātā ca upāyakosallabhūtā paññā paññāpāramīti imāpi pāramiyo labbhanti.

Dānajjhāsayassa pana atī-ullārabhāvena dānapāramīvasena desanā pavattā. Yasmā cettha dasa pāramiyo labbhanti, tasmā heṭṭhā vuttā mahākaruṇādayo bodhisattaḡuṇā idhāpi yathārahaṃ niddhāretabbā. Tathā attano bhogasukhaṃ anapekkhitvā mahākaruṇāya “dānapāramim pūressāmī”ti dānasambhārasaṃharaṇattham samuddataraṇam, tattha ca samuddapatitassapi uposathādhiṭṭhānam, sīlakhaṇḍabhayena devadhītāyapi upagatāya āhārānāharaṇanti evamādayo mahāsattassa ḡuṇā veditabbā. Idāni vakkhamānesu sesacaritesu imināva nāyena ḡuṇaniddhāraṇam veditabbam. Tattha tattha visesamattameva vakkhāma. Tenetaṃ vuccati—

“Evaṃ acchariyā hete, abbhutā ca mahesino -pa-.

Pagevānukiriyā tesam, dhammassa anudhammato”ti.

Saṅkhabrahmaṇacariyāvaṇṇanā niṭṭhitā.

3. Kururājacariyāvaṇṇanā

20. Tatiye **Indapatthe**¹ puruttameti Indapatthanāmake Kururaṭṭhassa puravare uttamanagare. **Rājāti** dhammena samena catūhi saṅghavatthūhi parisam rañjetīti rājā. **Kusale dasahupāgatoti** kusalehi dasahi samannāgato, dānādīhi dasahi puññakiriyavatthūhi, dasahi kusalakammapathehi vā yuttoti attho.

21. **Kaliṅgaratṭhavisayāti** Kaliṅgaratṭhasaṅkhātavisayā. **Brāhmaṇā upagañchu manti** Kaliṅgarājena uyyojitā aṭṭha brāhmaṇā maṃ upasaṅkamimsu. Upasaṅkamtivā ca pana **āyācunṃ maṃ hatthināganti** hatthibhūtaṃ mahānāgaṃ maṃ āyācimsu. **Dhaññanti** dhanāyitabbasirisobhaggappattaṃ lakkhaṇasampannaṃ. **Maṅgalasammatanti** tāyayeva lakkhaṇasampattiyā maṅgalaṃ abhivuddhikāraṇanti abhisammataṃ janehi.

22. **Avuṭṭhikoti** vassarahito. **Dubbhikkhoti** dullabhabhojano. **Chātako mahāti** mahatī jighacchābādā vattatīti attho. **Dadāhīti** dehi. **Nīlanti** nīlavaṇṇaṃ. **Añjanasavhayanti** añjanasaddena avhātappaṃ, Añjananāmakanti attho. Idaṃ vuttaṃ hoti—amhākaṃ Kaliṅgaratṭhaṃ avuṭṭhikaṃ, tena idāni mahādubbhikkhaṃ tattha mahantaṃ chātakabhayaṃ uppannaṃ, tassa vūpasamatthāya imaṃ añjanagirisaṅkāsaṃ tuyhaṃ Añjananāmakāṃ maṅgalahatthiṃ dehi, imasmim hi tattha nīte devo vassissati, tena taṃ sabbabhayaṃ vūpasammissatīti, tatrāyaṃ anupubbikathā—

Atīte Kururaṭṭhe Indapatthanagare bodhisatto Kururājassa aggamaheṣiyā kucchimhi paṭisandhiṃ gahetvā anupubbena viññutaṃ patto, Takkasilaṃ gantvā yogavihitāni sippāyatanāni vijjāṭṭhānāni ca uggahetvā paccāgato pitarā uparajje ṭhapito, aparabhāge pitu accayena rajjaṃ patvā dasa rājadhamme akopento dhammena rajjaṃ kāresi Dhanañcayo nāma nāmena. So catūsu nagaradvāresu nagaramajjhe nivesanadvāreti cha dānasālāyo kāretvā devasikaṃ² chasatasahassaṃ dhanāṃ vissajjento sakalajambudīpaṃ unnaṅgalaṃ katvā dānaṃ adāsi. Tassa dānajjhāsayatā dānābhirati sakalajambudīpaṃ patthari.

1. Indapatte (Sī)

2. Devasikaṃ devasikaṃ (Sī, Ka)

Tasmim kāle Kaliṅgaraṭṭhe dubbhikkhabhayam chātakabhayam rogabhayanti tīṇi bhayāni uppajjimsu. Sakalaraṭṭhavāsino Dantapuram gantvā rājabhavanadvāre ukkuṭṭhimakasu “devam vassāpehi devā”ti. Rājā tam sutvā “kimkāraṇā ete viravanti”ti amacce pucchi. Amaccā rañño tamattham ārocesum. Rājā porāṇakarājāno deve avassante kim karontīti. “Devo vassatū”ti dānam datvā uposatham adhiṭṭhāya samādinnaṣilā sirigabbham pavisitvā dabbasanthare sattāham nipajjantīti. Tam sutvā tathā akāsi. Devo na vassi, evam rājā aham mayā kattabbakiccam akāsim, devo na vassati, kinti karomāti. Deva Indapatthanagare Dhanañcayassa nāma Kururājassa maṅgalaṭṭhimhi ānīte devo vassissatīti. So rājā balavāhanasampanno duppasaho, kathamassa hatthim ānessāmāti. Mahārāja tena saddhim yuddhakiccam natthi, dānajjhāsayo so rājā dānābhirato yācito samāno alaṅkatasāmpī chinditvā pasādasampannāni akkhīnīpi uppāṭetvā sakalaraṭṭhampi niyyātetvā dadeyya, hatthimhi vattabbameva natthi, avassam yācito samāno dassatīti. Ke pana yācituṃ samatthāti. Brāhmaṇā mahārājāti. Rājā aṭṭha brāhmaṇe pakkosāpetvā sakkārasammānam katvā paribbayaṃ datvā hatthiyācanattham pesesi. Te sabbattha ekarattivāsena turitagamanam gantvā katipāham nagaradvāre dānasālāsu bhuñjantā sarīram santappetvā rañño dānaggaṃ āgamanapathe kālam āgamayamānā pācīnadvāre aṭṭhamasu.

Bodhisattopi pātova nhātānulitto sabbālaṅkārapaṭimaṇḍito alaṅkatavaravāraṇakhandhagato mahantena rājānubhāvena dānasālam gantvā otarivā sattaṭṭhajanānam sahatthena dānam datvā “imināva nīhārena dethā”ti vatvā hatthim abhiruhitvā dakkhiṇadvāram āgamāsi. Brāhmaṇā pācīnadvāre ārakkhassa balavatāya okāsam alabhitvā dakkhiṇadvāram gantvā rājānam āgacchantam ullokayamānā dvārato nātidūre unnataṭṭhāne ṭhitā sampattam rājānam hatthe ukkhipitvā jayāpesum. Rājā vajiraṅkusena vāraṇam nivattetvā tesam santikam gantvā te brāhmaṇe¹ “kim icchathā”ti pucchi. Brāhmaṇā “Kaliṅgaraṭṭham dubbhikkhabhayena chātakabhayena rogabhayena ca upaddutam, so upaddavo imasmim tava maṅgalaṭṭhimhi

1. Bhonto brāhmaṇā (Sī)

nīte vūpasammissati, tasmā imaṃ añjanavaṇṇaṃ nāgaṃ ambhākaṃ dehī”ti āhaṃsu. Tamatthaṃ pakāsentō Satthā āha “Kaliṅgaratṭhavisayā -pa-añjanasavhayan”ti. Tassattho vutto eva.

Atha bodhisatto “na metaṃ patirūpaṃ, yaṃ me yācakānaṃ manorathaviḅhāto siyā, mayhañca samādānabhedo siyā”ti hatthikkhandhato otarivā “sace alaṅkatakataṭṭhānaṃ atthi, alaṅkaritvā dassāmi”ti samantato oloketvā alaṅkatakataṭṭhānaṃ adisvā soṇḍāya naṃ gahetvā brāhmaṇānaṃ hatthesu ṭhapetvā ratanabhiṅgārena pupphagandhavāsitaṃ udakaṃ pātetvā adāsi. Tena vuttaṃ—

23. “Na me yācakamanuppatte, paṭikkhepo anucchavo.
Mā me bhijji samādānaṃ, dassāmi vipulaṃ gajaṃ.

24. Nāgaṃ gahetvā soṇḍāya, bhiṅgāre ratanāmaye.
Jalaṃ hatthe ākiritvā, brāhmaṇānaṃ adaṃ gajan”ti.

Tattha **yācakamanupatteti** yācake anuppatte. **Anucchavoti** anucchaviko patirūpo. **Mā me bhijji samādānanti** sabbaññutaññāpatthāya sabbassa yācakassa sabbaṃ anavajjaṃ icchitaṃ dadanto dānapāramiṃ pūressāmīti yaṃ mayhaṃ samādānaṃ, taṃ mā bhijji. Tasmā **dassāmi vipulaṃ gajanti** mahantaṃ imaṃ maṅgalahatthiṃ dassāmīti. **Adanti** adāsim.

25. Tasmim̄ pana hatthimhi dinne amaccā bodhisattaṃ etadavocum̄ “kasmā mahārāja maṅgalahatthiṃ dadattha, nanu añño hatthī dātabbo, raññā nāma evarūpo opavayho maṅgalahatthī issariyaṃ abhivijayañca ākaṅkhantena na dātabbo”ti. Mahāsatto yaṃ maṃ yācakā yācanti, tadeva mayā dātabbaṃ sace pana maṃ rajjaṃ yāceyyum̄, rajjampi tesam̄ dadeyyam̄, mayhaṃ rajjatopi jīvitatopi sabbaññutaññānameva piyataraṃ, tasmā taṃ hatthiṃ adāsinti āha. Tena vuttaṃ “**tassa nāge padinnamhī**”ti-ādi. Tattha **tassāti** tassa tena, tasmim̄ **nāge** hatthimhi dinne.

26. **Maṅgalasampannanti** maṅgalaguṇehi samannāgataṃ. **Saṅgānavijayuttamanti** saṅgānavijayā uttamaṃ, saṅgānavijaye vā uttamaṃ padhānaṃ pavaraṃ nāgaṃ. **Kim̄ te**

rajjam karissatīti tasmim nāge apagate tava rajjam kim karissati,
rajjakiccam na karissati, rajjampi apagatamevāti dasseti.

27. **Rajjampi me dade sabbanti** tiṭṭhatu nāgo tiracchānagato, idam me sabbam Kururaṭṭhampi yācakānam dadeyyam. **Sarīram dajjamattanoti** rajjepi vā kim vattabam, attano sarīrampi yācakānam dadeyyam, sabbopi hi me ajjhattikabāhiro pariggaho lokahitathameva mayā pariccatto. Yasmā **sabbaññutam piyam mayham** sabbaññutā ca dānapāramim ādim katvā sabbapāramiyo apūrentena na sakkā laddhum, tasmā nāgam adāsīm ahanti dasseti.

Evampi tasmim nāge ānīte Kalīngaraṭṭhe devo na vassateva. Kalīngarājā “idānipi na vassati, kim nu kho kāraṇam”ti pucchitvā “Kururājā garudhamme¹ rakkhati, tenassa raṭṭhe anvaddhamāsam anudasāham devo vassati, rañño guṇānubhāvo esa, na imassa tiracchānagatassā”ti jānitvā “mayampi garudhamme rakkhissāma, gacchatha Dhanañcayakorabyassa santike te suvaṇṇapaṭṭe likhāpetvā ānethā”ti amacce pesesi. Garudhammā vuccantipaṅca sīlāni, tāni bodhisatto suparisuddhāni katvā rakkhati, yathā ca bodhisatto, evamassa mātā aggamaheśī kaniṭṭhabhātā uparājā purohito brāhmaṇo rajjuggāhako amacco sārathī seṭṭhi doṇamāpako dovāriko nagarasobhinī vaṇṇadāsīti. Tena vuttam—

“Rājā mātā mahesī ca, uparājā purohito.

Rajjuggāho sārathī seṭṭhi, doṇo dovāriko tathā.

Gaṇikā te ekādasa, garudhamme patiṭṭhitā”ti.

Te amaccā bodhisattam upasaṅkamitvā vanditvā tamattham ārocesum. Mahāsatto “mayham garudhamme kukkucam atthi, mātā pana me surakkhitam rakkhati, tassā santike gaṇhathā”ti vatvā tehi “mahārāja kukkucam nāma sikkhākāmassa sallekhavuttino hoti, detha no”ti yācito “pāṇo na hantabbo, adinam na ādātabbam, kāmesumicchācāro na caritabbo, musā na bhaṇitabbam, majjam na pātabban”ti suvaṇṇapaṭṭe likhāpetvā “evam santepi mātu santike gaṇhathā”ti āha.

1. Kurudhamme (Si, Ka)

Dūtā rājānaṃ vanditvā tassā santikaṃ gantvā “devi tumhe kira garudhammaṃ rakkhatha, taṃ no dethā”ti vadimsu. Bodhisattassa mātāpi tatheva attano kukkuccassa atthibhāvaṃ vatvāva tehi yācitā adāsi. Tathā mahesi-ādayopi. Te sabbesampi santike suvaṇṇapaṭṭe garudhamme likhāpetvā Dantapuraṃ gantvā Kaliṅgarañño datvā taṃ pavattiṃ ārocesuṃ. Sopi rājā tasmim dhamme vattamāno pañca silāni pūresi. Tato sakalakaliṅgaraṭṭhe devo vassi. Tīṇi bhayāni vūpasantāni. Raṭṭhaṃ khemaṃ subhikkhaṃ ahosi. Bodhisatto yāvajjivaṃ dānādīni puññāni katvā saporiso saggapuraṃ pūresi. Tadā gaṇikādayo Uppalavaṇṇādayo ahesuṃ. Vuttañhetam—

“Gaṇikā Uppalavaṇṇā, Puṇṇo dovāriko tadā.
Rajjuggāho ca Kaccāno, doṇamāpako ca Kolito.
Sāriputto tadā seṭṭhi, Anuruddho ca sārathi.
Brāhmaṇo Kassapo thero, uparājā’ nandapaṇḍito.
Mahesī Rāhulamātā, māyādevī janettikā.
Kukurājā bodhisatto, evaṃ dhāretha jātakaṃ”ti¹.

Idhāpi nekkhammapārami-ādayo sesadhammā ca vuttanayeneva niddhāretabbāti².

Kukurājacariyāvaṇṇanā niṭṭhitā.

4. Mahāsudassanacariyāvaṇṇanā

28. Catutthe **Kusāvatiṃhi nagareti** Kusāvatināmake nagare, yasmim ṭhāne etarahi Kusinārā niviṭṭhā. **Mahīpatīti** khattiyo, nāmena **Mahāsudassano** nāma. **Cakkavattīti** cakkaratanaṃ vatteti, catūhi vā sampatticakkehi vattati, tehi ca param pavatteti, parahitāya ca iriyāpathacakkānaṃ vatto etasmim atthītipi cakkavattī. Atha vā catūhi acchariyadhammehi saṅgahavatthūhi ca samannāgatena³ parehi anabhibhavanīyassa anatikkamanīyassa āṇasaṅkhātassa cakkassa vatto etasmim atthītipi **cakkavattī**.

1. Dhammapada-Ṭṭha 2. 362 piṭṭhe. 2. Veditabbāti (Ka) 3. Samannāgamena (Ka)

pariṇāyakaratanapubbaṅgmena hatthiratanādipamukhena mahābalakāyena puññānubhāvanibbattena kāyabalena ca samannāgatattā **mahabbalo. Yadā āsinti** sambandho. Tatrāyaṃ anupubbikathā—

Atīte kira mahāpuriso Sudassanattabhāvato tatiye attabhāve gahapatikule nibbatto dharamānakassa Buddhassa sāsane ekaṃ theram araññāvāsam vasantaṃ attano kamma araññaṃ pavittḥo rukkhamūle nisinnaṃ disvā “idha mayā ayyassa paṇṇasālam kātuṃ vaṭṭatī”ti cintetvā attano kammaṃ pahāya dabbasambhāram chinditvā nivāsayoggaṃ paṇṇasālam katvā dvāram yojetvā kaṭṭhattharaṇam katvā “karissati nu kho paribhogam, na nu kho karissati”ti ekamante nisīdi. Thero antogāmato āgantvā paṇṇasālam pavisitvā kaṭṭhattharaṇe nisīdi. Mahāsattopi nam upasaṅkamitvā “phāsukā bhante paṇṇasālā”ti pucchi. Phāsukā bhaddamukha pabbajitasārūpātī. Vasissatha bhante idhāti. Āma upāsakātī. So adhvāsanaṅkāreṇeva “vasissati”ti nātvā “nibaddham mayham gharadvāram āgantabban”ti paṭijānāpetvā niccam attano ghareyeva bhāvissaggaṃ kārapesi. So paṇṇasālāyaṃ kaṭṭhasāraṇam pattharivā mañcapīṭham paññāpesi, apassenam nikkhipi, pādakaṭṭhalikam ṭhāpesi, pokkharāṇim khaṇi, caṅkamaṃ katvā vālukam okiri, parissayavinodanattam paṇṇasālam kaṭṭhakavatiyā parikkhipi, tathā pokkharāṇim caṅkamañca. Tesam antovatipariyante tālapantiyo ropesi. Evamādinā āvāsam niṭṭhāpetvā therassa ticīvaram ādim katvā sabbam samaṇaparikkhāram adāsi. Therassa hi tadā bodhisattena ticīvarapiṇḍapātapattathālakaparissāvanadhamakaraṇaparibhogabhājana chattupāhana-udakatumba¹sūcikkattarayaṭṭhi-ārakaṭṭhakapipphalinakhacchedanapadīpeyyādi pabbajitānam paribhogajātam adinnam nāma nāhosi. So pañca sīlāni rakkhanto uposatham karonto yāvajīvam theram upaṭṭhahi. Thero tattheva vasanto arahattaṃ patvā parinibbāyi.

29. Bodhisattopi yāvātāyukam puññaṃ katvā devaloke nibbattitvā tato cuto manussalokam āgacchanto Kusāvatiyā rājadhāniyā nibbattitvā Mahāsudassano nāma rājā ahoṣi cakkavattī. Tassi’ssariyānubhāvo “bhūtapubbam Ānanda rājā Mahāsudassano nāma ahoṣi

1. Udakakumbhi (Sī)

khattiyo muddhāvasitto”ti-ādinā nayena sutte¹ āgato eva. Tassa kira caturāsīti nagarasahassāni Kusāvatiṛājadhānippamukhāni, caturāsīti pāsādasahassāni dhammapāsādappamukhāni, caturāsīti kūṭāgārasahassāni mahābyūhakūṭāgārappamukhāni, tāni sabbāni tassa therassa katāya ekissā paṇṇasālāya nissandena nibbattāni, caturāsīti pallaṅkasahassāni nāgasahassāni assasahassāni rathasahassāni tassa dinnassa mañcapīṭhassa, caturāsīti maṇisahassāni tassa dinnassa padīpassa, caturāsīti pokkharāṇisahassāni ekapokkharāṇiyā, caturāsīti itthisahassāni puttahassāni gahapatisahassāni ca pattathālakādiparibhogārahassa pabbajitaparikkhāradānassa, caturāsīti dhenusahassāni pañcagorasadānassa, caturāsīti vatthakoṭṭhasahassāni nivāsanapārūpanadānassa, caturāsīti thālīpākasahassāni bhojanadānassa nissandena nibbattāni. So sattahi ratanehi catūhi iddhīhi ca samannāgato rājādhirājā hutvā sakalaṃ sāgarapariyantam pathavimaṇḍalaṃ dhammena abhivijjiya ajjhāvasanto anekasatesu ṭhānesu dānasālāyo kāretvā mahādānaṃ paṭṭhapesi. Divasassa tikkhattuṃ nagare bherim carāpesi “yo yaṃ icchati, so dānasālāsu āgantvā taṃ gaṇhātū”ti. Tena vuttaṃ “**tatthāhaṃ divase tikkhattuṃ, ghosāpemi tahirṃ tahirṃ**”ti-ādi.

Tattha **tatthā**ti tasmim nagare. “Tadāhan”tipi pāṭho, tassa tadā ahaṃ, Mahāsudassanakāleti attho. **Tahirṃ tahirṃ**ti tasmim tasmim ṭhāne, tassa tassa pākārassa anto ca bahi cāti attho. **Ko kim icchatī**ti brāhmaṇādīsu yo koci satto annādīsu deyyadhammesu yaṃ kiñci icchati. **Patthetī**ti tasseva vevacanaṃ. **Kassa kim dīyatu dhananti** anekavāraṃ pariyāyantarehi ca dānaghosānāya pavattitabhāvadassanattham vuttaṃ, etena dānapāramiyā sarūpaṃ dasseti. Deyyadhammapaṭiggāhakavikapparahitā hi bodhisattānaṃ dānapāramīti.

30. Idāni dānaghosānāya tassa tassa deyyadhammassa anucchavikapuggalaparikkittanaṃ dassetuṃ “**ko chātako**”ti-ādi vuttaṃ.

1. Dī 2. 139 piṭṭhādīsu.

Tattha **chātakoti** jighacchito. **Tasitoti** pipāsito. **Ko mālaṃ ko vilepanantipi** “icchatī”ti padaṃ ānetvā yojetabbaṃ. **Naggoti** vatthavikalo, vatthena atthikoti adhippāyo. **Paridahissatīti** nivāsissati.

31. **Ko pathe chattamādetīti** ko pathiko pathe magge attano vassavātātaparakkhaṇatthaṃ chattaṃ gaṇhāti, chattaṃ atthikoti attho. **Kopāhanā mudū subhāti** dassanīyatāya subhā sukhasamphassatāya mudū upāhanā attano pādānaṃ cakkhūnaṅca rakkhaṇatthaṃ. **Ko ādetīti** ko tāhi atthikoti adhippāyo. **Sāyaṅca pāto cāti** ettha **ca**-saddena majjhanhike cāti āharitvā vattabbaṃ. “Divase tikkhattuṃ ghosāpemī”ti hi vuttaṃ.

32. **Na taṃ dasasu ṭhānesūti** taṃ dānaṃ na dasasu ṭhānesu paṭiyattanti yojanā. **Napi ṭhānasatesu vā paṭiyattaṃ**, api ca kho anekasatesu ṭhānesu paṭiyattaṃ. **Yācake dhananti** yācake uddissa dhanāṃ paṭiyattaṃ upakkhaṭaṃ. Dvādasayojanāyāme hi nagare sattayojanavittate sattaṃ pākāraṇātesu satta tālapantiparikkhepā, tāsu tālapantīsu caturāsīti pokkharāṇisahasāni pāṭiyekkaṃ pokkharāṇitīre mahādānaṃ paṭṭhapitaṃ. Vuttañhetāṃ Bhagavatā—

“Paṭṭhapesi kho Ānanda rājā Mahāsudassano tāsāṃ pokkharāṇīnaṃ tīre evarūpaṃ dānaṃ annaṃ annatthikassa pānaṃ pānatthikassa vatthaṃ vatthatthikassa yānaṃ yānatthikassa sayanaṃ sayanatthikassa itthiṃ itthitthikassa hiraññaṃ hiraññatthikassa suvaṇṇaṃ suvaṇṇatthikassā”ti¹.

33. Tatthāyaṃ dānassa pavattitākāro—mahāpuriso hi itthīnaṅca purisānaṅca anucchavike alaṅkāre kāretvā itthimattameva tattha paricāravasena² sesāṅca sabbaṃ pariccāgavasena ṭhapetvā “rājā Mahāsudassano dānaṃ deti, taṃ yathāsukhaṃ paribhuñjathā”ti bheriṃ carāpesi. Mahājanā pokkharāṇitīraṃ gantvā nhatvā vatthādīni nivāsetvā mahāsampattiṃ anubhavitvā yesāṃ tādīsāni atthi, te pahāya

1. Dī 2. 147 piṭṭhe.

2. Parivāravasena (Ka)

gacchanti. Yesam natthi, te gahetvā gacchanti. Ye hatthiyānādīsupi nisīditvā yathāsukham vicarivā varasayanesupi sayivā sampattim anubhavitvā itthīhipi saddhim sampattim anubhavitvā sattavidharatanapasādhanāni pasādhavā sampattim anubhavitvā yaṃ yaṃ atthikā, taṃ taṃ gahetvā gacchanti, anathikā ohāya gacchanti. Tampi dānam uṭṭhāya samuṭṭhāya devasikāṃ dīyateva. Tadā Jambudīpavāsīnam aññaṃ kammaṃ natthi, dānam paribhuñjantā sampattim anubhavantā vicaranti. Na tassa dānassa kālaparicchedo ahoṣi. Rattiñcāpi divāpi yadā yadā atthikā āgacchanti, tadā tadā dīyateva. Evaṃ mahāpuriso yāvajīvaṃ sakalajambudīpaṃ unnaṅgalāṃ katvā mahādānaṃ pavattesi. Tena vuttaṃ “**divā vā yadi vā rattim, yadi eti vanibbako**”¹ ādi.

Tattha **divā vā yadi vā rattim yadi etīti** etenassa yathākālam dānaṃ dasseti. Yācakānaṃ hi lābhāsāya upasaṅkamanakālo eva bodhisattānaṃ dānassa kālo nāma. **Vanibbakoti** yācako. **Laddhā yadicchakam bhoganti** etena yathābhūcitatā dānaṃ. Yo yo hi yācako yaṃ yaṃ deyyadhammaṃ icchati, tassa tassa taṃtadeva bodhisatto deti. Na tassa mahagghadullabhādibhāvaṃ attano uparodham cintesi. **Pūrahatthova gacchatīti** etena yāvadicchakam dānaṃ dasseti, yattakam hi yācakā icchanti, tattakam apanihāpetvāva mahāsatto deti uḷārajjhāsayatāya ca mahiddhikatāya ca.

34. “**Yāvajīvikan**”^{ti} etena dānassa kālapariyantābhāvaṃ dasseti. Samādānato paṭṭhāya hi mahāsattā yāvapāripūri vemajjhe na kālaparicchedaṃ karonti, bodhisambhārasambharaṇe saṅkocābhāvena antarantarā avosānāpattito maraṇeṇapi anupacchedo eva, tato parampi tatheva paṭipajjanato, “yāvajīvikan”^{ti} pana Mahāsudassanacaritassa vasena vuttaṃ. **Napāham dessorā dhanam dhammīti** idaṃ dhanam nāma mayham na dessorā amanāpanti evarūpaṃ mahādānaṃ dento gehato ca dhanam nīharāpemi. **Napi natthi nicayo mayīti** mama samīpe dhananicayo dhanasaṅgaho nāpi natthi, sallekhavuttisamaṇo viya asaṅgahopi na homīti attho. Idaṃ yena ajjhāsayena tassidaṃ mahādānaṃ pavattitaṃ, taṃ dassetuṃ vuttaṃ.

1. Vanibbako (Ka)

35. Idāni taṃ upamāya vibhāvetuṃ “**yathāpi āturo nāmā**”ti-ādimāha. Tatthidaṃ upamāsaṃsandanena saddhiṃ atthadassanaṃ—yathā nāma **āturo** rogābhibhūto puriso rogato attānaṃ parimocetukāmo **dhanena** hiraññasuvaṇṇādinā **vejjaṃ** tikicchakaṃ **tappetvā** ārādhetvā yathāvidhi paṭipajjanto tato **rogato** vimuccati.

36. **Tatheva** evameva ahampi aṭṭabhūtaṃ¹ sakalalokaṃ kilesarogato sakalasaṃsāradukkharogato ca parimocetukāmo tassa tato parimocanassa ayaṃ sabbasāpateyyapariccāgo dānapārami-upāyoti **jānamāno** bujjhamāno **asesato** deyyadhammassa paṭiggāhakānañca vasena anavasesato mahādānassa vasena sattānaṃ ajjhāsayaṃ **paripūretuṃ** attano ca na mayhaṃ dānapāramī paripuṇṇā, tasmā **ūnamananti** pavattaṃ ūnaṃ manam **pūrayithuṃ** pavattayituṃ **vanibbake** yācake **adāsīm taṃ dānaṃ** evarūpaṃ mahādānaṃ dadāmi, tañca kho tasmim dānadhamme tassa ca phale **nirālayo** anapekkho **apaccāso** kiñcipi apaccāsīsamāno kevalaṃ **sambodhimanupattiyā** sabbaññutaññānameva adhigantuṃ **demīti**.

Evam mahāsatto mahādānaṃ pavattento attano puññānubhāvanibbattaṃ dhammapāsādaṃ abhiruyha mahābyūhakūṭāgāradvāre eva kāmavitakkādayo nivattetvā tattha sovaṇṇamaye rājapallanke nisinno jhānābhiññāyo nibbattetvā tato nikkhamitvā sovaṇṇamayam kūṭāgāraṃ pavisitvā tattha rajatamaye pallanke nisinno cattāro brahmavihāre bhāvetvā caturāsīti vassasahassāni jhānasamāpattīhi vītināmetvā maraṇasamaye dassanāya upagatānaṃ Subhaddādevīpamukhānaṃ caturāsītiyā itthāgārasahassānaṃ amaccapārisajjādīnañca—

“Aniccā vata saṅkhārā, uppādavayadhammino.

Uppajjitvā nirujjhanti, tesaṃ vūpasamo sukho”ti²—

imāya gāthāya ovaditvā āyupariyosāne brahmalokaparāyano ahoṣi. Tadā Subhaddādevī Rāhulamātā ahoṣi. Pariṇāyakaratanam Rāhulo. Sesaparisā Buddhaparisā. Mahāsudassano pana Lokanātho.

1. Andhatthabhūtaṃ (Sī)

2. Dī 2. 129, 161; Saṃ 1. 160, 398 piṭṭhādīsu.

Idhāpi dasa pāramiyo sarūpato labbhanti eva, dānajjhāsayassa pana ulāratāya dānapāramī eva **Pāḷiyam** āgatā. Sesadhammā heṭṭhā vuttanayā eva. Tathā ulāre sattaratanasamujjale catudīpissariyepi tḥitassa tādisaṃ bhogasukhaṃ analaṅkaritvā kāmavitakkādayo dūrato vikkhambhetvā tathārūpe mahādāne pavattentasseva caturāsīti vassasahassāni samāpattihi vītināmetvā aniccatādīpaṭisaṃyuttaṃ dhammakathaṃ katvāpi vipassanāya anussukkanam sabbattha anissaṅgatāti evamādayo guṇānubhāvā niddhāretabbāti.

Mahāsudassanacariyāvaṇṇanā niṭṭhitā.

5. Mahāgovindacariyāvaṇṇanā

Pañcame **sattarājapurohitoti** sattabhū-ādīnam sattannaṃ rājūnaṃ sabbakiccānusāsakapurohito. **Pūjito naradevehīti** tehi eva aññehi ca Jambudīpe sabbeheva khattiyehi catupaccayapūjāya sakkārasammānena ca pūjito. **Mahāgovindabrāhmaṇoti** mahānubhāvatāya govindassābhisekena abhisittatāya ca “Mahāgovindo”ti saṅkhaṃ gato brāhmaṇo, abhisittakālato paṭṭhāya hi bodhisattassa ayaṃ samañña jāta, nāmena pana **Jotipālo** nāma. Tassa kira jātadivase sabbāvudhāni jotimsu. Rājāpi paccūsasamaye attano maṅgalāvudhaṃ pajjalitaṃ disvā bhīto attano purohitaṃ bodhisattassa pitaraṃ upaṭṭhānaṃ āgataṃ pucchitvā “mā bhāyi mahārāja mayhaṃ putto jāto, tassānubhāvena na kevalaṃ rājageheyeva, sakalanagarepi āvudhāni pajjaliṃsu, na taṃ nissāya tuyhaṃ antarāyo atthi, sakalajambudīpe pana paññāya tena samo na bhavissati, tassetam pubbanimittan”ti purohitena samassāsito tuṭṭhacitto “kumārassa khīramūlaṃ hotū”ti sahasaṃ datvā “vayappattakāle mayhaṃ dassethā”ti āha. So vuddhippatto aparabhāge alamattadasso sattannaṃ rājūnaṃ sabbakiccānusāsako hutvā pabbajitvā ca satte diṭṭhadhammikasamparāyikehi anattthehi pāletvā atthehi niyojesi. Iti jotitattā

pālanasamatthatāya ca “Jotipālo”tissa nāmaṃ akaṃsu. Tena vuttaṃ
“nāmena Jotipālo nāmā”ti¹.

Tattha bodhisatto Disampatissa nāma rañño purohitassa
Govindabrāhmaṇassa putto hutvā attano pitu tassa ca rañño accayena tassa
putto Reṇu saḥāyā cassa Sattabhū Brahmaddatto Vessabhū Bharato dve ca
Dhataratthāti ime satta rājāno yathā aññamaññaṃ na vivadanti, evaṃ rajje
patiṭṭhāpetvā tesam atthadhamme anusāsanto Jambudīpatale sabbesam
rājūnaṃ aññesaṅca brāhmaṇānaṃ devanāgagahapatikānaṃ sakkato garukato
mānito pūjito apacito uttamaṃ gāraṇatthānaṃ patto ahoṣi. Tassa
atthadhammesu kusalatāya “Mahāgovindo”tveva samañña udapādi. Yathāha
“Govindo vata bho brāhmaṇo, Mahāgovindo vata bho brāhmaṇo”ti². Tena
vuttaṃ—

37. “Punāparaṃ yadā homi, sattarājapurohito.

Pūjito naradevehi, Mahāgovindabrāhmaṇo”ti.

Atha bodhisattassa puññānubhāvasamussāhitehi rājūhi tesam anuyuttehi
khattiyehi brāhmaṇagahapatikehi negamajānapadehi ca uparūpari upanīto
samantato mahogho viya ajjhottharamāno aparimeyyo uḷāro lābhasakkāro
uppari yathā taṃ aparimāṇāsu jātisu upacitavipulapuññaṅcayassa
uḷārābhijātassa parisuddhasīlacārassa pesalassa pariyodātasabbasippassa³
sabbasattesu puttasadisamahākaruṇāvippārasiniddhamuduhadayassa. So
cintesi “etarahi kho mayhaṃ mahālābhasakkāro, yannūnāhaṃ iminā
sabbasatte santappetvā dānapāramiṃ paripūreyyan”ti. So nagarassa majjhe
catūsu dvāresu attano nivesanadvāreti cha dānasālāyo kāretvā devasikaṃ
aparimitadhanapariccāgena mahādānaṃ pavattesi. Yaṃ yaṃ upāyanaṃ
ānīyati, yaṅca attano atthāya abhisankharīyati, sabbaṃ taṃ dānasālāsu eva
pesesi. Evaṃ divase divase mahāpariccāgaṃ karontassa cassa cittassa titti
vā santoso vā nāhoṣi, kuto pana saṅkoco. Dānaggaṃ cassa lābhāsāya
āgacchantehi deyyadhammaṃ gahetvā gacchantehi ca mahāsattassa ca
guṇavisese kittayantehi mahājanakāyehi antonagaraṃ

1. Dī 2. 186 piṭṭhe.

2. Dī 2. 187 piṭṭhe.

3. Pariyositasabbasippassa (Ka)

bahinagarañca samantato ekoghabhūtaṃ
kappavutṭhānamahāvāyusaṃghaṭṭaparibbhamitaṃ viya mahāsamuddaṃ
ekakolāhalaṃ ekaninnādaṃ ahoṣi. Tena vuttaṃ—

38. “Tadāhaṃ sattarajjesu, yaṃ me āsi upāyanaṃ.

Tena demi mahādānaṃ, akkhobhaṃ sāgarūpamaṃ”ti.

Tattha **tadāhanti** yadā sattarājapurohito Mahāgovindabrāhmaṇo homi,
tadā ahaṃ. **Sattarajjesūti** Reṇu-ādīnaṃ sattannaṃ rājūnaṃ rajjesu.
Akkhobhanti abbhantarehi ca bāhirehi ca paccatthikehi appaṭisedhanīyatāya
kenaci akkhobhanīyaṃ. “Accubbhan”tipi¹ pāṭho, atipuṇṇadānājjhāsayaṣsa
deyyadhammassa ca ulārabhāvena vipulabhāvena ca ativiya paripuṇṇanti
attho. **Sāgarūpamanti** sāgarasadiṣaṃ, yathā sāgare udakaṃ sakalenaṃ
lokena harantena khepetuṃ na sakkā, evaṃ tassa dānagge deyyadhammanti.

39. Osānagāthāya **varaṃ dhananti** uttamaṃ icchitaṃ vā dhanam. Sesam
vuttanayameva.

Evaṃ mahāsatto paṭhamakappikamahāmegho viya mahāvassaṃ
avibhāgena mahantaṃ dānavassaṃ vassāpento² dānabyāvaṇo hutvāpi sesam
sattannaṃ rājūnaṃ atthadhamme appamatto anusāsati. Satta ca
brāhmaṇamahāsāle vijjāsippaṃ sikkhāpeti. Satta ca nhātakasatāni mante
vāceti. Tassa aparena samayena evaṃ kalyāṇo kittisaddo abbhuggato
“sakkhi Mahāgovindo brāhmaṇo brahmānaṃ passati, sakkhi Mahāgovindo
brāhmaṇo brahmunā sākaccheti sallapati mantetī”ti³. So cintesi “etarahi kho
mayhaṃ ayaṃ abhūto kittisaddo abbhuggato ‘brahmānaṃ passati sakkhi
Mahāgovindo brāhmaṇo brahmunā sākaccheti sallapati mantetī’ti,
yannūnāhaṃ imaṃ bhūtaṃ eva kareyyan”ti. So “te satta rājāno satta ca
brāhmaṇamahāsāle satta ca nhātakasatāni attano puttadārañca āpucchitvā
brahmānaṃ passeyyan”ti cittaṃ paṇidhāya vassike cattāro māse
brahmavihārabhāvanamanuyuñji. Tassa cetasā cetoparivitakkamaññāya
brahmā sanaṅkumāro purato pāturaḥosi. Taṃ disvā mahāpuriso pucchi—

1. “Acchan”tipi (Sī)

2. Vassanto (Sī)

3. Dī 2. 190 piṭṭhādīsu.

“Vaṇṇavā yasavā sirimā, ko nu tvamasi mārisa.
Ajānantā taṃ pucchāma, katham jānemu taṃ mayan”¹.

Tassa brahmā attānaṃ jānāpento—

“Maṃ ve kumāraṃ jānanti, brahmaloke sanantanaṃ.
Sabbe jānanti maṃ devā, evaṃ Govinda jānāhi”¹—

vatvā tena—

“Āsanaṃ udakaṃ pajjaṃ, madhusākañca brahmuno.
Agghe bhavantaṃ pucchāma, agghaṃ kurutu no bhavan”¹—

upanītaṃ atithisakkāraṃ anattikopi brahmā tassa cittasampahaṃsanatthaṃ
vissāsakaraṇatthañca sampañcchanta “paṭiggaṇhāma te agghaṃ, yaṃ tvam
Govinda bhāsasi”¹ti vatvā okāsadānatthaṃ—

“Diṭṭhadhammahitatthāya, samparāyasukhāya ca.
Katāvakaṃso pucchassu, yaṃkiñci abhipatthitan”¹—

okāsamakāsi.

Atha naṃ mahāpuriso samparāyikaṃ eva atthaṃ—

“Pucchāmi brahmānaṃ Sanaṅkumāraṃ,
Kaṅkhī akaṅkhiṃ paravediyesu.
Katthaṭṭhito kimhi ca sikkhamāno,
Pappoti macco amataṃ brahmalokaṃ”²—

Pucchi.

Tassa brahmā byākaronto—

“Hitvā mamattaṃ manujesu brahme,
Ekodibhūto karuṇe’dhimutto.
Nirāmagandho virato methunasmā,
Etthaṭṭhito ettha ca sikkhamāno.
Pappoti macco amataṃ brahmalokaṃ”²—

brahmalokagāmimaggaṃ kathesi.

1. Dī 2. 193 piṭṭhe.

2. Dī 2. 194 piṭṭhe.

Tattha **maṃ ve kumāraṃ jānantīti** ve ekaṃsena maṃ “kumāro”ti jānanti. **Brahmaloketi** seṭṭhaloke. **Sanantananti** ciratanam porāṇam. **Evaṃ Govinda jānāhīti** Govinda evaṃ maṃ dhārehi.

Āsananti idam bhoto brahmuno nisīdanatthāya āsanam paññattam. Idam **udakam** paribhojanīyam pādānam dhovanattham pānīyam pipāsaharaṇatthāya. Idam **pajjam** parissamavinodanattam pādabbhañjanatelaṃ. Idam **madhusākam** atakkam aloṇikam adhūpanam udakena seditam sākam sandhāya vadati. Tadā hi bodhisattassa taṃ cātumāsam brahmacariyam abhisallekhavuttiparamukkaṭṭham ahoṣi. Tassime sabbe **agghe** katvā **pucchāma**, tayidaṃ **aggham kurutu** paṭiggaṇhātu **no bhavaṃ** idam agghanti vuttam hoti. Iti mahāpuriso brahmuno nesam aparibhuñjanam jānantopi vattasīse ṭhatvā attano āciṇṇam atithipūjanam dassento evamāha. Brahmāpissa adhippāyam jānanto “paṭiggaṇhāma te aggham, yaṃ tvaṃ Govinda bhāsasī”ti āha.

Tattha tassa te āsane mayam nisinnā nāma homa, pādodakena pādā dhotā nāma hontu, pānīyam pītā nāma homa, pādabbhañjanena pādā makkhitā nāma hontu, udakasākampi paribhuttam nāma hotūti attho.

Kaṅkhī akaṅkhim paravediyesūti aham savicikiccho parena sayam abhisankhatattā parassa pākaṭesu paravediyesu pañhesu nibbicikiccham.

Hitvā mamattanti “idam mama, idam mamā”ti pavattanakam upakaraṇataṇham cajitvā. **Manujesūti** sattesu. **Brahmeti** bodhisattam ālapati. **Ekodibhūtoti** eko udeti pavattatīti ekodibhūto ekībhūto, etena kāyavivekam dasseti. Atha vā eko udetīti ekodi, samādhi. Tam bhūto pattoti **ekodibhūto**, upacārappanāsamādhīhi samāhitoti attho. Etam ekodibhāvam karuṇābrahmavihāravasena dassento “**karuṇedhimutto**”ti āha. Karuṇajjhāne adhimutto, tam jhānam nibbattetvāti attho. **Nirāmagandhoti** kilesasaṅkhātavissagandharahito. **Etthaṭṭhitoti** etesu dhammesu ṭhito ete dhamme sampādetvā. **Ettha ca sikkhamānoti** etesu dhammesu

sikkhamāno¹, etaṃ brahmavihārabhāvanam bhāventoti attho. Ayamettha saṅkhepo, vitthāro pana **Pāliyam**² āgatoyevāti.

Atha mahāpuriso tassa brahmuno vacanam sutvā āmagandhe jigucchanto “idānevāham pabbajissāmī”ti āha. Brahmāpi “sādhu mahāpurisa pabbajassu, evam sati mayhampi tava santike āgamanam svāgamanameva bhavissati, tvaṃ tāta sakalajambudīpe aggapuriso paṭhamavaye ṭhito, evam mahantam nāma sampattim issariyaṅca pahāya pabbajanam nāma gandhahatthino ayobandhanam chinditvā vanagamanam viya ati-uḷaram, Buddhatanti nāmesā”ti mahābodhisattassa daḷhikammaṃ katvā brahmalokameva gato. Mahāsattopi “mama ito nikkhamitvā pabbajanam nāma na yuttam, aham rājakulānam attham anusāsāmi, tasmā tesam ārocetvā sace tepi pabbajanti sundarameva, no ce purohitaṭṭhānam niyyātetvā pabbajissāmī”ti cintetvā Reṇussa tāva raṅṅo ārocetvā tena bhiyyoso mattāya kāmehi nimantiyamāno attano samvegahetum ekantena pabbajitukāmataṅcassa nivedetvā tena “yadi evam ahampi pabbajissāmī”ti vutte “sādhu”ti sampatiṅcchitvā eteneva nayena Sattabhū-ādayo cha khattiye satta ca brāhmaṇamahāsāle satta ca nhātakasatāni attano bhariyāyo ca āpucchitvā sattāhamattameva tesam cittānurakkhaṇattham ṭhatvā mahābhinnikkhamanasadisam nikkhamitvā pabbaji.

Tassa te sattarājāno ādim katvā sabbeva anupabbajimsu. Sā ahosi mahatī parisā, anekayojanavitthārāya parisāya parivuto mahāpuriso dhammam desento gāmanigamajanapadarājadhānīsu cārikam carati, mahājanam puṅṅe patiṭṭhāpeti. Gatagataṭṭhāne Buddhakolāhalam viya hoti. Manussā “Govindapaṇḍito kira āgacchatī”ti sutvā puretarameva maṇḍapam kāretvā tam alaṅkārapetvā paccuggantvā maṇḍapam pavesetvā nānagarasabhojanena patimānenti. Mahālābhasakkāro mahogho viya ajjhottharanto uppajji. Mahāpuriso mahājanam puṅṅe patiṭṭhāpesi sīlasampadāya indriyasamvare bhōjane mattaññutāya jāgariyānuyoge kasiṇaparikamme jhānesu abhiññāsu aṭṭhasamāpattisu brahmavihāresūti. Buddhuppādakālo viya ahosi.

1. Ete sikkhamāno (Sī, Ka)

2. Dī 2. 178 piṭṭhādīsu.

Bodhisatto yāvatāyukaṃ pāramiyo pūrento samāpattisukhena vītināmetvā āyupariyosāne brahmaloke nibbatti. Tassa taṃ brahmacariyaṃ iddhañceva phītañca vitthārikaṃ bāhujaññaṃ puthubhūtaṃ yāva devamanussehi suppakāsitaṃ ciraṃ dīghamaddhānaṃ pavattittha. Tassa ye sāsanaṃ sabbena sabbam ājāniṃsu, te kāyassa bhedaṃ paraṃ maraṇā sugatiṃ brahmalokaṃ upapajjiṃsu. Ye na ājāniṃsu, te appekacce Paranimmitavasavattīnaṃ devānaṃ saḥabyataṃ upapajjiṃsu. Appekacce Nimmānaratīnaṃ -pa- Tusitānaṃ yāmānaṃ Tāvatiṃsānaṃ Cātumahārājikānaṃ devānaṃ saḥabyataṃ upapajjiṃsu. Ye sabbanihīnā, te gandhabbakāyaṃ paripūresuṃ. Iti mahājano yebhuyyena brahmalokūpago saggūpago ca ahoṣi. Tasmā devabrahmalokā paripūriṃsu. Cattāro apāyā suññā viya ahesuṃ.

Idhāpi **Akittijātake**¹ viya bodhisambhāraniddharaṇā veditabbā— tadā satta rājāno mahātherā ahesuṃ, sesaparisaṃ Buddhaparisaṃ, Mahāgovindo Lokanātho. Tathā Reṇu-ādīnaṃ sattannaṃ rājūnaṃ aññamaññāvirodhena yathā sakarajje patiṭṭhāpanaṃ, tathā mahati sattavidhe rajje tesam atthadhammānusāsane appamādo, “brahmunāpi sākacchaṃ samāpajjati”ti pavattasambhāvanaṃ yathābhūtaṃ kātuṃ cattāro māse paramukkaṃsagato brahmacariyavāso, tena brahmuno attani samāpajjanaṃ, brahmuno ovāde ṭhatvā sattahi rājūhi sakalena ca lokena upanītaṃ lābhasakkāraṃ kheḷapiṇḍaṃ viya chaḍḍetvā aparimāṇāya khattiyabrāhmaṇādiparisāya anupabbajjānimitṭhāya pabbajjāya anuṭṭhānaṃ², Buddhānaṃ sāsanaṃ viya attano sāsanaṃ cirakālānuppabandhoti evamādayo guṇānubhāvā vibhāvetabbāti.

Mahāgovindacariyāvaṇṇanā niṭṭhitā.

6. Nimirājacariyāvaṇṇanā

40. Chaṭṭhe **Mithilāyaṃ puruttameti** Mithilānāmake Videhānaṃ uttamanagare. **Nimi nāma mahārājāti** nemim ghaṭento viya uppanno “Nimī”ti laddhanāmo, mahantehi dānasīlādiguṇavisesehi mahatā

1. Khu 5. 266 piṭṭhādīsu.

2. Anupaṭṭhānaṃ (Ka)

ca rājānubhāvena samannāgatattā mahanto rājāti mahārājā. **Paṇḍito kusalatthikoti** attano ca paresaṅca puññatthiko.

Atīte kira Videharaṭṭhe Mithilānagare amhākaṃ bodhisatto Maghadevo¹ nāma rājā ahoṣi. So caturāsīti vassasahassāni kumārakīlaṃ kīlītvā caturāsīti vassasahassāni uparajjaṃ kāretvā caturāsīti vassasahassāni rajjaṃ kārento “yadā me sirasmiṃ palitāni passeyyāsi, tadā me āroceyyāsi”ti kappakassa vatvā aparabhāge tena palitāni disvā ārocite suvaṇṇasaṇḍāsena uddharāpetvā hatthe patiṭṭhāpetvā palitaṃ oloketvā “pātubhūto kho mayhaṃ devadūto”ti saṃvegajāto “idāni mayā pabbajitum vaṭṭati”ti cintetvā satasahassuṭṭhānakaṃ gāmvaram kappakassa datvā jeṭṭhakumāraṃ pakkosāpetvā tassa—

“Uttamaṅgaruhā mayhaṃ, ime jātā vayoharā.

Pātubhūtā devadūtā, pabbajjāsamayo mamā”ti²—

vatvā sādhukaṃ rajje samanūsāsītvā yadipi attano aññānipi caturāsīti vassasahassāni āyu atthi, evaṃ santepi maccuno santike ṭhitāni viya attānaṃ maññamāno saṃviggahadayo pabbajjaṃ roceti. Tena vuttaṃ—

“Sirasmiṃ palitaṃ disvā, Maghadevo disampati.

Saṃvegaṃ alabhī dhīro, pabbajjaṃ samarocayī”ti³.

So puttaṃ “imināva nihārena vatteyyāsi yathā mayā paṭipannaṃ, mā kho tvaṃ antimapuriso ahoṣi”ti ovaditvā nagarā nikkhamma bhikkhupabbajjaṃ pabbajitvā caturāsīti vassasahassāni jhānasamāpattīhi vītināmetvā āyupariyosāne brahmalokaparāyano ahoṣi. Puttopissa bahūni vassasahassāni dhammena rajjaṃ kāretvā teneva upāyena pabbajitvā brahmalokaparāyano ahoṣi. Tathā tassa putto, tathā tassa puttoti evaṃ dvīhi ūnāni caturāsīti khattiyasahassāni sīse palitaṃ disvāva pabbajitāni. Atha bodhisatto brahmaloke ṭhitova “pavattati nu kho mayā manussaloke kataṃ kalyāṇaṃ na pavattati”ti āvajjento

1. Makhādevo (Sī) 2. Khu 5. 3 piṭṭhe. 3. Ma-Ṭṭha 3. 215 piṭṭhepi passitabbaṃ.

addasa “ettakaṃ addhānaṃ pavattaṃ, idāni nappavattissatī”ti. So “na kho paṇāhaṃ mayhaṃ paveṇiyā ucchijjituṃ dassāmi”ti attano vaṃse jātaraṅṅo eva aggamaheṣiyā icchimhi paṭisandhiṃ gaṇhitvā attano vaṃsassa nemim̃ ghaṭento viya nibbatto. Tena vuttaṃ “nemim̃ ghaṭento viya uppannoti Nimīti laddhanāmo”ti.

Tassa hi nāmaggaḥaṇadivase pitarā ānītā lakkhaṇapāṭhakā lakkhaṇāni oloketvā “mahārāja ayaṃ kumāro tumhākaṃ vaṃsaṃ paggaṇhāti, pitupitāmahehipi mahānubhāvo mahāpuṅṅo”ti byākarim̃su. Taṃ sutvā rājā yathāvuttenatthena “Nimī”tissa nāmaṃ akāsi, so daharakā lato paṭṭhāya sīle uposathakamme ca yuttappayutto ahoṣi. Athassa pitā purimanayeneva palitaṃ disvā kappakassa gāmvaram̃ datvā puttaṃ rajje samanūsāsivā nagarā nikkhamma pabbajivā jhānāni nibbattetvā brahmalokaparāyano ahoṣi.

Nimirājā pana dānājḥāsayaṭāya catūsu nagaradvāresu nagaramajḥe cāti pañca dānasālāyo kāretvā mahādānaṃ pavattesi, ekekāya dānasālāya sataṣahassaṃ sataṣahassaṃ katvā devasikaṃ pañcasataṣahassaṃ pariccaji, pañca silāni rakkhi, pakkhadivasesu uposathakammaṃ samādiyi, mahājanampi dānādīsu puṅṅesu samādapesi, saggamaggaṃ ācikkhi, nirayabhayena tajjesi, pāpato nivāresi. Tassa ovāde ṭhatvā mahājano dānādīni puṅṅāni katvā tato cuto devaloke nibbatti, devaloko paripūri, nirayo tuccho viya ahoṣi. Tadā pana attano dānājḥāsayaṣsa uḷārabhāvaṃ savisesaṃ dānapāramiyā pūritabhāvaṃca pavedento Satthā—

41. “Tadāhaṃ māpayitvāna, catussālaṃ catummukhaṃ.

Tattha dānaṃ pavattesiṃ, migapakkhinarādinan”ti—

ādīmāha.

Tattha **tadā**ti tasmim̃ Nimirājakāle. **Māpayitvānā**ti kārapetvā. **Catussālanti** catūsu disāsu sambandhasālaṃ. **Catummukhanti** catūsu disāsu catūhi dvārehi yuttaṃ. Dānasālāya hi mahantabhāvato deyyadhammassa yācakajanassa ca bahubhāvato na sakkā ekeneva

dvārena dānadhammaṃ pariyaṅgaṃ kātum deyyadhammaṃca
 pariyoṣāpetunti sālāya catūsu disāsu cattāri mahādvārāni kārāpesi. Tattha
 dvārato paṭṭhāya yāva koṇā deyyadhammo rāsikato tiṭṭhati. Aruṅgam
 ādim katvā yāva pakatiyā saṃvesanakālo, tāva dānaṃ pavatteti. Itarasmimpi
 kāle anekasatā padīpā jhāyanti. Yadā yadā atthikā āgacchanti, tadā tadā
 dīyateva. Taṃca dānaṃ na kapaṇaddhikavanibbakayācakānaññeva, atha kho
 aḍḍhānaṃ mahābhogānampi upakappanavasena Mahāsudassanadānasadisāṃ
 uḷāratarapaṇītatarānaṃ deyyadhammānaṃ pariccajanato sabbepi
 sakalajambudīpavāsino manussā paṭiggahesuṃ ceva paribhuñjimsu ca.
 Sakalajambudīpaṃ hi unnaṅgalaṃ katvā mahāpuriso tadā mahādānaṃ
 pavattesi. Yathā ca manussānaṃ, evaṃ migapakkhike ādim katvā
 tiracchānagatānampi dānasālāya bahi ekamante tesāṃ upakappanavasena
 dānaṃ pavattesi. Tena vuttaṃ “tattha dānaṃ pavattesiṃ,
 migapakkhinarādinan”ti. Na kevaḷaṃca tiracchānānameva, petānampi¹
 divase divase pattim dāpesi. Yathā ca ekissā dānasālāya, evaṃ pañcasupi
 dānasālāsu dānaṃ pavattittha. **Pāliyaṃ** pana “tadāhaṃ māpayitvāna,
 catussālaṃ catummukhaṃ”ti ekaṃ viya vuttaṃ, taṃ nagaramajjhe
 dānasālaṃ sandhāya vuttaṃ.

42. Idāni tattha deyyadhammaṃ ekadesena dassento “**acchādanaṃca
 sayanaṃ, annaṃ pānaṃca bhojanaṃ**”ti āha.

Tattha **acchādananti** khomasukhumādinānāvidhanivāsanapārūpanaṃ.
Sayananti mañcapallaṅkādiñceva gonakacittakādiñca anekavidhaṃ
 sayitabbakaṃ, āsanampi cettha sayanaggahaṇeṃeva gahitanti daṭṭhabbaṃ.
Annaṃ pānaṃca bhojananti tesāṃ tesāṃ sattānaṃ yathābhūcītaṃ
 nānaggarasaṃ annaṃceva pānaṃca avasiṭṭhaṃ nānāvidhabhojanavikatiñca.
Abbocchinnāṃ karitvānāti ārambhato paṭṭhāya yāva āyupariyoṣānā
 ahorattaṃ avicchinnaṃ katvā.

43-4. Idāni tassa dānassa sammāsambodhiṃ ārabha
 dānapāramibhāvena pavattitabhāvaṃ dassento yathā tadā attano ajjhāsayo
 pavatto, taṃ upamāya dassetuṃ “**yathāpi sevakō**”ti-ādimāha. Tassattho—
 yathā nāma sevakapuriso attano sāmikaṃ kālānukālaṃ

1. Devatānampi (Ka)

sevanavasena upagato laddhabbadhanahetu kāyena vācāya manasā sabbathāpi kāyavacīmanokammehi yathā so ārādhito hoti, evaṃ **ārādhanīyaṃ** ārādhanameva **esati** gavesati, tathā **ahampi** bodhisattabhūto sadevakassa lokassa sāmibhūtaṃ anuttaraṃ **Buddhabhāvaṃ sevetukāmo** tassa ārādhanatthaṃ **sabbabhava** sabbasmim̐ nibbattanibbattabhava dānapāramiparipūraṇavasena **dānena**¹ sabbasatte santappetvā bodhisāṅkhātato ariyamaggañāṇato jātattā “**bodhijan**”ti laddhanāmaṃ sabbaññutaññāṇaṃ parato sabbathā nānūpāyehi esissāmi gavesissāmi, taṃ **uttamaṃ bodhiṃ** sammāsambodhiṃ jīvitapariccāgādiṃ yaṃkiñci katvā **icchāmi** abhipatthemīti.

Evamidha dānajjhāsayaassa uḷārabhāvaṃ dassetuṃ dānapāramivaseneva desanā katā. **Jātakadesanāyaṃ**² panassa sīlapārami-ādinampi paripūraṇaṃ vibhāvīteva, tathā hissa heṭṭhā vuttanayeneva sīlādiḡuṇehi attānaṃ alaṅkaritvā mahājanaṃ tattha patiṭṭhapentassa-ovāde ṭhatvā nibbattadevatā Sudhammāyaṃ devasabhāyaṃ sannipatitā “aho amhākaṃ Nimirājānaṃ nissāya mayāṃ imaṃ sampattim̐ pattā, evarūpāpi nāma anuppanne Buddhē mahājanassa **Buddhakiccaṃ sādhayamānā acchariyamanussā** loke uppajjanti”ti mahāpurisassa ḡuṇe vaṇṇentā abhitthaviṃsu. Tena vuttaṃ—

“Accheraṃ vata lokasmim̐, uppajjanti vicakkhaṇā.

Yadā ahu Nimirājā, paṇḍito kusalatthiko”ti³—

ādi.

Taṃ sutvā Sakkāṃ Devānamindaṃ ādiṃ katvā sabbe devā bodhisattaṃ daṭṭhukāmā ahesuṃ. Athekadivasāṃ mahāpurisassa uposathikassa uparipāsādaragatassa pacchimayāme pallaṅkaṃ ābhujitvā nisinnassa evaṃ cetaso parivitakko udapādi “dānaṃ nu kho varaṃ, udāhu brahmacariyaṃ”ti. So taṃ attano kaṅkhaṃ chindituṃ nāsakkhi. Tasmim̐ khaṇe Sakkassa bhavanaṃ uḅhākāraṃ dassesi. Sakko taṃ kāraṇaṃ āvajjento bhodhisattaṃ tathā vitakkentaṃ disvā “handassa vitakkaṃ chindissāmi”ti āgantvā purato ṭhito tena “kosi tvaṃ”ti puṭṭho attano devarājabhāvaṃ

1. Dhanena (Sī)

2. Khu 6. 184 piṭṭhādīsu.

3. Khu 6. 184 piṭṭhe.

ārocetvā “kiṃ mahārāja cintesī”ti vutte tamatthaṃ ārocesi. Sakko brahmacariyameva uttamaṃ katvā dassento—

“Hīnena brahmacariyena, khattiye upapajjati.

Majjhimena ca devattaṃ, uttamena visujjhati.

Na he’te sulabhā kāyā, yācayogena kenaci.

Ye kāye upapajjanti, anagārā tapassino”ti¹—

āha.

Tattha puthutitthāyatanesu methunaviratimattaṃ **hīnaṃ brahmacariyaṃ** nāma, tena khattiyakule upapajjati. Jhānassa upacāramattaṃ **majjhimaṃ** nāma, tena devattaṃ upapajjati. Aṭṭhasamāpattinibbattaṃ pana **uttamaṃ** nāma, tena brahmaloke nibbattati. Taṃ hi bāhirakā “nibbānaṃ”ti kathenti. Tenāha “visujjhatī”ti. Sāsane pana parisuddhasīlassa bhikkhuno aññataraṃ devanikāyaṃ patthentassa brahmacariyacetaṇā hīnatāya **hīnaṃ** nāma, tena yathāpatthite devaloke nibbattati. Parisuddhasīlassa aṭṭhasamāpattinibbattaṃ **majjhimaṃ** nāma, tena brahmaloke nibbattati. Parisuddhasīlassa pana vipassanaṃ vaḍḍhetvā arahattappatti **uttamaṃ** nāma, tena visujjhatīti. Iti sakko “mahārāja dānato brahmacariyavāsova sataguṇena sahasaguṇena satahasaguṇena mahapphalo”ti vaṇṇesi. **Kāyā**ti brahmagaṇā. **Yācayogenā**ti yācanayuttana. “Yājayogenā”tipi Pāḷi, yajanayuttana, dānayuttenāti attho. **Tapassinoti** tapanissitakā. Imāyapi gāthāya brahmacariyavāsasseva mahānubhāvataṃ dīpeti. Evañca pana vatvā “kiñcāpi mahārāja dānato brahmacariyameva mahapphalaṃ, dvepi panete mahāpurisakattabbāva. Dvīsupi appamatto hutvā dānañca dehi sīlañca rakkhāhi”ti vatvā taṃ ovaditvā sakaṭṭhānameva gato.

Atha naṃ devagaṇo “mahārāja kuhiṃ gatattā”ti āha. Sakko “Mithilāyaṃ Nimirañño kaṅkhaṃ chinditun”ti tamatthaṃ pakāsetvā bodhisattassa guṇe vitthārato vaṇṇesi. Taṃ sutvā devā “mahārāja mayaṃ Nimirājānaṃ daṭṭhukāmamaḥā, sādhu naṃ pakkosāpehi”ti vadimsu. Sakko “sādhu”ti sampañcchitvā mātaliṃ āmantesi “gaccha Nimirājānaṃ Vejayantaṃ āropetvā

1. Khu 6. 185 piṭṭhe.

ānehī”ti. So “sādhū”ti sampatiçchitvā rathena gantvā tattha mahāsattaṃ āropetvā tena yācito yathākkamaṃ pāpakammīnaṃ puññakammīnaṃca tñānāni ācikkhanto anukkamena devalokaṃ nesi. Devāpi kho “Nimirājā āgato”ti sutvā dibbagandhavāsapupphahatthā yāva cittaḷakūṭadvārakoṭṭhakā paccuggantvā mahāsattaṃ dibbagandhādīhi pūjentā Sudhammaṃ devasabhaṃ ānayimsu. Rājā rathā otarivā devasabhaṃ pavisitvā Sakkena saddhiṃ ekāsane nisīditvā tena dibbehi kāmehi nimantiyamāno “alaṃ mahārāja mayhaṃ imehi yācitatūpamehi kāmehi”ti paṭikkhipitvā anekapariyāyena dhammaṃ desetvā manussagaṇānāya sattāhameva tñatvā “gacchāmahaṃ manussalokaṃ, tattha dānādīni puññāni karissāmi”ti āha. Sakko “Nimirājānaṃ mithilaṃ nehī”ti mātalīṃ āṇāpesi. So taṃ Vejayantarathaṃ āropetvā pācīnadisābhāgena Mithilaṃ pāpuṇi. Mahājano dibbarathaṃ disvā rañño paccuggamaṃ akāsi. Mātali sīhapaṅjare mahāsattaṃ otāretvā āpucchitvā sakaṭṭhānameva gato. Mahājanopi rājānaṃ parivāretvā “kīdiso deva devaloko”ti pucchi. Rājā devalokasampattiṃ vaṇṇetvā “tumhepi dānādīni puññāni karoṭha, evaṃ tasmīṃ devaloke uppajjissathā”ti dhammaṃ desesi. So aparabhāge pubbe vuttanayena palitaṃ disvā puttassa rajjaṃ paṭicchāpetvā kāme pahāya pabbajitvā cattāro brahmavihāre bhāvetvā brahmalokūpago ahoṣi. Tadā Sakko Anuruddho ahoṣi. Mātali Ānando. Caturāsīti rājasahassāni Buddhaparisā. Nimirājā Lokanātho.

Tassa idhāpi heṭṭhā vuttanayeneva bodhisambhārā niddhāretabbā. Tathā brahmalokasampattiṃ pahāya pubbe attanā pavattitaṃ kalyāṇavattaṃ anuppabandhessāmīti mahākaruṇāya manussaloke nibbattaṃ, uḷāro dānājjhāsayo, tadanurūpā dānādīsu paṭipatti, mahājanassa ca tattha paṭiṭṭhāpanaṃ, yāva devamanussānaṃ patthaṭayasatā, Sakkassa devarājassa upasaṅkamaṃc ativimhayatā¹, tena dibbasampattiyā nimantiyamānopi taṃ analaṅkaritvā puññasambhāraparibrūhanatthaṃ puna manussavāsūpagamaṃ, lābhasampattīsu sabbattha alaggabhāvoti evamādayo guṇānubhāvā niddhāretabbāti.

Nimirājacariyāvaṇṇanā niṭṭhitā.

1. Avimhayatā (Ka)

7. Candakumāracariyāvaṇṇanā

45. Sattame **ekarājassa atrajoti** Ekarājassa nāma Kāsirañño orasaputto. **Nagare Pupphavatiyāti** Pupphavatināmake nagare. **Candasavhayoti** candasaddena avhātabbo, Candanāmoti attho.

Atīte kira ayaṃ Bārāṇasī Pupphavatī nāma ahoṣi. Tattha Vasavattirañño putto Ekarājā nāma rajjaṃ kāresi. Bodhisatto tassa Gotamiyā nāma aggamaheṣiyā kucchimhi paṭisandhiṃ aggahesi, “Candakumāro” tissa nāmamakaṃsu. Tassa padasā gamanakāle aparopi putto uppanno, tassa “Sūriyakumāro” ti nāmamakaṃsu. Tassa padasā gamanakāle ekā dhītā uppannā, “Selā” tissa nāmamakaṃsu. Vemātikā ca nesaṃ Bhaddaseno Sūro cāti dve bhātaro ahesuṃ. Bodhisatto anupubbena vuddhippatto sippesu ca vijjāṭṭhānesu ca pārāṃ agamāsi. Tassa rājā anucchavikaṃ Candam nāma rājadhītaram ānetvā uparajjaṃ adāsi. Bodhisattassa eko putto uppanno, tassa “Vāsulo” ti¹ nāmamakaṃsu. Tassa pana rañño Khaṇḍahālo nāma purohito, taṃ rājā vinicchaye ṭhapesi. So lañjavittako² hutvā lañjaṃ gahetvā assāmike sāmike karoti. Sāmike ca assāmike karoti. Athekadivasam aṭṭaparājito eko puriso vinicchayaṭṭhāne upakkosento nikkhamitvā rājūpaṭṭhānaṃ gacchantam bodhisattam disvā tassa pādesu nipatitvā “sāmi Khaṇḍahālo vinicchaye vilopam khādati, aham tena lañjaṃ gahetvā parājayaṃ pāpito” ti aṭṭassaramakāsi. Bodhisatto “mā bhāyī” ti taṃ assāsetvā vinicchayaṃ netvā sāmikameva sāmikaṃ akāsi. Mahājano mahāsaddena sādhuḥkāramadāsi.

Rājā “bodhisattena kira aṭṭo suvinicchito” ti sutvā taṃ āmantevā “tāta ito paṭṭhāya tvameva aṭṭakaraṇe vinicchayaṃ vinicchinaṃhī” ti vinicchayaṃ bodhisattassa adāsi. Khaṇḍahālassa āyo pacchijji. So tato paṭṭhāya bodhisatte āghātam bandhitvā otārāpekkho vicari. So pana rājā mudhappasanno³, so ekadivasam supinantena devalokaṃ passitvā tattha gantukāmo hutvā

1. Vasulo (Ka)

2. Lañjavitakko (Sī)

3. Muddhappasanno (Sī)

“purohitam brahmalokagāmimaggam ācikkhā”ti āha. So “atidānam dadanto sabbacatukkena yaññam yajassū”ti vatvā raññā “kim atidānan”ti puṭṭho “attano piyaputtā piyabhariyā piyadhītarō mahāvibhavaseṭṭhino maṅgalahatthi-assādayoti ete cattāro cattāro katvā dvipadacatuppade yaññatthāya pariccājitvā tesam galalohitena yajanam atidānam nāmā”ti saññāpesi. Iti so “saggamaggam ācikkhissāmī”ti nirayamaggam ācikkhi.

Rājāpi tasmim paṇḍitasāññī hutvā “tena vuttavidhi saggamaggo”ti saññāya tam paṭipajjitukāmo mahantaṃ yaññāvāṭam kārāpetvā tatha bodhisattādike cattāro rājakumāre ādim katvā Khaṇḍahālena vuttam sabbam dvipadacatuppadam yaññapasutaṭṭhāne nethāti āṇāpesi. Sabbañca yaññasambhāram upakkhaṭam ahoṣi. Tam sutvā mahājano mahantaṃ kolāhalaṃ akāsi. Rājā vippaṭṭisārī hutvā Khaṇḍahālena upatthambhito punapi tathā tam āṇāpesi. Bodhisatto “khaṇḍahālena vinicchayaṭṭhānam alabhantena mayi āghātam bandhitvā mameva maraṇam icchantena mahājanassa anayabyasanam uppāditan”ti jānitvā nānāvidhehi upāyehi rājānam tato duggahitaggāhato vivecetum vāyamitvāpi nāsakkhi. Mahājano paridevi, mahantaṃ kāruṇṇamakāsi. Mahājanassa paridevantasseva yaññāvāṭe sabbakammāni niṭṭhāpesi. Rājaputtam netvā gīvāya nāmetvā nisīdāpesum. Khaṇḍahālo suvaṇṇapātim upanāmetvā khaggaṃ ādāya “tassa gīvam chindissāmī”ti aṭṭhāsi. Tam disvā Candā nāma rājaputtassa devī “aññam me paṭisaraṇam natthi, attano saccabalena sāmikassa sotthim karissāmī”ti añjalim paggayha parisāya antare vicarantī “idaṃ ekanteneva pāpakammaṃ, yaṃ Khaṇḍahālo saggamaggoti karoti. Iminā mayhaṃ saccavacanena mama sāmikassa sotthi hotu.

Yā devatā idha loke, sabbā tā saraṇam gatā.

Anātham tāyatha mamaṃ, yathāhaṃ patimā siyan”ti¹—

saccakiriyamakāsi. Sakko devarājā tassā paridevanasaddam sutvā tam pavattim ṇatvā jalitam ayokūṭam ādāya āgantvā rājānam

1. Yā devatā idhāgatā, yāni ca yakkhabhūtabhabyāni. Saraṇesinim anātham tāyatha mam, yācāmaṃ patimāham ajeyyanti. (Khu 6. 255 piṭṭhe)

tāsetvā sabbe vissajjāpesi. Sakkopi tadā attano dibbarūpaṃ dassetvā sampajjalitaṃ sajotibhūtaṃ vajiraṃ paribbhamanto “are pāparāja kālakaṇṇi kadā tayā pāṇātipātena sugatigamaṇaṃ diṭṭhapubbaṃ, Candakumāraṃ sabbañca imaṃ janaṃ bandhanato mocehi, no ce mocessasi, ettheva te imassa ca duṭṭhabrāhmaṇassa sīsaṃ phālessāmi”ti ākāse aṭṭhāsi. Taṃ acchariyaṃ disvā rājā brāhmaṇo ca sīghaṃ sabbe bandhanā mocesuṃ.

Atha mahājano ekakolāhalaṃ katvā sahasā yaññāvāṭaṃ ajjhottharivā Khaṇḍahālassa ekekaṃ leḍḍuppahāraṃ dento tattheva naṃ jīvitaṃ kkhayaṃ pāpetvā rājānampi māretuṃ ārabhi. Bodhisatto puretameva pitaraṃ palissajitvā ṭhito māretuṃ na adāsi. Mahājano “jīvitaṃ tāvassa pāparañño dema, chattaṃ panassa na dassāma, nagare vāsaṃ vā na dassāma, taṃ caṇḍālaṃ katvā bahinagare vāsāpessāma”ti rājavesaṃ hāretvā kāsāvaṃ nivāsāpetvā haliddipilotikāya sīsaṃ veṭhetvā caṇḍālaṃ katvā caṇḍālagāmaṃ paṇiṃsu. Ye pana taṃ pasughātayaññaṃ yajimsu ceva yajāpesuṃ ca anumodiṃsu ca, sabbe te nirayaparāyaṇā ahesuṃ. Tenāha Bhagavā—

“Sabbe pavitṭhā nirayaṃ, yathā taṃ pāpakaṃ karitvāna.

Na hi pāpakammaṃ katvā, labbhā sugatiṃ ito gantun”ti¹.

Atha sabbāpi rājaparisā nāgarā ceva jānapadā ca samāgantvā bodhisattaṃ rajje abhisīcīsu. So dhammena rajjaṃ anusāsanto taṃ attano mahājanassa ca akāraṇeneva uppannaṃ anayabyasanaṃ anussaritvā samvegajāto puññakiriyāsu bhīyoso mattāya ussāhajāto mahādānaṃ pavattesi, sīlāni rakkhi, uposathakammaṃ samādiyi. Tena vuttaṃ—

46. “Tadāhaṃ yajānā mutto, nikkhanto yaññāvāṭato.

Samvegaṃ janayitvāna, mahādānaṃ pavattayin”ti—

ādi.

1. Khu 6. 256 piṭṭhe.

Tattha **yajanā muttoti** Khaṇḍahālena vihitayaññavidhito vuttanayena ghātetabbato mutto. **Nikkhanto yaññavāṭatoti** abhisekakaraṇatthāya ussāhajātena mahājanena saddhim̐ tato yaññabhūmito niggato. **Sam̐vegam̐ janayitvānāti** evam̐ “bahu-antarāyo lokasannivāso”ti ativiya sam̐vegam̐ uppādetvā. **Mahādānam̐ pavattayinti** cha dānasālāyo kārāpetvā mahatā dhanapariccāgena Vessantaradānasadisam̐ mahādānamadāsīm̐. Etena abhisekakaraṇato paṭṭhāya tassa mahādānassa pavattitabhāvam̐ dasseti.

47. **Dakkhiṇeyye adatvānāti** dakkhiṇārahe puggale deyyadhammam̐ apariccajivā. **Api chappañca rattiyoti** appekadā chapi pañcapi rattiyō attano pivanakhādanabhuñjanāni na karomīti dasseti.

Tadā kira bodhisatto sakalajambudīpaṃ unnaṅgalam̐ katvā mahāmegho viya abhivassanto mahādānam̐ pavattesi. Tattha kiñcāpi dānasālāsu annapānādi-uḷāruḷārapaṇitapaṇitameva yācakānam̐ yathārucitam̐ divase divase dīyati, tathāpi attano sajjitam̐ āhāram̐ rājārahobhojanampi yācakānam̐ adatvā na bhuñjati, tam̐ sandhāya vuttam̐ “**nāham̐ pivāmī**”ti-ādi.

48. Idāni tathā yācakānam̐ dāne kāraṇam̐ dassento upamam̐ tāva āharati “**yathāpi vāñijo nāmā**”ti-ādinā. Tassattho—yathā nāma vāñijo bhaṇḍaṭṭhānam̐ gantvā appena pābhatena bahum̐ bhaṇḍam̐ vikkiṇitvā vipulam̐ bhaṇḍasannicayam̐ katvā desakālam̐ jānanto **yatthassa lābho** udayo **mahā hoti, tattha** dese kāle vā **tam̐** bhaṇḍam̐ **harati** upaneti vikkiṇāti.

49. **Sakabhuttāpīti** sakabhuttatopi attanā paribhuttatopi. “Sakaribhuttāpī”tipi pāṭho. **Pareti** parasim̐ paṭiggāhakapuggale. **Satabhāgoti** anekasatabhāgo āyatim̐ bhavissati. Idam̐ vuttam̐ hoti—yathā vāñijena kītabhaṇḍam̐ tattheva avikkiṇitvā tathārūpe dese kāle ca vikkiṇiyamānam̐ bahum̐ udayam̐ vipulam̐ phalam̐ hoti, tattheva attano santakam̐ attanā anupabhuñjitvā parasim̐ paṭiggāhakapuggale dinnam̐ mahapphalam̐ anekasatabhāgo bhavissati, tasmā

attanā abhuñjītvāpi parassa dātabbamevāti. Vuttañhetam Bhagavatā
 “tiracchānagate dānam datvā sataguṇā dakkhiṇā pāṭikaṅkhitabbā.
 Puthujjanadussile dānam datvā sahasaguṇā”ti vitthāro¹. Aparampi vuttam
 “evam ce bhikkhave sattā jāneyyūṃ dānasamvibhāgassa vipākam, yathāham
 jānāmi, na adatvā bhuñjeyyūṃ, na ca nesam maccheramalam cittam
 pariādāya tiṭtheyya. Yopi nesam assa carimo ālopo carimam kabaḷam,
 tatopi na samvibhajitvā bhuñjeyyūṃ”ti²ādi.

50. **Etamatthavasam űatvāti** etam dānassa
 mahapphalabhāvasaṅkhātāñceva sammāsambodhiyā
 paccayabhāvasaṅkhātāñca atthavasam kāraṇam jānitvā. **Na paṭikkamāmi**
dānatoti dānapāramito īsakampi na nivattāmi abhikkamāmi eva.
 Kimattham? **Sambodhimanupattiyāti** sambodhim sabbaññutaññāṇam
 anuppattiyā anuppattiyattham, adhigantunti attho.

Tadā bodhisatto mahājanena pitari caṇḍālagāmaṃ pavesite
 dātabbayuttakam paribbayaṃ dāpesi nivāsanāni pārupanāni ca, sopi
 nagaram pavisitum alabhanto bodhisatte uyyānakīḷādi-attham bahigate
 upasaṅkamati, puttasaññāya pana na vandati, na añjalikammaṃ karoti,
 “ciraṃ jīva sāmī”ti vadati. Bodhisattopi diṭṭhadivase atirekasammānam
 karoti. So evam dhammena rajjam kāretvā āyupariyosāne saporiso
 devalokam pūresi. Tadā Khaṇḍahālo Devadatto ahosi, Gotamī devī
 Mahāmāyā, Candā rājadhītā Rāhulamātā, Vāsulo Rāhulo, Selā Uppalavaṇṇā,
 Sūro Mahākassapo, Bhaddaseno Mahāmoggallāno, Sūriyakumāro Sāriputto,
 Candarājā Lokanātho.

Tassa idhāpi pubbe vuttanayeneva yathāraham sesapāramiyo
 niddhāretabbā. Tadā³ Khaṇḍahālassa kakkhaḷapharusabhāvam jānantopi
 ajjupekkhitvā dhammena samena aṭṭassa vinicchayo, attānam
 māretukāmasseva Khaṇḍahālassa tathā yaññavidhānam jānitvāpi tassa upari
 cittappakopābhāvo, attano parisam gahetvā pitu sattu bhavitum samatthopi
 “mādisassa nāma garūhi virodho na yutto”ti attānam purisapasum katvā
 ghātāpetukāmassa pitu āṇāyam avaṭṭhānam, kosiyā asim gahetvā

1. Ma 3. 298 piṭṭhe.

2. Khu 1. 207 piṭṭhe Itivuttake.

3. Tathā (Ka)

sīsaṃ chindituṃ upakkamante purohite attano pitari putte sabbasattesu ca mettāpharaṇena samacittatā, mahājane pitaraṃ māretuṃ upakkamante sayāṃ palissajitvā tassa jīvitadānaṃ, divase divase Vessantaradānasadisāṃ mahādānaṃ dadatopi dānena atittabhāvo, mahājanena caṇḍalesu vāsāpitassa pitu dātabbayuttakaṃ datvā posanaṃ, mahājanaṃ puññakiriyāsu patiṭṭhāpananti evamādayo guṇānubhāvā niddhāretabbāti¹.

Candakumāracarīyāvaṇṇanā niṭṭhitā.

8. Sivirājacarīyāvaṇṇanā

51. Aṭṭhame **Ariṭṭhasavhaye nagareti** Ariṭṭhapuranāmake nagare. **Sivi nāmāsi khattiyoti** Sivīti gottato evaṃnāmako rājā ahoṣi.

Atīte kira Siviraṭṭhe Ariṭṭhapuranagare Sivirāje rajjaṃ kārente mahāsatto tassa putto hutvā nibbatti, “Sivikumāro” tissa nāmamakaṃsu. So vayappatto Takkasilaṃ gantvā uggahitasippon āgantvā pitu sippaṃ dassetvā uparajjaṃ labhitvā aparabhāge pitu accayena rājā hutvā agatigamaṇaṃ pahāya dasa rājadhamme akopetvā rajjaṃ kārento nagarassa catūsu dvāresu nagaramajjhe nivesanadvāreti cha dānasālāyo kāretvā devasikaṃ chasatasahassapariccāgena mahādānaṃ pavattesi.

Aṭṭhamicātuddasīpannasīsu sayāṃ dānasālaṃ gantvā dānaggaṃ oloketi. So ekadā puṇṇamadivase pātova samussitasetacchatte rājapallaṅke nisinnō attanā dinnadānaṃ āvajjento bāhiravatthuṃ attanā adinnaṃ nāma adisvā “na me bāhirakadānaṃ tathā cittaṃ toseti, yathā ajjhattikadānaṃ, aho vata mama² dānasālaṃ gatakāle koci yācako bāhiravatthuṃ ayācitvā ajjhattikameva yāceyya, sace hi me koci sarīre maṃsaṃ vā lohitaṃ vā sīsaṃ vā hadayamaṃsaṃ vā akkhīni vā upaḍḍhasarīraṃ vā sakalameva vā attabhāvaṃ dāsabhāvena yāceyya,

1. Vibhāvetabbā (Ka)

2. Maṃ (Sī, Ka)

taṁtadevassa adhippāyaṁ pūrento dātuṁ sakkomī”ti cintesi. **Pāliyaṁ** pana akkhīnaṁ eva vasena āgatā. Tena vuttaṁ—

“Nisajja pāsādavare, evaṁ cintesahaṁ tadā.

52. Yaṁkiñci mānusaṁ dānaṁ, adinnaṁ me na vijjati.

Yopi yāceyya maṁ cakkhuṁ, dadeyyaṁ avikampito”ti.

Tattha **mānusaṁ dānanti** pakatimanussehi dātabbadānaṁ annapānādi. Evaṁ pana mahāsattassa uḷāre dānājḥāsaya uppanne Sakkassa Paṇḍukambalasilāsanāṁ uṇhākāraṁ dassesi. So tassa kāraṇaṁ āvajjento bodhisattassa ajḥāsayaṁ disvā “Sivirājā ajja sampattayācakā cakkhūni ce yācanti, cakkhūni uppāṭetvā nesaṁ dassāmīti cintesī”ti Sakko devaparisāya vatvā “so sakkhissati nu kho taṁ dātuṁ, udāhu noti vīmaṁsissāmi tāva nan”ti bodhisatte soḷasahi gandhodakaghaṭehi nhatvā sabbālaṅkārehi paṭimaṇḍite alaṅkatahatthikkhandhavaragate dānaggaṁ gacchante jarājiṇṇo andhabrāhmaṇo viya hutvā tassa cakkhupathe ekasmiṁ unnatappadese ubho hatthe pasāretvā rājānaṁ jayāpetvā ṭhito bodhisattena tadabhimukhaṁ vāraṇaṁ pesetvā “brāhmaṇa kiṁ icchasi”ti pucchito “tava dānājḥāsayaṁ nissāya samuggatena kittighosena sakalalokasannivāso nirantaraṁ phuṭo, ahañca andho, tasmā taṁ yācāmi”ti upacāravasena ekaṁ cakkhuṁ yāci. Tena vuttaṁ—

53. “Mama saṅkappamaññāya, Sakko devānamissaro.

Nisinno devaparisāya, idaṁ vacanamabravi.

54. Nisajja pāsādavare, Sivirājā mahiddhiko.

Cintento vividhaṁ dānaṁ, adeyyaṁ so na passati.

55. Tathaṁ nu vitathaṁ netāṁ, handa vīmaṁsayāmi taṁ.

Muhuttaṁ āgameyyātha, yāva jānāmi taṁ manāṁ.

56. Pavedhamāno palitasiro, valigatto jarāturo.

Andhavaṇṇova hutvāna, rājānaṁ upasaṅkama.

57. So tadā paggahetvāna, vāmaṃ dakkhiṇabāhu ca.
Sirasmiṃ añjaliṃ katvā, idaṃ vacanamabravi.

58. Yācāmi taṃ mahārāja, dhammika raṭṭhavaḍḍhana.
Tava dānaratā kitti, uggatā devamānuse.

59. Ubhopi nettā nayanā, andhā upahatā mama.
Ekaṃ me nayanam dehi, tvampi ekena yāpayā”ti.

Tattha **cintento vividham dānanti** attanā dinnam vividham dānam cintento, āvajjento dānam vā attanā dinnam vividham bāhiram deyyadhammam cintento. **Adeyyam so na passatī** bāhiram viya ajjhattikavatthumpi adeyyam dātum asakkuṇeyyam na passati, “cakkhūnipi uppāṭetvā dassāmi”ti cintesīti adhippāyo. **Tatham nu vitatham netanti** etam ajjhattikavatthunopi adeyyassa adassanam deyyabhāveneva dassanam cintanam¹ saccam nu kho, udāhu asaccanti attho. **So tadā paggahetvāna, vāmaṃ dakkhiṇabāhu cāti** vāmaḃāhum dakkhiṇabāhuñca tadā paggahetvā, ubho bāhū ukkhipitvāti attho. **Raṭṭhavaḍḍhanāti** raṭṭhavaḍḍhikara. **Tvampi ekena yāpayāti** ekena cakkhunā samavisamam passantō sakaṃ attabhāvaṃ tvam yāpehi, ahampi bhavato laddhena ekena yāpemīti dasseti.

Tam sutvā mahāsatto tuṭṭhamānaso “idānevāham pāsāde nisinno evam cintetvā āgato, ayañca me cittaṃ ñatvā viya cakkhum yācati, aho vata me lābhā, ajja me manoratho matthakam pāpuṇissati, adinnapubbam vata dānam dassāmi”ti ussāhajāto ahosi. Tamattham pakāsento satthā āha—

60. “Tassāham vacanam sutvā, haṭṭho samviggamānaso.
Katañjali vedajāto, idaṃ vacanamabravim.

61. Idānāham cintayitvāna, pāsādato idhāgato.
Tvam mama cittamaññāya, nettam yācitumāgato.

1. Vitatham (Sī)

62. Aho me mānasam siddham, saṅkappo paripūrito.

Adinnapubbam dānavaram, ajja dassāmi yācake”ti.

Tattha **tassāti** tassa brāhmaṇarūpadharassa Sakkassa. **Haṭṭhoti** tuṭṭho. **Saṁviggamānasoti** mama cittaṁ jānitvā viya iminā brāhmaṇena cakkhu yācitaṁ, ettakaṁ kālaṁ evaṁ acintetvā pamajjito vatamhīti saṁviggacitto. **Vedajātoti** jātapītipāmojjo. **Abravinti** abhāsīm. **Mānāsanti** manasi bhavaṁ mānasam, dānajjhāsayo, “cakkhum dassāmi”ti uppannadānajjhāsayoti attho. **Saṅkappoti** manoratho. **Paripūritoti** paripuṇṇo.

Atha bodhisatto cintesi “ayaṁ brāhmaṇo mama cittācāraṁ ñatvā viya duccajampi cakkhum maṁ yācati, siyā nu kho kāyaci devatāya anusitṭho bhavissati, pucchissāmi tāva nan”ti cintetvā taṁ brāhmaṇam pucchi. Tenāha Bhagavā **Jātakadesanāyam**—

“Kenā’ nusiṭṭho idhamāgatosi,
Vanibbaka cakkhupathāni yācituṁ.
Suduccajam yācasi uttamaṅgam,
Yamāhu nettaṁ purisena duccajan”ti¹.

Taṁ sutvā brahmaṇarūpadharo Sakko āha—

“Yamāhu devesu Sujampatīti,
Maghavāti nam āhu manussaloke.
Tenā’ nusiṭṭho idhamāgatosmi,
Vanibbako cakkhupathāni yācituṁ.

Vanibbato mayha vanim anuttaram,
Dadāhi te cakkhupathāni yācito.
Dadāhi me cakkhupatham anuttaram,
Yamāhu nettaṁ purisena duccajan”ti¹.

Mahāsatto āha—

“Yena atthena āgacchi, yamattha’ mabhipatthayam.
Te te ijjhantu saṅkappā, labha cakkhūni brāhmaṇa.

1. Khu 5. 316 piṭṭhe.

Ekam te yācamānassa,
 Ubhayāni dadāmaham.
 Sa cakkhumā gaccha janassa pekkhato,
 Yadicchase tvaṃ tada te samijjhatū”ti¹.

Tattha **vanibbakā**ti taṃ ālapati. **Cakkhupathānī**ti dassanassa pathabhāvato cakkhūnamevetam nāmaṃ. **Yamāhū**ti yaṃ loke “duccajan”ti kathenti. **Vanibbatoti** yācantassa. **Vaninti** yācanaṃ. **Te teti** te tava tassa andhassa² saṅkappā. **Sa cakkhumā**ti so tvaṃ mama cakkhūhi cakkhumā hutvā. **Tada te samijjhatū**ti yaṃ tvaṃ mama santikā icchasi, taṃ te samijjhatūti.

Rājā ettakam kathetvā “ayaṃ brāhmaṇo Sakkena anusittho idhāgatosmīti bhaṇati, nūna imassa iminā upāyena cakkhu sampajjissatī”ti ṇatvā “idheva mayā cakkhūni uppāṭetvā dātuṃ asāruppan”ti cintetvā brāhmaṇaṃ ādāya antepuraṃ gantvā rājāsane nisīditvā Sivakaṃ³ nāma vejjaṃ pakkosāpesi. Atha “amhākaṃ kira rājā akkhīni uppāṭetvā brāhmaṇassa dātukāmo”ti sakalanagare ekakolāhalaṃ ahosi. Atha naṃ raṇṇo ṇātisenāpati-ādayo rājavallabhā amaccā pārisajjā nāgarā orodhā ca sabbe sannipatitvā nānā-upāyehi nivāresuṃ. Rājāpi ne anuvāresi. Tenāha—

“Mā no deva adā cakkhuṃ, mā no sabbe parākari⁴.

Dhanaṃ dehi mahārāja, muttā veḷuriyā bahū.

Yutte deva rathe dehi, ājāniye ca’laṅkate.

Nāge dehi mahārāja, hemakappanavāsase.

Yathā taṃ sivayo sabbe, sayoggā sarathā sadā.

Samantā parikireyyuṃ⁵, evaṃ dehi rathesabhā”ti⁶.

Atha rājā tisso gāthā abhāsi—

“Yo ve dassanti vatvāna, adāne kurute mano.

Bhūmyaṃ so patitaṃ pāsaṃ, gīvāyaṃ paṭimuṅcati.

1. Khu 5. 316 piṭṭhe.

2. Atthassa (Ka)

3. Sīvakaṃ (Sī, Ka)

4. Parakkari (Sī, Ka)

5. Parikareyyunti (Sī)

6. Khu 5. 317 piṭṭhe.

Yo ve dassanti vatvāna, adāne kurute mano.

Pāpā pāpataro hoti, sampatto yamasādhanam.

Yañhi yāce tañhi dade, yañ na yāce na tañ dade.

Svāham tameva dassāmi, yañ mañ yācati brāhmaṇo”ti¹.

Tattha **mā no devāti** noti nipātamattam. Deva mā **cakkhum** adāsi. **Mā no sabbe parākarīti** amhe sabbe mā pariccaji. Akkhīsu hi dinnesu tvañ rajjam na karissasi, evañ tayā mayam pariccattā nāma bhavissāmāti adhippāyena evamāhamsu. **Parikireyyunti** parivāreyyūm. **Evañ dehīti** yathā tañ avikalacakkhum sivayo cirañ parivāreyyūm, evañ dehi dhanamevassa dehi, mā akkhīni. Akkhīsu hi dinnesu na tañ sivayo parivāressantīti dasseti.

Paṭimuñcatīti paṭipaveseti. **Pāpā pāpataro hotīti** lāmakā lāmakataro nāma hoti. **Sampatto yamasādhananti** yamassa āṇāpavattiṭṭhānam Ussadanirayañ esa patto nāma hoti. **Yañhi yāceti** yañ vatthum yācako yācati, dāyakopi tadeva dadeyya, na ayācitam, ayañca brāhmaṇo cakkhum mañ yācati, na muttādikañ dhanam, tañ dassāmīti vadati.

Atha nañ “āyu-ādīsu kiñ patthetvā cakkhūni desi devā”ti pucchimsu. Mahāpuriso “nāham diṭṭhadhammikañ samparāyikañ vā sampattim patthetvā demi, api ca bodhisattānañ āciñṇasamāciñṇo porāṇakamaggo esa, yadidañ dānapāramipūraṇam nāmā”ti āha. Tena vuttam—

“Āyūñ nu vaṇṇam nu sukham balañ nu,

Kiñ patthayāno nu janinda desi.

Kathañhi rājā Sivinañ anuttaro,

Cakkhūni dajjā paralokahetu.

Na vāhametañ yasasā dadāmi,

Na puttamicche na dhanam na raṭṭham.

Satañca dhammo carito purāṇo,

Iceva dāne ramate mano mamā”ti¹.

1. Khu 5. 317 piṭṭhe.

Tattha **paralokahetū**ti mahārāja kathaṃ nāma tumhādiso paṇḍitapuriso Sakkasampattisadisaraṃ sandiṭṭhikaṃ issariyaṃ pahāya paralokahetu cakkhūni dadeyyāti.

Na **vāhanti** na ve ahaṃ. **Yasasāti** dibbassa vā mānussa vā issariyassa kāraṇā, apica **sataṃ** bodhisattānaṃ **dhmmo** Buddhakārako **carito** ācarito āciṅṇo purātano **icceva** iminā kāraṇena **dāneyeva** īdiso **mama mano** niratoti.

Evañca pana vatvā rājā amacce saññāpetvā Sivakaṃ vejjāṃ ānāpesi “ehi Sivaka mama ubhopi akkhīni imassa brāhmaṇassa dātum sīghaṃ uppāṭetvā hatthe patiṭṭhapehi”ti. Tena vuttaṃ—

63. “Ehi Sivaka uṭṭhehi, mā dandhayi mā pavedhayi.

Ubhopi nayanāṃ dehi, uppāṭetvā vanibbake.

64. Tato so codito mayhaṃ, Sivako vacanaṃkaro.

Uddharitvāna pādāsi, tālamiñjaṃva yācaka”ti.

Tattha **uṭṭhehī**ti uṭṭhānavīriyaṃ karohi, imasmim mama cakkhudāne saḥāyakiccaṃ karohīti dasseti. **Mā dandhayī**ti mā cirāyi. Ayaṃ hi atidullabho cirakālaṃ patthito mayā uttamo dānakkhaṇo paṭiladdho, so mā virajjhīti adhippāyo. **Mā pavedhayī**ti “amhākaṃ rañño cakkhūni uppāṭemī”ti cittutrāsavasena mā vedhayi sarīrakampaṃ mā āpajji. **Ubhopi nayananti** ubhopi nayane. **Vanibbake**ti yācakassa. **Mayhanti** mayā. **Uddharitvāna pādāsī**ti so vejjo rañño akkhikūpato ubhopi akkhīni uppāṭetvā rañño hatthe adāsi.

Dento ca na satthakena uddharitvā adāsi. So hi cintesi “ayuttaṃ mādisassa susikkhitavejjassa rañño akkhīsu satthapātanan”ti bhesajjāni ghaṃsetvā bhesajjacuṅṇena niluppalaṃ paribhāvetvā dakkhiṇakkhim upasiṅghāpesi, akkhi parivatti, dukkhā vedanā uppajji. So paribhāvetvā punapi upasiṅghāpesi, akkhi akkhikūpato mucci, balavatarā vedanā udapādi, tatiyavāre kharataraṃ paribhāvetvā upanāmesi, akkhi osadhabalena paribbhamitvā akkhikūpato nikkhamitvā nhārusuttakena olambamānaṃ aṭṭhāsi,

adhimatthā vedanā udapādi, lohitaṃ pagghari, nivatthasāṭakāpi lohiteṇa temiṃsu. Orodhā ca amaccā ca rañño pādamūle patitvā “deva akkhīni mā dehi, deva akkhīni mā dehi”ti mahāparidevaṃ parideviṃsu.

Rājā vedanaṃ adhvāsetvā “tāta mā papañcaṃ karī”ti āha. So “sādhu devā”ti vāmahatthena akkhiṃ dhāretvā dakkhiṇahatthena satthakaṃ ādāya akkhisuttakaṃ chinditvā akkhiṃ gahetvā mahāsattassa hatthe ṭhapesi. So vāmakkhinā dakkhiṇakkhiṃ oloketvā pariccāgapītiyā abhibhuyyamānaṃ dukkhavedanaṃ¹ vedento “ehi brāhmaṇā”ti brāhmaṇaṃ pakkosāpetvā “mama ito cakkhuto sataguṇena sahasaguṇena satasahasaguṇena samantacakkhumeva piyataraṃ, tassa me idaṃ akkhiḍānaṃ paccayo hotū”ti brāhmaṇassa akkhiṃ adāsi. So taṃ ukkhipitvā attano akkhiṃhi ṭhapesi, taṃ tassānubhāvena vikasitanīluppalaṃ viya hutvā upaṭṭhāsi. Mahāsatto vāmakkhinā tassa taṃ akkhiṃ disvā “aho sudinnaṃ mayā akkhī”ti antosamuggatāya pītiyā nirantaraṃ phuṭasarīro hutvā aparaṃpi adāsi. Sakkopi taṃ tatheva katvā rājanivesanā nikkhamitvā mahājanassa oloketasseva nagarā nikkhamitvā devalokameva gato.

Rañño na cirasseva akkhīni āvāṭabhāvaṃ appattāni kambalageṇḍukaṃ² viya uggatena maṃsapiṇḍena pūretvā cittakammarūpassa viya ruhiṃsu, vedanā pacchijji. Atha mahāsatto katipāhaṃ pāsāde vasitvā “kiṃ andhassa rajjenāti amaccānaṃ rajjaṃ niyyātetvā uyyānaṃ gantvā pabbajitvā samaṇadhammaṃ karissāmi”ti cintetvā amaccānaṃ tamatthaṃ ārocetvā “mukhadhovanādidāyako eko puriso mayhaṃ santike hotu, sarīrakiccaṭṭhānesupi me rajjukaṃ bandhathā”ti vatvā sivikāya gantvā pokkharāṇitīre rājapallaṅke nisīdi. Amaccāpi vanditvā paṭikkamiṃsu. Bodhisattopi attano dānaṃ āvajjesi. Tasmīṃ khaṇe Sakkassa āsanaṃ uṇhākāraṃ dassesi. Sakko taṃ disvā “mahārājassa varaṃ datvā cakkhuṃ paṭipākatikaṃ karissāmi”ti bodhisattassa samīpaṃ gantvā padasaddamakāsi. Mahāsattena ca “ko eso”ti vutte—

1. Abhibhuyyamānadukkhavedano (Sī)

2. ...bheṇḍukaṃ (Sī)

“Sakkohamasmi devindo, āgatosmi tavantike.
Varam varassu rājīsi, yaṃkiñci manasicchasi”¹—

vatvā tena—

“Pahūtaṃ me dhanam Sakka, balaṃ koso ca’ nappako.
Andhassa me sato dāni, maraṇaññeva rucati”¹—

vutte atha naṃ Sakko āha “Sivirāja kiṃ pana tvaṃ maritukāmo hutvā maraṇam rocesi, udāhu andhabhāvenā”¹ti. Andhabhāvena devāti. “Mahārāja dānam nāma na kevalam samparāyatthameva diyyati, diṭṭhadhammatthāyapi paccayo hoti, tasmā tava dānapuññameva nissāya saccakiriyaṃ karohi, tassa baleneva te cakkhu uppajjissati”¹ti vutte “tena hi mayā mahādānam sudinnam”¹ti vatvā saccakiriyaṃ karonto—

“Ye maṃ yācitumāyanti, nānāgottā vanibbakā.
Yopi maṃ yācate tattha, sopi me manaso piyo.
Etena saccavajjena, cakkhu me upapajjathā”¹—

āha.

Tattha **ye manti** ye maṃ yācitumāgacchanti, tesupi āgatesu **yo** imam nāma dehīti vācam nicchārento **maṃ yācate**, **sopi me manaso piyo**. **Etenāti** sace mayham sabbepi yācakā piyā, saccamevetam mayā vuttam, etena **me** saccavacanena ekaṃ **cakkhu upapajjatha** uppajjatūti.

Athassa vacanasamanantarameva paṭhamam cakkhu udapādi. Tato dutiyassa uppajjanatthāya—

“Yaṃ maṃ so yācitum āgā, dehi cakkhanti brāhmaṇo.
Tassa cakkhūni pādāsim, brāhmaṇassa vanibbato.
Bhiyyo maṃ āvisī pīti, somanassañca’ nappakam.
Etena saccavajjena, dutiyam me upapajjathā”¹—

āha.

Tattha **yam manti** yo maṃ. **Soti** so cakkhuyācako **brāhmaṇo**. **Āgāti** āgato. **Vanibbatoti** yācantassa. **Maṃ āvisīti**

1. Khu 5. 318 piṭṭhe.

brāhmaṇassa cakkhūni datvā andhakālepi tathārūpaṃ vedanaṃ agaṇetvā
 “aho sudinnaṃ me dānaṃ”ti paccavekkhantaṃ maṃ **bhiyyo** atirekatarā pīti
 āvisi. **Somanassañcanappakanti** aparimāṇaṃ somanassaṃ uppajji. **Etenāti**
 sace tadā mama anappakaṃ pītisomanassaṃ uppannaṃ, saccamevetāṃ
 mayā vuttaṃ, etena **me** saccavacanena dutiyampi cakkhu upapajjātūti.

Taṃkhaṇaṇṇeva dutiyampi cakkhu udapādi. Tāni panassa cakkhūni
 neva pākatikāni, na dibbāni. Sakkabrāhmaṇassa hi dinnāṃ cakkhuṃ puna
 pākatikaṃ kātum na sakkā, upahatacakkhuno ca dibbacakkhu nāma
 nuppajjati, vuttanayena panassa ādimajjhapariyosānesu aviparītaṃ attano
 dānapītiṃ upādāya pītipharaṇavasena nibbattāni “saccapāramitācakkhūnī”ti
 vuttāni. Tena vuttaṃ—

65. “Dadamānassa dentassa, dinnadānassa me sato.

Cittassa aññathā natthi, bodhiyāyeva kāraṇā”ti.

Tattha **dadamānassāti** cakkhūni dātum vejjena uppāṭentassa. **Dentassāti**
 uppāṭitāni tāni Sakkabrāhmaṇassa hatthe ṭhapentassa. **Dinnadānassāti**
 cakkhudānaṃ dinnavato. **Cittassa aññathāti** dānajjhāsayaṃsā aññathābhāvo.
Bodhiyāyeva kāraṇāti tañca sabbaññutaññāṇasseva hetūti attho.

66. Sabbaññutaññāṇassa sudullabhatāya evaṃ sudukkaraṃ mayā katanti
 na cakkhūnaṃ na attabhāvassapi appiyatāyāti dassento “**na me dessā**”ti
 osānagāthamāha. Tattha **attā na me na dessiyoti** paṭhamo **na-kāro**
 nipātamatto. Attā na me kujjhitabbo, na appiyoti attho. “Attānaṃ me na
 dessiyaṃ”tipi pāṭho. Tassattho—me attānaṃ ahaṃ na dessiyaṃ na
 kujjheyyaṃ na kujjhitum arahāmi na so mayā kujjhitabboti. “Attāpi me na
 dessiyo”tipi pāṭhanti. **Adāsahanti** adāsīṃ ahaṃ. “Adāsihan”tipi pāṭho.

Tadā pana bodhisattassa saccakiriyaṃ cakkhūsu uppannesu
 Sakkānubhāvena sabbā rājaparīsā sannipatitāva ahoṣi. Athassa Sakko
 mahājanamajjhe ākāse ṭhatvā—

“Dhammena bhāsītā gāthā, Sivīnaṃ raṭṭhavaḍḍhana.
Etāni tava nettāni, dibbāni paṭidissare.

Tirokuṭṭaṃ tiroselam, samatiggayha pabbataṃ.
Samantā yojanasataṃ, dassanaṃ anubhontu te”¹—

imāhi gāthāhi thutiṃ katvā devalokameva gato. Bodhisattopi mahājanaparivuto mahantena sakkārena nagaraṃ pavisitvā rājagehadvāre susajjite mahāmaṇḍape samussitasetacchatte rājapallaṅke nisinno cakkhupaṭilābhena tuṭṭhahaṭṭhapamuditānaṃ daṭṭhum āgatānaṃ nāgarānaṃ jānapadānaṃ rājaparisāya ca dhammaṃ desento—

“Ko nī’ dha vittaṃ na dadeyya yācito,
Api visiṭṭhaṃ supiyampi attano.
Tadiṅgha sabbe sivayo samāgatā,
Dibbāni nettāni mama’ jja passatha.

Tirokuṭṭaṃ tiroselam, samatiggayha pabbataṃ.
Samantā yojanasataṃ, dassanaṃ anubhonti me.

Na cāgamattā paramatthi kiñci, maccānaṃ idha jīvite.
Datvāna mānusaṃ cakkhum, laddhaṃ me cakkhu amānusaṃ.

Etampi disvā sivayo,
Detha dānāni bhuñjatha.
Datvā ca bhutvā ca yathānubhāvaṃ,
Aninditā saggamupetha ṭhānaṃ”²—

imā gāthā abhāsi. Tattha **dhammena bhāsītā** mahārāja imā te gāthā dhammena sabhāveneva bhāsītā. **Dibbānī**ti dibbānubhāvayuttāni. **Paṭidissareti** paṭidissanti. **Tirokuṭṭanti** parakuṭṭaṃ. **Tiroselanti** paraselaṃ. **Samatiggayhāti** atikkamitvā. **Samantā** dasa disā **yojanasataṃ rūpadassanaṃ anubhontu** sādhetu.

Ko nī’ dhāti ko nu idha. **Api visiṭṭhanti** uttamampi samānaṃ. **Na cāgamattāti** cāgappamaṇato aññaṃ varaṃ³ nāma natthi. **Idha jīviteti**

1. Khu 5. 318 piṭṭhe.

2. Khu 5. 319 piṭṭhe.

3. Paraṃ (Ka)

imasmiṃ jīvaloke. “Idha jīvatan”ti paṭhanti, imasmiṃ loke jīvamānānanti attho. **Amānusanti** dibbacakkhu mayā **laddham**, iminā kāraṇena veditabbametam “cāgato uttamam nāma natthi”ti. **Etampi disvāti** etam mayā laddham dibbacakkhum disvāpi.

Iti imāhi catūhi gāthāhi na kevalam tasmiṃyeva khaṇe, atha kho anvaddhamāsampi uposathe mahājanam sannipātetvā dhammam desesi. Tam sutvā mahājano dānādīni puññāni katvā devalokaparāyano ahosi. Tadā vejjo Ānandatthero ahosi, Sakko Anuruddhatthero, sesaparisā Buddhaparisā, Sivirājā Lokanātho.

Tassa idhāpi vuttanayeneva yathāraham pāramiyo niddhāretabbā. Tathā divase divase yathā adinnapubbam bāhiradeyyadhammatthu na hoti, evam aparimitam mahādānam pavattentassa tena aparituttassa katham nu kho aham ajjhattikavatthukam dānam dadeyyam, kadā nu kho mam koci āgantvā ajjhattikam deyyadhammam yāceyya, sace hi koci yācako me hadayamaṃsassa nāmam gaṇheyya, kaṇayena nam nīharitvā pasanna-udakato sanālam padumam uddharanto viya lohitabindum paggharantam hadayam nīharitvā dassāmi. Sace sarīramaṃsassa nāmam gaṇheyya, avalekhanena tālaguḷapaṭalam uppātentō viya sarīramaṃsam uppātetvā dassāmi. Sace lohitassa nāmam gaṇheyya, asinā vijjhitvā yantamukhe vā patitvā upanītam bhājanam pūretvā lohitaṃ dassāmi. Sace pana koci “gehe me kammaṃ nappavattati, tattha me dāsakammaṃ karohi”ti vadeyya, rājavesam apanetvā tassa attānam sāvetvā dāsakammaṃ karissāmi. Sace vā pana koci akkhīnam nāmam gaṇheyya, tālamiñjam nīharanto viya akkhīni uppātetvā tassa dassāmīti evam anaññasādhāraṇavasībhāvappattānam mahābodhisattānamyeva āveṇikā uḷāratarā parivitakkuppatti, cakkhuyācakam labhitvā amaccapārisajjādīhi nivāriyamānassāpi tesam vacanam anādiyitvā attano parivitakkānurūpam paṭipattiyā ca paramā pītipaṭisamvedanā, tassā pītimanatāya avitathabhāvam nissāya Sakkassa purato saccakiriyākaraṇam, tena ca attano cakkhūnam paṭipākatikabhāvo, tesaṃca dibbānubhāvatāti evamādayo mahāsattassa guṇānubhāvā veditabbāti.

Sivirājacariyāvaṇṇanā niṭṭhitā.

9. Vessantaracariyāvaṇṇanā

67. Navame **yā me ahosi janikā**ti ettha **meti** Vessantarabhūtaṃ attānaṃ sandhāya Satthā vadati. Tenevāha “Phussatī nāma khattiyā”ti. Tadā hissa mātā “Phussatī”ti¹ evaṃnāmikā khattiyānī ahosi. **Sā atītāsu jātīsūti** sā tato anantarātītajātiyaṃ. Ekatthe hi etaṃ bahuvacanaṃ. **Sakkassa mahesī piyā** ahosīti sambandho. Atha vā yā me ahosi janikā imasmiṃ carimattabhāve, sā atītāsu jātisū Phussatī nāma, tattha atītāya jātiyā khattiyā, yatthāhaṃ tassā kucchimhi Vessantaro hutvā nibbatiṃ, tato anantarātītāya Sakkassa mahesī piyā ahosīti. Tatrāyaṃ anupubbikathā—

Ito hi ekanavute kappe Vipassī nāma Satthā loke udapādi. Tasmim̃ Bandhumatīnagaraṃ upanissāya Kheme migadāye viharante Bandhumā rājā kenaci raññā pesitaṃ mahagghaṃ candanasāraṃ attano jeṭṭhadhītāya adāsi, sā tena sukhumaṃ candanacuṇṇaṃ kāretvā samuggaṃ pūretvā vihāraṃ gantvā Satthu suvaṇṇavaṇṇaṃ sarīraṃ pūjetvā sesacuṇṇāni gandhakuṭiyam̃ vikiritvā “bhante anāgate tumhādisassa Buddhassa mātā bhavyeyan”ti patthanaṃ akāsi. Sā tato cutā tassā candanacuṇṇapūjāya phalena rattacandanaparipphositaṃ viya sarīrena devesu ca manussesu ca saṃsarantī Tāvatiṃsabhavane Sakkassa devaraṅṅo aggamaheṣī hutvā nibbatti. Athassā āyupariyosāne pubbanimittesu uppannesu Sakko devarājā tassā parikkhīṇāyukataṃ ñatvā tassā anukampāya “bhadde Phussati dasa te vare dammi, te gaṇhassū”ti āha. Tena vuttaṃ—

68. “Tassā āyukkhayaṃ ñatvā, devindo etadabravi.

Dadāmi te dasa vare, vara bhadde yadicchasi”ti.

Tattha **varāti** varassu varam̃ gaṇha. **Bhadde yadicchasi**ti bhadde Phussati yaṃ icchasi yaṃ tava piyaṃ, taṃ dasahi koṭṭhāsehi “varam̃ varassu paṭiggaṇhāhi”ti² vadati.

69. **Punidamabravīti** puna idaṃ sā attano cavanadhammataṃ ajānantī “**kiṃ nu me aparādhatthī**”ti-ādikaṃ abhāsi. Sā hi pamattā hutvā attano

1. Phusatīti (Sī)

2. Varam̃ taṃ gaṇhāhīti (Sī)

āyukkhayaṃ ajānantī ayaṃ “varaṃ gaṇhā”ti vadanto “kattthaci mama uppajjanam icchatī”ti ñatvā evamāha. Tattha **aparādhattḥī**ti aparādhō atthi. **Kim nu dessā ahaṃ tavāti** kiṃ kāraṇam ahaṃ tava dessā kujjhitabbā appiyā jātā. **Rammā cāvesi maṃ ṭhānāti** ramaṇīyā imasmā ṭhānā cāvesi. **Vātova dharanīruhanti** yena balavā māluto viya rukkhaṃ ummūlento¹ imamhā devalokā cāvetukāmosi kiṃ nu kāraṇanti taṃ pucchati.

70. **Tassidanti** tassā idam. **Na ceva te kataṃ pāpanti** na ceva tayā kiñci pāpaṃ kataṃ yena te aparādhō siyā. **Na ca me tvaṃsi appiyāti** mama tvaṃ na cāpi appiyā, yena dessā nāma mama appiyāti adhippāyo.

71. Idāni yena adhippāyena vare dātukāmo, taṃ dassento “**ettakamyeva te āyu, cavanakālo bhavissati**”ti vatvā vare gaṇhāpento “**paṭiggaṇha mayā dinne, vare dasa varuttame**”ti āha.

Tattha **varuttameti** varesu uttame aggavare.

72. **Dinnavarāti** “vare dassāmī”ti paṭiññādānavasena dinnavarā. **Tuṭṭhahattḥī**ti icchitalābhaparitosena tuṭṭhā ceva tassa ca sikhāppattidassanena hāsavasena haṭṭhā ca. **Pamoditāti** balavapāmojjena pamuditā. **Mamaṃ abbhantaram katvāti** tesu varesu maṃ abbhantaram karitvā. **Dasavare varīti** sā attano khīṇāyukabhāvaṃ ñatvā Sakkena varadānattham katokāsā sakalajambudīpatalam oloketī attano anucchavikam Sivirañño nivesanam disvā tattha tassa aggamahesibhāvo nīlanettatā nīlabhamukatā Phussatītināmam gaṇavisesayuttaputtapaṭilābho anunnatakucchibhāvo alambatthanatā apalītabhāvo sukhumacchavitā vajjhajanānam mocanasamatthatā cāti ime dasa vare gaṇhi.

Iti sā dasa vare gahetvā tato cutā Maddarañño aggamahesiyā kucchimhi nibbatti. Jāyamānā ca sā candanacuṇṇaparipphositenā viya sarīrena jātā. Tenassā nāmaggaṇadivase “Phussatī”tveva nāmam karimsu. Sā mahantena parivārena vaḍḍhitvā soḷasavassakāle

1. Uppīlento (Ka)

uttamarūpadharā ahosi. Atha naṃ Jetuttaranagare Sivimahārājā puttassa Sañjayakumārassatthāya ānetvā setacchattaṃ ussāpetvā taṃ soḷasannaṃ itthisahassānaṃ jeṭṭhakaṃ katvā aggamahesiṭṭhāne ṭhapesi. Tena vuttaṃ—

73. “Tato cutā sā Phussatī, khattiye upapajjatha.
Jetuttaramhi nagare, sañjayaena samāgami”ti.

Sā Sañjayaarañño piyā ahosi manāpā. Atha Sakko āvajjento “mayā Phussatiyā dinnavaresu nava varā samiddhā”ti disvā “puttavaro na samiddho, tampissā samijjhāpessāmī”ti cintetvā bodhisattaṃ tadā Tāvatisadevaloke khīṇāyukaṃ disvā tassa santikaṃ gantvā “mārisa tayā manussaloke Sivisañjayaarañño¹ aggamahesiyā kucchimhi paṭisandhim gaṇhituṃ vaṭṭati”ti tassa ceva aññesañca cavanadhammānaṃ saṭṭhisahassānaṃ devaputtānaṃ paṭiññaṃ gahetvā sakaṭṭhānameva gato. Mahāsattopi tato cavitvā tatthuppanno. Sesā devaputtāpi saṭṭhisahassānaṃ amaccānaṃ gehesu nibbattiṃsu. Mahāsatte kucchigate Phussatidevī catūsu nagaradvāresu nagaramajjhe nivesanadvāreti cha dānasālāyo kāretvā devasikaṃ chasatasahassāni vissajjetvā dānaṃ dātuṃ dohaḷinī ahosi. Rājā tassā dohaḷaṃ sutvā nemittake brāhmaṇe pakkosāpetvā pucchitvā “mahārāja deviyā kucchimhi dānābhirato uḷāro satto uppanno, dānena tittim na pāpuṇissati”ti sutvā tuṭṭhamānaso vuttappakāraṃ dānaṃ paṭṭhapesi. Samaṇa brāhmaṇa jīṇṇā’tura kapaṇaddhika vanibbaka yācake santappesi. Bodhisattassa paṭisandhiggahaṇato paṭṭhāya rañño āyassa pamāṇaṃ nāhosi. Tassa puññānubhāvena sakalajambudīpe rājāno paṇṇākāraṃ paḥiṇanti. Tena vuttaṃ—

74. “Yadāhaṃ Phussatiyā kucchim, okkanto piyamātuyā.
Mama tejena me mātā, tadā dānaratā ahu.

1. Sivirañño Sañjayassa (Ka)

75. Adhane āture jiṅṅe, yācake addhike jane.

Samaṇe brāhmaṇe khīṇe, deti dānaṃ akiñcane”ti.

Tattha **mama tejenā**ti mama dānajjhāsayanubhāvena. **Khīṇeti** bhogādihi parikkhīṇe pārijuññappatte. **Akiñcane**ti apariggahe. Sabbattha visaye bhumbaṃ. Adhanādayo hi dānadhammassa pavattiyā visayo.

Devī mahantena parihārena gabbaṃ dhārentī dasamāse paripuṇṇe nagaraṃ daṭṭhukāmā hutvā rañño ārocesi. Rājā devanagaraṃ viya nagaraṃ alaṅkārapetvā devīm rathavaraṃ āropetvā nagaraṃ padakkhiṇaṃ kāresi. Tassā vessavīthiyā majjhappattakāle kammajavātā calimsu. Amaccā rañño ārocesum. So vessavīthiyāmyeva’ssā sūtigharaṃ kāretvā ārakkhaṃ gaṇhāpesi. Sā tattha puttaṃ vijāyi. Tenāha—

76. “Dasamāse dhārayitvāna, karonte puraṃ padakkhiṇaṃ.

Vessānaṃ vīthiyā majjhe, janesi Phussatī mamaṃ.

77. Na mayhaṃ mattikaṃ nāmaṃ, nāpi pettikasambhavaṃ.

Jātettha vessavīthiyaṃ, tasmā Vessantaro ahū”ti.

Tattha **karonte puraṃ padakkhiṇanti** devīm gahetvā Sañjayamahārāje nagaraṃ padakkhiṇaṃ kurumāne. **Vessānanti** vāṇijānaṃ.

Na mattikaṃ nāmanti na mātu-āgataṃ mātāmahādīnaṃ nāmaṃ. **Pettikasambhavanti** pitu idanti pettikaṃ, sambhavati etasmāti sambhavo, taṃ pettikaṃ sambhavo etassāti pettikasambhavaṃ, nāmaṃ. Mātāpīṭhusambandhavasena na katanti dasseti. **Jātetthāti** jāto ettha. “Jātomhī”tipi pāṭho. **Tasmā Vessantaro ahūti** yasmā tadā vessavīthiyaṃ jāto, tasmā Vessantaro nāma ahosi, Vessantaroti nāmaṃ akāmsūti attho.

Mahāsatto mātu kucchito nikkhamanto visado hutvā akkhīni ummīletvāva nikkhami. Nikkhamantatte eva mātu hatthaṃ pasāretvā “amma dānaṃ dassāmi, atthi kiñcī”ti āha. Athassa mātā “tāta yathājjhāsayaṃ dānaṃ dehi”ti hatthasamīpe sahasatthavikaṃ ṭhapesi. Bodhisatto hi

Ummaṅgajātake¹ imasmim **Jātake**² pacchimattabhāveti tīsu thānesu jātamattova kathesi. Rājā mahāsattassa atidīghādidosavivajjitā madhurakhīrā catusaṭṭhidhātiyo upaṭṭhāpesi. Tena saddhim jātānaṃ saṭṭhiyā dārakasahassānampi dhātiyo dāpesi. So saṭṭhidārakasahashehi saddhim mahantena parivārena³ vaḍḍhati. Tassa rājā sataśahassagghanakaṃ kumārapīḷandhanaṃ kārapetvā adāsi. So catupañcavassikakāle taṃ omuñcitvā dhātīnaṃ datvā puna tāhi dīyamānaṃ na gaṇhāti. Taṃ sutvā rājā “mama puttēna dinnāṃ sudinnaṃ”ti vatvā aparaṃpi kāresi. Tampi deti. Dārakakāleyeva dhātīnaṃ navavāre piḷandhanaṃ adāsi.

Aṭṭhavassikakāle pana sayanaṃpiṭṭhe nisinna cintesi “ahaṃ bāhirakadānaṃ demi, na taṃ maṃ paritoseti, ajjhattikadānaṃ dātukāmomhi. Sace hi maṃ koci hadayaṃ yāceyya, hadayaṃ nīharitvā dadeyyaṃ. Sace akkhīni yāceyya, akkhīni uppāṭetvā dadeyyaṃ. Sace sakalasarīre maṃsaṃ rudhirampi vā yāceyya, sakalasarīrato maṃsaṃ chinditvā rudhirampi asinā vijjhītvā dadeyyaṃ. Athāpi koci ‘dāso me hohī’ti vadeyya, attānaṃ tassa sāvētvā dadeyyaṃ”ti. Tassevaṃ sabhāvaṃ sarasaṃ cintēntassa catunahutādhikadviyojanasatasahassabahalā ayaṃ mahāpathavī udakapariyaṃtaṃ katvā kampi. Sinerupabbatarājā onamitvā Jetuttaranagarābhimukho aṭṭhāsi. Tena vuttaṃ—

78. “Yadāhaṃ dārako homi, jātiyā aṭṭhavassiko.

Tadā nisajja pāsāde, dānaṃ dātum vicintayim.

79. Hadayaṃ dadeyyaṃ cakkhum, maṃsampi rudhirampi ca.

Dadeyyaṃ kāyaṃ sāvētvā, yadi koci yācaye mamaṃ.

80. Sabhāvaṃ cintayantassa, akampitamasāṅghitaṃ.

Akampi tattha pathavī, Sineruṇavavaṇṇasakā”ti.

Tattha **sāvētvāti** “ajja paṭṭhāya ahaṃ imassa dāso”ti dāsabhāvaṃ sāvētvā. **Yadi koci yācaye mamanti** koci maṃ yadi yāceyya. **Sabhāvaṃ cintayantassāti** aviparītaṃ attano yathābhūtaṃ sabhāvaṃ

1. Khu 6. 204 piṭṭhādīsu.

2. Khu 6. 312 piṭṭhādīsu.

3. Parihārena (Ka)

atittimaṃ¹ yathājjhāsayam cintentassa mama, mayi cintenteti attho. **Akampitanti** kampitarahitam. **Asaññhitanti** saṅkocarahitam. Yena hi lobhādina abodhisattānam cakkhādidāne cittutrāsasaṅkhātam kampitam saṅkocasaṅkhātam saññhitañca siyā, tena vināti attho. **Akampīti** acali. **Sineruvanavaṭaṃsakāti** Sinerumhi Uṭṭhitanandanavana Phārusakavana Missakavana Cittalatāvanādikappakataruvanam Sineruvanam. Atha vā Sineru ca Jambudīpādīsu ramaṇīyavanañca Sineruvanam, taṃ vanam vaṭaṃsakam etissāti Sineruvanavaṭaṃsakā.

Evañca pathavikampane vattamāne madhuragambhīradevo gajjanto khaṇikavassam vassi. Vijjulatā nicchariṃsu. Mahāsamuddo ubbhijji². Sakko devarājā apphoṭesi. Mahābrahmā sādhu-kāramadāsi. Yāva brahmalokā ekakolāhalaṃ ahosi. Mahāsatto soḷasavassakāleyeva sabbasippānam nipphattim pāpuṇi. Tassa pitā rajjam dātukāmo mātārā saddhim mantetvā Maddarājakulato mātuladhītarā Maddim nāma rājakaññaṃ ānetvā soḷasannaṃ itthisahassānam jeṭṭhakaṃ aggamahesiṃ katvā mahāsattaṃ rajje abhihiñci. Mahāsatto rajje paṭiṭṭhitakālato paṭṭhāya devasikaṃ chasatasahassāni vissajjetvā mahādānam pavattento anvaddhamāsam dānam oloketum upasaṅkamati. Aparabhāge Maddidevī puttā vijāyi, taṃ kañcanajālena sampaṭicchīṃsu, tenassa “Jālikumāro” tveva nāmaṃ karīṃsu. Tassa padasā gamanakāle sā dhītarā vijāyi, taṃ kañhājīnena sampaṭicchīṃsu, tenassā “Kañhājīnā” tveva nāmaṃ karīṃsu. Tena vuttam—

81. “Anvaddhamāse pannarase, puṇṇamāse uposathe.

Paccayam nāgamāruya, dānam dātum upāgamim”ti.

Tattha **anvaddhamāseti** anu-addhamāse, addhamāse addhamāseti attho. **Puṇṇamāseti** puṇṇamāsiyam, māsaparipūriyā candaparipūriyā ca samannāgate pannarase dānam dātum upāgaminti sambandho. Tatrāyam yojanā—**paccayam nāgamāruya** addhamāse addhamāse **dānam dātum** dānasālam **upāgamim**, evam upagacchanto ca yadā ekasmiṃ pannarase puṇṇamāsi-uposathe dānam dātum upāgamim, tadā **Kaliṅgaratṭhavisayā brāhmaṇā**

1. Akittimaṃ (Si)

2. Ubbatti (Ka)

upagañchu manti. Tattha **paccayaṃ nāganti** paccayanāmakam maṅgalaḥatthim. Bodhisattassa hi jātadivase ekā ākāsacārinī kareṇukā¹ abhimaṅgalasammataṃ sabbasetahatthipotakam ānetvā maṅgalaḥatthiṭṭhāne ṭhapetvā pakkāmi. Tassa mahāsattaṃ paccayaṃ katvā laddhattā “Paccayo” tveva nāmam karimsu. Tam paccayanāmakam opavayham hatthināgam āruyha dānam dātum upāgaminti. Tena vuttam—

82. “Kaliṅgaratṭhavisayā, brāhmaṇā upagañchu maṃ.
Ayācum maṃ hatthināgam, dhaññam maṅgalasammataṃ.

83. Avuṭṭhiko janapado, dubbhikkho chātako mahā.
Dadāhi pavaram nāgam, sabbasetam gajuttaman”ti.

Tattha “**Kaliṅgaratṭhavisayā**”ti-ādigāthā heṭṭhā **Kururājacāritepi**² āgatā eva, tasmā tāsam attho kathāmaggo ca tattha vuttanayeneva veditabbo. Idha pana maṅgalaḥatthino setattā “**sabbasetam gajuttaman**”ti vuttam. Bodhisatto hatthikkhandhavaragato—

84. “Dadāmi na vikampāmi, yaṃ maṃ yācanti brāhmaṇā.
Santam nappaṭigūhāmi, dāne me ramate mano”ti—

attano dānābhiratiṃ pavedento—

85. “Na me yācakamanuppatte, paṭikkhepo anucchavo.
Mā me bhijji samādānam, dassāmi vipulam gajan”ti—

paṭijānitvā hatthikkhandhato oruyha analānkataṭṭhānam olokanattham anupariyāyitvā analānkataṭṭhānam adisvā kusumamissagandhodakabharitam suvaṇṇabhiṅgāram gahetvā “bhonto ito ethā”ti alaṅkatarajata dāmasadisam hatthisoṇḍam tesam hatthe ṭhapetvā udakam pātetvā alaṅkatavāraṇam adāsi. Tena vuttam—

86. “Nāgam gahetvā soṇḍāya, bhiṅgāre ratanāmaye.
Jalam hatthe ākiritvā, brāhmaṇānam adam gajan”ti.

1. Kaṇerukā (Sī, Ka)

2. Khu 4. 387 piṭṭhe.

Tattha **santanti** vijjamānaṃ deyyadhammaṃ. **Nappaṭigūhāmī**ti na paṭicchādehi. Yo hi attano santakaṃ “mayhameva hotū”ti cinteti, yācito vā paṭikkhipati, so yācakānaṃ abhimukhe ṭhitampi atthato paṭicchādeti nāma. Mahāsatto pana attano sīsaṃ ādiṃ katvā ajjhattikadānaṃ dātukāmo, kathaṃ bāhiraṃ paṭikkhipati, tasmā āha “santaṃ nappaṭigūhāmī”ti. Tenevāha “dāne me ramate mano”ti. Sesāṃ heṭṭhā vuttatthameva.

Tassa pana hatthino catūsu pādesu alaṅkāra cattāri satasahassāni agghanti, ubhosu passesu alaṅkāra dve satasahassāni, heṭṭhā udare kambalaṃ satasahassaṃ, piṭṭhiyaṃ muttājālaṃ maṇijālaṃ kañcanaajālanti tīṇi jālāni tīṇi satasahassāni, ubho kaṇṇālaṅkāra dve satasahassāni, piṭṭhiyaṃ atthatakambalaṃ satasahassaṃ, kumbhālaṅkāro satasahassaṃ, tayo vaṭaṃsakā tīṇi satasahassāni, kaṇṇacūḷālaṅkāro satasahassaṃ, dvinnāṃ dantānaṃ alaṅkāra dve satasahassāni, soṇḍāya sovattikālaṅkāro satasahassaṃ, naṅguṭṭhālaṅkāro satasahassaṃ, ārohaṇanisseṇi satasahassaṃ, bhujjanakaṭṭhāṃ satasahassaṃ, ṭhapetvā anagghabhaṇḍaṃ idaṃ tāva ettakaṃ catuvīsati satasahassāni agghati. Chattapiṇḍiyaṃ pana maṇi, cūḷamaṇi, muttāhāre maṇi, aṅkuse maṇi, hatthikaṇṭhaveṭṭhanamuttāhāre maṇi, hatthikumbhe maṇiṭi imāni cha anagghāni, hatthīpi anaggho evāti hatthinā saddhiṃ satta anagghāni, tāni sabbāni brāhmaṇānaṃ adāsi. Tathā hatthino paricāraṅkāni pañca kulasaṭṭhāni hatthimeṇḍahattigopakehi saddhiṃ adāsi. Saha dānena panassa heṭṭhā vuttanayeneva bhūmikampādayo ahesuṃ. Tena vuttaṃ—

87. “Punāparaṃ dadantassa, sabbasetāṃ gajuttamaṃ.

Tadāpi pathavī kampi, Sineruvanavaṭaṃsakā”ti.

Jātakepi¹ vuttaṃ—

“Tadāsi yaṃ bhimsanakāṃ, tadāsi lomahaṃsanāṃ.

Hatthināge padinnamhi, medanī sampakampathā”ti.

1. Khu 6. 313 piṭṭhe.

88. **Tassa nāgassa dānenāti** chahi anagghehi saddhim
 catuvīsatisatasahassagghanika-alaṅkārabhaṇḍasahitassa tassa
 maṅgalaḥatthissa pariccāgena. **Sivayoti** Sivirājakumārā ceva Siviraṭṭhavāsino
 ca. “Sivayo”ti ca desanāsīsametaṃ. Tattha hi amaccā pārisajjā
 brāhmaṇagahapatikā negamajānapadā nāgarā sakalaraṭṭhavāsino ca
 Sañjayamahārājaṃ Phussatideviṃ Maddideviṃca ṭhapetvā sabbe eva.
Kuddhāti devatāvattanena bodhisattassa kuddhā. **Samāgatāti** sannipatitā. Te
 kira brāhmaṇā hatthim labhitvā taṃ abhiruhitvā mahādvārena pavisitvā
 nagaramajjhena pāyimsu. Mahājanena ca “ambho brāhmaṇā amhākaṃ hatthi
 kuto abhiruḷho”ti vutte “Vessantaramahārājena no hatthi dinno, ke tumhe”ti
 hatthavikārādīhi ghaṭṭentā agamaṃsu. Atha amacce ādim katvā mahājanā
 rājadvāre sannipatitvā “raññā nāma brāhmaṇānaṃ dhanam vā dhaññaṃ vā
 khettaṃ vā vatthu vā dāsīdāsaparicārikā vā dātabbā siyā¹, kathañhi
 nāmāyaṃ Vessantaramahārājā rājārahaṃ maṅgalaḥatthim dassati, na idāni
 evaṃ rajjaṃ vināsetuṃ dassamā”ti ujjhāyitvā Sañjayamahārājassa
 tamatthaṃ ārocetvā tena anunīyamānā ananuyantā agamaṃsu. Kevalam
 pana—

“Mā naṃ daṇḍena satthena, na hi so bandhanāraho.
 Pabbājehi ca naṃ raṭṭhā, vaṅke vasatu pabbate”ti²—

vadiṃsu. Tena vuttaṃ—

“Pabbājesuṃ sakā raṭṭhā, vaṅkaṃ gacchatu pabbatan”ti.

Tattha **pabbājesunti** rajjato bahi vāsathāya ussukkamaṃsu.

Rājāpi “mahā kho ayaṃ paṭipakkho, handa mama putto katipāhaṃ
 rajjato bahi vasatū”ti cintetvā—

“Eso ce Sivīnaṃ chando, chandaṃ nappanudāmaso.

Imaṃ so vasatu rattim, kāme ca paribhuñjatu.

Tato ratyā vivasāne, sūriyuggamaṃ pati.

Samaggā sivayo hutvā, raṭṭhā pabbājayantu naṃ”ti²—

1. Dāsīdāsaparivāraṃ vā dātabbaṃ siyā (Sī)

2. Khu 6. 314 piṭṭhe.

vatvā puttassa santike kattāraṃ pesesi “imaṃ pavattim mama puttassa ārocehi”ti. So tathā akāsi.

Mahāsattopi taṃ sutvā—

“Kisimim me sivayo kuddhā, nāhaṃ passāmi dukkaṭaṃ.

Taṃ me katte viyācikkha, kasmā pabbājayanti maṃ”ti¹—

kāraṇaṃ pucchi. Tena “tumbhākaṃ hatthidānenā”ti vutte somanassappatto hutvā—

“Hadayaṃ cakkhumpa’haṃ dajjaṃ, kim me bāhiraṃ dhanam.
Hiraññaṃ vā suvaṇṇaṃ vā, muttā veḷuriyā maṇi.

Dakkhiṇaṃ vāpa’haṃ bāhuṃ, disvā yācakamāgate.

Dadeyyaṃ na vikampeyyaṃ, dāne me ramate mano.

Kāmaṃ maṃ sivayo sabbe, pabbājentu hanantu vā.

Neva dānā viramissaṃ, kāmaṃ chindantu sattadhā”ti²—

vatvā “nāgarā me ekadivasam dānaṃ dātuṃ okāsaṃ dentu, sve dānaṃ datvā tatiyadivase gamissāmi”ti vatvā kattāraṃ tesam santike pesetvā “ahaṃ sve satta-satakaṃ nāma mahādānaṃ dassāmi, sattahatthisatāni satta-assasatāni sattarathasatāni satta-itthisatāni sattadāsasatāni sattadāsīsātāni sattadhenusātāni paṭiyādehi, nānappakāraṇaṃ annapānādiṃ sabbaṃ dātabbayuttakaṃ upaṭṭhāpehi”ti sabbakammikaṃ amaccaṃ āṇāpetvā ekakova Maddideviyā vasanaṭṭhānaṃ gantvā “bhadde Maddi anugāmitanidhiṃ nidahamānā sīlavantesu dadeyyāsi”ti tampi dāne niyojetvā tassā attano gamanakāraṇaṃ ācikkhitvā “ahaṃ vanaṃ vasanaṭṭhāya gamissāmi, tvaṃ idheva anukkaṇṭhitā vasāhi”ti āha. Sā “nāhaṃ mahārāja tumhehi vinā ekadivasampi vasissāmi”ti āha.

Dutiya-divase satta-satakaṃ mahādānaṃ pavattesi. Tassa satta-satakaṃ dānaṃ dentasseva sāyaṃ ahosi. Alaṅkatarathena māṭāpitūnaṃ vasanaṭṭhānaṃ gantvā “ahaṃ sve gamissāmi”ti te āpucchitvā akāmakānaṃ tesam assumukhānaṃ rodantānaṃyeva vanditvā padakkhiṇaṃ katvā tato

1. Khu 6. 315 piṭṭhe.

2. Khu 6. 316 piṭṭhe.

nikkhamitvā taṃ divasaṃ attano nivesane vasitvā punadivase “gamissāmī”ti pāsādato otari. Maddidevī sassusasurehi nānāyehi yācitvā nivattiyamānāpi tesāṃ vacanaṃ anādiyitvā te vanditvā padakkhiṇaṃ katvā sesitthiyo apaloketvā¹ dve putte ādāya Vessantarassa paṭhamataraṃ gantvā rathe aṭṭhāsi.

Mahāpuriso rathaṃ abhiruhitvā rathe ṭhito mahājanaṃ āpucchitvā “appamattā dānādīni puññāni karoṭhā”ti ovādamassa datvā nagarato nikkhami. Bodhisattassa mātā “putto me dānavittako² dānaṃ detū”ti ābharaṇehi saddhiṃ sattaratanapūrāni sakaṭāni ubhosu passesu pesesi. Sopi attano kāyaruḷhameva ābharaṇabhaṇḍaṃ sampattayācakānaṃ aṭṭhārasa vāre datvā sesāṃ sabbamadāsi. Nagarā nikkhamitvāva nivattitvā oloketukāmo ahoṣi. Athassa puññānubhāvena rathappamaṇe ṭhāne mahāpathavī bhijjitvā parivattitvā rathaṃ nagarābhimukhaṃ akāsi. So mātāpitūnaṃ vasanaṭṭhānaṃ olokesi. Tena kāruññaṃ pathavikampo ahoṣi. Tena vuttaṃ “**tesaṃ nicchubhamānānaṃ**”ti-ādi.

89-90. Tattha **nicchubhamānānanti** tesu sivīsu nikkadḍhantesu, pabbājentesūti attho. Tesaṃ vā nikkhamantānaṃ. **Mahādānaṃ pavattetunti** sattasatakamahādānaṃ dātuṃ. **Ayācissanti** yācim. **Sāvayitvāti** ghosāpetvā. **Kaṇṇabherinti** yugalamahābherim. **Dadāmahanti** dadāmi aham.

91. **Athetthāti** athevaṃ dāne dīyamāne etasmim dānagge. **Tumūloti** ekakolāhalībhūto. **Bheravoti** bhayāvaho. Mahāsattaṃ hi ṭhapetvā aññesaṃ so bhayaṃ janeti, tassa bhayajananākāraṃ dassetuṃ “**dāneniman**”ti-ādi vuttaṃ. Imaṃ Vessantaramahārājānaṃ dānena hetunā sivayo raṭṭhato nīharanti pabbājenti, tathāpi puna ca evarūpaṃ dānaṃ deti ayanti.

92-94. Idāni taṃ dānaṃ dassetuṃ “**hatthin**”ti gāthamāha. Tattha **gavanti** dhenuṃ. **Catuvāhim rathaṃ datvāti** vahantīti vāhino, assā, caturo

1. Oloketvā (Sī)

2. Dānavitakko (Sī, Ka)

ājaññasindhava rathañca brāhmaṇānaṃ datvāti attho. Mahāsatto hi tathā nagarato nikkhamanto sahaajāte saṭṭhisahassee amacce sesajanañca assupuṇṇamukhaṃ anubandhantaṃ nivattetvā rathaṃ pājento Maddiṃ āha “sace bhadde pacchato yācakā āgacchanti, upadhāreyyāsī”ti. Sā oloketī nisīdi. Athassa sattasatakamahādānaṃ gamanakāle katadānañca sampāpuṇṇitum asakkontā cattāro brāhmaṇā āgantvā “Vessantaro kuhin”ti pucchitvā “dānaṃ datvā rathena gato”ti vutte “asse yācissāmā”ti anubandhiṃsu. Maddi te āgacchante disvā “yācakā devā”ti ārocesi. Mahāsatto rathaṃ ṭhapesi. Te āgantvā asse yāciṃsu. Mahāsatto asse adāsi. Te te gahetvā gatā. Assesu pana dinnesu rathadhuraṃ ākāseyeva atṭhāsi. Atha cattāro devaputtā rohitamigavaṇṇenāgantvā rathadhuraṃ sampācchitvā āgamaṃsu. Mahāsatto tesam devaputtabhāvaṃ ñatvā—

“Ingha Maddi nisāmehi, cittarūpaṃva dissati.

Migarohiccavaṇṇena, dakkhiṇassā vahanti maṃ”ti¹—

maddiyā āha.

Tattha **cittarūpaṃvāti** acchariyarūpaṃ viya. **Dakkhiṇassāti** susikkhita-assā viya **maṃ vahanti**.

Atha naṃ evaṃ gacchantam aparo brāhmaṇo āgantvā rathaṃ yāci. Mahāsatto puttadāraṃ otāretvā rathaṃ adāsi. Rathe pana dinne devaputtā antaradhāyiṃsu. Tato paṭṭhāya pana sabbepi pattikāva ahesum. Atha mahāsatto “maddi tvaṃ Kaṇhājinaṃ gaṇhāhi, ahaṃ Jālikumāraṃ gaṇhāmī”ti ubhopi dve dārake aṅkenādāya aññamaññaṃ piyasallāpā paṭipathaṃ āgacchante manusse vaṅkapabbatassa maggaṃ pucchantā sayameva onatesu phalarukkhesu phalāni dārakānaṃ dadantā atthakāmāhi devatāhi maggassa saṅkhipitattā tadaheva Cetaraṭṭhaṃ sampāpuṇṇiṃsu. Tena vuttam “**catuvāhiṃ rathaṃ datvā**”ti-ādi.

Tattha **ṭhatvā cātummahāpatheti** attano gamanamaggena passato āgatena tena brāhmaṇena āgatamaggena ca vinivijjhivā gataṭṭhānattā

1. Khu 6. 329 piṭṭhe.

catukkasaṅkhāte catumahāpathe ṭhatvā tassa brāhmaṇassa ratham datvā. **Ekākiyoti** amaccasevakādisahāyābhāvena ekako. Tenevāha “**adutiyo**”ti. **Maddideviṃ idamabravīti** Maddideviṃ idam abhāsi.

96-99. **Padumaṃ puṇḍarīkaṃvāti** padumaṃ viya puṇḍarīkaṃ viya ca. **Kaṇhājinaḅḅahīti** Kaṇhājinaṃ aggaḅhesi. **Abhijātāti** jātisampannā. **Visamaṃ samanti** visamaṃ samaṅca bhūmippadesaṃ. **Entīti** āgacchanti. **Anumagge paṭippatheti** anumagge vā paṭipathe vāti **vā**-saddassa lopo daṭṭhabbo. **Karuṇanti** bhāvanapumsakaniddeso, karuṇāyitattanti attho. **Dukkhaṃ te paṭivedentīti** ime evaṃ sukhumālā padasā gacchanti, dūreva ito vaṅkapabbatoti te tadā amhesu kāruṅṅnavasena attanā dukkhaṃ paṭilabhanti, tathā attano uppannadukkhaṃ paṭivedenti vāti attho.

100-1. **Pavaneti** mahāvane. **Phalineti** phalavante. **Ubbiddhāti** uddhaṃ uggatā uccā. **Upagacchanti dāraḅketi** yathā phalāni dāraḅkaṇaṃ hatthūpagayhakāni honti, evaṃ rukkhā sayameva sākhāhi onamitvā dāraḅke upenti.

102. **Acchariyanti** accharāyoggaṃ, accharaṃ paharitaṃ yuttaṃ. Abhūtapubbaṃ bhūtanti **abbhutaṃ**. Lomenaṃ haṃsanasaṃmatthatāya **lomahaṃsanaṃ**. **Sāhukāraṅti** sādhuḅkāraṃ, ayaṃeva vā pāṭho. Itthiratanabhāvena sabbehi aṅgehi avayavehi sobhatīti **sabbaṅgasobhanaṃ**.

103-4. **Accheraṃ vatāti** acchariyaṃ vata. **Vessantarassa tejenāti** Vessantarassa puṅṅṅnubhāvena. **Saṅkhipiṃsu pathaṃ yakkhāti** devatā mahāsattassa puṅṅṅatejena coditā taṃ maggaṃ parikkhayaṃ pāpesuṃ, appakaṃ akaṃsu, taṃ pana dāraḅkesu karuṅṅya kataṃ viya katvā vuttaṃ “**anukampāya dāraḅke**”ti. Jetuttaranagaraḅto hi Suvannaḅgiritālo nāma pabbato paṅca yojanāni, tato Kontimārā nāma nadī paṅca yojanāni, tato Māraṅjanāgiri¹ nāma pabbato paṅca yojanāni, tato daṅḅḅabrāhmaṅaḅgāmo nāma paṅca yojanāni, tato Mātulanagaraṃ dasa yojanāni, iti taṃ raṭṭhaṃ Jetuttaranagaraḅto tiṃsa yojanāni hoti.

1. Añchanagiri (Si), Añcaragiri (Ka)

Devatā bodhisattassa puññatejena coditā maggaṃ parikkhayaṃ pāpesuṃ. Tam sabbaṃ ekāheneva atikkamiṃsu. Tena vuttaṃ “**nikkhantadivaseneva, Cetaṛaṭṭhamupāgamun**”ti.

Evam mahāsatto sāyanhasamayaṃ Cetaṛaṭṭhe mātulanagaraṃ patvā tassa nagarassa dvārasamīpe sālāyaṃ nisīdi. Athassa Maddidevī pādesu rajaṃ puñchitvā pāde sambāhitvā “Vessantarassa āgatabhāvaṃ jānāpessāmi”ti sālato nikkhamitvā tassa cakkhupathe sāladvāre aṭṭhāsi. Nagarāṃ pavisantiyo ca nikkhamantiyo ca itthiyo taṃ disvā parivāresuṃ. Mahājano tañca Vessantarañca putte cassa tathā āgate disvā rājūnaṃ ācikkhi. Saṭṭhisahassā rājāno rodantā paridevantā tassa santikaṃ āgantvā maggaparissamaṃ vinodetvā tathā āgamanakāraṇaṃ pucchimṃsu.

Mahāsatto hatthidānaṃ ādiṃ katvā sabbaṃ kathesi. Tam sutvā te attano rajjena nimantayimṃsu. Mahāpuriso “mayā tumhākaṃ rajjaṃ paṭiggahitameva hotu, rājā pana maṃ raṭṭhā pabbājeti, tasmā vaṅkapabbatameva gamissāmi”ti vatvā tehi nānappakāraṃ tattha vāsaṃ yāciyamānopi taṃ analaṅkaritvā tehi gahitārakkho taṃ rattiṃ sālāyameva vasitvā punadivase pātova nānaggarasabhojanaṃ bhuñjitvā tehi parivuto nikkhamitvā pannarasayojanamaggaṃ gantvā vanadvāre ṭhatvā te nivattetvā purato pannarasayojanamaggaṃ tehi ācikkhitaniyāmeneva agamāsi. Tena vuttaṃ—

105. “Saṭṭhirājasahassāni, tadā vasanti mātule.

Sabbe pañjalikā hutvā, rodamānā upāgamuṃ.

106. Tattha vattetvā sallāpaṃ, Ceteḥi Cetaputteḥi.

Te tato nikkhamitvāna, Vaṅkaṃ agamu pabbatan”ti.

Tattha **tattha vattetvā sallāpanti** tattha tehi rājūhi samāgamehi saddhiṃ paṭisammōdamānā kathaṃ pavattetvā. **Cetaputteḥi** Cetaṛajaputteḥi. **Te tato nikkhamitvānāti** te rājāno tato vanadvāraṭṭhāne nivattetvā. **Vaṅkaṃ agamu pabbatanti** amhe cattāro janā Vaṅkapabbataṃ uddissa agamamhā.

Atha mahāsatto tehi ācikkhitamaggena gacchanto Gandhamādanapabbataṃ patvā taṃ divasaṃ tatha vasitvā tato uttaradisābhimukho Vepullapabbatapādena gantvā Ketumatīnadītīre nisīditvā vanacarakena dinnāṃ madhumaṃsaṃ khādītva tassa suvaṇṇasūciṃ datvā nhatvā pivitvā paṭippassaddhadaratho nadim uttaritvā Sānupabbatasikhare ṭhitassa nigrodhassa mūle thokaṃ nisīditvā uṭṭhāya gacchanto Nālikapabbataṃ pariharanto Mucalindasaraṃ gantvā saratīrena pubbuttarakaṇṇaṃ patvā ekapadikamaggeneva vanaghaṭaṃ pavisitvā taṃ atikkamma girividuggānaṃ nadīpabhavānaṃ purato caturassapokkharaṇiṃ pāpuṇi.

107. Tasmiṃ khaṇe Sakko āvajjento “mahāsatto Himavantaṃ pavitṭho, vasanaṭṭhānaṃ laddhuṃ vaṭṭatī”ti cintevā Vissakammaṃ pesesi “gaccha Vaṅkapabbatakucchimhi ramaṇīye ṭhāne assamapadaṃ māpehi”ti. So tatha dve paṇṇasālāyo dve caṅkame dve ca rattitṭhānādivaṭṭhānāni māpetvā tesu tesu ṭhānesu nānāpupphavicitte rukkhe phalite rukkhe pupphagacche kadalivanādīni ca dassetvā sabbe pabbajitaparikkhāre paṭiyādetvā “yekeci pabbajitukāmā, te gaṇhantū”ti akkharāni likhitvā amanusse ca bheravasadde migapakkhino ca paṭikkamāpetvā sakaṭṭhānameva gato.

Mahāsatto ekapadikamaggaṃ disvā “pabbajitānaṃ vasanaṭṭhānaṃ bhavissatī”ti Maddiṅca putte ca tattheva ṭhapetvā assamapadaṃ pavisitvā akkharāni oloketvā “Sakkena dinnosmī”ti paṇṇasāladvāraṃ vivaritvā pavitṭho khaggaṅca dhanuṅca apanetvā sātāke omuñcitvā isivesaṃ gahetvā kattaradaṇḍaṃ ādāya nikkhamitvā Paccekabuddhasadisena upasamena dāraḱānaṃ santikaṃ agamāsi. Maddidevīpi mahāsattaṃ disvā pādesu patitvā roditvā teneva saddhiṃ assamaṃ pavisitvā attano paṇṇasālaṃ gantvā isivesaṃ gaṇhi. Pacchā puttepi tāpasakumārake karimsu. Bodhisatto maddim varam yāci “mayam ito paṭṭhāya pabbajitā nāma, itthī ca nāma brahmacariyassa malaṃ, mā dāni akāle mama santikaṃ āgacchā”ti. Sā “sādhū”ti sampaṭicchitvā mahāsattampi varam yāci “deva tumhe putte gahetvā idheva hotha, aham phalāphalaṃ āharissāmi”ti. Sā tato paṭṭhāya araṇṇato phalāphalāni āharitvā tayo jane paṭijaggi. Iti cattāro khattiyā Vaṅkapabbatakucchiyaṃ sattamāsamattaṃ vasiṃsu. Tena vuttam “āmantayitvā devindo, Vissakammaṃ mahiddhikan”ti-ādi.

Tattha **āmantayitvā** pakkosāpetvā. **Mahiddhikanti** mahatiyā deviddhiyā samannāgataṃ. **Assamaṃ sukatanti** assamapadaṃ sukataṃ katvā. **Rammaṃ** Vessantarassa vasanānucchavikaṃ **paṇṇasālaṃ**. **Sumāpayāti** suṭṭhu māpaya. **Āṇapesīti** vacanaseso. **Sumāpayīti** sammā māpesi.

111. **Asuññoti** yathā so assamo asuñño hoti, evaṃ tassa asuññabhāvakaraṇena asuñño homi. “Asuññe”ti vā paṭho, mama vasaneneva asuññe assame dārake anurakkhanto vasāmi tattha tiṭṭhāmi. Bodhisattassa mettānubhāvena samantā tiyojane sabbe tiracchānāpi mettaṃ paṭilabhiṃsu.

Evaṃ tesu tattha vasantesu Kalīngaraṭṭhavāsī **Jūjako** nāma brāhmaṇo **Amittatāpanāya** nāma bhariyāya “nāhaṃ te niccaṃ dhaññaṃ koṭṭana-udakāharaṇayāgubhattapaṇṇādiṇi kātuṃ sakkomi, paricāraṃ me dāsaṃ vā dāsiṃ vā ānehi”ti vutte “kutohaṃ te bhoti duggato dāsaṃ vā dāsiṃ vā labhissāmi”ti vatvā tāya “esa Vessantaro rājā Vaṅkapabbate vasati, tassa putte mayhaṃ paricārake yācitvā ānehi”ti vutte kilesavasena tassā paṭibaddhacittatāya tassā vacanaṃ atikkamituṃ asakkonto pātheyyaṃ paṭiyādāpetvā anukkamena Jetuttaranagaraṃ patvā “kuhiṃ Vessantaramahārājā”ti pucchi.

Mahājano “imesaṃ yācakānaṃ atidānena amhākaṃ rājā raṭṭhā pabbājito, evaṃ amhākaṃ rājānaṃ nāsetvā punapi idheva āgacchatī”ti leḍḍudaṇḍādihattho upakkosanto brāhmaṇaṃ anubandhi. So devatāviggahito hutvā tato nikkhamitvā Vaṅkapabbatagāmimaggam abhiruḷho anukkamena vanadvāraṃ patvā mahāvanam ajjhogāhetvā maggamūḷho hutvā vicaranto tehi rājūhi bodhisattassa ārakkhaṇatthāya ṭhapitena Cetaputtana samāgañchi. Tena “kahaṃ bho brāhmaṇa gacchasi”ti puṭṭho “Vessantaramahārājassa santikan”ti vutte “addhā ayaṃ brāhmaṇo tassa putte vā devim vā yācituṃ gacchatī”ti cintetvā “mā kho tvaṃ brāhmaṇa tattha gañchi, sace gacchasi, ettheva te sīsaṃ chinditvā mayhaṃ sunakhānaṃ ghāsaṃ karissāmi”ti tena santajjito maraṇabhayaabhīto “ahamassa pitarā pesito dūto, ‘taṃ ānessāmi’ti āgato”ti musāvadaṃ abhāsi. Taṃ sutvā Cetaputto tuṭṭhahaṭṭho

brāhmaṇassa sakkārasammānaṃ katvā Vaṅkapabbatagāmimaggaṃ ācikkhi.
So tato paraṃ gacchanto antarāmagge accutena nāma tāpasena saddhiṃ
samāgantvā tampi maggaṃ pucchitvā tenāpi magge ācikkhite tena
ācikkhitasaññāya maggaṃ gacchanto anukkamena bodhisattassa
assamapadaṭṭhānasamīpaṃ gantvā Maddideviyā phalāphalattamaṃ gatakāle
bodhisattaṃ upasaṅkamitvā ubho dārake yāci. Tena vuttaṃ—

112. “Pavane vasamānassa, addhiko maṃ upāgami.

Ayāci puttake mayhaṃ, Jāliṃ Kaṇhājinaṃ cubho”ti.

Evam brāhmaṇena dārakesu yācitesu mahāsatto “cirassaṃ vata me
yācako adhigato, ajjāhaṃ anavasesato dānapāramiṃ pūressāmī”ti
adhippāyena somanassajāto pasāritahatthe sahasatthavikaṃ ṭhapento viya
brāhmaṇassa cittaṃ paritosento sakalañca taṃ pabbatakucchiṃ unnādentō
“dadāmi tava mayhaṃ puttake, api ca Maddidevī pana pātova
phalāphalattāya vanaṃ gantvā sāyaṃ āgamissati, tāya āgatāya te puttake
dassetvā tvañca mūlaphalāphalaṃ khādītva ekarattiṃ vasitvā
vigataparissamo pātova gamissasī”ti āha. Brāhmaṇo “kāmañcesa
uḷārajjhāsayatāya puttake dadāti, mātā pana vacchagiddhā āgantvā dānassa
antarāyampi kareyya, yannūnāhaṃ imaṃ nippīletvā dārake gahetvā ajjeva
gaccheyyan”ti cintetvā “puttā ce te mayhaṃ dinnā, kiṃ dāni mātaraṃ
dassetvā pesitehi, dārake gahetvā ajjeva gamissāmī”ti āha. “Sace tvaṃ
brāhmaṇa rājaputtiṃ mātaraṃ daṭṭhuṃ na icchasi, ime dārake gahetvā
Jetuttharanagaraṃ gaccha, tattha Sañjayamahārājā dārake gahetvā
mahantaṃ te dhanam dassati, tena dāsadāsiyo gaṇhissasi, sukhañca jīvissasi,
aññathā ime sukhumālā rājadārakā, kiṃ te veyyāvaccam karissanti”ti āha.

Brāhmaṇo “evampi mayā na sakkā kātuṃ, rājadaṇḍato bhāyāmi,
mayhameva gāmaṃ nessāmī”ti āha. Imaṃ tesam kathāsallāpaṃ sutvā
dārakā “pitā no kho amhe brāhmaṇassa dātukāmo”ti pakkamitvā
pokkharāṇi¹ gantvā paduminigacche niliyimsu. Brāhmaṇo te adisvāva

1. Pokkharāṇitīraṃ (Ka)

“tvam ‘dārake dadāmi’¹ti vatvā te apakkamāpesi, eso te sādhubhāvo”²ti āha. Atha mahāsatto sahasāva uṭṭhahitvā dārake gavesanto paduminigacche nilīne disvā “etha tātā, mā mayham dānapāramiyā antarāyam akattha, mama dānajjhāsayaṃ matthakaṃ pāpetha, ayañca brāhmaṇo tumhe gahetvā tumhākaṃ ayyakassa Sañjayamahārājassa santikaṃ gamissati, tātā¹ jāli tvam bhujisso hotukāmo brāhmaṇassa nikkhasahassaṃ datvā bhujisso bhaveyyāsi, Kaṇhājine tvam dāsasataṃ dāsisataṃ hatthisataṃ assasataṃ usabhasataṃ nikkhasatanti sabbasataṃ datvā bhujissā bhaveyyāsi”³ti kumāre agghāpetvā samassāsetvā gahetvā assamapadaṃ gantvā kamaṇḍalunā udakaṃ gahetvā sabbaññutaññāṇassa paccayaṃ katvā brāhmaṇassa hatthe udakaṃ pātetvā ativiya pītisomanassajāto hutvā pathaviṃ unnādentō piyaputtadānaṃ adāsi. Idhāpi pubbe vuttanayeneva pathavikampādayo ahesuṃ. Tena vuttaṃ—

113. “Yācakaṃ upagataṃ disvā, hāso me upapajjatha.

Ubho putte gahetvāna, adāsiṃ brāhmaṇe tadā.

114. Sake putte cajantassa, Jūjake brāhmaṇe yadā.

Tadāpi pathavī kampi, Sineruvanavaṭaṃsakā”⁴ti.

Atha brāhmaṇo dārake agantukāme latāya hatthesu bandhitvā ākaḍḍhi. Tesāṃ bandhaṭṭhāne chaviṃ chinditvā lohitaṃ pagghari. So latādaṇḍena paharanto ākaḍḍhi². Te pitaraṃ oloketvā—

“Ammā ca tātā nikkhantā, tvañca no tātā dassasi.

Mā no tvam tātā adadā, yāva am māpi etu no.

Tadāyaṃ brāhmaṇo kāmaṃ, vikkiṇātu hanātu vā”³ti—

vatvā punapi ayaṃ evarūpo ghoradassano kurūrakammanto—

“Manusso udāhu yakkho, maṃsalohitabhojano.

Gāmā araññaṃāgamma, dhanam taṃ tātā yācati.

Nīyamāne pisācena, kiṃ nu tātā udikkhasi”⁴ti—

ādāni vadantā parideviṃsu. Tattha **dhananti** puttadhanam.

1. Tattha (Ka)

2. Ākaḍḍhati (Sī)

3. Khu 6. 351 piṭṭhe.

4. Khu 6. 352 piṭṭhe.

Jūjako dārake tathā paridevanteyeva pothentova gahetvā pakkāmi. Mahāsattassa dārakānaṃ karuṇaṃ paridevitena tassa ca brāhmaṇassa akāruññabhāvena balavasoko uppajji, vippaṭisāro ca udapādi. So taṅkhaṇaññeva bodhisattānaṃ paveṇiṃ anussari. “Sabbeva hi bodhisattā pañca mahāpariccāge pariccajitvā Buddhā bhavissanti, ahampi tesam abbhantaro, puttadānañca mahāpariccāgānaṃ aññatarānaṃ, tasmā Vessantara dānaṃ datvā pacchānutāpo na te anucchaviko”ti attānaṃ paribhāsetvā “dinnakālato paṭṭhāya mama te na kiñci honti”ti attānaṃ upatthambhetvā daḷhasamādānaṃ adhiṭṭhāya paṇṇasāladvāre pāsāṇaphalake kañcanaapaṭimā viya nisīdi.

Atha Maddidevī araññato phalāphalaṃ gahetvā nivattantī “mā mahāsattassa dānantarāyo hotū”ti vāḷamigarūpadharāhi devatāhi uparuddhamaggā tesu apagatesu cirena assamaṃ patvā “ajja me dussupinaṃ diṭṭhaṃ, dunnimittāni ca uppannāni, kiṃ nu kho bhavissati”ti cintentī assamaṃ pavisitvā puttake apassantī bodhisattassa santikaṃ gantvā “deva na kho amhākaṃ puttake passāmi, kuhiṃ te gatā”ti āha. So tuṅhī ahoṣi. Sā puttake upadhārentī tahiṃ tahiṃ upadhāvitvā gavesantī adisvā punapi gantvā pucchi. Bodhisatto “kakkhaḷakathāya naṃ puttasokaṃ jahāpessāmi”ti cintetvā—

“Nūna Maddī varārohā, rājaputtī yasassinī.

Pāto gatāsi uñchāya, kimidaṃ sāyamāgatā”ti¹—

vatvā tāya cirāyanakāraṇe kathite punapi dārake sandhāya na kiñci āha. Sā puttasokena te upadhārentī punapi vātavegena vanāni vicari, tāya ekarattiyaṃ vicaritaṭṭhānaṃ pariggaṇhantaṃ pannarasayojanamattaṃ ahoṣi. Atha vibhātāya rattiyā mahāsattassa santikaṃ gantvā ṭhitā dārakānaṃ adassanena balavasokābhibhūtā tassa pādamūle chinnakadalī viya bhūmiyaṃ visaññī hutvā pati. So “matā”ti saññāya kampamāno uppannabalavasokopi satim paccupaṭṭhapetvā “jānissāmi tāva jīvati, na jīvati”ti sattamāse kāyasamsaggaṃ

1. Khu 6. 359 piṭṭhe.

anāpannapubbopi aññassa abhāvena tassā sīsam ukkhipitvā ūrusu ṭhapetvā udakena paripphositvā urañca mukhañca hadayañca parimajji. Maddipi kho thokaṃ vītināmetvā satim paṭilabhitvā hirottappam paccupaṭṭhapetvā “deva dārakā te kuhiṃ gatā”ti pucchi. So āha “devi ekassa me brāhmaṇassa maṃ yācitvā āgatassa dāsathāya dinnā”ti vatvā tāya “kasmā deva putte brāhmaṇassa datvā mama sabbarattim paridevitvā vicarantiyā nācikkhī”ti vutte “paṭhamameva vutte tava cittadukkham bahu bhavissati, idāni pana sarīradukkheṇa tanukaṃ bhavissati”ti vatvā—

“Maṃ passa maddi mā putte, mā bālham paridevasi.
Lacchāma putte jīvantā, arogā ca bhavāmase”ti¹—

So samassāsetvā puna—

“Putte pasuñca dhaññañca, yañca aññaṃ ghare dhanam.
Dajjā sappuriso dānam, disvā yācakamāgatam.
Anumodāhi me Maddi, puttake dānamuttaman”ti¹—

vatvā attano puttadānam taṃ anumodāpesi.

Sāpi—

“Anumodāmi te deva, puttake dānamuttaman.
Datvā cittaṃ pasādehi, bhīyyo dānam dado bhavā”ti²—

vatvā anumodi.

Evam tesu aññamaññaṃ sammodanīyam katham kathentesu Sakko cintesi “mahāpuriso hiyyo Jūjakassa pathaviṃ unnādetvā dārake adāsi. Idāni nam koci hīnapuriso upasaṅkamtivā Maddideviṃ yācitvā gahetvā gaccheyya, tato rājā nippaccayo bhaveyya, handāham brāhmaṇavaṇṇena nam upasaṅkamtivā Maddim yācitvā pāramikūṭam gāhāpetvā kassaci avissajjiyam katvā puna nam tasseva datvā āgamissāmī”ti. So sūriyuggamanavelāyam brāhmaṇavaṇṇena tassa santikaṃ agamāsi. Tam disvā mahāpuriso “atithi no āgato”ti pītisomanassajāto tena saddhim madhurapaṭisanthāram katvā “brāhmaṇa kenatthena

1. Khu 6. 362 piṭṭhe.

2. Khu 6. 363 piṭṭhe.

idhāgatosī”ti pucchi. Atha naṃ Sakko Maddideviṃ yāci. Tena vuttaṃ—

115. “Punadeva Sakko oruyha, hutvā brāhmaṇasannibho.
Ayāci maṃ Maddideviṃ, sīlavantiṃ patibbatan”ti.

Tattha **punadevā**ti dārake dinnadivasato pacchā eva. Tadanantamevāti attho. **Oruyhā**ti devalokato otarivā. **Brāhmaṇasannibhoti** brāhmaṇasamānavaṇṇo.

Atha mahāsatto “hiyyo me dvepi dārakā brāhmaṇassa dinnā, ahampi araṇṇe ekakova, kathaṃ te Maddiṃ sīlavantiṃ patibbatan dassāmi”ti avatvāva pasāritahatthe anaggharatananā ṭhapento viya asajjitvā abajjhitvā anolīnamānaso “ajja me dānapārami matthakanā pāpuṇissati”ti haṭṭhatuṭṭho giriṃ unnādentō viya—

“Dadāmi na vikampāmi, yaṃ maṃ yācasi brāhmaṇa.
Santanā nappaṭigūhāmi, dāne me ramatī mano”ti¹—

vatvā sīghameva kamaṇḍalunā udakanā āharitvā brāhmaṇassa hatthe udakanā pātetvā bhariyamadāsi. Tena vuttaṃ—

116. “Maddiṃ hatthe gahetvāna, udakañjali pūriya.
Pasannamanasaṅkappo, tassa Maddiṃ adāsahan”ti.

Tattha **udakañjalī**ti udakanā añjalim, “udakan”ti ca karaṇatthe paccattavacanā, udakena tassa brāhmaṇassa añjalim pasāritahatthatalanā pūretvāti attho. **Pasannamanasaṅkappoti** “addhā iminā pariccāgena dānapāramiṃ matthakanā pāpetvā sammāsambodhiṃ adhigamissāmi”ti uppannasaddhāpasādena pasannacittasaṅkappo. Taṅkhaṇaṇṇeva heṭṭhā vuttappakārāni sabbapāṭihāriyāni pāturaheṣuṃ. “Idānissa na dūre sammāsambodhī”ti devagaṇā brahmagaṇā ativiya pītisomanassajātā aheṣuṃ. Tena vuttaṃ—

117. “Maddiyā dīyamānāya, gagane devā pamoditā.
Tadāpi pathavī kampi, Sineruvanavaṭṭamsakā”ti.

1. Khu 6. 364 piṭṭhe.

Tathā pana diyamānāya Maddiyā deviyā ruṇṇaṃ vā dummukhaṃ vā bhākuṭimattaṃ ā nāhosi, evaṃ cassā ahosi “yaṃ devo icchati, taṃ karotū”ti.

“Komārī yassāhaṃ bhariyā, sāmiko mama issaro.

Yassicche tassa maṃ dajjā, vikkiṇeyya haneyya vā”ti¹—

āha.

Mahāpurisopi “ambho brāhmaṇa Maddito me sataguṇena sahasaguṇena satahasaguṇena sabbaññutaññānameva piyatarāṃ, idaṃ me dānaṃ sabbaññutaññānappaṭivedhassa paccayo hotū”ti vatvā adāsi. Tena vuttaṃ—

118. “Jāliṃ Kaṇhājinaṃ dhītaṃ, Maddideviṃ patibbataṃ.

Cajamāno na cintesiṃ, bodhiyāyeva kāraṇā.

119. Na me dessā ubho puttā, Maddidevī na dessiyā.

Sabbaññutaṃ piyaṃ mayhaṃ, tasmā piye adāsahan”ti.

Tattha **cajamāno na cintesinti** pariccajanto santāpavasena na cintesiṃ, vissatṭho hutvā pariccajinti attho.

Etthāha—kasmā panāyaṃ mahāpuriso attano puttadāre jātisampanne khattiye parassa dāsabhāvena pariccaji, na hi yesaṃ kesañcīpi bhujissānaṃ abhujissabhāvakaraṇaṃ sādhumhammoti? Vuccate—anudhamabhāvato. Ayaṃ hi Buddhakārake dhamme anugatadhammatā, yadidaṃ sabbassa attaniyassa mamanti pariggahitavatthuno anavasesapariccāgo, na hi deyyadhammapaṭiggāhakavikapparahitaṃ dānapāramiṃ paripūretum ussukkamāpannānaṃ bodhisattānaṃ mamanti pariggahitavatthum yācantassa yācakassa na pariccajituṃ yuttaṃ, porāṇopi cāyamanudhammo. Sabbesaṃ hi bodhisattānaṃ ayaṃ āciṇṇasamāciṇṇadhammo kulavaṃso kulappaveṇī, yadidaṃ sabbassa pariccāgo, tattha ca visesato piyataravatthupariccāgo, na hi keci bodhisattā vaṃsānugataṃ rajjissariyādidhanapariccāgaṃ attano sīsanayanādi-aṅgapariccāgaṃ piyajīvitapariccāgaṃ kulavaṃsapaṭiṭṭhāpakapiyaputtapariccāgaṃ

1. Khu 6. 364 piṭṭhe.

manāpacārinīpiyabhariyāpariccāganti ime pañca mahāpariccāge apariccajivā Buddhā nāma bhūtapubbā atthi, tathā hi Maṅgale Bhagavati bodhisattabhūte bodhipariyesanam caramāne ca carimattabhāvato tatiye attabhāve saputtadāre ekasmiṃ pabbate vasante Kharadāṭhiko nāma yakkho mahāpurisassa dānajjhāsayaṭam sutvā brāhmaṇavaṇṇena upasaṅkamtivā mahāsattam dve dārake yāci.

Mahāsatto “dadāmi brāhmaṇassa puttake”ti haṭṭhapahaṭṭho udakapariyantam pathaviṃ kamento dvepi dārake adāsi. Yakkho caṅkamanakoṭiyam ālambanaphalakam nissāya ṭhito mahāsattassa passantasseva muḷalalakāpam viya dve dārake khādi. Aggijālam viya lohitadhāram ugghiramānam¹ yakkhassa mukham oloketassa mahāpurisassa “vañcesi vata mam yakkho”ti uppajjanakacittuppādassa-okāsam adentassa upāyakosallassa subhāvitattā atītadhammānam appaṭṭisandhisabhāvato aniccādivasena saṅkhārānam suparimadditabhāvato ca evam ittaratṭhitikena pabhaṅgunā asārena saṅkhārakalāpena “pūritā vata me dānapāramī, mahantam vata me attham sādhetvā idam adhigatan”ti somanassameva uppajji. So idam anaññasādhāraṇam tasmim khaṇe attano cittācāram ñatvā “imassa nissandena anāgate imināva nīhārena sarīrato rasmiyo nikkhamantū”ti patthanamakāsi. Tassa tam patthanam nissāya Buddhabhūtaṣa sarīrappabhā niccameva dasasahassilokadhātum pharitvā aṭṭhāsi². Evam aññepi bodhisattā attano piyataram puttadāram pariccajivā sabbaññutaññānam paṭivijjhimsu.

Api ca yathā nāma koci puriso kassaci santike gāmam vā janapadam vā keṇiyā gahetvā kammam karonto attano antevāsikānam vā pamādena pūtibhūtam³ dhanam dhāreyya, tamenam so gāhāpetvā bandhanāgāram paveseyya. Tassa evamassa “aham kho imassa rañño kammam karonto ettakam nāma dhanam dhāremi, tenāham raññā bandhanāgāre pavesito, sacāham idheva homi, attānañca jīyeyya, puttadārakammakaraporisā ca me jīvikāpagatā mahantam anayabyasanam āpajjeyyum, yannūnāham rañño ārocetvā attano puttam vā kaniṭṭhabhātaram vā idha ṭhapetvā

1. Uggiriyamānam (Ka)

2. Abhi-Ṭṭha 1. 58 piṭṭhepi passitabbam.

3. Patissutam (Ka)

nikkhameyyaṃ, evāhaṃ ito bandhanato mutto na cirasseva yathāmittaṃ yathāsandiṭṭhaṃ dhanam saṃharitvā rañño datvā tampi bandhanato mocemi, appamattova hutvā uṭṭhānabalena attano sampattiṃ paṭipākatikaṃ karissāmi”ti. So tathā kareyya. Evaṃ sampadamidaṃ daṭṭhabbaṃ.

Tatridaṃ opammasaṃsandanaṃ—rājā viya kammaṃ, bandhanāgāro viya saṃsāro, raññā bandhanāgāre ṭhapitapuriso viya kammavasena saṃsāracārake ṭhito mahāpuriso, tassa bandhanāgāre ṭhitapurisassa tattha puttassa vā bhātuno vā parādhīnabhāvakaraṇena tesaṃ attano ca dukkhappamocanaṃ viya mahāpurisassa attano puttādike paresaṃ datvā sabbaññutaññāppaṭilābhena sabbasattānaṃ vaṭṭadukkhappamocanaṃ, tassa vigatadukkhassa tehi saddhiṃ yathādhīppetasaṃpattiyāṃ paṭiṭṭhānaṃ viya mahāpurisassa arahattamaggena apagatavaṭṭadukkhassa Buddhabhāvena dasabalādisabbaññutaññāṇasampattisamannāgamo attano vacanakāraṇānaṃ vijjattayādisampattisamannāgamo cāti evaṃ anavajjasabhāvo eva mahāpurisānaṃ puttadārapariccāgo. Eteneva nayena nesaṃ aṅgaḷivitaṭṭapariccāge yā codanā, sāpi visodhitāti veditabbāti.

Evaṃ pana mahāsattena Maddideviyā dinnāya Sakko acchariyabbhutacittajāto hutvā—

“Sabbe jīta te paccūhā, ye dībbā ye ca mānūsā¹.

Ninnādītā te pathavī, saddo te tidivaṃ gato¹.

Duddadaṃ dadamānānaṃ, dukkaraṃ kamma kubbataṃ.

Asanto nānukubbanti, sataṃ dhammo durannayo.

Tasmā sataṅca asataṃ, nānā hoti ito gati.

Asanto nirayaṃ yanti, santo saggaparāyanā”ti²—

ādinā nayena mahāpurisassa dānānumodanavasena thutiṃ akāsi.

Tattha **paccūhāti** paccatthikā. **Dībbāti** dībbayasapaṭibāhakā. **Mānūsāti** manussayasapaṭibāhakā. Ke pana teti? Macchariyadhammā, te sabbe puttadāraṃ dentena mahāsattena jītāti dasseti. **Duddadanti** puttadārādīduddadaṃ

1. Khu 6. 364 piṭṭhe.

2. Khu 6. 365 piṭṭhe.

dadamānānaṃ tameva **dukkaraṃ kubbataṃ** tumhādisānaṃ kammaṃ aññe sāvakapaccekabodhisattā¹ nānukubbanti, pageva asanto maccharino. Tasmā **sataṃ dhammo durannayo** sādhuṇaṃ mahābodhisattānaṃ paṭipattidhammo aññehi duranugamo.

Evam Sakko mahāpurisassa anumodanavasena thutiṃ katvā Maddideviṃ niyyātento—

“Dadāmi bhoto bhariyaṃ, Maddiṃ sabbaṅgasobhanaṃ².
Tvañceva Maddiyā channo, Maddī ca patino tavā”ti³—

vatvā taṃ Maddiṃ paṭidatvā dibbattabhāvena jalanto taruṇasūriyo viya ākāse thatvā attānaṃ ācikkhanto—

“Sakkohamasmi devindo, āgatosmi tavantike.
Varaṃ varassu rājisi, vare aṭṭha dadāmi te”ti³—

vatvā varehi nimantesi. Mahāsattopi “pitā maṃ punadeva rajje patiṭṭhāpetu, vajjhappattaṃ vadhato moceyyaṃ, sabbasattānaṃ avassayo bhaveyyaṃ, paradāraṃ na gaccheyyaṃ, itthīnaṃ vasaṃ na gaccheyyaṃ, putto me dīghāyuko siyā⁴, annapānādideyyadhammo bahuko siyā, tañca aparikkhayaṃ pasannacitto dadeyyaṃ, evaṃ mahādānāni pavattetvā devalokaṃ gantvā tato idhāgato sabbaññutaṃ pāpuṇeyyaṃ”ti ime aṭṭha vare yāci. Sakko “na cirasseva pitā Sañjayamahārājā idheva āgantvā taṃ gahetvā rajje patiṭṭhāpessati, itaro ca sabbo te manoratho matthakaṃ pāpuṇissati, mā cintayi, appamatto hohī”ti ovaditvā sakaṭṭhānameva gato. Bodhisatto ca Maddidevī ca sammodamānā Sakkadattiye assame vasiṃsu.

Jūjakepi kumāre gahetvā gacchante devatā ārakkhamakaṃsu. Divase divase ekā devadhītā rattibhāge āgantvā Maddivaṇṇena kumāre paṭijaggi. So devatāviggahito hutvā “Kaliṅgaraṭṭhaṃ gamissāmī”ti aḍḍhamāsena Jetuttaranagameva sampāpuṇi. Rājā vinicchaye nisinno brāhmaṇena saddhiṃ dārake rājaṅgaṇena gacchante disvā sañjānitvā

1. Abodhisattā (Sī, Ka)

3. Khu 6. 365 piṭṭhe.

2. Sabbaṅgasobhiniṃ (Sī, Ka)

4. Puttā maddī ca dīghāyukā siyā (Ka)

brāhmaṇena saddhiṃ te pakkosāpetvā taṃ pavattiṃ sutvā bodhisattena kathitaniyāmeneva dhanam datvā kumāre kiṇitvā nhāpetvā bhojetvā sabbālaṅkārapaṭimaṇḍite katvā rājā dāraḥkaṃ Phussatidevī dāriḥkaṃ ucchaṅge katvā bodhisattassa rājaḥputtiyā ca pavattiṃ suḥimsu.

Taṃ sutvā rājā “bhūnahaccam vata mayā katan”ti samviggamānaso tāvadeva dvādasa-akkhobhanīparimāṇam senam sannayhitvā Vaṅkapabbatābhimukho pāyāsi saddhiṃ Phussatideviyā ceva dāraḥkehi ca. Anukkamena gantvā puttena ca suḥisāya ca samāgañchi. Vessantaro piyaputte disvā sokaṃ sandhāretuṃ asakkonto visaññī hutvā tattheva pati, tathā Maddī mātāpitaro sahaḥjātā saṭṭhisahassā ca amaccā. Taṃ kāruṇṇam passantesu ekopi sakabhāvena sandhāretuṃ nāsakki, sakalam assamapadam Yugandharavātapamadditam viya¹ sālavanam ahoṣi. Sakko devarājā tesam visaññībhāvavinodanattam pokkharavassam vassāpesi, temetukāmā tementi, pokkhare patitavassam viya vinivattitvā udakam gacchati. Sabbe saññam paṭilabhimsu. Tadāpi pathavikampādayo heṭṭhā vuttappakārā acchariyā pāturaḥesuṃ. Tena vuttam—

120. “Punāparam brahāraññe, mātāpitūsamāgame.

Karuṇam paridevante, sallapante sukham dukham.

121. Hirottappena garunā, ubhinnaṃ upasaṅkami.

Tadāpi pathavī kampi, Sineruvanavaṭamsakā”ti.

Tattha **karuṇam paridevanteti** mātāpitaro ādim katvā sabbasmim āgatajane karuṇam paridevamāne. **Sallapante sukham dukhanti** sukhadukkham pucchitvā paṭisanthāravasena ālāpasallāpam karonte. **Hirottappena garunā ubhinnanti** ime² Sivīnam vacanam gahetvā adūsakam dhamme ṭhitam maṃ pabbājayimsūti cittappakopam akatvā ubhosu etesu mātāpitūsu dhammagāravasamussitena hirottappeneva yathārūpe **upasaṅkami**. Tena me dhammatejena **tadāpi pathavī kampi**.

1. Yugantavātapahatapamadditam viya (Sī)

2. Imesam (Ka)

Atha Sañjyamahārājā bodhisattaṃ khamāpetvā rajjaṃ paṭicchāpetvā taṅkhaṇaññeva kesamassukammādīni kārāpetvā nhāpetvā sabbābharaṇavibhūsitāṃ devarājānamiva virocamaṇāṃ saha Maddideviyā rajje abhisiñcitvā tāvadeva ca tato paṭṭhāya¹ dvādasa-akkhobhanīparimāṇāya caturaṅginiyā senāya ca puttaṃ parivārayitvā Vaṅkapabbatato yāva Jetuttaranagarā saṭṭhiyojanamaggaṃ alaṅkārāpetvā dvīhi māsehi sukheveva nagaraṃ paveseṣi. Mahājano uḷāraṃ pītisomanassaṃ paṭisaṃvedeṣi. Celukkhepādayo pavattiṃsu. Nagare ca nandibheriṃ carāpesuṃ. Antamaso biḷāre upādāya sabbesaṃ bandhane ṭhitānaṃ bandhanamokkho ahoṣi. So nagaraṃ paviṭṭhadivaseyeva paccūsakāle cintesi “sve vibhātāya rattiyā mamāgatabhāvaṃ sutvā yācakā āgamissanti, tesāhaṃ kiṃ dassāmi”ti. Tasmim̐ khaṇe Sakkassa āsanaṃ uṅhākāraṃ dassesi. So āvajjento taṃ kāraṇaṃ ñatvā tāvadeva rājanivesanassa purimavatthuṃ pacchimavatthuṃ kaṭippamaṇaṃ pūrento ghanamegho viya sattaratanavassaṃ vassāpesi. Sakalanagare jaṇṇuppamaṇaṃ vassāpesīti. Tena vuttaṃ—

122. “Punāparaṃ brahāraññā, nikkhamitvā sañātibhi.
Pavisāmi purāṃ rammaṃ, Jetuttaraṃ puruttamaṃ.
123. Ratanāni satta vassim̐su, mahāmegho pavassatha.
Tadāpi pathavī kampi, Sineruvanavaṭaṃsakā.
124. Acetanāyaṃ pathavī, aviññāya sukhaṃ dukhaṃ.
Sāpi dānabalā mayhaṃ, sattakkhattuṃ pakampathā”ti.

Evāṃ sattaratanavasse vuṭṭhe punadivase mahāsatto “yesaṃ kulānaṃ purimapacchimavatthūsu vuṭṭhadhanaṃ², tesaññeva hotū”ti dāpetvā avasesaṃ āharāpetvā attano gehavatthusmiṃ dhanena saddhiṃ koṭṭhāgāresu okirāpetvā mahādānaṃ pavattesi. **Acetanāyaṃ pathavī**ti cetanārahitā ayaṃ mahābhūtā pathavī, devatā pana cetanāsahitā. **Aviññāya sukhaṃ dukhanti** acetanattā eva sukhaṃ dukkhaṃ ajānitvā. Satipi

1. Vuṭṭhāya (Ka)

2. Vuṭṭhitadhanaṃ (Sī)

sukhadukkhapaccayasamiyoge taṃ nānubhavantī **sāpi dānabalā mayhanti** evambhūtāpi sā mahāpathavī mama dānapuññānubhāvahetu. **Sattakkhattum pakampathāti** aṭṭhavassikakāle hadayamaṃsādīnipi yācakānam dadeyyanti dānajjhāsayuppāde maṅgalaḥṭṭhidāne pabbājanakāle pavattitamahādāne puttadāne bhariyādāne Vaṅkapabbate ñāṭisamāgame nagaraṃ pavittḥadivase ratanavassakāleti imesuṭṭhānesu sattavāraṃ akampittha. Evaṃ ekasmiṃyeva attabhāve sattakkhattum mahāpathavikampanādi-acchariyapātubhāvahetubhūtāni yāvātāyukam mahādānāni pavattetvā mahāsatto āyupariyosāne tusitapure uppajji. Tenāha Bhagavā—

“Tato Vessantaro rājā, dānam datvāna khattiyo.

Kāyassa bheda sappañño, saggam so upapajjathā”ti¹.

Tadā Jūjako Devadatto ahoṣi, Amittatāpanā Ciñcamāṇavikā, Cetaputto Channo, Āccutatāpaso Sāriputto, Sakko Anuruddho, Maddī Rāhulamātā, Jālikumāro Rāhulo, Kaṇhājina Uppalavaṇṇā, mātāpitaro mahārājakulāni, sesaparisā Buddhaparisā, Vessantaro rājā Lokanātho.

Idhāpi heṭṭhā vuttanayeneva yathārahaṃ sesapāramiyo niddhāretabbā. Tathā mahāsatte kucchigate mātu devasikam chasatasahassāni vissajjetvā dānam dātukāmatādohaḷo, tathā dīyamānepi dhanassa parikkhayābhāvo, jātakkaṇe eva hattham pasāretvā “dānam dassāmi, atthi kiñci”ti vācānicchāraṇam, catupañcavassikakāle attano alaṅkāraṃ dhātīnam hatthagatassa puna aggahetukāmatā, aṭṭhavassikakāle hadayamaṃsādīkassa attano sarīrāvayavassa dātukāmatāti evamādīkā sattakkhattum mahāpathavikampanādi-anekacchariyapātubhāvahetubhūtā idha mahāpurisassa guṇānubhāvā vibhāvetabbā. Tenetaṃ vuccati—

“Evaṃ acchariyā hete, abbhutā ca Mahesino -pa-

Tesu cittappasādopi, dukkhato parimocaye.

Pagevānukiriyā tesam, dhammassa anudhammato”ti.

Vessantaracariyāvaṇṇanā niṭṭhitā.

1. Khu 6. 378 piṭṭhe.

10. Sasapaṇḍitacariyāvaṇṇanā

125-6. Dasame **yadā homi, sasakoti** ahaṃ Sāriputta bodhipariyesanaṃ caramāno yadā Sasapaṇḍito homi. Bodhisattā hi kammavasippattāpi tādisānaṃ tiracchānānaṃ anuggaṇhanatthaṃ tiracchānayaniyaṃ nibbattanti. **Pavanacārakoti** mahāvanacārī. Dabbāditiṇṇāni rukkhagacchesu paṇṇāni yaṃkiñci sākāṃ rukkhato patitaphalāni ca bhakkho etassāti **tiṇapaṇṇasākaphalabhakkho. Parahetṭhanavivajjitoti** parapīlavirahito. **Suttapoto cāti** uddapoto ca. **Ahaṃ tadāti** yadāhaṃ sasako homi, tadā ete makkaṭādayo tayo sahāye ovaḍāmi.

127. **Kiriye kalyāṇapāpaketi** kusale ceva akusale ca kamme. **Pāpānīti** anusāsanākāraddassanaṃ. Tattha **pāpāni parivajjethāti** pāṇātipāto -pa-micchādīṭṭhīti imāni pāpāni parivajjetha. **Kalyāṇe abhinivissathāti** dānaṃ sīlaṃ -pa- diṭṭhijukammanti idaṃ kalyāṇaṃ, imasmim kalyāṇe attano kāyavācācittāni abhimukhabhāvena nivissatha, imaṃ kalyāṇapaṭipattim paṭipajjathāti attho.

Evam mahāsatto tiracchānayaniyaṃ nibbattopi ñāṇasampannatāya kalyāṇamitto hutvā tesam tiṇṇam janānaṃ kālena kālam upagatānaṃ ovādasena dhammaṃ desesi. Te tassa ovādam sampaṭicchitvā attano vasanaṭṭhānaṃ pavisitvā vasanti. Evam kāle gacchante bodhisatto ākāsaṃ oloketvā candapāripūriṃdisvā “uposathakammaṃ karothā”ti ovadi. Tenāha—

128. “Uposathamhi divase, candaṃ disvā na pūritam.

Etesam tattha ācikkhim, divaso ajjuposatho.

129. Dānāni paṭiyādettha, dakkhiṇeyyassa dātave.

Datvā dānaṃ dakkhiṇeyye, upavassathuposathan”ti.

Tattha **candaṃ disvā na pūritanti** juṇhapakkhacātuddasiyaṃ īsakaṃ aparipuṇṇabhāvena candaṃ na paripūritaṃ disvā tato vibhātāya rattiyā aruṇuggamanavelāyameva **uposathamhi divase** pannarase **etesam** makkaṭādīnaṃ

mayham saḥāyānaṃ **divaso ajjuposatho**, tasmā “**dānāni paṭiyādehā**”ti-ādinā tattha uposathadivase paṭipattividdhānaṃ **ācikkhinti** yojetabbaṃ. Tattha **dānāni**ti deyyadhamme. **Paṭiyādehā**ti yathāsatti yathābalaṃ sajjetha. **Dātaveti** dātuṃ. **Upavassathā**ti uposathakammaṃ karotha, uposathasīlāni rakkhatha, sīle paṭiṭṭhāya dinnadānaṃ mahapphalaṃ hoti, tasmā yācake sampatte tumhehi khādītabbāhārato datvā khādeyyāthāti dasseti.

Te “sādhū”ti bodhisattassa ovādaṃ sirasā sampaṭicchitvā uposathaṅgāni adhiṭṭhahimssu. Tesu uddapoto pātova “gocaraṃ pariyesissāmī”ti nadīṭiraṃ gato. Atheko bālisiko satta rohitamacche uddharitvā vallyā āvuṇṭivā nadīṭire vālukāya paṭicchādetvā macche gaṇhanto nadiyā adhosotaṃ bhassi. Uddo macchagandhaṃ ghāyitvā vālukaṃ viyūhitvā macche disvā nīharitvā “atthi nu kho etesaṃ sāmiko”ti tikkhattuṃ ghoṣitvā sāmikaṃ apassanto vallyaṃ ḍaṃsitvā attano vasanagumbe ṭhapetvā “velāyameva khādissāmī”ti attano sīlaṃ āvajjento nipajji. Siṅgālopi gocaraṃ pariyesanto ekassa khettagopakassa kuṭiyāṃ dve maṃsasūlāni ekaṃ godhaṃ ekañca dadhivāraṃ disvā “atthi nu kho etesaṃ sāmiko”ti tikkhattuṃ ghoṣetvā sāmikaṃ adisvā dadhivārakassa uggahaṇarajjukaṃ gīvāyaṃ pavesetvā maṃsasūle ca godhañca mukhena ḍaṃsitvā attano vasanagumbe ṭhapetvā “velāyameva khādissāmī”ti attano sīlaṃ āvajjento nipajji. Makkaṭopi vanasaṇḍaṃ pavisitvā ambapiṇḍaṃ āharitvā attano vasanagumbe ṭhapetvā “velāyameva khādissāmī”ti attano sīlaṃ āvajjento nipajji. Tiṇṇampi “aho idha nūna yācako āgaccheyyā”ti cittaṃ uppajji. Tena vuttaṃ—

130. “Te me sādhūti vatvāna, yathāsatti yathābalaṃ.

Dānāni paṭiyādetvā, dakkhiṇeyyaṃ gavesisun”ti.

Bodhisatto pana “velāyameva nikkhamitvā dabbāditiṇāni khādissāmī”ti attano vasanagumbeyeva nisinna cintesi “mama santikaṃ āgatānaṃ yācakānaṃ tiṇāni khādītum na sakkā, tilataṇḍulādayopi

mayham natthi, sace me santikaṃ yācako āgamissati, ahaṃ tiṇena yāpemi, attano sarīramaṃsaṃ dassāmi”ti. Tenāha Bhagavā—

131. “Ahaṃ nisajja cintesiṃ, dānaṃ dakkhiṇanucchavaṃ.
Yadihaṃ labhe dakkhiṇeyyaṃ, kiṃ me dānaṃ bhavissati.
132. Na me atthi tilā muggā, māsā vā taṇḍulā ghatāṃ.
Ahaṃ tiṇena yāpemi, na sakkā tiṇa dātave.
133. Yadi koci eti dakkhiṇeyyo, bhikkhāya mama santike.
Dajjāhaṃ sakamattānaṃ, na so tuccho gamissatī”ti.

Tattha **dānaṃ dakkhiṇanucchavanti** dakkhiṇābhāvena anucchavikaṃ dānaṃ dakkhiṇeyyassa dātabbaṃ deyyadhammaṃ **cintesiṃ**. **Yadihaṃ labheti** yadi ahaṃ kiñci dakkhiṇeyyaṃ ajja labheyyaṃ. **Kiṃ me dānaṃ bhavissatīti** kiṃ mama dātabbaṃ bhavissati. **Na sakkā tiṇa dātaveti** yadi dakkhiṇeyyassa dātuṃ tilamuggādikaṃ mayham natthi, yaṃ pana mama āhārabhūtaṃ, taṃ na sakkā tiṇaṃ dakkhiṇeyyassa dātuṃ. **Dajjāhaṃ sakamattānanti** kiṃ vā mayham etāya deyyadhammacintāya, nanu idameva mayham anavajjaṃ aparādhīnatāya sulabhaṃ paresaṅca paribhogārahaṃ sarīraṃ sace **koci dakkhiṇeyyo** mama santikaṃ āgacchati, tayidaṃ sakamattānaṃ tassa dajjāmahaṃ. Evaṃ sante **na so tuccho** mama santikaṃ āgato arittahattho hutvā **gamissatīti**.

Evaṃ mahāpurisassa yathābhūtasabhāvaṃ parivitakkentassa parivitakkānubhāvena Sakkassa Paṇḍukambalasilāsaṇaṃ uṇhākāraṃ dassesi. So āvajjento imaṃ kāraṇaṃ disvā “sasarājaṃ vīmaṃsissāmi”ti paṭhamam uddassa vasanaṭṭhānaṃ gantvā brāhmaṇavesena aṭṭhāsi. Tena “kimatthaṃ brāhmaṇa ṭhitosi”ti ca vutte sace kañci āhāraṃ labheyyaṃ, uposathiko hutvā samaṇadhammaṃ kareyyanti. So “sādhūti te āhāraṃ dassāmi”ti āha. Tena vuttaṃ—

“Satta me rohitā macchā, udakā thalamubbhatā.
Idaṃ brāhmaṇa me atthi, etaṃ bhutvā vane vasā”ti¹.

1. Khu 5. 101 piṭṭhe.

Brāhmaṇo “pageva tāva hotu, pacchā jānissāmī”ti tatheva siṅgālassa makkaṭassa ca santikaṃ gantvā tehipi attano vijjamānehi deyyadhammehi nimantito “pageva tāva hotu, pacchā jānissāmī”ti āha. Tena vuttaṃ—

“Dussa me khettapālassa, rattibhattaṃ apābhataṃ.
Māmsasūlā ca dve godhā, ekañca dadhivāraṃ¹.
Idaṃ brāhmaṇa me atthi, etaṃ bhutvā vane vasā”ti².
“Ambapakkāṃ dakaṃ sītaṃ, sītacchāyā manoramā.
Idaṃ brāhmaṇa me atthi, etaṃ bhutvā vane vasā”ti².

Tattha **dussāti** amussa. **Rattibhattaṃ apābhatanti** rattibhojanato apanītaṃ. **Māmsasūlā ca dve godhāti** aṅgārapakkāni dve māmsasūlāni ekā ca godhā. **Dadhivāraṃ** dadhivāraṃ.

134. Atha brāhmaṇo Sasapaṇḍitassa santikaṃ gato. Tenāpi “kimatthamāgatosī”ti vutte tathevāha. Tena vuttaṃ “**mama saṅkappamaññāyā**”ti-ādi.

Tattha **mama saṅkappamaññāyāti** pubbe vuttappakāraṃ parivittakkaṃ jānitvā. **Brāhmaṇavaṇṇināti** brāhmaṇarūpavatā attabhāvena. **Āsayanti** vasanagumbaṃ.

135-7. **Santuṭṭhoti** samaṃ sabbabhāgeneva tuṭṭho. **Ghāsahetūti** āhārahetu. **Adinnaṃpubbanti** yehi kehici abodhisattehi adinnaṃpubbaṃ. **Dānavaranti** uttamadānaṃ. “**Ajja dassāmi te ahan**”ti vatvā **tuvaṃ sīlaguṇūpeto, ayuttaṃ te paraheṭṭhananti** taṃ pāṇātipātato apanetvā idāni tassa paribhogayoggaṃ attānaṃ katvā dātum “**ehi aggim padīpehī**”ti-ādimāha.

Tattha **ahaṃ pacissamattānanti** tayā kate aṅgāragabbhe ahameva patitvā attānaṃ pacissaṃ. **Pakkaṃ tvaṃ bhakkhayissasīti** tathā pana pakkaṃ tvaṃ khādissasi.

1. Dadhithālakāṃ (Sī, Ka)

2. Khu 5. 101 piṭṭhe.

138-9. **Nānākaṭṭhe samānayīti** so brāhmaṇavesadhārī Sakko nānādārūni samānento viya ahoṣi. **Mahantaṃ akāsi citakaṃ, katvā aṅgāragabbhakanti** vītaccikaṃ vigatadhūmaṃ aṅgārabharitabbhantaraṃ samantato jalamānaṃ mama sarīrassa nimujjanappahonakaṃ taṅkhaṇaṅṅeva mahantaṃ citakaṃ akāsi, sahasā iddhiyā abhinimminīti adhippāyo. Tenāha “**aggim tattha padīpesi, yathā so khippaṃ mahābhava**”ti.

Tattha **soti** so aggikkhandho sīghaṃ mahanto yathā bhaveyya, tathā **padīpesi. Phoṭetvā rajagate gatteti** “sace lomantaresu pāṇakā atthi, te mā marimsū”ti paṃsugate mama gatte tikkhattuṃ vidhunitvā. **Ekamantaṃ upāvisinti** na tāva kaṭṭhāni ādittānīti tesam ādīpanaṃ udikkhanto thokaṃ ekamantaṃ nisīdim.

140. **Yadā mahākaṭṭhapuṅjo, āditto dhamadhamāyatīti** yadā pana so dārurāsi samantato āditto vāyuvegasamuddhaṭānaṃ jālasikhānaṃ vasena “dhama dhamā”ti evaṃ karoti. **Taduppativā papati, majjhe jālasikhantareti** tadā tasmim kāle “mama sarīrassa jhāpanasamattho ayaṃ aṅgārārāsi”ti cintetvā uppativā ullaṅghitvā jālasikhānaṃ abbhantarabhūte tassa aṅgārārāsissa majjhe padumapuṅje rājahaṃso viya pamuditacitto sakalasarīraṃ dānamukhe datvā papati.

141-2. **Paviṭṭhaṃ yassa kassacīti** yathā ghammakāle sītaṃ udakaṃ yena kenaci paviṭṭhaṃ tassa darathapariḷāhaṃ vūpasameti, assādaṃ pītiṅca uppādeti. **Tatheva jalitaṃ agginti** evaṃ tathā pajjalitaṃ aṅgārārāsi tadā mama paviṭṭhassa usumamattampi nāhoṣi. Aṅṅadatthu dānapītiyā sabbadarathapariḷāhavūpasamo eva ahoṣi. Cirassaṃ vata me chavicammādiko sabbo sarīrāvayavo dānamukhe juhittabbaṃ upagato abhipatthito manoratho matthakaṃ pattoti. Tena vuttaṃ—

143. “Chaviṃ cammaṃ maṃsaṃ nhāruṃ, aṭṭhiṃ hadayabandhanaṃ.
Kevalaṃ sakalaṃ kāyaṃ, brāhmaṇassa adāsahaṃ”ti.

Tattha **hadayabandhananti** hadayamaṃsapesi. Taṃ hi hadayavatthūṃ bandhitvā viya ṭhitattā “hadayabandhanaṃ”ti vuttaṃ. Atha vā **hadayabandhananti** hadayaṅca bandhanaṅca,

hadayamaṁsañceva taṁ bandhitvā viya ʘhitayakanamaṁsañcāti attho.

Kevalaṁ sakalaṁ kāyanti anavasesaṁ sabbaṁ sarīraṁ.

Evam tasmim aggimhi attano sarīre lomakūpamattampi uṇhaṁ kātum asakkonto bodhisattopi himagabbhaṁ pavīṭṭho viya hutvā brāhmaṇarūpadharaṁ Sakkaṁ evamāha “brāhmaṇa tayā kato aggi atisītaḷo, kiṁ nāmetan”ti. Paṇḍita nāhaṁ brāhmaṇo, Sakkohamasmi, tava vīmaṁsanatthaṁ āgato evamakāsinti. “Sakka tvaṁ tāva tiṭṭhatu, sakalopi ce loko maṁ dānena vīmaṁseyya, neva me adātukāmataṁ kathaṅcīpi uppādeyya passetha nan”ti bodhisatto sīhanādaṁ nadi.

Atha naṁ Sakko “sasapaṇḍita tava guṇā sakalakappampi pākaṭā hontū”ti pabbataṁ piḷetvā pabbatarasaṁ ādāya candamaṇḍale sasalakkaṇaṁ ālikhitvā bodhisattaṁ tasmim vanasaṇḍe tattheva vanagumbe taruṇadabbatiṇapīṭhe nipajjāpetvā attano devalokameva gato. Tepi cattāro paṇḍitā samaggā sammadamānā niccasīlaṁ uposathasīlaṅca pūretvā yathārahaṁ puñṇāni katvā yathākammaṁ gatā. Tadā uddo āyasmā Ānando ahosi, siṅgālo Mahāmogallāno, makkaṭo Sāriputto, Sasapaṇḍito pana Lokanātho.

Tassa idhāpi silādīpāramiyo heṭṭhā vuttanayeneva yathārahaṁ niddhāretabbā. Tathā satipi tiracchānupapattiyāṁ kusalādīdhamme kusalādīto yathābhūtāvabodho, tesu aṇumattampi vajjaṁ bhayato disvā suṭṭhu akusalato oramaṇaṁ, sammadeva ca kusalahammesu attano patiṭṭhāpanaṁ, paresaṅca “ime nāma pāpadhammā te evaṁ gahitā evaṁ parāmaṭṭhā evaṁgatikā bhavanti evaṁabhisamparāyā”ti ādīnaṁ dassetvā tato viramaṇe niyojanaṁ, idaṁ dānaṁ nāma idaṁ sīlaṁ nāma idaṁ uposathakammaṁ nāma, ettha patiṭṭhitānaṁ devamanussasampattiyo hatthagatā evāti-ādīnā puñṇakammesu ānisaṁsaṁ dassetvā patiṭṭhāpanaṁ, attano sarīrajīvitanirapekkhaṁ, paresaṁ sattānaṁ anuggaṇhanaṁ, uḷāro ca dānajjhāsayoti evamādayo idha bodhisattassa guṇānubhāvā vibhāvetabbā. Tenetaṁ vuccati “evaṁ acchariyā hete -pa- dhammassa anudhammato”ti.

Sasapaṇḍitacariyāvaṇṇanā niṭṭhitā.

Idāni “**Akittibrāhmaṇo**”ti-ādinā yathāvutte dasapi cariyāvisese udānetvā nigameti. Tattha **ahameva tadā āsīm, yo te dānavare adāti** yo tāni uttamadānāni adāsi, so Akittibrāhmaṇādiko ahameva tadā tasmim kāle ahosiṃ, na aññoti. Iti tesu attabhāvesu satipi silādipāramīnaṃ yathārahaṃ pūritabhāve attano pana tadā dānajjhāsayassa ativiya uḷārabhāvaṃ sandhāya dānapāramivaseneva desanaṃ āropesi. **Ete dānaparikkhārā, ete dānassa pāramīti** ye ime **Akittijātakādīsu**¹ anekākāravokārā mayā pavattitā deyyadhammapariccāgā mama sarīrāvayavaputtadārapariccāgā paramakoṭikā, kiñcāpi te karuṇūpāyakosallapariggahitattā sabbaññūtaññānameva uddissa pavattitattā dānassa paramukkaṃsagamanena dānapāramī eva, tathāpi mama dānassa paramatthapāramibhūtaṃ parikkharaṇato²santānassa paribhāvanāvasena abhisankharaṇato ete dānaparikkhārā nāma. Yassa panete parikkhārā, taṃ dassetuṃ “**jīvitāṃ yācake datvā, imaṃ pārami pūrayin**”ti vuttam. Ettha hi ṭhapetvā sasapaṇḍitacariyaṃ sesāsu navasu cariyāsu yathārahaṃ dānapāramidāna-upapāramiyo veditabbā, **Sasapaṇḍitacariye**³ pana dānaparamatthapāramī. Tena vuttam—

“Bhikkhāya upagataṃ disvā, sakattānaṃ pariccajīm.

Dānena me samo natthi, esā me dānapāramī”ti⁴.

Kiñcāpi hi mahāpurisassa yathāvutte Akittibrāhmaṇādikāle aññasmiñca Mahājanakamahāsutasomādikāle dānapāramiyā pūritattabhāvanāṃ parimāṇaṃ nāma natthi, tathāpi ekanteneva sasapaṇḍitakāle dānapāramiyā paramatthapāramibhāvo vibhāvetabboti.

Paramatthadīpaniyā Cariyāpiṭakasamvaṇṇanāya

Dasavidhacariyāsaṅgahassa visesato dānapāramivibhāvanassa

Paṭhamavaggassa atthavaṇṇanā niṭṭhitā.

1. Khu 5. 266 piṭṭhādīsu.

3. Khu 4. 396 piṭṭhe.

2. Parikkhāraguṇato (Sī)

4. Khu 4. 398 piṭṭhe.

2. Hatthināgavagga

1. Mātuposakacariyāvaṇṇanā

1. Dutiyavaggassa paṭhame **kuñjaroti** hatthī. **Mātuposakoti** andhāya jarājiṇṇāya mātuyā paṭijagganako. **Mahiyāti** bhūmiyaṃ. **Guṇenāti** sīlaguṇena, tadā **mama** sadiso natthi.

Bodhisatto hi tadā Himavantappadese hatthiyoniyaṃ nibbatti, so sabbaseto abhirūpo lakkhaṇasampanno mahāhatthī anekahatthisatasahassaparivāro ahosi. Mātā panassa andhā. So madhuraphalāphalāni hatthīnaṃ hatthesu datvā mātu peseti. Hatthino tassā adatvā sayāṃ khādanti. So pariggaṇhanto taṃ pavattiṃ ñatvā “yūthaṃ pahāya mātarameva possessāmi”ti rattibhāge aññesaṃ hatthīnaṃ ajānantānaṃ mātaraṃ gahetvā Caṇḍoraṇapabbatapādaṃ gantvā ekaṃ naḷiniṃ upanissāya ṭhitāya pabbataguhāya mātaraṃ ṭhapetvā posesi.

2-3. **Pavane disvā vanacaroti** eko vanacarako puriso tasmim mahāvane vicaranto maṃ disvā. **Rañño maṃ paṭivedayīti** Bārāṇasirañño maṃ ārocesi. So hi maggamūḷho disaṃ vavatthapetuṃ asakkonto mahantena saddena paridevi. Bodhisattopi tassa saddaṃ sutvā “ayaṃ puriso anātho, na kho panetaṃ patirūpaṃ, yaṃ esa mayi ṭhite idha vinasseyyā”ti tassa santikaṃ gantvā taṃ bhayena palāyantaṃ disvā “ambho purisa natthi te maṃ nissāya bhayaṃ, mā palāyi, kasmā tvaṃ paridevanto vicarasi”ti pucchitvā “sāmi ahaṃ maggamūḷho ajja me sattamo divaso”ti vutte “bho purisa mā bhāyi, ahaṃ taṃ manussapathe ṭhapessāmi”ti taṃ attano piṭṭhiyaṃ nisīdāpetvā araṇṇato nīharitvā nivatti. Sopi pāpo “nagaraṃ gantvā rañño ārocessāmi”ti rukkhasaññaṃ pabbatasaññaṅca karontova nikkhamitvā Bārāṇasiṃ agamāsi. Tasmim kāle rañño maṅgalaṃ hatthī mato. So puriso rājānaṃ upasaṅkamtivā mahāpurisassa attano diṭṭhabhāvaṃ ārocesi. Tena vuttaṃ “**tavānucchavo mahārāja, gajo vasati kānane**”ti-ādi.

Tattha **tavānucchavoti** tava opavayhaṃ kātuṃ anucchaviko yutto. **Na tassa parikkhāyatthoti** tassa gahaṇe gamanupacchedanatthaṃ samantato khaṇitabbaparikkhāya vā kareṇuyā kaṇṇapuṭena attānaṃ paṭicchādetvā khittapāsarajjuyā bandhitabba-**āḷaka**saṅkhāta-ālānena vā yattha pavīṭṭho katthaci gantuṃ na sakkoti, tādisavañcanakāsuyā vā attho payojanaṃ natthi. **Sahagahiteti** gahaṇasamakālaṃ eva. **Ehitīti** āgamissati.

Rājā imaṃ maggadesakaṃ katvā araṇṇaṃ gantvā “iminā vuttaṃ hatthināgaṃ ānehi”ti hatthācariyaṃ saha parivārena pesesi. So tena saddhim gantvā bodhisattaṃ naḷiniṃ pavisitvā gocaraṃ gaṇhantaṃ passi. Tena vuttaṃ—

4. “Tassa taṃ vacanaṃ sutvā, rājāpi tuṭṭhamānaso.
Pesesi hatthidamakaṃ, chekācariyaṃ susikkhitaṃ.

5. Gantvā so hatthidamako, addasa padumassare.
Bhisamuḷālaṃ¹ uddharantaṃ, yāpanatthāya mātuyā”ti.

Tattha **chekācariyanti** hatthibandhanādividhimhi kusalaṃ hatthācariyaṃ. **Susikkhitanti** hatthīnaṃ sikkhāpanavijjāya niṭṭhaṅgamanena suṭṭhu sikkhitaṃ.

6. **Viññāya me sīlaguṇanti** “bhaddo ayaṃ hatthājānīyo na mando na caṇḍo na vomissasiḷo vā”ti mama sīlaguṇaṃ jānitvā. Kathaṃ? **Lakkhaṇaṃ upadhārayīti** susikkhitahatthisippattā mama lakkhaṇaṃ samantato upadhāresi. Tena so **ehi puttāti vatvāna, mama soṇḍāya aggahi.**

7. Bodhisatto hatthācariyaṃ disvā “idaṃ bhayaṃ mayhaṃ etassa purisassa santikā uppannaṃ, ahaṃ kho pana mahābalo hatthisahassampi viddhamsetuṃ samattho, pahomi kujjhivā saraṭṭhakaṃ senāvāhanaṃ nāsetuṃ. Sace pana kujjhissāmi, sīlaṃ me bhijjissati, tasmā sattīhi koṭṭiyamānopi na kujjhissāmi”ti cittaṃ adhiṭṭhāya sīsaṃ onāmetvā niccalova aṭṭhāsi. Tenāha Bhagavā “**yaṃ me tadā pākatikaṃ, sarīrānugataṃ balan**”ti-ādi.

1. Bhisamūlaṃ (Sī, Ka)

Tattha **pākatikanti** sabhāvasiddham. **Sarīrānugatanti** sarīrameva anugataṃ kāyabalaṃ, na upāyakusalatāsaṅkhātāñāṇanugatanti adhippāyo. **Ajja nāgasahassānanti** ajjakāle anekesaṃ hatthisahassānaṃ samuditānaṃ. **Balena samasādisanti** tesāṃ sarīrabalena samasamameva hutvā sadisaṃ, na upamāmettena. Maṅgalaḥatthikule hi tadā bodhisatto uppannoti.

8. **Yadihaṃ tesāṃ pakuppeyyanti** maṃ gahaṇāya upagatānaṃ tesāṃ ahaṃ yadi kujjheyyaṃ, tesāṃ jīvitamaddane paṭibalo bhaveyyaṃ. Na kevalaṃ tesaññeva, atha kho **yāva rajjampi mānusanti** yato rajjato tesāṃ āgatānaṃ manussānaṃ sabbampi rajjaṃ pothetvā cuṇṇavicuṇṇaṃ kareyyaṃ.

9. **Api cāhaṃ sīlarakkhāyāti** evaṃ samatthopi ca ahaṃ attani paṭiṭṭhitāya sīlarakkhāya sīlaguttiyā gutto bandho viya. **Na karomi citte aññathattanti** tassa sīlassa aññathattabhūtaṃ tesāṃ sattānaṃ pothanādividhiṃ mayhaṃ citte na karomi, tattha cittampi na uppādemī. **Pakhipantaṃ mamāḷaketi** ālānatthambhe pakhipantaṃ, “disvāpī”ti vacanaseso. Kasmāti ce, sīlapāramipūriyā īdisesu ṭhānesu sīlaṃ akhaṇḍentassa me na cirasseva sīlapāramī paripūressatīti sīlapāramiparipūraṇatthaṃ tassa aññathattaṃ citte na karomīti yojanā.

10. **“Yadi te man”**ti gāthāyapi sīlarakkhāya daḷhaṃ katvā sīlassa adhiṭṭhitabhāvameva dasseti. Tattha **koṭṭeyyunti** bhindeyyuṃ. **Sīlakhaṇḍabhayā mamāti** mama sīlassa khaṇḍanabhayena.

Evaṃ pana cintetvā bodhisatte niccale ṭhite hatthācariyo padumasaraṃ otaritvā tassa lakkhaṇasampattiṃ disvā “ehi puttā”ti rajatadāmasadisāya soṇḍāya gahetvā sattame divase Bārāṇasīṃ pāpuṇi. So antarāmagge vattamānova rañño sāsanaṃ pesesi. Rājā nagaraṃ alaṅkārapesi. Hatthācariyo bodhisattaṃ katagandhaparibhaṇḍaṃ alaṅkatapaṭiyattaṃ hatthisālaṃ netvā vicitrasāṇiyā parikkhipāpetvā rañño ārocesi. Rājā nānaggarasabhojanaṃ ādāya gantvā bodhisattassa dāpesi. So “mātaraṃ vinā gocaraṃ na gaṇhissāmi”ti piṇḍaṃ na gaṇhi. Yācitopi aggahetvā—

“Sā nūna’sā kapaṇikā, andhā aparīṇāyikā.
Khāṇum pādena ghaṭṭeti, girim Caṇḍoraṇam patī”ti—

āha. Tam sutvā rājā—

“Kā nu te sā mahānāga, andhā aparīṇāyikā.
Khāṇum pādena ghaṭṭeti, girim Caṇḍoraṇam patī”ti—

pucchitvā—

“Mātā me sā mahārāja, andhā aparīṇāyikā.
Khāṇum pādena ghaṭṭeti, girim Caṇḍoraṇam patī”ti—

vutte ajja sattamo divaso “mātā me gocaram na labhitthā”ti vadato imassa
gocaram agaṇhantassa. Tasmā—

“Muñcathe’tam mahānāgam, yo’yaṃ bharati mātaram.
Sametu mātārā nāgo, saha sabbehi ñātibhī”ti—

vatvā muñcāpesi—

“Mutto ca bandhanā nāgo, muttamādāya kuñjaro.
Muhuttam assāsavitvā, agamā yena pabbato”ti.

Tattha **kapaṇikā**ti varākā¹. **Khāṇum pādena ghaṭṭeti**ti andhatāya
puttaviyogadukkheṇa ca paridevamānā tattha tattha rukkhakaḷiṅgare pādena
ghaṭṭeti. **Caṇḍoraṇam patī**ti Caṇḍoraṇapabbatābhimukhī, tasmim
pabbatapāde paribbhamamānāti attho. **Agamā yena pabbatoti** so hatthināgo
bandhanā mutto thokaṃ vissamitvā rañño dasarājadhammagāthāhi
dhammam desetvā “appamatto hohi mahārājā”ti ovādam datvā mahājanena
gandhamālādīhi pūjyamāno nagarā nikkhamitvā tadaheva mātārā
samāgantvā sabbam pavattim ācikkhi. Sā tuṭṭhamānasā—

“Ciram jīvatu so rājā, Kāsīnam raṭṭhavaḍḍhano.
Yo me puttam pamocesi, sadā vuddhāpacāyikan”ti²—

rañño anumodanam akāsi. Rājā bodhisattassa guṇe pasīditvā naḷiniyā
avidūre gāmam māpetvā bodhisattassa mātu cassa nibaddham vattam

1. Anāthā (Ka)

2. Khu 5. 227 piṭṭhe.

paṭṭhapesi. Aparabhāge bodhisatto mātari matāya tassā sarīraparihāram katvā Kuraṇḍaka-assamapadam nāma gato. Tasmim pana ṭhāne Himavantato otarivā pañcasatā isayo vasimsu. Tam vattam tesam datvā rājā bodhisattassa samānarūpaṃ silāpaṭimaṃ kāretvā mahāsakkāram pavattesi. Jambudīpavāsino anusamvaccharaṃ sannipatitvā hatthimahaṃ nāma karimsu. Tadārājā Ānando ahosi, hatthinī Mahāmāyā, vanacarako Devadatto, mātuposakahatthināgo Lokanātho.

Idhāpi dānapārami-ādayo yathārahaṃ niddhāretabbā. Sīlapāramī pana atisayavatīti sā eva desanaṃ āruḥhā. Tathā tiracchānayanoniyam uppannopi brahmapubbadeva pubbācariya āhuneyyādibhāvena Sabbaññubuddhenapi pasatthabhāvānurūpaṃ mātuyā garucittam upaṭṭhapetvā “mātā nāmesā puttassa bahūpakārā, tasmā mātupaṭṭhānam nāma paṇḍitena paññattan”ti manasi katvā anekesaṃ hatthisahassānam issarādhipati mahānubhāvo yūthapati hutvā tehi anuvattiyamāno ekakavīhāre antarāyam agaṇetvā yūtham pahāya ekako hutvā upakārikhettaṃ pūjessāmīti mātuposanam, maggamūḷhapurisaṃ disvā anukampāya tam gahetvā manussagocarasampāpanam, tena ca katāparādhasahanam, hatthācariyappamukhānam attānam bandhitum āgatapurisānam samatthopi samāno santāsanamattenapi¹ tesam piḷanā bhavissati, mayhañca sīlassa khaṇḍādibhāvoti tathā akatvā sudantena opavayho viya sukheveva gahaṇūpagamanaṃ, mātaram vinā na kañci ajjhoharissāmīti sattāhampi anāhāratā, imināpāham bandhāpitoti cittaṃ anuppādetvā rājānam mettāya pharaṇam, tassa ca nānāyehi dhammadesanāti evamādayo idha mahāpurisassa guṇānubhāvā vibhāvetabbā². Tena vuttam “evam acchariyā ete, abbhutā ca Mahesino -pa- dhammassa anudhammato”ti.

Mātuposakacariyāvaṇṇanā niṭṭhitā.

1. Santāpanamattenāpi (Sī)

2. Veditabbā (Sī)

2. Bhūridattacariyāvaṇṇanā

11. Dutiye **Bhūridatto**ti bhūrisamadatto. Datto hi tadā bodhisattassa mātipitūhi kataṃ nāmaṃ, yasmā paneso nāgabhavane Virūpakkhamahārājabhavane Tāvatisabhavane ca uppanne pañhe sammadeva vinicchinati, ekadivasañca Virūpakkhamahārāje nāgaparisiya saddhiṃ tidasapuram gantvā Sakkaṃ parivāretvā nisinne devānamantare pañho samuṭṭhāsi. Taṃ koci kathetuṃ nāsakkhi. Sakkena pana anuññāto pallaṅkavaragato hutvā mahāsattova kathesi. Atha naṃ devarājā dibbagandhapupphehi pūjetvā “Datta tvaṃ pathavisamāya vipulāya paññāya samannāgato ito paṭṭhāya Bhūridatto nāmā”ti āha. Bhūrīti hi pathaviyā nāmaṃ, tasmā bhūrisamatāya bhūte atthe ramatīti ca bhūrisaṅkhātāya mahatiyā paññāya samannāgatattā mahāsatto “Bhūridatto”ti paññāyittha, mahatiyā pana nāgiddhiyā samannāgatattā **mahiddhiko cāti**.

Atīte hi imasmiṃyeva kappe Bārāṇasirañño putto pitarā raṭṭhato pabbājito vane vasanto aññatarāya nāgamāṇavikāya saṃvāsam kappesi. Tesam saṃvāsamanvāya dve dārakā jāyimsu putto ca dhītā ca. Puttassa “Sāgarabrahmadatto”ti nāmaṃ karimsu dhītāya “Samuddajā”ti. So aparabhāge pitu accayena Bārāṇasim gantvā rajjam kāresi. Atha Dhatarattho nāma nāgarājā pañcayojanasatike nāgabhavane nāgarajjam kārento taṃ abhūtavādikena Cittacūlena¹ nāma kacchapena “Bārāṇasirājā attano dhītaram tuyham dātukāmo, sā kho pana rājadhītā Samuddajā nāma abhirūpā dassaniyā pāsādikā cā”ti kathitam sutvā Dhatarattho cattāro nāgamāṇavake pesetvā taṃ dātuṃ anicchantaṃ nāgavibhimsikāya bhimsāpetvā “dammī”ti vutte mahantaṃ paṇṇākāram² pesetvā mahatiyā nāgiddhiyā mahantena parivārena tassa dhītaram nāgabhavanam netvā aggamaheṣiṭṭhāne ṭhapesi.

Sā aparabhāge Dhatarattham paṭicca Sudassano Datto Subhogo Ariṭṭhoti cattāro putte paṭilabhi. Tesu Datto bodhisatto, so pubbe vuttanayeneva Sakkena tuṭṭhacittena “Bhūridatto”ti gahitanāmattā

1. Cittasūlena (Sī)

2. Sakkāram (Sī, Ka)

“Bhūridatto”tveva paññāyittha. Atha nesam pitā yojanasatikam yojanasatikam rajjam bhājetvā adāsi. Mahanto yaso ahosi. Soḷasasoḷasanāgakaññāsahassāni parivārayimsu. Pitupi ekayojanasatameva rajjam ahosi. Tayo puttā māse māse mātāpitaro passitum āgacchanti, bodhisatto pana anvaddhamāsam āgacchati.

So ekadivasam Virūpakkhamahārājena saddhim Sakkassa upaṭṭhānam gato Vejayantapāsadam¹ Sudhammadevasabham Pāricchattakakoviḷāram Paṇḍukambalasilāsanam devaccharāparivāram atimanoharam Sakkasampattim disvā “ettakamattampi nāgattabhāve t̥hitassa dullabham, kuto sammāsambodhi”ti nāgattabhāvam jigucchitvā “nāgabhavanam gantvā uposathavāsam vasitvā silameva paggaṇhissāmi, tam bodhiparipācanam hoti, imasmim devaloke uppattikāraṇam bhavissati”ti cintevā nāgabhavanam gantvā mātāpitaro āha “ammatātā aham uposathakammam karissāmi”ti. Tehi “idheva uposatham upavasāhi, bahigatānam nāgānam mahantam bhayan”ti vutte ekavāram tathā katvā nāgakaññāhi upadduto punavāre mātāpitūnam anārocetvā attano bhariyam āmantetvā “bhadde aham manussalokam gantvā Yamunātīre mahānigrodharukkho atthi, tassa avidūre vammikamatthake bhoge ābhujitvā caturaṅgasamannāgataṃ uposatham adhiṭṭhāya nipajjitvā uposathakammam karissāmi”ti nāgabhavanato nikkhamitvā tathā karoti. Tena vuttam “**Virūpakkhena mahāraññā, devalokamagañchahan**”ti-ādi.

Tattha **Virūpakkhena mahāraññā**ti Virūpakkhena nāma nāgādhipatimahārājena. **Devalokanti** Tāvatisadevalokam. **Agañchahanti** agañchim, upasaṅkamim aham.

12. **Tatthāti** tasmim devaloke. **Passim tvāhanti** addakxim aham, **tu-**saddo nipātamatto. **Ekantam sukhasamappiteti** ekantam accantameva sukkena samaṅgibhūte. Vuttañhetam Bhagavatā “santi bhikkhave cha phassāyatanikā nāma saggā. Yāvañcidam bhikkhave na sukaram akkhānena pāpuṇitum yāva sukhā

1. Vejayantam pāsadam (Si)

saggā”ti¹ ca. **Taṃsaggagamanatthāyāti** tasmim̄ saggasmim̄ uppattivāsena gamanatthāya. **Sīlabbatanti** sīlasaṅkhātāṃ vatāṃ. Atha vā **sīlabbatanti** uposathasīlañceva “mama cammāṃ cammatthikā harantū”ti-ādinā attano sarīrāvayavapariccāgasamādiyanasaṅkhātāṃ vatañca.

13. **Sarīrakiccanti** mukhadhovanādisarīrapaṭijagganaṃ. **Bhutvā yāpanamattakanti** indriyāni nibbisevanāni kātum̄ sarīraṭṭhitimattakaṃ āhāraṃ āharitvā. **Caturo aṅgeti** cattāri aṅgāni. **Adhiṭṭhāyāti** adhiṭṭhahitvā. **Semīti** sayāmi.

14. **Chaviyāti**-ādi tesāṃ catunnaṃ aṅgānaṃ dassanaṃ. Tattha ca chavicammānaṃ vissajjanaṃ ekaṃ aṅgaṃ, sesāni ekekameva, maṃsaggahaṇeneva cettha rudhirampi saṅgahitanti daṭṭhabbaṃ. **Etenāti** etehi. **Harātu soti** yassa etehi chavi-ādīhi **karaṇīyaṃ** atthi, tassa mayā dinnamevetāṃ, sabbaṃ so haratūti attano attabhāve anapekkhapavāraṇaṃ pavāreti.

Evam̄ mahāsattassa iminā niyāmeneva anvaddhamāsaṃ uposathakammaṃ karontassa dīgho addhā vītivatto. Evam̄ gacchante kāle ekadivasaṃ aññataro nesādabrāhmaṇo Somadattena nāma attano puttana saha taṃ ṭhānaṃ patvā aruṇuggamanasamaye nāgakaññāhi parivāriyamānaṃ² mahāsattaṃ disvā tassa santikaṃ agamāsi. Tāvadeva nāgakaññāyo pathaviyaṃ nimujjivā nāgabhavanameva gatā. Brāhmaṇo mahāsattaṃ pucchi “ko nu kho tvaṃ mārisa devo vā yakkho vā nāgo vā”ti. Bodhisatto yathābhūtaṃ attānaṃ āvi katvā sacāyaṃ ito gaccheyya, idha me vāsaṃ mahājanassa pākaṭaṃ kareyya, tena me uposathavāsassa antarāyopi siyā, yannūnāhaṃ ito imaṃ nāgabhavanaṃ netvā mahatiyā sampattiyā yojeyyaṃ, evāyaṃ tattheva abhiramissati, tena me uposathakammaṃ addhaniyaṃ siyāti. Atha naṃ āha “brāhmaṇa mahantaṃ te yasaṃ dassāmi, ramaṇīyaṃ nāgabhavanaṃ, ehi tattha gacchāmā”ti. Sāmi putto me atthi, tasmim̄ āgacchante āgamissāmīti. Gaccha brāhmaṇa puttaṃ ānehīti. Brāhmaṇo gantvā puttassa tamatthaṃ ārocetvā taṃ ānesi. Mahāsatto te ubhopi ādāya attano ānubhāvena

1. Ma 3. 210 piṭṭhe.

2. Paricāriyamānaṃ (Sī)

nāgabhavanam ānesi. Tesam tattha dibbo attabhāvo pātubhavi. Atha tesam mahāsatto dibbasampattim datvā cattāri cattāri nāgakaññāsātāni adāsi. Te mahatim sampattim anubhavisu.

Bodhisattopi appamatto uposathakammam karoti, anvaddhamāsam mātāpitūnam upaṭṭhānam gantvā dhammakatham kathetvā tato ca brāhmaṇassa santikam gantvā ārogyam pucchitvā “yena te attho, tam vadeyyāsi”ti āpucchitvā “anukkaṇṭhamāno abhiramā”ti vatvā Somadattenapi saddhim paṭisanthāram katvā attano nivesanam gacchati. Brāhmaṇo samvaccharam tattha vasitvā mandapuññatāya ukkaṇṭhitvā anicchamānampi puttam gahetvā bodhisattam āpucchitvā tena dīyamānam bahum dhanam sabbakāmadadam maṇiratanampi alakkhikatāya aggahetvā “manussalokam gantvā pabbajissāmi”ti āha. Mahāsatto nāgamāṇavake āṇāpetvā tam saputtakam manussalokam pāpesi. Te ubhopi dibbābharaṇāni dibbavatthāni ca omuñcitvā nhāyitum ekaṃ pokkharaṇim otarimsu, tasmim khaṇe tāni antaradhāyitvā nāgabhavanameva agamaṃsu, atha paṭhamanivatthakāsāvapilotikāva sarīre paṭimuñci, dhanusarasattiyo gahetvā araṇṇam gantvā mige vadhitvā purimaniyāmeneva jīvikam kappesum.

Tena ca समयena aññataro tāpaso supaṇṇarājato laddham alampāyanamantam¹ tassa anucchavikāni osadhāni mantūpacāraṇca attānam upaṭṭhahantassa aññatarassa brāhmaṇassa adāsi. So “laddho me jīvikūpāyo”ti katipāham vasitvā tāpasam āpucchitvā pakkamanto anupubbena Yamunātīram patvā tam mantam sajjhāyanto mahāmaggena gacchati. Tadā bodhisattassa bhavanato tassa paricārikā nāgamāṇavikā tam sabbakāmadadam maṇiratanam ādāya Yamunātīre vālukārāsimatthake ṭhapetvā tassobhāsena rattiyam kilītvā aruṇuggamane tassa brāhmaṇassa mantasaddam sutvā “supaṇṇo”ti saññāya bhayatajjitā maṇiratanam aggahetvā pathaviyam nimujjitvā nāgabhavanam agamaṃsu.

Brāhmaṇo tam maṇiratanam ādāya pāyāsi. Tasmim khaṇe so nesādabrāhmaṇo puttana saddhim migavadhāya araṇṇam gacchanto tassa

1. Ālambāyanamantam (Sī)

hatthe taṃ maṇiratanam disvā “idaṃ Bhūridattassa sabbakāmadadaṃ maṇiratanan”ti sañjānitvā taṃ gaṇhitukāmo tena saddhim allāpasallāpam¹ katvā mantavādibhāvam jānitvā evamāha “sace me tvam imam maṇiratanam dassasi, evāham te mahānubhāvam nāgam dassessāmi, yaṃ tvam gahetvā gāmanigamarājadhāniyo caranto bahudhanam lacchasi”ti. “Tena hi dassetvā gaṇhāhi”ti vutte taṃ ādāya bodhisattam uposathakaraṇaṭṭhāne vammikamatthake bhoge ābhujitvā nipannaṃ avidūre ṭhito hattham pasāretvā dassesi.

Mahāsatto taṃ nesādam disvā “ayam uposathassa me antarāyam kareyyāti nāgabhanam netvā mahāsampattiyam patiṭṭhāpitopi na icchi. Tato apakkamitvā sayam gantukāmo mayā dīyamānampi maṇiratanam gaṇhitum na icchi. Idāni pana ahituṇḍikam gahetvā āgacchati. Sacāham imassa mittadubbhino kujjheyam, sīlam me khaṇḍam bhavissati. Mayā kho pana paṭhamāyeva caturaṅgasamannāgato uposatho adhiṭṭhito, so yathādhiṭṭhitova hotu. Alampāyano maṃ chindatu vā mā vā, nevassa kujjhissāmī”ti cintetvā akkhīni nimmiletvā adhiṭṭhānapāramim purecārikam katvā bhogantare sīsam pakkhipitvā niccalova hutvā nipajji. Nesādabrāhmaṇopi “bho alampāyana imam nāgam gaṇha, maṇim me dehī”ti āha. Alampāyano nāgam disvā tuṭṭho maṇim kismiñci agaṇetvā “gaṇha brāhmaṇā”ti hatthe khiṇi. So tassa hatthato bhassitvā pathaviyam patitamattova pathavim pavisitvā nāgabhanameva gato. Nesādabrāhmaṇo maṇiratanato Bhūridattena saddhim mittabhāvato ca parihāyitvā nippaccayova pakkanto.

15. Alampāyanopi mahānubhāvehi osadhehi attano sarīram makkhetvā thokam khāditvā kheḷam attano kāyasmim paribhāvetvā dibbamantam jappanto bodhisattam upasaṅkamitvā naṅguṭṭhe gahetvā ākaḍḍhitvā sīse daḷham gaṇhanto mukhamassa vivaritvā osadham khāditvā mukhe sahakheḷam osiñci. Sucijātiko mahāsatto sīlabhedabhayena akujjhivā akkhīni na ummīlesi. Atha naṃ osadhamantabalena naṅguṭṭhe gahetvā heṭṭhā sīsam katvā sañcāletvā gahitagocaram chaḍḍāpetvā bhūmiyam dīghaso

1. Ālāpasallāpam (Ka)

nipajjāpetvā masūrakam maddanto viya hatthehi parimaddi. Aṭṭhīni cuṇṇiyamānāni viya ahesuṃ.

Puna naṅguṭṭhe gahetvā dussam pothento viya pothesi. Mahāsatto evarūpaṃ dukkhaṃ anubhontopi neva kujjhittha, aññadatthu attano sīlameva āvajjesi. Iti so mahāsattaṃ dubbalaṃ katvā vallīhi peḷaṃ sajjetvā mahāsattaṃ tattha pakkhipi. Sarīraṃ panassa mahantaṃ tattha na pavisati. Atha naṃ paṇhiyā koṭṭento pavesetvā peḷaṃ ādāya ekaṃ gāmaṃ gantvā gāmamajjhe otāretvā “nāgassa naccam daṭṭhukāmā āgacchantū”ti saddamakāsi. Sakalagāmavāsino sannipatiṃsu. Tasmim̄ khaṇe alampāyano “nikkhama mahānāgā”ti āha. Mahāsatto cintesi “ajja mayā parisam̄ tosentena kīḷitum̄ vaṭṭati, evam̄ alampāyano bahudhanaṃ labhitvā tuṭṭho maṃ vissajjessati, yaṃ yaṃ esa maṃ kāreti, taṃ taṃ karissāmī”ti.

Atha naṃ so peḷato nikkhamantaṃ “mahā hohī”ti āha, so mahā ahosi. “Khuddako vaṭṭo viphaṇo ekaphaṇo dviphaṇo yāva sahasaphaṇo ucco nīco dissamānakāyo adissamānakāyo dissamāna-upaḍḍhakāyo nīlo pīto lohito odāto mañjiṭṭho hohi, dhūmam̄ vissajjehi, jālasikham̄ udakañca vissajjehi”ti vutte tena vuttaṃ taṃ taṃ ākāraṃ nimminivā naccam̄ dassesi. Taṃ disvā manussā acchariyabbhutatittajātā bahum̄ hiraññasuvaṇṇavatthālānkārādīm̄ adamsu. Iti tasmim̄ gāme satahassamattaṃ labhi. So kiñcāpi mahāsattaṃ gaṇhanto “sahassam̄ labhitvā taṃ vissajjessāmī”ti āha. Taṃ pana dhanam̄ labhitvā “gāmakepi tāva mayā ettakam̄ dhanam̄ laddham̄, nagare kira bahudhanaṃ labhissāmī”ti dhanalobhena na muñci.

So tasmim̄ gāme kuṭumbaṃ saṅṭhapetvā ratanamayaṃ peḷaṃ kāretvā tattha mahāsattaṃ pakkhipitvā sukhayānakaṃ āruyha mahantena parivārena gāmanigamarājadhānīsu taṃ kīḷāpetvā Bārāṇasim̄ pāpuṇi, nāgarājassa madhulājam̄ deti, abaddhasattuñca deti. So gocaraṃ na gaṇhi avissajjanabhayena. Gocaraṃ agaṇhantampi ca naṃ cattāro nagaradvāre ādīm̄ katvā tattha tattha māsamattaṃ kīḷāpesi. Tena vuttaṃ “**saṃsito akataññunā**”ti-ādi.

Tattha **saṃsitoti** eso nāgo amukassa nigrodharukkassa samīpe vammikamatthake sayitoti evaṃ ṭhānaṃ dassetvā kathito. **Akataññunāti** attanā kataṃ upakāraṃ ajānantena mittadubbhinā nesādabrāhmaṇenāti adhippāyo. **Alampāyanoti** alampāyanavijjāparijappanena “alampāyano”ti evaṃ laddhanāmo ahituṇḍikabrāhmaṇo. **Mamaggahīti** maṃ aggaheṣi. **Kīleti maṃ tahirṃ tahinti** tattha tattha gāmanigamarājadhānisu attano jivikattham maṃ kilāpeti.

17. **Tiṇatopi lahuko mamāti** attano jīvitapariccāgo tiṇasalākapariccāgatopi lahuko hutvā mama upaṭṭhātīti attho. **Pathavī-uppatanaṃ viyāti** sīlavītikkamo pana catunahutādhi kadviyo janasatasahassabahalāya mahāpathaviyā parivattanaṃ viya tatopi taṃ bhāriyataraṃ hutvā mayhaṃ upaṭṭhātīti dasseti.

18. **Nirantaraṃ jātisatanti** mama jātīnaṃ anekasatampi anekasatāsupi jātīsu nirantameva sīlassa avītikkamanahetu **mama jīvitaṃ cajeyyaṃ** cajitum sakkomi. **Neva sīlaṃ pabhindeyyanti** sīlaṃ pana samādinnaṃ ekampi neva bhindeyyaṃ na vināseyyaṃ. **Catuddīpāna hetūti** cakkavattirajjasiriyāpi kāraṇāti dasseti.

19. Idāni yadatthaṃ attano jīvitampi pariccajivā tadā sīlameva rakkhitam, tāya ca sīlarakkhāya tathā anattakārakesu nesāda-alampāyanabrāhmaṇesu cittassa aññathattaṃ na kataṃ, taṃ dassetuṃ “**apicā**”ti osānagāthamāha. Taṃ heṭṭhā vuttatthameva.

Evaṃ pana mahāsatte ahituṇḍika¹hatthagate tassa mātā dussupinaṃ disvā puttañca tattha apassantī sokābhībhūtā ahoṣi. Athassā jeṭṭhaputto Sudassano taṃ pavattim sutvā Subhogaṃ “Himavantaṃ gantvā pañcasu mahānadīsu sattasu ca mahāsaṛesu Bhūridattaṃ upadhāretvā ehi”ti paṇiṇi. Kāṇāriṭṭhaṃ “devalokaṃ gantvā sace devatāhi dhammaṃ sotukāmāhi Bhūridatto tattha nīto, tato naṃ ānehī”ti paṇiṇi. Sayam pana “manussaloke gavesissāmī”ti tāpasavesena

1. Ahiguṇṭhika... (Sī)

nāgabhavanato nikkhami. Accimukhī¹ nāmassa vemātikā bhaginī bodhisatte adhimattasinehā taṃ anubandhi. Taṃ maṇḍūkacchāpiṃ katvā jaṅantare pakkhipitvā mahāsattassa uposathakaraṇaṭṭhānaṃ ādiṃ katvā sabbattha gavesanto anukkamena Bārāṇasīṃ patvā rājadvāraṃ agamāsi. Tadā alampāyano rājaṅgaṇe mahājanassa majjhe rañño Bhūridattassa kīlaṃ dassetuṃ peḷaṃ vivaritvā “ehi mahānāgā”ti saññamadāsi.

Mahāsatto sīsaṃ nīharitvā olokento jeṭṭhabhātikaṃ disvā peḷato nikkhamma tadabhimukho pāyāsi. Mahājano bhīto paṭikkami. So gantvā taṃ abhivādetvā nivattitvā peḷameva pāvīsi. Alampāyano “iminā ayaṃ tāpaso daṭṭho”ti saññāya “mā bhāyi, mā bhāyi”ti āha. Sudassano “ayaṃ nāgo mayhaṃ kiṃ karissati, mahā sadiso ahituṇḍiko nāma natthī”ti tena vādappaṭivādaṃ samuṭṭhāpetvā “tvaṃ imaṃ nāgaṃ gahetvā gajjasi, ahaṃ taṃ imāya maṇḍūkacchāpiyā icchanto nāsayissāmī”ti bhaginiṃ pakkositvā hatthaṃ pasāresi. Sā tassa saddaṃ sutvā jaṅantare nipannā tikkhattuṃ maṇḍūkavassitaṃ vassitvā nikkhamitvā aṃsakūṭe nisīditvā uppatitvā tassa hatthatale tīṇi visabindūni pātetvā puna tassa jaṅantameva pāvīsi.

Sudassano visabinduṃ dassetvā “idaṃ binduṃ sace pathaviyaṃ pātessati, osadhitiṇavanappatayo sabbe nassissanti. Sace ākāse khipissati, sattavassāni devo na vassissati. Sace udake pātessati, yāvataṃ tattha udakajātā pāṇā sabbe mareyyūn”ti vatvā rājānaṃ saddahāpetuṃ tayo āvāṭe khaṇāpetvā ekaṃ nānābhesaṅgānaṃ pūresi, dutiyaṃ gomayassa, tatiyaṃ dibbosadhānañceva pūretvā majjhe āvāṭe visabinduṃ pakkhipi. Taṅkhaṇaṅṅeva dhūmayitvā jālā uṭṭhahi. Sā gantvā gomayāvāṭaṃ gaṇhi. Tatopi jālā uṭṭhāya dibbosadhapuṇṇaṃ gahetvā dibbosadhāni jhāpetvā nibbāyi. Alampāyanaṃ tattha āvāṭassa avidūre ṭhitaṃ usumā pharitvā sarīracchaviṃ uppāṭetvā gatā. Setakuṭṭhī ahoṣi. So bhayatajjito “nāgarājānaṃ vissajjemī”ti tikkhattuṃ vācaṃ nicchāresi. Taṃ sutvā bodhisatto ratanapeḷāya nikkhamitvā

sabbālaṅkārapaṭimaṇḍitaṃ attabhāvaṃ māpetvā devaliḷāya ʘhito. Sudassano ca Accimukhī ca tatheva aṭṭhaṃsu.

Tato Sudassano attano bhāgineyyabhāvaṃ rañño ārocesi. Taṃ sutvā rājā te āliṅgitvā sīse cumbitvā antepuraṃ netvā mahantaṃ sakkārasammānaṃ katvā Bhūridattena saddiṃ paṭisanthāraṃ karonto “tāta evaṃ mahānubhāvaṃ taṃ alampāyano kathaṃ gaṇhī”ti pucchi. So sabbaṃ vitthārena kathetvā “mahārāja rañña nāma iminā niyāmena rajjaṃ kāretuṃ vaṭṭati”ti mātulassa dhammaṃ desesi. Atha Sudassano “mātula mama mātā Bhūridattaṃ apassantī kilamati, na sakkā amhehi idha papañcaṃ kātun”ti mātulaṃ āpucchitvā Bhūridatta-accimukhīhi saddhiṃ nāgabhavanaṃ meva gato.

Atha tattha mahāpuriso gilānaseyyāya nipanno gilānapucchanatthaṃ āgatāya mahatiyā nāgaparisāya vede ca yaññe ca brāhmaṇe ca sambhāvetvā Kāṇāriṭṭhe kathente taṃ vādaṃ bhinditvā nānāyehi dhammaṃ desetvā sīlasampadāya diṭṭhisampadāya ca paṭiṭṭhāpetvā yāvajīvaṃ sīlāni rakkhitvā uposathakammaṃ katvā āyupariyosāne saggapuraṃ pūresi.

Tadā mātāpitaro mahārājakulāni ahesuṃ, nesādabrāhmaṇo Devadatto, Somadatto Ānando, Accimukhī Uppalavaṇṇā, Sudassano Sāriputto, Subhogo Mahāmogallāno, Kāṇāriṭṭho Sunakkhatto, Bhūridatto Lokanātho.

Tassa idhāpi sesapāramiyo heṭṭhā vuttanayeneva niddhāretabbā. Idhāpi yojanasatike attano nāgabhavanaṭṭhāne soḷasahi nāgakaññāsahashehi cittarūpaṃ viya paricāriyamāno devalokasampattisadise nāgalokissariye ʘhitopi issariyamadaṃ akatvā anvaddhamāsaṃ mātāpitu-upaṭṭhānaṃ, kule jeṭṭhāpacāyanaṃ, sakalāya nāgaparisāya Cātumahārājikaparisāya Tāvatiṃsaparisāya ca samuṭṭhitapañhānaṃ taṃtaṃparisamajjhe kumudanālakalāpaṃ viya sunisitasatthena attano paññāsathena tāvadeva pacchinditvā tesāṃ cittānukūladhammadesanā, vuttappakāraṃ bhogasampattiṃ pahāya attano sarīrajīvitānirapekkhaṃ caturaṅgasamannāgataṃ uposathādhiṭṭhānaṃ, tattha ca paṭiññāya

visaṃvādanabhayena ahituṇḍikahatthagamanam, tasmiṅca mukhe
 visamissakheḷapātanam naṅguṭṭhe gahetvā āviñchanam kaḍḍhanam
 bhūmiyam ghaṃsanam maddanam pothananti evamādim
 nānappakāravippakāram karontepi evarūpaṃ mahādukkham anubhavatopi¹
 kujjhivā olokanamattena taṃ chārikam kātuṃ samatthassāpi sīlapāramim
 āvajjitvā sīlakhaṇḍanabhayena īsakampi cittassa vikārābhāvo, dhanam
 labhāpemīti vā tassa cittānuvattanam, Subhogena punānītassa akatañño
 mittadubbhissa nesādabrāhmaṇassa sīlam anadhiṭṭhahitvāpi akujjhanam,
 Kāṇāriṭṭhena kathitam micchāvādam bhinditvā anekapariyāyena dhammam
 bhāsivā nāgaparisiyā sīlesu sammādiṭṭhiyāna patiṭṭhāpananti evamādayo
 bodhisattassa guṇānubhāvā vibhāvetabbā. Tenetaṃ vuccati “evam acchariyā
 hete -pa- dhammassa anudhammato”ti.

Bhūridattacariyāvaṇṇanā niṭṭhitā.

3. Campeyyanāgacariyāvaṇṇanā

20. Tatiye **Campeyyakoti** Aṅgamagadharaṭṭhānam antare Campā nāma
 nadī, tassā heṭṭhā nāgabhanampi avidūrabhavattā Campā nāma, tattha jāto
 nāgarājā Campeyyako. **Tadāpi dhammiko āsinti** tasmim
 Campeyyanāgarājakālepi aham dhammacārī ahoṣim.

Bodhisatto hi tadā Campānāgabhavane nibbattitvā Campeyyo nāma
 nāgarājā ahoṣi mahiddhiko mahānubhāvo. So tattha nāgarajam kārento
 devarājabhogasampattisadisā-issariyasampattim anubhavanto
 pāramipūraṇassa anokāsabhāvato “kim me imāya tiracchānāyoniyā,
 uposathavāsam vasitvā ito muccitvā sammadeva pāramiyo pūressāmī”ti tato
 paṭṭhāya attano pāsādeyeva uposathakammaṃ karoti.
 Alaṅkatanāgamāṇavikā tassa santikam āgacchanti. So “idha me sīlassa
 antarāyo bhavissatī”ti pāsādato nikkhamitvā uyyāne nisīdati. Tatrāpi tā
 āgacchanti. So cintesi “idha me sīlassa saṅkilesa bhavissati, ito
 nāgabhanato nikkhamitvā

1. Anubhavatopi (Ka)

manussalokaṃ gantvā uposathavāsaṃ vasissāmī”ti. So tato paṭṭhāya uposathadivasesu nāgabhavanā nikkhamitvā ekassa paccantagāmassa avidūre maggasaṃīpe vammikamatthake “mama cammādīhi atthikā cammādīni gaṇhantu, kīlāsappaṃ vā kātukāmā kīlāsappaṃ karontū”ti sarīraṃ dānamukhe vissajjetvā bhoge ābhujitvā nipanno uposathavāsaṃ vasati cātuddasiyaṃ pañcadasiyañca, pāṭipade nāgabhavanaṃ gacchati, tassevaṃ uposathaṃ karontassa dīgho addhā vītivatto.

Atha bodhisatto Sumanāya nāma attano aggamaheṣiyā “deva tvaṃ manussalokaṃ gantvā uposathaṃ upavasasi, so ca sāsaṅko sappatībhayo”ti vutto maṅgalapokkharāṇitīre ṭhatvā “sace maṃ bhadde koci paharivā kilamessati, imissā pokkharāṇiyā udakaṃ āvilaṃ bhavissati. Sace supaṇṇo gaṇhissati, udakaṃ pakkuthissati. Sace ahituṇḍiko gaṇhissati, udakaṃ lohitavaṇṇaṃ bhavissati”ti tīṇi nimittāni tassā ācikkhitvā cātuddasi-uposathaṃ adhiṭṭhāya nāgabhavanā nikkhamitvā tattha gantvā vammikamatthake nipajji sarīrasobhāya vammikaṃ sobhayamāno. Sarīrañhissa rajatadāmaṃ viya setaṃ ahosi, matthako rattakambalageṇḍuko viya, sarīraṃ naṅgalasīppamaṇaṃ, **Bhūridattakāle**¹ pana ūruppamaṇaṃ, **San̄khaṇḍakāle**² ekadoṇikanāvappamaṇaṃ.

Tadā eko Bārāṇasimāṇavo Takkasilaṃ gantvā alampāyanamantaṃ uggaṇhitvā tena maggena attano gāmaṃ gacchanto mahāsattaṃ disvā “kim me tucchahatthena gāmaṃ gantuṃ, imaṃ nāgaṃ gahetvā gāmanigamarājadhānīsu kīlāpento dhanāṃ uppādetvāva gamissāmī”ti cintetvā dibbosadhāni gahetvā dibbamantaṃ parivattetvā tassa santikaṃ agamāsi. Dibbamantaṃ sutakālato paṭṭhāya mahāsattassa kaṇṇesu tattasalākāpavesanakālo viya ahosi matthake³ sikharena abhimanthiyamāno viya. So “ko nu kho eso”ti bhogantarato sīsaṃ ukkhipitvā olokento ahituṇḍikaṃ disvā cintesi “mama viṣaṃ uggatejaṃ, sacāhaṃ kujjhitvā nāsāvātaṃ vissajjessāmi, etassa sarīraṃ bhusamuṭṭhi viya vippakirissati, atha me sīlaṃ khaṇḍaṃ bhavissati, na naṃ olokessāmī”ti. So akkhīni nimmīletvā sīsaṃ bhogantare ṭhapesi.

1. Khu 6. 221 piṭṭhe.

2. Khu 6. 16 piṭṭhe.

3. Matthako (Sī)

ahituṇḍikabrāhmaṇo osadham khādītvā mantam parivattetvā kheḷam mahāsattassa sarīre osiñci¹. Osadhānañca mantassa ca ānubhāvena kheḷena phuṭṭhaphuṭṭhatthāne phoṭānam uṭṭhānakālo viya ahoṣi.

Atha so naṅguṭṭhe gahetvā ākaḍḍhitvā dīghaso nipajjāpetvā ajapadena daṇḍena uppīletvā dubbalam katvā sīsam daḷham gahetvā nippīlesi. Mahāsatto mukham vivari. Athassa mukhe kheḷam osiñcitvā osadhamantabalena dante bhindi. Mukham lohitassa pūri. Mahāsatto attano sīlabhedabhayena evarūpaṃ dukkham adhivāsento akkhīni ummīletvā olokanamattampi nākāsi. Sopi “nāgarājānam dubbalam karissāmī”ti naṅguṭṭhato paṭṭhāya aṭṭhīni saṃcuṇṇayamāno viya sakalasarīram maddītvā paṭṭakaveṭhanam nāma veṭhesi, tantamajjitarā nāma majji, naṅguṭṭhe gahetvā dussapothanam nāma pothesi. Mahāsattassa sakalasarīram lohitamakkhitarā ahoṣi, so mahāvedanam adhivāsesi.

Athassa dubbalabhāvaṃ ṇatvā² vallīhi peḷam karitvā tattha nam pakkhipitvā paccantagāmaṃ netvā mahājanassa majjhe kīlāpesi. Nīlādīsu vaṇṇesu vaṭṭacaturassādīsu saṅghānesu aṇumthulādīsu pamānesu yaṃ yaṃ brāhmaṇo icchati, mahāsatto taṃ tadeva katvā naccati, phaṇasatampi phaṇasahassampi karotiyeva. Mahājano pasīditvā bahudhanamadāsi. Ekadivasameva kahāphaṇasahassañceva saḥassagghanike ca parikkhāre labhi. Brāhmaṇo āditova “saḥsam labhitvā vissajjessāmī”ti cintesi, taṃ pana dhanam labhitvā “paccantagāmeveva tāva me ettakam dhanam laddham, rājarājamahāmatānam dassite kīva bahum dhanam labhissāmī”ti sakaṭaṇca sukhayānakaṇca gahetvā sakaṭe parikkhāre ṭhapetvā sukhayānake nisinnō “mahantena parivārena mahāsattam gāmanigamarājadhānisu kīlāpento Bārāṇasīyam Uggasenaraṇṇō santike kīlāpetvā vissajjessāmī”ti agamāsi. So maṇḍūke māretvā nāgaraṇṇō deti. Nāgarājā “punappunam maṃ nissāya māressatī”ti na khādati. Athassa madhulāje adāsi. Tepi “sacāham gocaram gaṇhissāmī, antopeḷāyameva maraṇam bhavissatī”ti na khādati.

1. Opi (Sī)

2. Karitvā (Sī)

21. Brāhmaṇo māsamattena Bārāṇasim patvā dvāragāmake tam kīlāpento bahudhanam labhi. Rājāpi nam pakkosāpetvā “amhākampi kīlāpehi”ti āha. “Sādhu deva sve pannarase tumhākam kīlāpessāmī”ti āha. Rājā “sve nāgarājā rājaṅgaṇe naccissati, mahājano sannipatitvā passatū”ti bherim carāpetvā punadivase rājaṅgaṇam alaṅkārāpetvā brāhmaṇam pakkosāpesi. So ratanapeḷāya mahāsattam netvā vicittatthare peḷam ṭhapetvā nisīdi. Rājāpi pāsādā oruyha mahājanaparivuto rājāsane nisīdi. Brāhmaṇo mahāsattam nīharitvā naccāpesi. Mahāsatto tena cintitacintitākāram dassesi. Mahājano sakabhāvena sandhāretum na sakkoti. Celukkhepasahassāni pavattanti. Bodhisattassa upari ratanavassam vassi. Tena vuttam “**tadāpi mam dhammacārin**”ti-ādi.

Tattha **tadāpī** yadāham Campeyyako nāgarājā homi, tadāpi. **Dhammacārinti** dasakusalakammam pathadhammam eva carati, na aṇumattampi adhammanti dhammacārī. **Upavutṭha-uposathanti** aṭṭhaṅgasamannāgatassa ariyuposathasīlassa rakkhaṇavasena upavasita-uposatham. **Rājadvāramhi kīlatīti** Bārāṇasiyam Uggasenaraṅgā gehadvāre kīlāpeti.

22. **Yam yam so vaṇṇam cintayīti** so ahituṇḍikabrāhmaṇo “yam yam nīlādivaṇṇam hotū”ti cintesi. Tena vuttam “nīlam va pītalohitan”ti. Tattha **nīlam vāti vā-saddo** aniyamattho, gāthāsukhattham rassam katvā vutto, tena vāsaddena vuttāvasitṭham odātādivaṇṇavisesaṅgeva vaṭṭādisaṅṭhānavisesaṅge aṇumthūlādipamaṇavisesaṅge saṅgaṇhāti. **Tassa cittānuvattantoti** tassa ahituṇḍikassa cittaṃ anuvattanto. **Cintitasannibhoti** tena cintitacintitākārena pekkhajanassa upaṭṭhahāmīti dasseti.

23. Na kevalaṅca tena cintitākāradassanam eva mayham ānubhāvo. Api ca **thalam kareyyamudakam, udakampi thalam kareti** thalam mahāpathaviṃ gahetvā udakam, udakampi gahetvā pathaviṃ kātum sakkuṇeyyam evam mahānubhāvo ca. **Yadiham tassa kuppeyyanti** tassa ahituṇḍikassa aham yadi kujjheyyam. **Khaṇena chārikam kareti** kodhuppādakkhaṇe eva bhasmam kareyyam.

24. Evaṃ Bhagavā tadā attano uppajjanakānatthapaṭibāhane samatthataṃ dassetvā idāni yena adhippāyena taṃ paṭibāhanaṃ na kataṃ, taṃ dassetuṃ “**yadi cittavasī hessan**”ti-ādimāha.

Tassattho—“ayaṃ ahituṇḍiko maṃ ativiya bādhati, na me ānūbhāvaṃ jānāti, handassa me ānūbhāvaṃ dassessāmī”ti kujjhivā olokanamattenāpi yadi cittavasī abhavissaṃ, atha so bhusamuṭṭhi viya vippakirissati. Ahaṃ yathāsamādinnaṃ **parihāyissāmi sīlato**. Tathā ca sati **sīlena parihīnassa** khaṇḍitasīlassa yvāyaṃ mayā Dīpaṅkaradasabalassa pādamūlato paṭṭhāya abhipatthito, **uttamattho** Buddhabhāvo so **na sijjhati**.

25. **Kāmaṃ bhijjatuyam kāyoti** ayaṃ cātumahābhūtikō odanakummāsūpacayo aniccucchādanaparimaddanabhedanavidhamaṃsanadhammo kāyo kiñcāpi bhijjatu vinassatu, **idheva** imasmiṃ eva ṭhāne mahāvāte khittabhusamuṭṭhi viya vippakiriyatu, **neva sīlaṃ pabhindeyyam, vikirante bhusam viyāti** sīlaṃ pana uttamatthasiddhiyā hetubhūtaṃ imasmiṃ kaḷevare bhusamuṭṭhi viya vippakirantepi neva bhindeyyam, kāyajīvitesu nirapekkho hutvā sīlapāramiṃyeva pūremīti cintetvā taṃ tādisaṃ dukkhaṃ tadā adhivāsesinti dasseti.

Atha mahāsattassa pana ahituṇḍikahatthagatassa māso paripūri, ettakaṃ kālāṃ nirāhārova ahoṣi. Sumanā “aticirāyati me sāmiko, kā nu kho pavattī”ti pokkharāṇiṃ oloketī lohitavaṇṇaṃ udakaṃ disvā “ahituṇḍikena gahito bhavissatī”ti ñatvā nāgabhavanā nikkhamitvā vammikasantikāṃ gantvā mahāsattassa gahitaṭṭhānaṃ kilamitaṭṭhānañca disvā roditvā kanditvā paccantagāmaṃ gantvā pucchitvā taṃ pavattim sutvā Bārāṇasim gantvā rājadvāre ākāse rodamaṇā aṭṭhāsi. Mahāsatto naccantova ākāsaṃ ullokento taṃ disvā lajjito peḷaṃ pavisitvā nipajji.

Rājā tassa peḷaṃ pavitṭhakāle “kiṃ nu kho kāraṇaṃ”ti ito cito ca oloketto taṃ ākāse ṭhitāṃ disvā “kā nu tvaṇ”ti pucchitvā tassā nāgakaññābhāvaṃ sutvā “nissamsayaṃ kho nāgarājā imaṃ

disvā lajjito peḷaṃ paviṭṭho, ayañca yathādassito iddhānubhāvo nāgarājasseva, na ahituṇḍikassā”ti niṭṭhaṃ gantvā “evaṃ mahānubhāvo ayaṃ nāgarājā, kathaṃ nāma imassa hatthaṃ gato”ti pucchitvā “ayaṃ dhammacārī sīlavā nāgarājā, cātuddasīpannarasīsu uposathaṃ upavasanto attano sarīraṃ dānamukhe niyyātetvā mahāmaggasamīpe vammikamatthake nipajjati, tatthāyametena gahito, imassa devaccharāpaṭibhāgā anekasahassā itthiyo, devalokasampattisadisā nāgabhanasampatti, ayaṃ mahiddhiko mahānubhāvo sakalapaṭhavim parivattetuṃ samattho, kevalaṃ ‘sīlaṃ me bhijjissatī’ti evarūpaṃ vipakāraṃ dukkhañca anubhotī”ti ca sutvā samvegappatto tāvadeva tassa ahituṇḍikassa brāhmaṇassa bahuṃ dhanāṃ mahantañca yasaṃ issariyañca datvā “handā bho imaṃ nāgarājānaṃ vissajjehī”ti vissajjāpesi.

Mahāsatto nāgavaṇṇaṃ antaradhāpetvā māṇavakavaṇṇena devakumāro viya aṭṭhāsi. Sumanāpi ākāsatō otaritvā tassa santike aṭṭhāsi. Nāgarājā rañño añjaliṃ katvā “ehi mahārāja, mayhaṃ nivesanaṃ passituṃ āgacchāhī”ti yāci. Tenāha Bhagavā—

“Mutto Campeyyako nāgo, rājānaṃ etadabravi.

Namo te Kāsirājatthu, namo te Kāsivaddhana.

Añjaliṃ te paggaṇhāmi, passeyyaṃ me nivesanaṃ”ti¹.

Atha rājā tassa nāgabhanagamaṇaṃ anujāni. Mahāsatto taṃ sapariṣaṃ gahetvā nāgabhanānaṃ netvā attano issariyasampattiṃ dassetvā katipāhaṃ tattha vasāpetvā bheriṃ carāpesi “sabbā rājapariṣā yāvadicchakaṃ hiraññasuvaṇṇādikaṃ dhanāṃ gaṇhatū”ti. Rañño ca anekehi sakaṭasatehi dhanāṃ pesesi. “Mahārāja raññā nāma dānaṃ dātabbaṃ, sīlaṃ rakkhitabbaṃ, dhammikā rakkhāvaraṇagutti sabbattha samvidahitabbā”ti dasahi rājadhammakathāhi ovaditvā vissajjesi. Rājā mahantena yasena nāgabhanā nikkhamitvā Bārāṇasimeva gato. Tato paṭṭhāya kira Jambudīpatale hiraññasuvaṇṇaṃ jātaṃ. Mahāsatto sīlāni rakkhitvā anvaddhamāsaṃ uposathakammaṃ katvā sapariṣo saggapuraṃ pūresi. Tadā

1. Khu 5. 339 piṭṭhe.

ahituṇḍiko Devadatto ahosi, Sumanā Rāhulamātā, Uggaseno Sāriputtatthero, Campeyyako nāgarājā Lokanātho.

Tassa idhāpi yathārahaṃ sesapāramiyo niddhāretabbā. Idha bodhisattassa acchariyānubhāvā heṭṭhā vuttanayā evāti.

Campeyyanāgacariyāvaṇṇanā niṭṭhitā.

4. Cūlabodhicariyāvaṇṇanā

26. Catutthe **cūlabodhī**ti mahābodhiparibbājakattabhāvaṃ upādāya idha “cūlabodhī”ti samaññā āropitā, na pana imasmiṃ eva Jātake¹ attano jeṭṭhabhātikādino mahābodhissa sambhavatoti daṭṭhabbaṃ. **Susīlavāti** suṭṭhu sīlavā, sampannasīloti attho. **Bhavaṃ disvāna bhayatoti** kāmādibhavaṃ bhāyitabbabhāvena passivā. **Nekkhamanti** ettha ca-saddassa lopo daṭṭhabbo, tena “disvāna”ti padaṃ ākaḍḍhīyati. Idaṃ vuttaṃ hoti— jātijarābyādhimaraṇaṃ apāyadukkhāṃ atīte vaṭṭamūlakaṃ dukkhāṃ anāgate vaṭṭamūlakaṃ dukkhāṃ paccuppane āhārapariyeṭṭhimūlakaṃ dukkhanti imesaṃ aṭṭhannaṃ saṃvegavatthūnaṃ paccavekkhaṇena sabbampi kāmādibhedāṃ bhavaṃ saṃsārabhayato upaṭṭhahamānaṃ disvā nibbānaṃ tassa upāyabhūtā samathavipassanā tadupāyabhūtā ca pabbajjāti idaṃ tividhampi nekkhammaṃ anussavādisiddhena ñāṇacakkhunā tappaṭipakkhato disvā tāpasapabbajjūpagamanena anekādīnavākulā gahaṭṭhabhāvā abhinikkhamitvā gatoti.

27. **Dutiyikāti** porāṇadutiyikā, gihikāle pajāpatibhūtā. **Kanakasannibhāti** kañcanasannibhattacā. **Vaṭṭe anapekkhāti** saṃsāre nirālayā. **Nekkhammaṃ abhinikkhamīti** nekkhammatthāya gehato nikkhami, pabbajjāti attho.

28. Ālayanti sattā etenāti ālayo, taṇhā, tadabhāvena **nirālayā**. Tato eva ñātīsu taṇhābandhanassa chinnattā **chinnabandhu**. Evaṃ gihibandhanābhāvaṃ dassetvā idāni pabbajitānampi kesañci yaṃ hoti

1. Khu 5. 207 piṭṭhādīsu.

bandhanaṃ, tassāpi abhāvaṃ dassetuṃ “**anapekkhā kule gaṇe**”ti vuttaṃ. Tattha **kuleti** upaṭṭhākakule. **Gaṇeti** tāpasagaṇe, sesā brahmacārinoti vuccanti. **Upāgamunti** ubhopi mayaṃ upāgamimhā.

29. **Tatthāti** Bārāṇasisāmante. **Nipakāti** paññavanto. **Nirākuleti** janasañcārarahitattā janehi anākule. **Appasaddeti** migapakkhīnaṃ uṭṭhāpanato¹ tesāṃ vassitasaddenāpi virahitattā appasadde. **Rājuyyāne vasāmubhoti** Bārāṇasirañño uyyāne mayaṃ ubho janā tadā vasāma. Tatrāyaṃ anupubbikathā—atīte imasmiṃ eva bhaddakappe bodhisatto brahmalokato cavitvā aññatarasmiṃ Kāsīgāme ekassa mahāvibhavassa brāhmaṇassa putto hutvā nibbatti, tassa nāmaggaṇasamaye “Bodhikumāro”ti nāmaṃ kariṃsu. Vayappattakāle panassa Takkasilaṃ gantvā sabbasippāni uggaṇhitvā paccāgatassa anicchamānakasseva mātāpitaro samajātikaṃ kulakumārikaṃ ānesuṃ. Sāpi brahmalokacutāva uttamarūpadharā devaccharāpaṭibhāgā. Tesāṃ anicchamānānaṃ eva aññamaññaṃ āvāhavivāhaṃ kariṃsu. Ubhinnampi pana nesāṃ kilesasamudācāro na bhūtapubbo, sārāgavasena aññamaññaṃ olokanampi nāhosi, kā pana kathā itarasāmsagge. Evaṃ parisuddhasilā ahesuṃ.

Aparabhāge mahāsatto mātāpitūsu kālaṃkatesu tesāṃ sarīrakiccaṃ katvā taṃ pakkosāpetvā “bhaddo tvaṃ imaṃ asītikoṭidhanaṃ gahetvā sukhena jīvāhi”ti āha. Tvaṃ pana ayyaputtāti. Mayhaṃ dhanena kiccaṃ natthi, pabbajissāmīti. Kiṃ pana pabbajjā itthīnampi na vaṭṭatīti. Vaṭṭati bhaddeti. Tena hi mayhampi dhanena kiccaṃ natthi, ahampi pabbajissāmīti. Te ubhopi sabbaṃ vibhavaṃ pariccajitvā mahādānaṃ datvā nikkhamitvā araññaṃ pavisitvā pabbajitvā uñchācariyāya phalāphalehi yāpentā pabbajjāsukheneva dasa saṃvaccharāni vasitvā loṇambilasevanatthāya janapadacārikaṃ carantā anupubbena Bārāṇasiṃ patvā rājuyyāne vasīmsu. Tena vuttaṃ “rājuyyāne vasāmubho”ti.

30. Athekadivasāṃ rājā uyyānakīlaṃ gato uyyānassa ekapasse pabbajjāsukhena vītināmentānaṃ tesāṃ samīpaṭṭhānaṃ gantvā paramapāsādikāṃ

1. Upaṭṭhāpanato (Sī)

uttamarūpadharaṃ paribbājikaṃ olokeno kilesavasena paṭibaddhacitto hutvā bodhisattaṃ “ayaṃ te paribbājikā kiṃ hotī”ti pucchi. Tena “na ca kiñci hoti, kevalaṃ ekapabbajjāya pabbajitā, api ca kho pana gihikāle pādapari-carikā aho-sī”ti vutte rājā “ayaṃ kiretassa na kiñci hoti, api ca khopanassa gihikāle pādapari-carikā aho-si, yannūnāhaṃ imaṃ antepuraṃ paveseyyaṃ, tenevassa imissā paṭipattiṃ jānissāmi”ti andhabālo tattha attano paṭibaddhacittaṃ nivāretuṃ asakkonto aññataraṃ purisaṃ āṇāpesi “imaṃ paribbājikaṃ rājanivesanaṃ nehi”ti.

So tassa paṭissuṇitvā “adhammo loke vattatī”ti-ādīni vatvā paridevamānaṃ eva taṃ ādāya pāyāsi. Bodhisatto tassā paridevanasaddaṃ sutvā ekavāraṃ oloketvā puna na olokesi. “Sace panāhaṃ vāressāmi, tesu cittaṃ padosetvā mayhaṃ sīlassa antarāyo bhavissatī”ti sīlapāramimyeva āvajjento nisīdi. Tena vuttaṃ “**uyyānadassanaṃ gantvā, rājā addasa brāhmaṇin**”ti-ādī.

Tattha **tuyhesā kā kassa bhariyāti** tuyhaṃ tava esā kā, kiṃ bhariyā, udāhu bhagini vā samānā kassa aññassa bhariyā.

31. **Na mayhaṃ bhariyā esāti** kāmañcesā mayhaṃ gihikāle bhariyā aho-si, pabbajitakā-lato paṭṭhāya na mayhaṃ bhariyā esā, nāpi ahaṃ etissā sāmiko, kevalaṃ pana sahadhammā ekasāsānī, ahampi paribbājako ayampi paribbājikāti samānadhammā paribbājakasāsānena ekasāsānī, sabrahmacārinīti attho.

32. **Tissā sārattagadhitoti** kāmarāgena sāratto hutvā paṭibaddho. **Gāhāpetvāna ceṭaketī** ceṭakehi gaṇhāpetvā ceṭake vā attano rājapurise āṇāpetvā taṃ paribbājikaṃ gaṇhāpetvā. **Nippīlayanto balasāti** taṃ anicchamānaṃ eva ākaḍḍhanaparikaḍḍhanādinā nippīlayanto bādheṇto, tathāpi agacchantiṃ balasā balakkārena rājapurisehi gaṇhāpetvā attano antepuraṃ pavese-si.

33. **Odapattakiyāti** udakapattaṃ āmasitvā gahitabhariyā odapattikā nāma, idaṃ vacanaṃ purāṇadutiyikābhāvena upalakkhaṇamattaṃ

daṭṭhabbāṃ, sā panassa brāhmaṇavivāhavasena mātāpitūhi sampāṭipādītā, “odapattakiyā”¹ti ca bhāvenabhāvalakkhaṇe bhummaṃ. **Sahajāti** pabbajjājātivāsena sahajātā, tenevāha “**ekasāsani**”²ti. “Ekasāsani”²ti ca idaṃ bhummatthe paccattāṃ, ekasāsaniyāti attho. **Nayantiyāti** nīyantiyā. **Kopo me upapajjathāti** ayam te gihikāle bhariyā brāhmaṇī silavatī, pabbajitakāle ca sabrahmacārīnībhāvato sahajātā bhaginī, sā tuyhaṃ purato balakkārena ākaḍḍhitvā nīyati. “Bodhibrāhmaṇa kiṃ te purisabhāvan”³ti purisamānena ussāhito cirakālasayito vammikabilato kenaci purisena ghaṭṭito “susū”⁴ti phaṇaṃ karonto āsiviso viya me cittato² kopo sahasā vuṭṭhāsi.

34-5. **Sahakope samuppanneti** kopuppattiyā saha, tassa uppattisamanantaramevāti attho. **Silabbatamanussarinti** attano sīlapāramiṃ āvajjesiṃ. **Tattheva kopaṃ niggaṇḥinti** tasmīṃ eva āsane yathānisinnova taṃ kopaṃ nivāresiṃ. **Nādāsiṃ vaḍḍhitūparīti** tato ekavāruppattito upari uddhaṃ vaḍḍhituṃ na adāsiṃ. Idaṃ vuttaṃ hoti—kope uppannamatte eva “nanu tvaṃ Bodhiparibbājaka sabbapāramiyo pūretvā sabbaññutaññāṇaṃ paṭivijjhītukāmo, tassa te kimidaṃ sīlamattepi upakkhalanaṃ³, tayidaṃ gunnaṃ khuramattodake osīdantassa mahāsamuddassa paratīraṃ gaṇhitukāmatā viya hoti”⁴ti attānaṃ paribhāsivā paṭisaṅkhānabalena tasmīṃ eva khaṇe kopaṃ niggaḥetvā puna uppajjanavasena vaḍḍhituṃ na adāsinti. Tenevāha “**yadi naṃ brāhmaṇin**”⁴ti-ādi.

Tassattho—taṃ paribbājikaṃ brāhmaṇiṃ so rājā vā añño vā⁴ koci tiṇhāyapi nisitāya sattiya koṭṭeyya, khaṇḍākhaṇḍikaṃ yadi chindeyya, evaṃ santepi sīlaṃ attano sīlapāramiṃ neva bhindeyyaṃ, kasmā? Bodhiyā eva kāraṇā, sabbattha akhaṇḍitasīleneva sakkā sammāsambodhiṃ pāpuṇituṃ, na itarenāti.

1. Odapattakiniyāti (Sī)

2. Mettacittato (Sī, Ka)

3. Upalakkhaṇaṃ (Sī)

4. Amacco vā (Sī)

36. **Na me sā brāhmaṇī dessāti** sā brāhmaṇī jātiyā gottena kulappadesena ācārasampattiya cīraparicayena pabbajjādiguṇasampattiya cāti sabbappakārena na me dessā na appiyā, etissā mama appiyabhāvo koci natthi. **Napi me balaṃ na vijjatīti** mayhampi balaṃ na na vijjati, atthi eva. Ahaṃ nāgabalo thāmasampanno, icchamāno sahasā vuṭṭhahitvā taṃ ākaḍḍhante purise nippothetvā taṃ gahetvā yathicchitaṭṭhānaṃ gantuṃ samatthoti dasseti. **Sabbaññutaṃ piyaṃ mayhanti** tato paribbājikato sataguṇena sahasaguṇena satahasaguṇena sabbaññutaññānameva mayhaṃ piyaṃ. **Tasmā sīlānurakkhissanti** tena kāraṇena sīlameva anurakkhissāṃ.

Atha so rājā uyyāne papañcaṃ akatvāva sīghataraṃ gantvā taṃ paribbājikaṃ pakkosāpetvā mahantena yasena nimantesi. Sā yasassa aguṇaṃ pabbajjāya guṇaṃ attano bodhisattassa ca mahantaṃ bhogakkhandhaṃ pahāya saṃvegena pabbajitabhāvañca kathesi. Rājā kenaci pariyaṇena tassā manaṃ alabhanto cintesi “ayaṃ paribbājikā sīlavatī kalyāṇadhammā, sopi paribbājako imāya ākaḍḍhitvā nīyamānāya na kiñci vipakāraṃ dassesi, sabbattha nirapekkhacitto, na kho pana metaṃ patirūpaṃ, yaṃ evarūpesu guṇavantesu vipakāro, yannūnāhaṃ imaṃ paribbājikaṃ gahetvā uyyānaṃ gantvā imaṃ, tañca paribbājakaṃ khamāpeyyan”ti. Evaṃ pana cintetvā “paribbājikaṃ uyyānaṃ ānethā”ti purise āṇāpetvā sayāṃ paṭhamataraṃ gantvā bodhisattaṃ upasaṅkamtivā pucchi “bho pabbajita kiṃ mayā tāya paribbājikāya nīyamānāya kopo te uppajjitthā”ti. Mahāsatto āha—

“Uppajji me na muccittha, na me muccittha jīvato.
Rajamva vipulā vuṭṭhi, khippameva nivārayin”ti¹.

Taṃ sutvā rājā “kiṃ nu kho esa kopameva sandhāya vadati, udāhu aññaṃ kiñci sippādikan”ti cintetvā puna pucchi—

“Kiṃ te uppajji no mucci, kiṃ te no mucci jīvato.
Rajamva vipulā vuṭṭhi, katamaṃ taṃ nivārayi”ti¹.

1. Khu 5. 207 piṭṭhe.

Tattha **upparjīti** ekavāraṃ upparjī, na puna upparjī. **Na muccitthāti** kāyavacīvikāruppādanavasena pana na muccittha, na naṃ bahi pavattituruṃ vissajjesinti attho. **Rajaṃva vipulā vuṭṭhīti** yathā nāma gimhānaṃ pacchime māse uppannaṃ rajaṃ vipulā akālavuṭṭhidhārā¹ ṭhānaso nivāreti, evaṃ taṃ vūpasamento **nivārayim**, nivāresinti attho.

Athassa mahāpuriso nānappakārena kodhe ādīnavaṃ pakāsento—

“Yamhi jāte na passati, ajāte sādhu passati.

So me upparjī no mucci, kodho dummedhagocaro.

Yena jātena nandanti, amittā dukkhamesino.

So me upparjī no mucci, kodho dummedhagocaro.

Yasmiṅca jāyamānamhi, sadatthaṃ nāvabujjhati.

So me upparjī no mucci, kodho dummedhagocaro.

Yenābhībhūto kusalaṃ jahāti,

Parakkare vipulañcāpi atthaṃ.

Sa bhīmaseno balavā pamaddī,

Kodho mahārāja na me amuccatha.

Kaṭṭhasmiṃ manthamānasmim, pāvako nāma jāyati.

Tameva kaṭṭhaṃ ḍahati, yasmā so jāyate gini.

Evaṃ mandassa posassa, bālassa avijānato.

Sārambhā jāyate kodho, sapi teneva ḍayhati.

Aggīva tiṇakaṭṭhasmiṃ, kodho yassa pavaḍḍhati.

Nihīyati tassa yaso, kāḷapakkheva candimā.

Anindho dhūmaketūva, kodho yassū’pasammati.

Āpūراتi tassa yaso, sukkapakkheva candimā”ti²—

imāhi gāthāhi dhammaṃ desesi.

1. Akālavuṭṭhi (Ka)

2. Khu 5. 207 piṭṭhādīsu.

Tattha **na passatīti** attatthampi na passati, pageva parattham. **Sādhu passatīti** attattham parattham ubhayatthañca sammadeva passati. **Dummedhagocaroti** nippaññanam visayabhūto, nippañño vā gocaro āhāro indhanam etassāti dummedhagocarō. **Dukkhamasinoti** dukkham icchantā. **Sadatthanti** attano attham vuddhim. **Parakkareti** apaneyya vināseyya. **Sabhīmasenoti** so bhīmāya bhayajananiyā mahatiyā kilesasenāya samannāgato. **Pamaddīti** balavabhāvena satte pamaddanasīlo. **Na me amuccathāti** mama santikā mokkham na labhi, abbhantare eva damito, nibbisevano katoti attho. Khīram viya vā muhuttam dadhibhāvena cittena patiṭṭhahitthāti attho.

Manthamānasminti araṇisahite mathiyamāne. “Mathamānasmin”tipi pāṭho. **Yasmāti** yato kaṭṭhā. **Ginīti** aggi. **Bālassa avijānatoti** bālassa ajānantassa. **Sārambhā jāyateti** karaṇuttariyakaraṇalakkhaṇā¹ sārambhā araṇimanthanato viya pāvako kodho jāyate. **Sapi tenevāti** sopi bālo teneva kodhena kaṭṭhamviya agginā ḍayhati. **Anindho dhūmaketūvāti** anindhano aggi viya. **Tassāti** tassa adhiṅgāsanakantiyā samannāgatassa puggalassa **sukkapakkhe** cando viya laddho **yaso** aparāparam **āpūratīti**.

Rājā mahāsattassa dhammakatham sutvā mahāpurisam paribbājikampi rājagehato āgataṃ khamāpetvā “tumhe pabbajjāsukham anubhavantā idheva uyyāne vasatha, aham vo dhammikam rakkhāvaraṇaguttiṃ karissāmī”ti vatvā vanditvā pakkāmi. Te ubhopi tattheva vasimsu. Aparabhāge paribbājikā kālamakāsi. Bodhisatto Himavantam pavisitvā jhānābhīṇṇāyo nibbattetvā āyupariyosāne brahmalokaparāyano ahosi. Tadā paribbājikā Rāhulamātā ahosi, rājā Ānandatthero, Bodhiparibbājako Lokanātho.

Tassa idhāpi yathāraham sesapāramiyo niddhāretabbā. Tathā mahantam bhogakkhandham mahantañca nātiparivaṭṭam pahāya mahābhinnikkhamanasadisam gehato nikkhamanam, tathā nikkhamitvā pabbajitassa bahujanassammatassa sato paramappicchatāya kulesu ca gaṇesu ca alagatā, accantameva

1. Karaṇuttariyalakkhaṇā (Ka)

lābhasakkārajigucchāya pavivekābhirati, atisayavatī ca abhisallekhavutti, tathārūpāya sīlavatīyā kalyāṇadhammāya paribbājikāya ananuñātāya¹ attano purato balakkārena parāmasiyamānāya sīlapāramim āvajjetvā vikārānāpatti, katāparādhe ca tasmim rājini upagate hitacittatam mettacittatam upaṭṭhapetvā diṭṭhadhammikasamparāyikehi samanūsāsananti evamādayo idha mahāpurisassa guṇānubhāvā vibhāvetabbā. Tenetaṃ vuccati “evam acchariyā hete -pa- dhammassa anudhammato”ti.

Cūḷabodhicariyāvaṇṇanā niṭṭhitā.

5. Mahimsarājacariyāvaṇṇanā

37. Pañcame **mahiṃso pavanacārakoti** mahāvanacārī vanamahimso **yadā homīti** yojanā. **Pavaḍḍhakāyoti** vayasampattiyā² aṅgapaccāṅgānañca thūlabhāvena abhivaḍḍhakāyo. **Balavāti** mahābalo thāmasampanno. **Mahantoti** vipulasarīro. Hatthikalabhappamāṇo³ kira tadā bodhisattassa kāyo hoti. **Bhīmadassanoti** mahāsariratāya vanamahimsajātītāya ca sīlam aṅānantānam bhayaṃ janānato bhayānakadassano.

38. **Pabbhāreti** olambakasilākucchiyaṃ. **Dakāsayeti** jalāsayasamīpe. **Hotettha ṭhānanti** ettha mahāvane yo **koci** padeso vanamahimsānam tiṭṭhanaṭṭhānam hoti. **Tahim tahinti** tattha tattha.

39. **Vicarantoti** vihāraphāsukaṃ vīmaṃsitum vicaranto. **Ṭhānam addasa bhaddakanti** evam vicaranto tasmim mahāraññe bhaddakaṃ mayham phāsukaṃ rukkhamūlaṭṭhānam addakkhim. Disvā ca **tam ṭhānam upagantvāna, tiṭṭhāmi ca sayāmi ca** gocaraṃ gahetvā divā tam rukkhamūlaṭṭhānam gantvā ṭhānasayanehi vītināmemīti dasseti.

40. Tadā kira bodhisatto Himavantappadese mahimsayoniyaṃ nibbattivā vayappatto thāmasampanno mahāsarīro hatthikalabhappamāṇo

1. Aññātākāya (Sī)

2. Vayappattiyā (Sī)

3. Hatthikkhandhappamāṇo (Sī)

pabbatapāda¹ pabbhāragiriduggavanaghaṭṭādisu vicaranto ekaṃ phāsukaṃ mahārukkhamūlaṃ disvā gocaraṃ gahetvā divā tattha vasati. Atheke lolamakkaṭo rukkhā otarivā mahāsattassa piṭṭhim abhiruhitvā uccārapassāvaṃ katvā siṅgesu gaṇhitvā olambanto naṅguṭṭhe gahetvā dolāyanto kīli. Bodhisatto khantimettānuddayasampadāya taṃ tassa anācāraṃ na manasākāsi. Makkaṭo punappunaṃ tatheva karoti. Tena vuttaṃ “**athettha kapi māgantvā**”ti-ādi.

Tattha **kapi māgantvāti** kapi āgantvā, ma-kāro padasandhikaro. **Pāpoti** lāmako. **Anariyoti** anaye iriyanena aye ca na iriyanena anariyo, nihīnācāroti attho. **Lahūti** lolo. **Khandheti** khandhappadese. **Muttetīti** passāvaṃ karoti. **Ohadetīti**² karīsaṃ ossajjati. **Tanti** taṃ maṃ, tadā mahimsabhūtaṃ maṃ.

41. **Sakimpi divasanti** ekadivasampi dūseti maṃ sabbakālampi. Tenāha “dūseti maṃ sabbakālan”ti. Na kevalaṅca dutiyatatiyacatutthadivasamattaṃ, atha kho sabbakālampi maṃ passāvādīhi dūseti. Yadā yadā muttādīni kātukāmo, tadā tadā mayhameva upari karotīti dasseti. **Upaddutoti** bādhitto, tena siṅgesu olambanādīnā muttādi-asucimakkhaṇena tassa ca apaharaṇatthaṃ anekavāraṃ siṅgakoṭīhi vālaggena ca anekavāraṃ kaddamapaṃsumissakaṃ udakaṃ siṅcitvā dhovanena ca nippīḷito homīti attho.

42. **Yakkhoti** tasmim rukkhe adhivatthā devatā. **Maṃ idamabravīti** rukkhakkhandhe ṭhatvā “mahimsarāja kasmā imassa duṭṭhamakkaṭassa avamānaṃ sahasī”ti imamattaṃ pakāsetto **nāsehetam chavaṃ pāpaṃ, siṅgehi ca khurehi cāti** idam vacanaṃ maṃ abhāsi.

43. **Evam vutte tadā yakkheti** tadā tasmim kāle tasmim yakkhe evam vutte sati. **Aham taṃ idamabravinti** aham taṃ yakkham idam idāni vakkhamānaṃ abravim abhāsim. **Kuṇapenāti** kilesāsucipaggharaṇena sucijātikānaṃ sādḥūnaṃ paramajjucchanīyatāya atiduggandhavāyanena³ ca kuṇapasadisatāya kuṇapena. **Pāpenāti** pāṇātipātapāpena. **Anariyenāti**

1. Pabbatapāde (Ka)

2. Ohanetīti (Sī, Ka)

3. Akittiduggandhavāyanena (Sī)

anariyānaṃ asādhūnaṃ māgavikanesādādīnaṃ hīnapurisānaṃ dhammattā
anariyena **kiṃ** kena kāraṇena **tvam** devate **maṃ makkhesi**, ayuttam tayā
vuttam maṃ pāpe niyojentiyaṭi dasseti.

44. Idāni tasmim pāpadhamme ādīnavaṃ pakāsentō “**yadihan**”ti-
ādimāha. Tassattho—bhadde devate aham tassa yadi kujjheyyaṃ, tatopi
lāmakataro bhaveyyaṃ. Yena hi adhammacaraṇena so bālamakkaṭo nihīno
nāma jāto, sace paṇāhaṃ tatopi balavataṃ pāpadhammaṃ careyyaṃ, nanu
tena tato pāpataro bhaveyyaṃ, aṭṭhānañcetaṃ yadihaṃ idhalokaparalokaṃ
taduttari ca jānitvā ṭhito ekanteneva parahitāya paṭipanno evarūpaṃ
pāpadhammaṃ careyyanti. Kiñca bhiyyo—**sīlañca me pabhiṭṭheyyāti**
ahañceva kho pana evarūpaṃ pāpaṃ kareyyaṃ, mayhaṃ silapāramī
khaṇḍitā siyā. **Viññū ca garaheyyu manti** paṇḍitā ca devamanussā maṃ
garaheyyuṃ “passatha bho ayaṃ bodhisatto bodhipariyesanaṃ caramāno
evarūpaṃ pāpaṃ akāsī”ti.

45. **Hīlitā jīvitā vāpīti vā**-saddo avadhāraṇe. Evaṃ viññūhi hīlitā
garahitā jīvitāpi **parisuddhena** parisuddhasīlena hutvā **matam vā**
maraṇameva varaṃ uttamaṃ seyyo. **Kyāhaṃ jīvitahetupi, kāhāmi**
parahethananti evaṃ jānanto ca ahaṃ mayhaṃ jīvitanimittampi
parasattavihiṃsanaṃ kiṃ kāhāmi kiṃ karissāmi, etassa karaṇe kāraṇaṃ¹
natthīti attho.

Ayaṃ pana aññepi maṃ viya maññamāno evaṃ anācāraṃ karissati,
tato yesaṃ caṇḍamahimsānaṃ evaṃ karissati, te eva etaṃ vadhissanti, sā
etassa aññehi māraṇā mayhaṃ dukkhato ca pāṇātipātato ca mutti
bhavissatīti āha. Tena vuttam—

46. “Mamevāyaṃ maññamāno, aññepevaṃ karissati.
Teva tassa vadhissanti, sā me mutti bhavissatī”ti.

Tattha **mamevāyanti** maṃ viya ayaṃ. **Aññepīti** aññesampi. Sesam
vuttatthameva.

1. Karaṇena (Sī, Ka)

47. **Hīnamajjhima-ukkaṭṭheti** hīne ca majjhime ca ukkaṭṭhe ca nimittabhūte. **Sahanto avamānitanti** vibhāgaṃ akatvā tehi pavattitaṃ avamānaṃ paribhavaṃ sahanto khamanto. **Evam labhati sappaññoti** evaṃ hīnādīsu vibhāgaṃ akatvā khantimettānuddayaṃ upaṭṭhapetvā tadaparādham saḥanto sīlādīpāramiyo brūhetvā **manasā yathāpatthitaṃ** yathicchitaṃ sabbaññutaññānaṃ labhati paṭivijjhati, tassa taṃ na dūreti.

Evaṃ mahāsatto attano ajjhāsayaṃ pakāsento devatāya dhammaṃ desesi. So katipāhaccayena aññattha gato. Añño caṇḍamahimso nivāsaphāsutāya taṃ ṭhānaṃ gantvā aṭṭhāsi. Duṭṭhamakkaṭo “so eva ayan”ti saññāya tassa piṭṭhiṃ abhiruhitvā tatheva anācāraṃ akāsi. Atha naṃ so vidhunanto bhūmiyaṃ pātetvā siṅgena hadaye vijjhivā pādehi madditvā sañcuṇṇesi. Tadā sīlavā mahimsarājā Lokanātho.

Tassa idhāpi heṭṭhā vuttanayeneva yathārahaṃ sesapāramiyo niddhāretabbā. Tathā **Hatthināga**¹**bhūridatta**²**campeyyanāgarāja**³**cariyāsu** viya idha mahāsattassa guṇānubhāvā veditabbā.

Mahimsarājacariyāvaṇṇanā niṭṭhitā.

6. Rurumigarājacariyāvaṇṇanā

48. Chaṭṭhe **sutattakanakasannibhoti** yathā suṭṭhu apagatasabbakāḷako hoti, evaṃ aggimhi pakkhipitvā sutattakanakasannibho. **Migarājā Ruru nāmāti** jātisiddhena nāmena Ruru nāma migarājā, jātito ruru, migānañca rājāti attho. **Paramasīlasamāhitoti** uttamasīlasamāhito, visuddhasīlo ceva samāhitacitto ca, visuddhasīle vā sammā āhitacittoti evamettha attho veditabbo.

Tadā bodhisatto Rurumigayoniyaṃ nibbatti, tassa sarīracchavi suṭṭhu tāpetvā majjitakañcanapaṭṭavaṇṇo ahosi hatthapādā lākhārasaparikkammakatā viya naṅguṭṭhaṃ camarīnaṅguṭṭhaṃ viya siṅgāni rajatadāmavaṇṇāni akkhīni

1. Khu 4. 399 piṭṭhe.

2. Khu 4. 400 piṭṭhe.

3. Khu 4. 400 piṭṭhādīsu.

sumajjitamaṇigūḷikā viya mukhaṃ odahitvā¹ ṭhapitarattakambalageṇḍukā viya. So janasaṃsaggaṃ pahāya vivekavāsaṃ vasitukāmo parivāraṃ chaḍḍetvā ekakova Gaṅgānivattane ramaṇīye sālamiṣṣake supupphitapavane vasatī. Tena vuttaṃ—

49. “Ramme padese ramaṇīye, vivitte amanussake.

Tattha vāsaṃ upagañchiṃ, Gaṅgākūle manorame”ti.

Tattha **ramme padeseti** muttātalaśadisavālukācuṇṇapaṇḍarehi bhūmibhāgehi siniddhaharitaṭṭasañcaritehi vanatthalehi cittattharaṇehi viya nānāvaṇṇavicittēhi silātalehi maṇikkhandhanimmalasalilehi jalāsāyehi ca samannāgatattā yebhuyyena ca indagopakavaṇṇāya rattāya sukhasamphassāya ṭṭajāṭiyā sañchannattā ramme araññappadese. **Ramaṇīyēti** pupphaphalapallavālaṅkatavipulasākhāvinaddhehi nānāvidhadijagaṇūpakūjitehi vividhatarulatāvanavirājitehi yebhuyyena ambasālavanasaṇḍamaṇḍitehi vanagahanehi upasobhitattā tattha pavitṭhassa janassa ratijananatṭhena ramaṇīye. Vuttampi cetam **Rurumigarājajātake**—

“Etasmim vanasaṇḍasmim, ambā sālā ca pupphitā.

Indagopakasañchannā, ettheso tiṭṭhate migo”ti².

Vivitteti janavāsavirahena suññe. **Amanussaketi** sañcaraṇamanussānampi tattha abhāvena manussarahite. **Manorameti** yathāvuttagaṇasampattiyā visesato pavivekakāmānaṃ mano rametīti manorame.

50. **Atha uparigaṅgāyāti** ettha **athāti** adhikāre nipāto, tena mayi tattha tathā vasante idaṃ adhikārantaraṃ uppannanti dīpeti. **Uparigaṅgāyāti** Gaṅgāya nadiyā uparisote. **Dhanikehi paripīḷitoti** iṇaṃ gahetvā taṃ dātum asakkonto iṇāyikehi codiyamāno.

Eko kira Bārāṇasiseṭṭhi³ attano puttaṃ “ayaṃ sippaṃ uggaṇhanto kilamissatī”ti kiñci sippaṃ na uggaṇhāpesi. Gītavāditanaccakhādanabhojanato uddhaṃ na kiñci aññāsī. Taṃ vayappattaṃ patirūpena dārena saṃyojetvā dhanam niyyātetvā mātāpitaro kālamakaṃsu. So tesam

1. Olambetvā (Si)

2. Khu 5. 270 piṭṭhe.

3. Bārāṇasiseṭṭhi brāhmaṇo (Ka)

accayena itthidhuttasurādhattādīparivuto nānābyasanamukhehi sabbam dhanam viddhamsetvā tattha tattha iṇam ādāya tampi dātuṃ asakkonto dhanikehi codiyamāno “kiṃ mayham jīvitena, tenevamhi attabhāvena añño viya jāto, maraṇam me seyyo”ti cintetvā iṇāyike āha “tumhākaṃ iṇapaṇṇāni gahetvā āgacchatha, Gaṅgātīre me nihitam kulasantakam dhanam atthi, tam vo dassāmī”ti. Te tena saddhim agamaṃsu. So “idha dhanam, ettha dhanan”ti nidhiṭṭhānam ācikkhanto viya “evam me iṇamokkho bhavissatī”ti palāyitvā Gaṅgāyam pati. So caṇḍasotena vuyhanto kāruṇṇaravam ravi. Tena vuttam “atha upariṅgāyā”ti-ādi.

Tattha **jīvāmi vā marāmi vā**ti imasmim Gaṅgāsote patito jīvāmi vā marāmi vā, jīvitam vā me ettha hotu maraṇam vā, ubhayathāpi iṇāyikapīḷā na hotīti adhippāyo.

51. **Majjhe Gaṅgāya gacchatī**ti so puriso rattindivam Gaṅgāya vuyhamāno jīvitapemassa¹ vijjamānattā maraṇam appatto maraṇabhayatajjito hutvā karuṇam ravam ravanto Gaṅgāya majjhe mahodakena gacchati.

52. Atha mahāpuriso aḍḍharattasamaye tassa tam karuṇam paridevantassa paridevitasaddam sutvā “manussasaddo sūyati, mā mayi idha dharante maratu, jīvitamassa dassāmī”ti cintetvā sayanagumbā vuṭṭhāya nadītīram gantvā “ambho purisa mā bhāyi, jīvitam te dassāmī”ti vatvā assāsetvā sotam chindanto gantvā tam piṭṭhiyam āropetvā tīram pāpetvā attano vasanaṭṭhānam netvā parissamam vinodetvā phalāphalāni datvā dvīhatīhaccayena tam āha “ambho purisa aham tam Bārāṇasigāmimaggam pāpessāmi, tvam ‘asukatṭhāne nāma kañcanamigo vasatī’ti mā kassaci ārocehī”ti. So “sādhu sāmī”ti sampatīcchi. Mahāsatto tam attano piṭṭhim āropetvā Bārāṇasimagge otāretvā nivatti. Tena vuttam “**tassāham saddam sutvāna, karuṇam paridevato**”ti-ādi.

Tattha **kosi tvam naroti** tvam ko manusso asi, kuto idha vuyhamāno āgatosīti attho.

1. Jīvitagavesassa (Sī, Ka)

53. **Attano karaṇanti** attano kiriyam. **Dhanikehi bhītoti** iṇāyikehi ubbiggo. **Tasitoti** utrasto.

54. **Tassa katvāna kāruṇṇam, cajitvā mama jīvitanti** kāruṇṇam katvā mahākaruṇāya samussāhito mama jīvitam tassa purisassa paricajitvā. **Pavisitvā nīharim tassāti** nadim pavisitvā sotaṃ chindanto ujukameva gantvā mama piṭṭhim āropetvā tato taṃ nīharim. **Tassāti** upayogathe sāmivacanam. “Tatthā”tipi Pāli, tattha nadiyanti attho. **Andhakāramhi rattiyāti** rattiyā andhakārasamaye, kāḷapakkharattiyanti attho.

55. **Assatthakālamaññāyāti** parissamam apanetvā phalāphalāni datvā dvīhatihaccayena kilamathassa vigatakālam jānitvā. **Ekam taṃ varam yācāmīti** aham taṃ ekam varam yācāmi, mayham ekam varam dehīti attho. Kim taṃ varanti ce? Āha—**mā maṃ kassaci pāvadāti** “asukatṭhāne suvaṇṇamigo vasatī”ti kassaci rañño vā rājamahāmatassa vā maṃ mā pāvada.

Atha tasmim purise Bārāṇasim pavitṭhadivaseyeva so rājā “aham deva suvaṇṇavaṇṇam migam mayham dhammam desentaṃ supinena addasam, aham hi saccasupinā, addhā so vijjati, tasmā kañcanamigassa dhammam sotukāmā labhissāmi ce jīvissāmi, no ce me jīvitam natthī”ti aggamahesiyā vutto taṃ assāsetvā “sace manussaloke atthi, labhissasī”ti vatvā brāhmaṇe pakkosāpetvā “suvaṇṇamigā nāma hontī”ti pucchitvā “āma deva hontī”ti sutvā sahasatthavikam suvaṇṇacaṅkoṭake ṭhapetvā taṃ hatthikkhandham āropetvā nagare bherim carāpesi “yo suvaṇṇamigam ācikkhissati, tassa hatthinā saddhim imam dassāmī”ti. Tato uttarimpi dātukāmo hutvā—

“Tassa gāmvaram dammi, nāriyo ca alaṅkatā.

Yo¹ metaṃ migamakkhāti, migānam migamuttaman”ti²—

gātham suvaṇṇapaṭṭe likhāpetvā sakalanagare vācāpesi. Atha so setṭhiputto taṃ gātham sutvā rājapurisānam santikam gantvā “rañño evarūpaṃ

1. Ko (Sī, Ka)

2. Khu 5. 270 piṭṭhe.

migaṃ ācikkhissāmi, maṃ rājānaṃ dassethā”ti āha. Rājapurisā taṃ rañño santikaṃ netvā tamatthaṃ ārocesuṃ. Rājā “saccaṃ bho addasā”ti pucchi. So “saccaṃ deva mayā saddhiṃ āgacchatu, ahaṃ taṃ dassessāmi”ti āha. Rājā tameva purisaṃ maggadesakaṃ katvā mahantena parivārena taṃ ṭhānaṃ gantvā tena mittadubbhinā purisena dassitaṃ padesaṃ āvudhahatthe purise samantatova parivāretvā “ukkuṭṭhiṃ karoṭhā”ti vatvā sayāṃ katipayehi janehi saddhiṃ ekamante aṭṭhāsi. Sopi puriso avidūre aṭṭhāsi. Mahāsatto saddaṃ sutvā “mahato balakāyassa saddo, addhā tamhā me purisā bhayena uppanna bhavitabban”ti ñatvā uṭṭhāya sakalaparisaṃ oloketvā “rañño ṭhitaṭṭhāneyeva me sotthi bhavissati”ti rājābhimukho pāyāsi. Rājā taṃ āgacchantāṃ disvā “nāgabalo avattharanto āgaccheyyā”ti saraṃ sannayhitvā “imaṃ migaṃ santāsetvā sace palāyati, vijjhivā dubbalaṃ katvā gaṇhissāmi”ti bodhisattābhimukho ahoṣi. Mahāsatto—

“Āgamehi mahārāja, mā maṃ vijjhi rathesabha.

Ko nu te idamakkhāsi, ettheso tiṭṭhate migo”ti¹—

gāthaṃ abhāsi. Rājā tassa madhurakathāya bajjhivā saraṃ paṭisaṃharitvā gāravana aṭṭhāsi. Mahāsattopi rājānaṃ upasaṅkamitvā madhuraṭṭisaṃthāraṃ akāsi. Mahājanopi sabbāvudhāni apanetvā āgantvā rājānaṃ parivāresi. Tena vuttaṃ—

56. “Nagaraṃ gantvāna ācikkhi, pucchito dhanahetuko.

Rājānaṃ so gahetvāna, upagañchi mamantikaṃ”ti.

Tassattho—yo mittadubbhī pāpapuriso jīvitaṃ pariccajitvā tathā mayā pāṇasaṃsayato mocito Bārāṇasinagaraṃ gantvā attanā laddhabbadhananimittaṃ rañño maṃ **ācikkhi**, ācikkhitvā so rañño gāhāpetuṃ maggadesako hutvā rājānaṃ gahetvā mama santikamupāgamīti.

Mahāsatto suvaṇṇakiṅkiṇikaṃ cāleno viya madhurassarena rājānaṃ puna pucchi “ko nu te idamakkhāsi, ettheso tiṭṭhate migo”ti. Tasmim khāṇe so pāpapuriso thokaṃ paṭikkamitvā sotapathe

1. Khu 5. 271 piṭṭhe.

aṭṭhāsi. Rājā “iminā me tvaṃ dassito”ti taṃ purisaṃ niddisi. Tato bodhisatto—

“Saccam kireva māhamsu, narā ekacchīyā idha.
Kaṭṭham niplavitaṃ seyyo, na tveve’kacchīyo naro”ti¹—

gāthamāha. Taṃ sutvā rājā saṃvegajāto—

“Kiṃ nu Ruru garahasi migānaṃ,
Kiṃ pakkhīnaṃ kiṃ pana mānūsānaṃ.
Bhayaṃ hi maṃ vindatinapparūpaṃ,
Sutvāna taṃ mānusiṃ bhāsamānaṃ”ti¹—

gāthamāha. Tato mahāpuriso “mahārāja na migam na pakkhim garahāmi, manussaṃ pana garahāmi”ti dassento—

“Yamuddharim vāhane vuyhamānaṃ,
Mahodake salile sīghasote.
Tatonidānaṃ bhayamāgataṃ mama,
Dukkho have rāja asabbhisāgamo”ti¹—

āha.

Tattha **niplavitanti** uddharitaṃ. **Ekacchīyoti** ekacco mittadubbhī pāpapuriso uduke patantopi² uttārito natveva **seyyo**. **Kaṭṭham** hi nānappakārena upakārāya saṃvattati, mittadubbhī pana vināsāya, tasmā tato kaṭṭhameva varataranti. **Migānanti** Rurumigarāja migānaṃ kiṃ aññataram **garahasi**, udāhu **pakkhīnaṃ** manussānanti pucchati. **Bhayaṃ hi maṃ vindatinapparūpanti** mahantaṃ bhayaṃ maṃ paṭilabhati, attano santakaṃ viya karotīti attho.

Vāhaneti patitapatite vahitum samatthe Gaṅgāvahe. **Mahodake salileti** mahodakībhūte salile. Ubhayenāpi Gaṅgāvahassa bahūdakataṃ dasseti. **Tatonidānanti** mahārāja yo mayhaṃ tayā dassito puriso, eso mayā Gaṅgāya³ vuyhamāno aḍḍharattasamaye karuṇaṃ paridevanto tato uttārito, tatonidānaṃ idaṃ mayhaṃ **bhayamāgataṃ**, asappurisehi samāgamo nāma dukkhoti.

1. Khu 5. 271 piṭṭhe.

2. Marantopi (Sī, Ka)

3. Gaṅgāvahe (Sī)

Tam sutvā rājā tassa kujjhitvā “evam bahūpakārassa nāma guṇam na jānāti, dukkham uppādeti, vijjhitvā nam jīvitakkhayaṃ pāpessāmi”ti saram sannayhi. Tena vuttam—

57. “Yāvatā karaṇam sabbam, rañño ārocitam mayā.
Rājā sutvāna vacanam, usum tassa pakappayi.
Idheva ghātayissāmi, mittadubbhim anariyan”ti.

Tattha **yāvatā karaṇanti** yaṃ tassa mayā katam upakārakaraṇam, tam **sabbam**. **Pakappayīti** sannayhi. **Mittadubbhinti** attano mittesu upakārīsu dubbhanasīlam.

Tato mahāsatto “esa bālo mam nissāya mā nassī”ti cintetvā “mahārāja vadho nāmesa bālassa vā paṇḍitassa vā na sādhuhi pasamsito, aññadatthu garahito eva, tasmā mā imam ghātehi, ayam yathārucci gacchatu, yañceva tassa ‘dassāmi’ti tayā paṭiññātam, tampi ahāpetvāva dehi”ti āha. “Ahañca te yaṃ icchitam, tam karissāmi, attānam tuyham dammi”ti āha. Tena vuttam—

58. “Tamaham anurakkhanto, nimminim mama attanā.
Tiṭṭhateso mahārāja, kāmakāro bhavāmi te”ti.

Tattha **nimmininti** tam mittadubbhim pāpapuggalam **anurakkhanto mama** attano attabhāvena tam parivattesim, attānam rañño niyyātetvā rājahatthato pattam tassa maraṇam nivāresinti attho. **Tiṭṭhatesoti**-ādi vinimayākāradassanam.

59. Idāni yadattham so attavinimayo kato, tam dassetum osānagāthamāha. Tassattho—tadā mam nissāya tam mittadubbhim purisam tasmim raññe jīvitā voropetukāme aham attānam rañño pariccajanto mama sīlameva anurakkhim, **jīvitam** pana **nārakkhim**. Yam panāhameva attano jīvitānirapekkham **sīlavā āsim**, tam sammāsambodhiyā eva **karaṇāti**.

Atha rājā bodhisattena attano jīvitam pariccajivā tassa purisassa maraṇe nivārente tuṭṭhamānaso “gaccha bho migarājassa anuggahena mama

hatthato maraṇā mutto”ti vatvā yathāpaṭiñṇāya tañcassa dhanam dāpesi. Mahāsattassa yathāruciya¹ anujānitvā tam nagaram netvā nagarañca bodhisattañca alaṅkārapetvā deviyā dhammam desāpesi. Mahāsatto devim ādim katvā rañño ca rājaparisāya ca madhurāya manussabhāsāya dhammam desetvā rājānam dasahi rājadhammehi ovaditvā mahājanam anusāsivā araṇṇam pavisitvā migagaṇaparivuto vāsam kappesi. Rājāpi mahāsattassa ovāde ṭhatvā sabbasattānam abhayam datvā dānādini puñṇāni katvā sugatiparāyano ahosi. Tadā seṭṭhiputto Devadatto ahosi, rājā Ānando, Rurumigarājā Lokanātho.

Tassa idhāpi heṭṭhā vuttanayeneva yathāraham sesapāramiyo niddhāretabbā. Tathā idhāpi pavivekārāmatāya janasaṃsaggam anicchato yūtham pahāya ekakavihāro, aḍḍharattasamaye nadiyā vuyhamānassa karuṇam paridevantassa purisassa aṭṭassaram sutvā sayitaṭṭhānato vuṭṭhāya nadītiram gantvā Mahāgaṅgāya mahati udakoghe vattamāne attano jīvitam pariccajivā otarivā sotam pacchinditvā tam purisam attano piṭṭhiyam āropetvā tiram pāpetvā samassāsetvā phalāphalādini datvā parissamavinodanam, puna tam attano piṭṭhim āropetvā araṇṇato nīharitvā mahāmagge otāraṇam, saram sannayhitvā vijjhissāmīti abhimukhe ṭhitassa rañño nibbhayena hutvā paṭimukhameva gantvā paṭhamataram manussabhāsāya ālapitvā madhurapaṭisanthārakaraṇam, mittadubbhī pāpapurisam hantukāmam rājānam dhammakatham katvā punapi attano jīvitam pariccajivā maraṇato pamocanam, tassa ca rañño yathāpaṭiñṇam dhanadāpanam, rañṇā attano vare dīyamāne tena sabbasattānam abhayadāpanam, rājānañca devinca pamukham katvā mahājanassa dhammam desetvā dānādīsu puñṇesu tesam paṭiṭṭhāpanam, laddhābhayānam migānam ovādam datvā manussānam sassakhādanato nivāraṇam, paṇṇasañṇāya ca tassa yāvajjakālā thāvarakaraṇanti evamādayo mahāsattassa guṇānubhāvā vibhāvetabbāti.

Rurumigarājacariyāvaṇṇanā niṭṭhitā.

1. Yathāruciya varam (Sī)

7. Mātaṅgacariyāvaṇṇanā

60. Sattame **jaṭiloti** jaṭāvanto, jaṭābandhakesoti attho. **Uggatāpanoti** manacchaṭṭhānaṃ indriyānaṃ tāpanato niggaṇhanato tapasaṅkhātāṃ uggatāpanaṃ etassāti uggatāpano, ghoratapo paramadhitindriyoti¹ attho. Atha vā nānappakāre diṭṭhadhammikādibhede anathe uggiraṇato bahi chaḍḍāpanato ghorabhīmabhayānakaṭṭhena vā “uggā”ti laddhanāme kilese vīriyātapena santāpanato ugge tāpetīti **uggatāpano**. **Mātaṅgo nāma nāmenāti** nāmena Mātaṅgo nāma. Mātaṅgakule nibbattiyā jātiyā āgataṃ hissa etaṃ nāmaṃ. **Sīlavāti** sīlasampanno suparisuddhasīlo. **Susamāhitoti** upacārappanāsamādhīhi suṭṭhu samāhito, jhānasamāpattilābhīti attho.

Tadā hi bodhisatto caṇḍālayoniyāṃ nibbattitvā rūpena duddasiko bahinagare caṇḍālagāme vasati. “Mātaṅgapaṇḍito”ti pakāsanāmo. Athekadivasāṃ tasmīṃ nagare nakkhatte ghosite yebhuyyena nāgarā nakkhattaṃ kīḷanti. Aññatarāpi brāhmaṇamahāsālakaññā soḷasapannarasavassuddesikā devakaññā viya rūpena dassanīyā pāsādikā “attano vibhavānurūpaṃ nakkhattaṃ kīḷissāmi”ti pahūtakhajjabhojjādīni sakaṭesu āropetvā sabbasetāṃ vaḷavārathamāruyha mahatā parivārena uyyānabhūmiṃ gacchati. Diṭṭhamaṅgalikā nāmesā, sā kira dussaṇṭhitāṃ rūpaṃ “avamaṅgalan”ti taṃ daṭṭhuṃ na icchati, tenassā “Diṭṭhamaṅgalikā”tveva samaññā udapādi.

Tadā bodhisatto kālasseva uṭṭhāya paṭapilotikaṃ nivāsetvā jajjaritamukhabhāgaṃ veṇudaṇḍaṃ gahetvā bhājanahattho nagaraṃ pavisati manusse disvā dūratova tesāṃ dūrikaraṇatthaṃ tena veṇudaṇḍena saññāṃ karonto. Atha diṭṭhamaṅgalikā “ussaratha ussarathā”ti ussāraṇaṃ karontehi attano purisehi nīyamānā nagaradvāramajjhe Mātaṅgaṃ disvā “ko eso”ti āha. “Ayye Mātaṅgacaṇḍālo”ti ca vutte “īdisaṃ disvā gatānaṃ kuto vuḍḍhī”ti yānaṃ nivattāpesi. Manussā “yaṃ mayaṃ uyyānaṃ gantvā bahuṃ khajjabhojjādīṃ labheyyāma, tassa

1. Samitindriyoti (Sī)

no Mātaṅgena antarāyo kato”ti kupitā “gaṇhatha caṇḍālan”ti leddūhi paharivā visaññībhūtaṃ pātetvā agamaṃsu.

So na cireneva satim paṭilabhivā vuṭṭhāya manusse pucchi “kim ayyā dvāraṃ nāma sabbasādhāraṇaṃ, udāhu brāhmaṇānaṃ eva katan”ti. Sabbesaṃ sādharmaṇanti. “Evaṃ sabbasādhāraṇadvāre ekamantaṃ apakkamantaṃ maṃ diṭṭhamaṅgalikāya manussa imaṃ anayabyasanaṃ pāpesuṃ”ti rathikāya manussānaṃ ārocetvā “handāhaṃ imissā mānaṃ bhindissāmi”ti tassā nivesanadvāraṃ gantvā “ahaṃ diṭṭhamaṅgalikaṃ aladdhā na vuṭṭhahissāmi”ti nipajji. Diṭṭhamaṅgalikāya pitā “gharadvāre Mātaṅgo nipanno”ti sutvā “tassa kākaṇikaṃ detha, telena sarīraṃ makkhetvā gacchatū”ti āha. So “Diṭṭhamaṅgalikaṃ aladdhā na vuṭṭhahissāmi”cceva āha. Tato brāhmaṇena “dve kākaṇike detha māsaṃ pādaṃ kahāpaṇaṃ dve tīṇi yāva kahāpaṇasataṃ kahāpaṇasahassaṃ dethā”ti vuttepi na sampaṭicchati eva. Evaṃ tesāṃ mantentānaṃ eva sūriyo atthaṅgato.

Atha diṭṭhamaṅgalikāya mātā pāsādā oruyha sāṇipākāraṃ parikkhipāpetvā tassa santikaṃ gantvā “tāta Mātaṅga diṭṭhamaṅgalikāya aparādhaṃ khama, dve sahasāni gaṇhāhi yāva satahasaṃ gaṇhāhi”ti vuttepi na sampaṭicchhi, nipajji eva. Tassevaṃ cha divase nipajjitvā sattame divase sampatte samantā sāmantaḡharā paṭivisaḡkagharā ca manussa vuṭṭhahivā “tumhe Mātaṅgaṃ vā vuṭṭhāpetha, dārikaṃ vā detha, mā amhe nāsayingthā”ti āhaṃsu. Tadā kira ayaṃ tasmim dese desadhammo “yassa gharadvāre evaṃ nipajjitvā caṇḍālo marati, tena gharena saddhim sattaḡtagharavāsino caṇḍālā hontī”ti.

Tato diṭṭhamaṅgalikāya mātāpitaro diṭṭhamaṅgalikaṃ paṭapilotikaṃ nivāsāpetvā caṇḍālānucchavikaṃ parikkhāraṃ datvā paridevamānaṃ eva tassa santikaṃ netvā “handā dāni dārikaṃ vuṭṭhāya gaṇhāhi”ti adāṃsu. Sā passe ṭhatvā “vuṭṭhāhi”ti āha. So “ahaṃ ativiya kilanto, hatthe gaḡetvā maṃ vuṭṭhāpehi”ti āha. Sā tathā akāsi. Mātaṅgo “mayāṃ antonagare vasitum na labhāma, ehi, bahinagare caṇḍālagāmaṃ gaṃissāma”ti taṃ apassāya attano geḡaṃ agamāsi. “Tassā piṭṭhim abhiruhivā”ti jātakabhāṇakā vadanti.

Evam pana geham gantvā jātisambhedavītikkamaṃ akatvāva katipāham gehe vasitvā balaṃ gahetvā cintesi “aham imam brāhmaṇamahāsālakaññaṃ mayham caṇḍālagehe vāsāpesim, handa dāni taṃ lābhaggayasaggappattam karissāmi”ti. So araññaṃ pavisitvā pabbajitvā sattāhabbhantareyeva aṭṭha samāpattiyo pañcābhīññāyo nibbattetvā iddhiyā caṇḍālagāmadvāre otarivā gehadvāre t̥hito diṭṭhamaṅgalikaṃ pakkosāpetvā “sāmi kissa maṃ anātham katvā pabbajitosi”ti paridevamānaṃ “tvam bhadde mā cintayi, tava porāṇakayasato idāni mahantataram yasaṃ karissāmi, tvam pana ‘mahābrahmā me sāmiko, na Mātāngo, so brahmalokaṃ gato, ito sattame divase puṇṇamāya candamaṇḍalam bhinditvā āgamissati”ti parisāsu vadeyyāsī”ti vatvā Himavantameva gato.

Diṭṭhamaṅgalikāpi Bārāṇasiyam mahājanamajjhe tesu tesu t̥hānesu tathā kathesi. Atha puṇṇamādivase bodhisatto candamaṇḍalassa gaganamajjhe t̥hitakāle brahmattabhāvaṃ māpetvā candamaṇḍalam bhinditvā dvādasayojanikaṃ Bārāṇasim sakalam Kāsiraṭṭhañca ekobhāsam katvā ākāso otarivā Bārāṇasiyā upari tikkhattum paribbhamitvā mahājanena gandhamālādīhi pūjyamāno caṇḍālagāmābhimukho ahoṣi. Brahmabhattā sannipatitvā taṃ caṇḍālagāmakam gantvā diṭṭhamaṅgalikāya geham suddhavatthagandhamālādīhi devavimānaṃ viya alaṅkarimsu. Diṭṭhamaṅgalikā ca tadā utunī hoti. Mahāsatto tattha gantvā diṭṭhamaṅgalikaṃ aṅguṭṭhena nābhiyam parāmasitvā “bhadde gabbho te patiṭṭhito, tvam puttam vijāyissasi, tvampi puttopi te lābhaggayasaggappattā bhavissatha, tava sīsadhovana-udakaṃ¹ sakalajambudīpe rājūnaṃ abhisekodakaṃ bhavissati, nhānodakaṃ pana te amatodakaṃ bhavissati, ye nam sīse āsiñcissanti, te sabbarogehi muccissanti, kāḷakaṇṇiyā ca parimuccissanti, tava pādapiṭṭhe sīsam t̥hapetvā vandantā sahasam dassanti, kathāsavanaṭṭhāne t̥hatvā vandantā satam dassanti, cakkhupathe t̥hatvā vandantā ekekaṃ kahāpaṇam datvā vandissanti, appamattā hohi”ti taṃ ovaditvā gehā nikkhamma mahājanassa passantasseva candamaṇḍalam pāvīsi.

1. Pādadhovana-udakaṃ (Jātaka-Ṭṭha 4. 378 piṭṭhe.)

Brahmabhaddhā sannipatitvā diṭṭhamaṅgalikaṃ mahantena sakkārena nagaraṃ paveśevā mahantena sirisobhaggena tattha vasāpesuṃ. Devavimānasadisañcassā nivesanaṃ kāresuṃ. Tattha netvā uḷāraṃ lābhasakkāraṃ upanāmesuṃ. Puttalābhādi sabbo bodhisattena vuttasadisova ahosi. Soḷasasahassā brāhmaṇā diṭṭhamaṅgalikāya puttana saha nibaddhaṃ bhujjanti, sahasamattā naṃ parivārenti, anekasahassānaṃ dānaṃ dīyati. Atha mahāsatto “ayaṃ aṭṭhāne abhippasanno, handassa dakkhiṇeyye jānāpessāmī”ti bhikkhāya caranto tassā gehaṃ gantvā tena saddhiṃ sallapitvā agamāsi. Atha kumāro gāthamāha—

“Kuto nu āgacchasi dummavāsī,
Otallako paṃsupisācakova.
Saṅkāracoḷaṃ paṭimuñca kaṇṭhe,
Ko re tuvaṃ hosi adakkhiṇeyyo”ti¹.

Tena vuttaṃ anācāraṃ asahamānā devatā tassa tesañca soḷasasahassānaṃ brāhmaṇānaṃ mukhaṃ viparivattesuṃ. Taṃ disvā diṭṭhamaṅgalikā mahāsattaṃ upasaṅkamtivā tamatthaṃ ārocesi. Bodhisatto “tassa anācāraṃ asahantehi yakkhehi so vippakāro kato, api ca kho pana imaṃ ucchiṭṭhapiṇḍakaṃ tesaṃ mukhe āsiñcitvā taṃ vippakāraṃ vūpasamehi”ti āha. Sāpi tathā katvā taṃ vūpasamesi. Atha diṭṭhamaṅgalikā puttaṃ āha “tāta imasmim loke dakkhiṇeyyā nāma Mātāṅgapaṇḍitasadisā bhavanti, na ime brāhmaṇā viya jātimattena, mantasajjhāyanamattena vā mānatthaddhā”ti vatvā ye tadā silādiguṇavisesayuttā jhānasamāpattilābhino ceva Paccekabuddhā ca, tatthevassa pasādaṃ uppādesīti.

Tadā Vettavatīnagare Jātimanto nāma eko brāhmaṇo pabbajitvāpi jātim nissāya mahantaṃ mānamakāsi. Mahāsatto “tassa mānaṃ bhindissāmī”ti taṃ ṭhānaṃ gantvā tassāsanne uparisote vāsaṃ kappesi. Tena vuttaṃ—

61. “Ahañca brāhmaṇo eko, Gaṅgākūle vasāmubho.
Ahaṃ vasāmi upari, heṭṭhā vasati brāhmaṇo”ti.

1. Khu 5. 309 piṭṭhe.

Atha mahāsatto ekadivasam dantakaṭṭham khāditvā “idaṃ jātimantassa jaṭāsu laggatū”ti adhiṭṭhāya nadiyaṃ pātesi. Tam tassa udakaṃ ācamentassa jaṭāsu laggi, so taṃ disvā “nassa vasalā”ti vatvā “kutoyaṃ kālakaṇṇī āgato, upadhāressāmi nan”ti uddhamsoṭam gacchanto mahāsattam disvā “kiṃ jātikosī”ti pucchi. Caṇḍālosmīti. Tayā nadiyaṃ dantakaṭṭham pātinti. Āma mayāti. “Nassa vasala caṇḍāla kālakaṇṇī mā idha vasi, heṭṭhāsote vasā”ti vatvā heṭṭhāsote vasantenapi pātite dantakaṭṭhe paṭisoṭam āgantvā jaṭāsu laggante “nassa vasala, sace idha vasissasi, sattame divase sattadhā te muddhā phalissatī”ti āha. Tena vuttam—

62. “Vicaranto anukūlamhi, uddham me assamaddasa.

Tattha maṃ paribhāsetvā, abhisapi muddhaphālanam”ti.

Tattha **vicaranto anukūlamhīti** ucchiṭṭhadantakaṭṭhe attano jaṭāsu lagge tassa āgamanagavesanavasena Gaṅgāya tīre anu vicaranto. **Uddham me assamaddasāti** attano vasanaṭṭhānato uparisote mama assamam paṇṇasālam addakkhi. **Tattha maṃ paribhāsetvāti** mama assamam āgantvā jātim sutvā tatova paṭikkamitvā savanūpacāre ṭhatvā “nassa vasala caṇḍāla kālakaṇṇī mā idha vasi”ti-ādīni vatvā bhayena santajjetvā. **Abhisapi muddhaphālananti** “sace jīvitukāmosi, ettova sīgham palāyassū”ti vatvā “sace na pakkamissasi, ito te sattame divase sattadhā muddhā phalatū”ti me abhisapam adāsi.

Kim pana tassa abhisapena muddhā phalatīti? Na phalati, kuhako pana so, evamayaṃ maraṇabhayatajjito sudūram pakkamissatīti saññāya santāsanattham tathā āha.

63. **Yadiham tassa pakuppeyyanti** tassa mānatthaddhassa kūṭajaṭilassa aham yadi kujjheyyam. **Yadi silam na gopayeti** silam yadi na rakkheyyam, idaṃ silam nāma jīvitani rapekkham sammadeva rakkhitabbanti yadi na cinteyyanti attho. **Oloketvānaṃ tassa, kareyyam chārikam viyāti** sacāham tadā tassa appatīto abhavissam. Mama cittācāram ṇatvā mayi abhippasannā devatā khaṇeneva taṃ bhasmamutṭhim viya viddhamseyyunti adhippāyo.

Satthā pana tadā attano appatītabhāve sati devatāhi sādhetabbaṃ tassa anattaṃ attanā kattabbaṃ viya katvā desesi “kareyyaṃ chārikaṃ viyā”ti.

Vitaṇḍavādī panāha “bodhisattova taṃ jaṭilaṃ icchamāno iddhiyā chārikaṃ kareyya, evañhi sati imissā Pāḷiyā attho ujukameva nīto hotī”ti. So evamassa vacanīyo “tvaṃ iddhiyā parūpaghātaṃ vadasi, iddhi nāmesā adhiṭṭhānā iddhi vikubbanā iddhi manomayā iddhi nāṇavipphārā iddhi samādhivipphārā iddhi ariyā iddhi kammavipākajā iddhi puññavato iddhi vijjāmayā iddhi tattha tattha sammāpayogappaccayā ijjanaṭṭhena iddhīti dasavidhā. Tattha “kataraṃ iddhiṃ vadesī”ti? Bhāvanāmayanti. Kiṃ pana bhāvanāmayāya parūpaghātakammaṃ hotīti? Āma ekacce ācariyā “ekavāraṃ hotī”ti vadanti, yathā hi paraṃ paharītukāmena udakabharite ghaṭe khitte paropi paharīyati, ghaṭopi bhijjati, evameva bhāvanāmayāya iddhiyā ekavāraṃ parūpaghātakammaṃ hoti, tato paṭṭhāya pana sā nassati.

Atha so “bhāvanāmayāya iddhiyā neva ekavāraṃ na dvevāraṃ parūpaghātakammaṃ hotī”ti vatvā pucchitabbo “kiṃ bhāvanāmayā iddhi kusalā akusalā abyākatā sukhāya vedanāya sampayuttā dukkhāya vedanāya sampayuttā adukkhamasukhāya vedanāya sampayuttā savitakkasavicārā avitakkavicāramattā avitakka-avicārā kāmāvacarā rūpāvacarā arūpāvacarā”ti? Jānanto “bhāvanāmayā iddhi kusalā abyākatā vā adukkhamasukhavedaniyā avitakka-avicārā rūpāvacarā cā”ti vakkhati. So vattabbo “pāṇātipātacetanā kusalādīsu kataraṃ koṭṭhāsaṃ bhajati”ti? Jānanto vakkhati “pāṇātipātacetanā akusalāva dukkhavedanāva savitakkasavicārāva kāmāvacarāvā”ti. Evaṃ sante “tava pañho neva kusalattikena sameti, na vedanāttikena na vitakkattikena na bhūmantarenā”ti Pāḷiyā virodhaṃ dassetvā saññāpetabbo, yadī pana so “puna caparaṃ bhikkhave idhekacco samaṇo vā brāhmaṇo vā iddhiṃ cetovasippatto aññissā icchigataṃ gabbhaṃ pāpakena manasānupekkhitā hoti ‘aho vata yaṃ taṃ kucchigataṃ gabbhaṃ na sotthinā abhinikkhameyyā’ti. Evampi bhikkhave kulumpassa upaghāto

hoti”ti saṅgītiṃ anāruḷhaṃ kulumpasuttaṃ udāhareyya¹, tassāpi “tvaṃ atthaṃ na jānāsi. Iddhimā cetovasippattoti hi ettha na bhāvanāmayā iddhi adhippetā, āthabbanikā iddhi adhippetā. Sā hi ettha labbhamānā labbhatīti bhāvanāmayāya iddhiyā parūpaghāto na sambhavatiyevā”ti saññāpetabbo. No ce saññattim upeti, kammaṃ katvā uyyojetabbo. Tasmā yathāvuttanayenevettha gāthāya attho veditabbo.

Tathā pana tena abhisapito mahāsatto “sacāhaṃ etassa kujjhissāmi, sīlaṃ me arakkhitaṃ bhavissati, upāyenevassa mānaṃ bhindissāmi, sā cassa rakkhā bhavissati”ti sattame divase sūriyuggamaṇaṃ vāresi. Manussā sūriyassa anuggamaṇena ubbālāhā jātimaṇṇatāpasāṃ upasaṅkamitvā “bhante tumhe sūriyassa uggantaṃ na dethā”ti pucchimsu². So “na metaṃ kammaṃ, Gaṅgāfire pana eko caṇḍālatāpaso vasati, tassetāṃ kammaṃ siyā”ti āha. Manussā mahāsattaṃ upasaṅkamitvā “bhante tumhe sūriyassa uggantaṃ na dethā”ti pucchimsu. Āmāvusoti. Kimkāraṇāti. Tumhākaṃ kulūpakatāpaso maṃ niraparādhaṃ abhisapi, tasmim āgantvā khamāpanatthaṃ mama pādesu patite sūriyaṃ vissajjessāmīti. Te gantvā taṃ ākaḍḍhantā ānetvā mahāsattassa pādamūle nipajjāpetvā khamāpetvā “sūriyaṃ vissajjetha bhante”ti āhaṃsu. Na sakkā vissajjentaṃ, sacāhaṃ vissajjessāmi, imassa sattadhā muddhā phalissatīti. Atha bhante kiṃ karomāti. Mahāsatto “mattikāpiṇḍaṃ āharathā”ti āharāpetvā “imaṃ tāpasassa sīse ṭhapetvā tāpasāṃ otāretvā udake ṭhapetha³. Yadā sūriyo dissati, tadā tāpaso udake nimujjatū”ti vatvā sūriyaṃ vissajjesi. Sūriyasmīhi phuṭṭhamatteva mattikāpiṇḍo sattadhā bhijji. Tāpaso udake nimujji. Tena vuttaṃ—

64. “Yaṃ so tadā maṃ abhisapi, kupito duṭṭhamānaso.

Tasseva matthake nipati, yogena taṃ pamocayin”ti.

Tattha **yaṃ so tadā maṃ abhisapīti** so jātimaṇṇatāpaso yaṃ muddhaphālaṇaṃ sandhāya tadā maṃ abhisapi, mayhaṃ sapaṃ adāsi.

Tasseva

1. Vi-Ṭṭha 1. 40 piṭṭhepi passitabbaṃ.

2. Vadimsu (Ka)

3. Vāsetha (Ka)

matthake nipatīti taṃ mayhaṃ upari tena icchitaṃ tasseva pana upari nipati nipatanabhāvena aṭṭhāsi. Evañhetam hoti yathā taṃ appaduṭṭhassa padussato. Vuttañhetam Bhagavatā “yo appaduṭṭhassa narassa dussati -pa- paṭivātaṃva khitto”¹. **Yogena taṃ pamocayinti** taṃ tassa bhāsitaṃ matthakaphālanam upāyena tato pamocesim, taṃ vā jaṭilaṃ tato pamocesim, yena upāyena taṃ na hoti, tathā akāsinti attho.

Yaṃ hi Tena pāramitāparibhāvanasamiddhāhi nānāsamāpattivihāraparipūritāhi sīladiṭṭhisampadāhi susaṅkhatasantāne mahākaruṇādhivāse mahāsatte ariyūpavādakammaṃ abhisapasāṅkhātāṃ pharusavacanāṃ payuttaṃ, taṃ mahāsattassa khettavisesabhāvato tassa ca ajjhāsaya pharusatāya diṭṭhidhammavedanīyaṃ hutvā sace so mahāsattaṃ na khamāpesi, sattame divase vipaccanasabhāvaṃ jātāṃ, khamāpite pana mahāsatte payogasampatti paṭibāhitattā avipākadhammataṃ āpajji ahosikammabhāvato. Ayañhi ariyūpavādapāpassa diṭṭhadhammavedanīyassa ca dhammatā. Tattha yaṃ sattame divase bodhisattena sūriyuggamananivāraṇam kataṃ, ayamettha yogoti adhippeto upāyo, tena hi ubbāḷhā manussā bodhisattassa santike tāpasam ānetvā khamāpesum, sopi ca mahāsattassa guṇe jānitvā tasmim cittaṃ pasādesīti veditabbaṃ. Yaṃ panassa matthake mattikāpiṇḍassa ṭhapanam, tassa ca saddadhā phālanam kataṃ, taṃ manussānam cittaṃnurakkhaṇattham, aññathā hi ime pabbajitāpi samānā cittaṃ vasa vattanti, na pana cittaṃ attano vasa vattāpentīti mahāsattampi tena sadisaṃ katvā gaṇheyyum. Tadassa nesaṃ dīgharattaṃ ahitāya dukkhāyāti.

65. Idāni yadattham tadā tasmim tāpase cittaṃ adūsetvā suparisuddham sīlameva rakkhitaṃ, taṃ dassetuṃ “**anurakkhim mama sīlan**”^{ti} osānagāthamāha. Taṃ heṭṭhā vuttatthameva. Tadā Maṇḍabyo Udeno, Mātango Lokanātho.

Idhāpi sesapāramiyo niddhāretabbā. Tathā nihīnajātikassa sato yathādhippāyaṃ diṭṭhamaṅgalikāya mānaniggaho, pabbajitvā “Diṭṭhamaṅgalikāya

1. Khu 1. 32, 382; Khu 5. 131 piṭṭhesu.

avassayo bhavissāmī”ti uppannacitto araññaṃ gantvā pabbajitvā
sattadivasabbhantareyeva yathādhippāyaṃ jhānābhiññānibbattanaṃ, tato
āgantvā diṭṭhamaṅgalikāya lābhaggayasaggappattiyā upāyasampādanaṃ,
Maṇḍabyakumārassa mānaniggaho, jātimantatāpasassa mānaniggaho, tassa
ca ajānantasseva bhāvino jīvitantarāyassa apanayanaṃ, mahāparādhassāpi
tassa akujjhivā attano silānurakkhaṇaṃ, acchariyabbhutapāṭihāriyakaraṇanti
evamādayo mahāsattassa guṇānubhāvā vibhāvetabbā.

Mātaṅgacariyāvaṇṇanā niṭṭhitā.

8. Dhammadevaputtacariyāvaṇṇanā

66. Aṭṭhame **mahāpakkhoti** mahāparivāro. **Mahiddhikoti** mahatiyā
deviddhiyā samannāgato. **Dhammo nāma mahāyakkhoti** nāmena Dhammo
nāma mahānubhāvo devaputto. **Sabbalokānukampakoti** vibhāgaṃ akatvā
mahākaruṇāya sabbalokaṃ anuggaṇhanako.

Mahāsatto hi tadā kāmāvacaradevaloke Dhammo nāma devaputto hutvā
nibbatti, so dibbālāṅkārapaṭimaṇḍito dibbarathamabhiruyha
accharāgaṇaparivuto manussesu sāyamāsaṃ bhuñjitvā attano attano
gharadvāresu sukhakathāya nisennesu puṇṇamuposathadivase
gāmanigamarājadhānīsu ākāse ṭhatvā “pāṇātipātādīhi dasahi
akusalakammapathehi viramitvā tividhasucaritadhammaṃ pūretha, matteyyā
petteyyā sāmāññā brahmaññā kule jeṭṭhāpacāyino bhavatha, saggaparāyanā
hutvā mahantaṃ yasaṃ anubhavissathā”ti manusse dasakusalakammapathe
samādapento Jambudīpaṃ padakkhiṇaṃ karoti. Tena vuttaṃ—

67. “Dasakusalakammapathe, samādapento mahājanaṃ.

Carāmi gāmanigamaṃ, samitto saparijjano”ti.

Tattha **samittoti** dhammikehi dhammavādīhi sahāyehi sasahāyo.

Tena ca samayena Adhammo nāmeko devaputto kāmāvacaradevaloke nibbatti, “so pāṇaṃ hanatha adinnaṃ ādiyathā”ti-ādinā nayena satte akusalakammapathe samādapento mahatiyā parisāya parivuto Jambudīpaṃ vāmaṃ¹ karoti. Tena vuttam—

68. “Pāpo kadariyo yakkho, dīpento dasa pāpake.

Sopettha mahiyā carati, samitto saparijjano”ti.

Tattha **pāpoti** pāpadhammehi samannāgato. **Kadariyoti** thaddhamaccharī. **Yakkhoti** devaputto. **Dīpento dasa pāpaketi** sabbaloke gocaraṃ nāma sattānaṃ upabhogaparibhogāya jātāṃ, tasmā satte vadhitvā yaṃkiñci katvā ca attā piṇetabbo, indriyāni santappetabbānīti-ādinā nayena pāṇātipātādike dasa lāmakadhamme kattabbe katvā pakāsento. **Sopetthāti** sopi adhammo devaputto imasmim Jambudīpe. **Mahiyāti** bhūmiyā āsanne, manussānaṃ dassanasavanūpacāreti attho.

69. Tattha ye sattā sādhu-kammikā² dhammagaruno, te Dhammaṃ devaputtaṃ tathā āgacchantameva disvā āsanā vuṭṭhāya gandhamālādīhi pūjentā yāva cakkhupathasamatikkamaṇā tāva abhitthavanti, pañjalikā namassamaṇā tiṭṭhanti, tassa vacanaṃ sutvā appamattā sakkaccaṃ puññāni karonti. Ye pana sattā pāpasamācārā kurūrakammantā, te Adhammassa vacanaṃ sutvā abbhanumodanti, bhiyyoso mattāya pāpāni samācaranti. Evaṃ te tadā aññamaññassa ujuvipaccanīkavādā ceva ujuvipaccanīkakiriya ca hutvā loke vicaranti. Tenāha Bhagavā “**Dhammavādī Adhammo ca, ubho paccanīkā mayan**”ti.

Evaṃ pana gacchante kāle athekadivasam tesam rathā ākāse sammukhā ahesuṃ. Atha nesam parisā “tumhe kassa, tumhe kassā”ti pucchitvā “mayam Dhammassa, mayam Adhammassā”ti vatvā maggā okkamitvā dvidhā jātā, Dhammassa pana Adhammassa ca rathā abhimukhā hutvā isāya isam āhacca aṭṭhamsu. “Tava ratham okkamāpetvā mayham maggaṃ dehi, tava ratham okkamāpetvā mayham maggaṃ dehi”ti aññamaññaṃ maggadāpanattham vivādam akamsu.

1. Padakkhiṇaṃ (Sī)

2. Dhammikā (Ka)

parisā ca nesam āvudhāni abhiharitvā yuddhasajjā ahesum. Yam sandhāya vuttam—

“Dhure dhuram ghaṭṭayantā, samimhā paṭipathe ubho.

70. Kalaho vattatī bhesmā, kalyāṇapāpakassa ca.

Maggā okkamanatthāya, mahāyuddho upaṭṭhito”ti.

Tattha **dhure dhuranti** ekassa rathīsāya itarassa rathīsam **ghaṭṭayantā**. **Samimhā**ti samāgatā sammukhībhūtā. Puna **ubhoti** vacanam ubhopi mayam aññamaññassa paccanīkā hutvā loke vicarantā ekedivasam paṭimukham āgacchantā dvīsu parisāsu ubhosu passesu maggato okkantāsu saha rathena mayam ubho eva samāgatāti dassanattam vuttam. **Bhesmā**ti bhayaajanako. **Kalyāṇapāpakassa cāti** kalyāṇassa ca pāpakassa ca. **Mahāyuddho upaṭṭhitoti** mahāsaṅgāmo paccupaṭṭhito āsi.

Aññamaññassa hi parisāya ca yujjhitukāmatā jātā. Tattha hi dhammo adhammam āha “samma tvam Adhammo, aham Dhammo, maggo mayham anucchaviko, tava ratham okkamāpetvā¹ mayham maggam dehi”ti. Itaro “aham daḥhayāno balavā asantāsī, tasmā maggam na demi, yuddham pana karissāmi, yo yuddhe jinissati, tassa maggo hotū”ti āha. Tenevāha—

“Yasokaro puññakarohamasmi,

Sadāttuto samaṇabrāhmaṇānam.

Maggāraho devamanussapūjito,

Dhammo aham dehi adhamma maggam.

Adhammayānam daḥhamāruhitvā,

Asantasanto balavāha’masmi.

Sa kissa hetumhi tavajja dajjam,

Maggam aham dhamma adinnapubbam.

1. Okkāmetvā (Ka)

Dhammo have pāturahosi pubbe,
 Pacchā adhammo udapādi loke.
 Jeṭṭho ca seṭṭho ca sanantano ca,
 Uyyāhi jeṭṭhassa kaniṭṭha maggā.

Na yācanāya napi pātirūpā,
 Na arahatā te'haṃ dadeyya maggaṃ.
 Yuddhañca no hotu ubhinnama'jja,
 Yuddhamhi yo jessati tassa maggo,

Sabbā disā anuvisaṭo'hamasmi,
 Mahabbalo amitayaso atulyo.
 Guṇehi sabbehi upetarūpo,
 Dhammo adhamma tvaṃ kathaṃ vijessasi.

Lohena ve haññati jātarūpaṃ,
 Na jātarūpena hananti lohaṃ.
 Sace adhammo haññati dhamma'majja,
 Ayo suvaṇṇaṃ viya dassaneyyaṃ.

Sace tuvaṃ yuddhabalo adhamma,
 Na tuyhaṃ vuḍḍhā ca garū ca atthi.
 Maggañca te dammi piyāppiyena,
 Vācā duruttānīpi te khamāmi"ti¹.

Imā hi² tesāṃ vacanapaṭivacanakathā³.

Tattha **yasokaroti** dhamme niyojanavasena devamanussānaṃ yasadāyako. Dutiyapadepe eseva nayo. **Sadāthutoti** sadā thuto niccappasattho. **Sa kissa hetumhi tavajja dajjanti** somhi ahaṃ adhammo adhammayānarathaṃ abhiruḷho abhīto balavā, kiṃkāraṇā ajja bho Dhamma kassaci adinnapubbaṃ maggaṃ tuyhaṃ dammi. **Pāturahosīti** paṭhamakappikakāle imasmīṃ loke dasakusalakammāpathadhammo pubbe pāturahosi, pacchā adhammo. **Jeṭṭho cāti** pure nibbattabhāvena ahaṃ jeṭṭho ca seṭṭho ca porāṇako ca, tvaṃ pana kaniṭṭho, tasmā “maggā uyyāhi”ti vadati.

1. Khu 5. 229 piṭṭhādīsu.

2. Imāpi (Ka)

3. Gāthā (Ka)

Napi pātirūpāti ahaṃ hi bhoto neva yācanāya na patirūpavacanena na maggārahātāya maggaṃ dadeyyaṃ. **Anuvisaṭoti** ahaṃ catasso disā catasso anudisāti sabbā disā attano guṇena patthaṭo paññāto. **Lohenāti** ayomuṭṭhikena. **Hañchatīti** hanissati¹. **Yuddhabalo adhammāti** sace tuvaṃ yuddhabalo asi adhamma. **Vuḍḍhā ca garū cāti** yadi tuyhaṃ ime vuḍḍhā ime garū paṇḍitāti evaṃ natthi. **Piyāppiyenāti** piyena viya appiyena, appiyenapi dadanto² piyena viya te maggaṃ dadāmīti attho³.

71. Mahāsatto hi tadā cintesi “sacāhaṃ imaṃ pāpapuggalaṃ sabbalokassa ahitāya paṭipannaṃ evaṃ mayā vilomaggāhaṃ gahetvā ṭhitāṃ accharaṃ paharitvā ‘anācāra mā idha tiṭṭha, sīghaṃ paṭikkama vinassā’ti vadeyyaṃ, so taṅkhaṇaññeva mama dhammatejena bhusamuṭṭhi viya vikireyya, na kho pana metaṃ patirūpaṃ, svāhaṃ sabbalokaṃ anukampanto ‘lokattacariyaṃ matthakaṃ pāpessāmī’ti paṭipajjāmi, ayaṃ kho pana pāpo āyatim mahādukkhabhāgi, svāyaṃ mayā visesato anukampitabbo, tasmāssa maggaṃ dassāmi, evaṃ me sīlaṃ suvisuddhaṃ akhaṇḍitaṃ bhavissatī”ti. Evaṃ pana cintetvā bodhisatte “sace tuvaṃ yuddhabalo”ti gāthaṃ vatvā thokaṃ maggato okkantamatte eva adhammo rathe ṭhātuṃ asakkonto avaṃsiro pathaviyaṃ patitvā pathaviyā vivare dinne gantvā avīcimhi eva nibbatti. Tena vuttaṃ “**yadihaṃ tassa kuppeyyan**”ti-ādi.

Tattha **yadihaṃ tassa kuppeyyanti** tassa adhammassa yadi ahaṃ kujjheyyaṃ. **Yadi bhinde tapoguṇanti** tenevassa kujjhanena mayhaṃ tapoguṇaṃ sīlasaṃvaram yadi vināseyyaṃ. **Sahaparijanaṃ tassāti** sahaparijanaṃ taṃ adhammaṃ. **Rajabhūta**nti rajamiva bhūtaṃ, rajabhāvaṃ pattāṃ **ahaṃ kareyyaṃ**.

72. **Apicāhanti** ettha **ahanti** nipātamattaṃ. **Sīlarakkhāyāti** sīlarakkhaṇatthaṃ. **Nibbāpetvānāti** paṭikacceva khantimettānuddayassa upaṭṭhāpitattā tasmim adhamme uppajjanakakodhassa anuppādaneneva dosajapariḷāhavūpasamanena mānasaṃ vūpasametvā. **Saha janenokkamitvāti** mayhaṃ parijanaṃ saddhim maggā-okkamitvā tassa pāpassa adhammassa ahaṃ maggaṃ adāsīm.

1. Hanīyati (Ka)

2. Appiyo santo (Ka)

3. Jāta-Ṭṭha 4. 103 piṭṭhādīsipi passitabbaṃ.

73. **Saha pathato okkanteti** vuttanayena cittassa vūpasamaṃ katvā “maggaṃ te dammī”ti ca vatvā thokaṃ maggato saha okkamanena. **Pāpayakkhassāti** adhammadevaputtassa. **Tāvadeti** taṅkhaṇaṃ eva mahāpathavī vivaramadāsi. **Jātakatṭhakathāyam**¹ pana “maggañca te dammī”ti gāthāya kathitakkhaṇeyevāti vuttaṃ.

Evam tasmim bhūmiyaṃ patite catunahutādhikadviojanasatasahasabahalā sakalaṃ varāvaram² dhārentīpi mahāpathavī “nāhamimaṃ pāpurisaṃ dhāremī”ti kathentī viya tena ṭhitaṭṭhāne dvidhā bhijji. Mahāsatto pana tasmim nipatitvā Avīcimhi nibbatte rathadhure yathāṭṭhitova saparijano mahatā devānubhāvena gamanamaggeneva gantvā attano bhavanaṃ pāvisi. Tenāha Bhagavā—

“Khantībalo yuddhabalaṃ vijetvā,
Hantvā Adhammaū nihanitva bhūmyā.
Pāyāsi vitto abhiruyha sandanaṃ,
Maggeneva atibalo saccanikkamo”ti³.

Tadā Adhammo Devadatto ahosi, tassa parisā Devadattaparīsā,
Dhammo Lokanātho, tassa parisā Buddhaparīsā.

Idhāpi heṭṭhā vuttanayeneva sesapāramiyo yathārahaṃ niddhāretabbā. Tathā idhāpi dibbehi āyuvaṇṇa yasa sukha ādhipateyyehi dibbeheva uḷārehi kāmagaṇehi samappitassa samaṅgībhūtassa anekasahasasaṅkhāhi accharāhi sabbakālaṃ paricāriyamānassa mahati pamādaṭṭhāne ṭhitassa sato īsakampi pamādaṃ anāpajjitvā “lokatthacariyaṃ matthakaṃ pāpessāmi”ti māse māse puṇṇamiyaṃ Dhammaṃ dīpento saparijano manussapathe vicaritvā mahākaruṇāya sabbasatte adhammato vivecetvā dhamme niyojanaṃ, adhammena samāgatopi tena kataṃ anācāraṃ agaṇetvā tattha cittaṃ akopetvā khantimettānuddayameva paccupaṭṭhapetvā akhaṇḍaṃ suvisuddhañca katvā attano sīlassa rakkhaṇanti evamādayo mahāsattassa guṇānubhāvā vibhāvetabbāti.

Dhammadevaputtacariyāvaṇṇanā niṭṭhitā.

1. Jātaka-Ṭṭha 4. 104 piṭṭhe.

2. Carācaram (Si)

3. Khu 5. 230 piṭṭhe.

9. Alīnasattucariyāvaṇṇanā

74. Navame **Pañcālaratti**eti evaṃnāmake janapade. **Nagaravare**, **Kapilāyanti** “kapilā”ti evaṃladdhanāme uttamanagare. “Nagaravare”ti vatvā puna “**puruttame**”ti vacanaṃ tasmim̄ kāle Jambudīpe sabbanagarānaṃ tassa nagarassa agganagarabhāvadassanattamaṃ. **Jayaddiso nāmāti** raññā attano paccatthike jite jāto, attano vā paccāmittabhūtaṃ yakkhinīsankhātamaṃ Jayaddisaṃ jitoti¹ evaṃladdhanāmo. **Sīlaguṇamupāgatoti** ācārasīlañceva ussāhasampattiyādirājaguṇaṅca upāgato, tena samannāgatoti attho.

75. **Tassa raññoti** Jayaddisarājassa, ahaṃ putto ahosinti vacanaseso. **Sutadhammoti** yāvataṃ rājaputtana sotabbadhammo nāma, tassa sabbassa sutattā sutadhammo, bahussutoti attho. Atha vā **sutadhammoti** vissutadhammo, dhammacariyāya samacariyāya pakāso paññāto, loke patthaṭakittidhammoti attho. **Alīnasattoti** evaṃnāmo. **Guṇavāti** uḷārehi mahāpurisaguṇehi samannāgato. **Anurakkhaparijano sadāti** saddhādiguṇavisesayogato catūhi saṅgahavattūhi sammadeva saṅgahaūato ca sabbakālaṃ sambhattaparivārajano.

76. **Pitā me migavaṃ gantvā, Porisādaṃ upāgamīti** mayhaṃ pitā Jayaddisarājā migavaṃ caranto araññaṃajjhaṃ gantvā Porisādaṃ manussakhādakaṃ yakkhiniputtaṃ upagaṅchi, tena samāgami.

Jayaddisarājā kira ekadivasaṃ “migavaṃ gamissāmi”ti tadanurūpena mahatā parivārena Kapilānagarato nikkhāmi. Taṃ nikkhantamattameva Takkasīlāvāsī Nando nāma brāhmaṇo catasso satārahā gāthā nāma kathetum ādāya upasaṅkamitvā attano āgamanakāraṇaṃ rañño ārocesi. Rājā “nivattitvā suṇissāmi”ti tassa vasanagehaṃ paribbayaṅca dāpetvā araññaṃ pavittṭho “yassa passena migo palāyati, tasseva so gīvā”ti vatvā mige pariyesanto vicarati. Atheko pasadamigo mahājanassa padasaddena āsayato nikkhamitvā rañño abhimukho

1. Jātoti (Sī, Ka)

gantvā palāyi. Amaccā parihāsam karimsu. Rājā taṃ anubandhitvā tiyojanamatthake taṃ parikkhīṇajavaṃ ṭhitam vijjhivā pātesi. Patitam khaggena dvidhā katvā anattikopi “maṃsena migam gahetum nāsakkhī”ti vacanamocanattham kāje katvā āgacchanto ekassa nigrodhassa mūle dabbatiṇesu nisīditvā thokam vissamivā gantum ārabhi.

Tena ca samayena tasseva rañño jeṭṭhabhātā jātadivase eva ekāya yakkhiniyā khāditum gahito ārakkhamanussehi anubaddhāya tāya niddhamanamaggena gacchantiyā ure ṭhapito mātusaññāya mukhena thanaggahaṇena puttasiṇham uppādetvā saṃvaḍḍhiyamāno tadāhāropayogitāya manussamaṃsam khādanto anukkamena vuddhippatto attānam antaradhāpanattham yakkhiniyā dinna-osadhamūlānubhāvena antarahito hutvā manussamaṃsam khāditvā jīvanto tāya yakkhiniyā matāya taṃ osadhamūlam attano pamādena nāsetvā dissamānarūpova manussamaṃsam khādanto naggo ubbiggavirūpadassano rājapurisehi passivā anubaddho palāyivā arañnam pavisitvā tassa nigrodhassa mūle vāsam kappento rājānam disvā “bhakkhosi me”ti hatthe aggahesi. Tena vuttam “so me pitumaggahesi, bhakkhosi mama mā cali”ti-ādi.

Tattha so me pitumaggahesīti so Porisādo mama pitaram Jayaddisarājānam attano nisinnarukkhasamīpamāgatam “mama bhakkho tvam āgatosi, hatthapariṇhandanādivasena mā cali, calantampi aham taṃ khādissāmī”ti hatthe aggahesi.

77. Tassāti tassa yakkhiniputtassa. Tasitavedhitoti cittutrāsena tasito sarīraparikampena vedhito. Ūrukkhambhoti ubhinnaṃ ūrūnam thaddhabhāvo, yena so tato palāyitum nāsakkhi.

Migavam gahetvā muñcassūti ettha migavanti migavavasena laddhattā taṃ migamaṃsam “migavan”ti āha, imam migamaṃsam gahetvā maṃ muñcassūti attho. So hi rājā nam yakkhiniputtam disvā bhīto ūrukkhambham patvā khāṇuko viya aṭṭhāsi. So vegena gantvā taṃ hatthe gahetvā “bhakkhosi me āgatosī”ti āha. Atha nam rājā satim paccupaṭṭhapetvā “sace āhāratthiko, imam te maṃsam dadāmi, taṃ gahetvā khāda, maṃ muñcāhī”ti

āha. Tam sutvā Porisādo “kimidaṃ mayhameva santakaṃ datvā mayā vohāraṃ karosi, nanu imaṃ maṃsaṅca tvaṅca mama hatthagatakālato paṭṭhāya mayhameva santakaṃ, tasmā taṃ paṭhamaṃ khāditvā pacchā maṃsaṃ khādissāmi”ti āha.

Atha rājā “maṃsanikkayenāyaṃ na maṃ muñcati, mayā ca migavaṃ āgacchantena tassa brāhmaṇassa ‘āgantvā te dhanam dassāmi’ti paṭiññā katā, sacāyaṃ yakkho anujānissati, saccaṃ anurakkhanto gehaṃ gantvā taṃ paṭiññāṃ mocetvā puna imassa yakkhassa bhattatthaṃ āgaccheyyan”ti cintetvā tassa tamatthaṃ ārocesi. Tam sutvā Porisādo “sace tvaṃ saccaṃ anurakkhanto gantukāmosi, gantvā tassa brāhmaṇassa dātubbaṃ dhanam datvā saccaṃ anurakkhanto sīghaṃ puna āgaccheyyāsi”ti vatvā rājānaṃ vissajjesi. So tena vissaṭṭho “tvaṃ mā cintayi, ahaṃ pātova āgamissāmi”ti vatvā magganimitāni sallakkhento attano balakāyaṃ upagantvā tena parivuto nagaraṃ pavisitvā taṃ Nandabrāhmaṇaṃ pakkosāpetvā mahārahe āsane nisīdāpetvā tā gāthā sutvā cattāri sahasāni datvā yānaṃ āropetvā “imaṃ Takkasilameva nethā”ti manusse datvā brāhmaṇaṃ uyyojetvā dutiyadivase Porisādassa santikaṃ gantukāmo puttaṃ rajje paṭiṭṭhapetuṃ anusāsaniṅca dento tamatthaṃ ārocesi. Tena vuttaṃ—

78. “Migavaṃ gahetvā muñcassu, katvā āgamaṃ puna.

Brāhmaṇassa dhanam datvā, pitā āmantayī mamaṃ.

79. Rajjaṃ putta paṭipajja, mā pamajji puraṃ idaṃ.

Kataṃ me Porisādēna, mama āgamaṃ punā”ti.

Tattha **āgamaṃ punāti** puna āgamaṃ paṭiññātassa¹ Porisādassa saṅgaram katvā. **Brāhmaṇassa dhanam datvāti** Takkasilato āgatassa Nandanāmassa brāhmaṇassa tā gāthā sutvā catusahassaparimāṇaṃ dhanam datvā. **Pitā āmantayī mamanti** mama pitā Jayaddisarājā maṃ āmantesi.

1. Patthitassa (Sī, Ka)

Katham āmantesīti ce? Āha “**rajjan**”ti-ādi. Tassattho—**putta** tvaṃ imaṃ kulasantakaṃ rajjaṃ **paṭipajja**, yathāhaṃ dhammena samena rajjaṃ kāremi, evaṃ tvampi chattaṃ ussāpetvā **rajjaṃ** kārehi, tvaṃ idaṃ puram rakkhanto rajjañca kārento mā pamādamāpajji, asukasmim ṭhāne nigrodharukkhamūle Porisādena yakkhena katametaṃ mayā saṅgaram mama puna tassa santikaṃ āgamanam uddissa, kevalam tassa brāhmaṇassa dhanadānattham idhāgato saccaṃ anurakkhanto, tasmā tathāhaṃ gamissāmīti.

Tam sutvā mahāsatto “mā kho tvaṃ mahārāja tattha agamāsi, ahaṃ tattha gamissāmi, sace pana tvaṃ tāta gamissasiyeva, ahampi tayā saddhim gamissāmiyevā”ti. “Evaṃ sante mayam ubhopi na bhavissāma, tasmā ahameva tattha gamissāmī”ti nānappakārena vārentam rājānam saññāpetvā mātāpitāro vanditvā pitu atthāya attānam pariccajivā sotthibhāvāya pitari sāsītavādam payuñjamāne mātubhaginibhariyāsu ca saccakiriyaṃ karontīsu āvudham gahetvā nagarato nikkhamitvā assupuṇṇamukham mahājanam anubandhantam āpucchitvā pitarā akkhātanayena yakkhavāsamaggam paṭipajji. Yakkhiniputtopi “khattiyā nāma bahumāyā, ko jānāti kim bhavissati”ti rukkham abhiruhitvā rañño āgamanam olokeno nisinno kumāram āgacchantam disvā “pitaram nivattetvā putto āgato bhavissati, natthi me bhayan”ti otarivā tassa piṭṭhim dassetvāva nisīdi. Mahāsatto āgantvā tassa purato aṭṭhāsi. Tena vuttam—

80. “Mātāpitū ca vanditvā, nimminivāna attanā.

Nikkhipitvā dhanum khaggaṃ, Porisādam upāgamin”ti.

81. **Sasatthahatthūpagatanti** sasatthahattham upagatam āvudhapāṇim maṃ attano santikaṃ upagatam disvā. **Kadāci so tasissatīti** so yakkho api taseyya. **Tena bhijjissati sīlanti** tena tassa tāsappādanena mayham sīlam vinassati samkilissati. **Paritāsam kate mayīti** mayi tassa paritāsam kate sati.

82. **Sīlakhaṇḍabhayā mayham**, tassa **dessam na byāharinti** yathā ca sīlabhedabhayena nihitasattho tassa santikaṃ agamāsi, evam mayham

sīlakhaṇḍabhayā eva tassa Porisādassa dessaṃ anīṭṭhampi na byāharim,
kevalaṃ pana mettacittena hitavādī idaṃ idāni vakkhamānaṃ vacanaṃ
abhāsīm.

Mahāsatto ca gantvā purato ṭhito, yakkhiniputto taṃ vīmaṃsitukāmo
“kosi tvaṃ, kuto āgato, kiṃ maṃ na jānāsi ‘luddo
manussamaṃsakhādako’ ti, kasmā ca idhāgatosī” ti pucchi. Kumāro “ahaṃ
Jayaddisaraṅṅo putto, tvaṃ Porisādakoti jānāmi, pitu jīvitaṃ rakkhituṃ
idhāgato, tasmā taṃ muñca, maṃ khādā” ti āha. Puna yakkhiniputto
mukhākārenea “taṃ tassa¹ puttoti ahaṃ jānāmi, dukkaraṃ pana tayā kataṃ
evaṃ āgacchantenā” ti āha. Kumāro “na idaṃ dukkaraṃ, yaṃ pitu atthe
jīvitapariccajanaṃ, mātāpitu hetu hi evarūpaṃ puññaṃ katvā ekanteneva
sagge pamodati, ahañca ‘amaraṇadhammo nāma koci satto natthī’ ti jānāmi,
attanā ca kiñci kataṃ pāpaṃ nāma na sarāmi, tasmā maraṇatopi me bhayaṃ
natthi, idaṃ sarīraṃ mayā te nissaṭṭhaṃ, aggim jāletvā khādā” ti āha. Tena
vuttaṃ—

83. “Ujjālehi mahā-aggim, papatissāmi rukkhato.

Tvaṃ pakkakālamaññāya, bhakkhaya maṃ pitāmahā” ti.

Taṃ sutvā yakkhiniputto “na sakkā imassa maṃsaṃ khādītum, upāyena
imaṃ² palāpessāmi” ti cintetvā “tena hi araṅṅaṃ pavisitvā sārādārūni
āharitvā niddhūme aṅgāre karohi, tattha te maṃsaṃ pacitvā khādissāmi” ti
āha. Mahāsatto tathā katvā tassa ārocesi. So taṃ olokento “ayaṃ purisaṃho
maraṇatopi bhayaṃ natthi, evaṃ nibbhayo nāma na mayā diṭṭhapubbo” ti
lomahaṃsajāto kumāraṃ olokesi. Kumāro kissa maṃ olokesi, na
yathāvuttaṃ karosīti. Yakkhiniputto mahāsattaṃ “sattadhā tassa muddhā
phaleyya, yo taṃ khādeyyā” ti āha. Sace maṃ na khādītukāmosi, atha kasmā
aggim kāresīti. Tava pariggaṇhanatthanti. Tvaṃ idāni maṃ kathaṃ
pariggaṇhissasi, svāhaṃ tiracchānayaniyaṃ nibbattopi Sakkassa devaraṅṅo
attānaṃ pariggaṇhituṃ na adāsinti imamatthaṃ dassento—

1. Gatassa (Sī)

2. Naṃ (Ka)

“Idaṃ hi so brāhmaṇaṃ maññaṃāno,
Saso avāsesi sake sarīre.
Teneva so candimā devaputto,
Sasatthuto kāmduhajja yakkhā”¹—

gāthamāha.

Tattha **saso avāsesi sake sarīreti** attano sarīrahetu imañ sarīraṃ khādīvā idha vasāti evañ sake sarīre attano sarīraṃ dento taṃ brāhmaṇarūpaṃ Sakkaṃ tattha vāsesi. **Sasatthutoti** “sasi”^{ti} evañ sasasaddena thuto. **Kāmduhoti** kāmavaḍḍhano. **Yakkhāti** deva².

Evañ mahāsatto cande sasalakkaṇaṃ kappatṭhiyaṃ pāṭihāriyaṃ sakkhiṃ katvā attano Sakkenapi pariggaṇhituṃ asakkuṇeyyataṃ abhāsi. Taṃ sutvā Porisādo acchariyabbhuta citta jātō—

“Cando yathā Rāhumukhā pamutto,
Virocate pannaraseva bhāṇumā.
Evañ tuvaṃ Porisādā pamutto,
Viroca kapile mahānubhāva.
Āmodayaṃ pitaraṃ mātarañca,
Sabbo ca te nandatu nātipakkho”¹—

gāthaṃ vatvā “gaccha mahāvīrā”^{ti} kumāraṃ vissajjesi. Sopi taṃ nibbisevanāṃ katvā pañca sīlāni datvā “yakkho nu kho esa, no”^{ti} vīmaṃsanto “yakkhānaṃ akkhīni rattāni honti animisāni ca, chāyā ca na paññāyati, asambhīto hoti, na imassa tathā, tasmā nāyaṃ yakkho manusso eso, mayhaṃ kira pitu tayo bhātaro yakkhiniyā gahitā, tesu tāya dve khādītā bhavissanti, eko puttasiṇehena paṭijaggito bhavissati, iminā tena bhavitabban”^{ti} nayaggāhena anumānena sabbaññutaññāṇena viya aviparītato niṭṭhaṃ gantvā “mayhaṃ pitu ācikkhitvā rajje patiṭṭhāpessāmi”^{ti} cintetvā “na tvaṃ yakkho, pitu me jeṭṭhabhātikosi, ehi mayā saddhiṃ gantvā kulasantakaṃ rajjaṃ paṭipajjāhi”^{ti} āha.

1. Khu 5. 370 piṭṭhe.

2. Yakkhoti devo (Ka) Jātaka-Ṭṭha 5. 35 piṭṭhepi passitabbaṃ.

tena vuttaṃ “tvaṃ pitāmahā”ti, tvaṃ mama mahāpitāti attho. Itarena “nāhaṃ manusso”ti vutte tena saddhātabbassa dibbacakkhukatāpasassa santikaṃ nesi. Tāpasena “kiṃ karontā pitā puttā araṇṇe vicarathā”ti pitubhāve kathite Porisādo saddahitvā “gaccha tāta tvaṃ, na me rajjena attho, pabbajissāmahan”ti tāpasassa santike isipabbajjam pabbaji. Tena vuttaṃ—

84. “Iti sīlavataṃ hetu, nārakkhiṃ mama jīvitam.

Pabbājesiṃ cahaṃ tassa, sadā pāṇātipātikan”ti.

Tattha **sīlavataṃ hetū**ti sīlavantānaṃ mama pitūnaṃ hetu. Atha vā **sīlavataṃ hetū**ti sīlavatahetu, mayhaṃ sīlavatasamādānanimittam tassa abhijjanattham. **Tassā**ti tam Porisādam.

Atha mahāsatto attano mahāpitaraṃ pabbajitaṃ vanditvā nagarassa samīpaṃ gantvā “kumāro kira āgato”ti sutvā haṭṭhatuṭṭhena raṇṇā nāgarehi negamañānapadehi ca paccuggato rājānaṃ vanditvā sabbaṃ pavattiṃ ārocesi. Tam sutvā rājā taṅkhaṇaṇṇeva bheriṃ carāpetvā mahantena parivārena tassa santikaṃ gantvā “ehi bhātika rajjam paṭipajjāhi”ti āha. “Alaṃ mahārājā”ti. Tena hi mayhaṃ uyyāne vasāti. Na āgacchāmīti. Rājā tassa assamassa avidūre gāmaṃ nivesetvā bhikkhaṃ paṭṭhapesi. So cūḷakammāsadammanigamo nāma jāto. Tadā mātāpitaro mahārājakulāni ahesuṃ, tāpaso Sāriputto, Porisādo Aṅgulimālo, kaniṭṭhā Uppalavaṇṇā, aggamaheṣī Rāhulamātā, Alinasattukumāro Lokanātho.

Tassa idhāpi heṭṭhā vuttanayeneva yathārahaṃ sesapāramiyo niddhāretabbā. Tathā pitarā nivāriyamāno attano jīvitam pariccajitvā pitu jīvitarakkhaṇattham “Porisādassa santikaṃ gamissāmī”ti nicchayo, tassa ca santāsapariharaṇattham nihitasatthassa gamanam, “attano sīlakhaṇḍanaṃ mā hotū”ti tena piyavācāya samudācāro, tena ca nānāyehi pariggaṇhiyamānassa maraṇasantāsābhāvo, pitu atthe mayhaṃ sarīraṃ saphalaṃ karissāmīti haṭṭhatuṭṭhabhāvo, Sakkenāpi pariggaṇhituṃ asakkuṇeyyassa sasajātiyampi pariccāgattham attano jīvitanirapekkhabhāvassa jānanam,

tena samāgamepi ossaṭṭhepi cittassa vikārābhāvo, tassa ca manussabhāvamahāpitubhāvānaṃ aviparītato jānanāṃ, nātamatte ca taṃ kulasantake rajje patiṭṭhāpetukāmatā, dhammadesanāya saṃvejetvā sīlesu patiṭṭhāpananti evamādayo idha bodhisattassa guṇānubhāvā vibhāvetabbāti.

Alīnasattucariyāvaṇṇanā niṭṭhitā.

10. Saṅkhapālacariyāvaṇṇanā

85. Dasame **Saṅkhapāloti**-ādīsu ayaṃ saṅkhepattho— devabhogasampattisadisāya mahatīyā nāgiddhiyā samannāgatattā **mahiddhiko**. Heṭṭhā dve, upari dveti catasso dāṭhā āvudhā etassāti **dāṭhāvudho**. Uggatejavīsatāya **ghoraviso**. Nāgayonisiddhāhi dvīhi jivhāhi samannāgatoti **dvijivho**. Mahānubhāvānampi urena gamanato “uragā”ti laddhanāmānaṃ nāgānaṃ adhipatibhāvato **uragādhibhū**.

86. Dvinnāṃ maggānaṃ vinivijjhītvā sandhibhāvena gataṭṭhānasāṅkhāte **catuppathe**. Aparāparaṃ mahājanasañcaraṇaṭṭhānabhūte **mahāmagge**. Tato eva mahājanasamākiṇṇabhāvena **nānājanasamākule**. Idāni vakkhamānaṃ catunnaṃ aṅgānaṃ vasena **caturo aṅge**. **Adhiṭṭhāya** adhiṭṭhahitvā, citte ṭhapetvā. Yadāhaṃ Saṅkhapālo nāma yathāvuttarūpo nāgarājā homi, tadā heṭṭhā vuttappakāre ṭhāne **vāsāṃ** uposathavāsavasena nivāsāṃ **akappayim** kappesim.

Mahāsatto hi dānasīlādipuññapasuto hutvā bodhipariyesanavasena aparāparaṃ devamanussagatīsu saṃsaranto kadāci devabhogasadisampattike nāgabhavane nibbattitvā Saṅkhapālo nāma nāgarājā ahosi mahiddhiko mahānubhāvo. So gacchante kāle tāya sampattiyā vippaṭṭisārī hutvā manussayonim patthento uposathavāsāṃ vasi. Athassa nāgabhavane vasantassa uposathavāso na sampajjati, sīlaṃ saṃkilissati, tena so nāgabhavanā nikkhamitvā kaṇhavaṇṇāya nadiyā avidūre mahāmaggassa ca ekapadikamaggassa ca antare ekaṃ vammikaṃ

parikkhipitvā uposatham adhiṭṭhāya cātuddasapannarasesu samādinnaṣīlo
 “mama cammādīni atthikā gaṇhantū”ti attānaṃ dānamukhe vissajjetvā
 nipajjati, pāṭipade nāgabhavanam gacchati. Tena vuttam **“punāparam yadā
 homi, Saṅkhapālo”**ti-ādi. Tassattho vutto eva.

87. Yam panettha **chaviyā cammenā**ti-ādikaṃ “caturo aṅge
 adhiṭṭhāya”ti vuttam caturaṅgādhiṭṭhānadassanaṃ. Chavicammāni hi idha
 ekamaṅgam. Evaṃ uposathavāsam vasantassa mahāsattassa dīgho addhā
 vītivatto.

Athekadivasam tasmim tathā sīlam samādiyitvā nipanne soḷasa
 bhojaputtā “maṃsam āharissāmā”ti āvudhahatthā araṇṇe carantā kiñci
 alabhitvā nikkhamantā tam vimmikamatthake nipannaṃ disvā “mayam ajja
 godhāpotakampi na labhimhā, imam nāgarājānam vidhitvā khādissāmā”ti
 cintetvā “mahā kho panesa gayhamāno palāyeyyāti yathānipannaṃmyeva
 nam bhogesu sūlehi vijjhivā dubbalam katvā gaṇhissāmā”ti sūlāni ādāya
 upasaṅkamimsu. Bodhisattassāpi sarīram mahantaṃ
 ekadoṇikanāvappamāṇam vaṭṭetvā ṭhapitasumanapupphadāmaṃ viya
 jiṅṅjukaphalasadisehi akkhīhi jayasumanapupphasadisena ca sīsenā
 samannāgataṃ ativiya sobhati. So tesam soḷasannaṃ janānam padasaddena
 bhogantarato sīsam nīharitvā rattakkhīni ummīletvā te sūlahatthe āgacchante
 disvā “ajjamayham manoratho matthakaṃ pāpuṇissati”ti attānaṃ
 dānamukhe niyyātetvā “ime mama sarīram sattīhi koṭṭetvā chiddāvachiddam
 karonte na olokessāmī”ti attano sīlakhaṇḍabhayena daḷham adhiṭṭhānam
 adhiṭṭhahitvā sīsam bhogantare eva pavesetvā nipajji.

Atha nam te upagantvā naṅguṭṭhe gahetvā ākaḍḍhantā bhūmiyam
 pātetvā tikhiṇasūlehi aṭṭhasu ṭhānesu vijjhivā sakaṇṭakā kālavettayaṭṭhiyo¹
 pahāramukhehi pavesetvā aṭṭhasu ṭhānesu kājehi ādāya mahāmaggaṃ
 paṭipajjimsu. Mahāsatto sūlehi vijjhanato paṭṭhāya ekaṭṭhānepi akkhīni
 ummīletvā te na olokesi. Tassa aṭṭhahi kājehi ādāya nīyamānassa sīsam
 olambitvā bhūmim

1. Tālavettayaṭṭhiyo (Sī)

paharati. Atha naṃ “sīsamassa olambati”ti mahāmagge nipajjāpetvā sukhumena sūlena nāsāpuṭe vijjhivā rajjukam pavesetvā sīsam ukkhipivā kājakotiyaṃ laggetvā punapi ukkhipivā maggaṃ paṭipajjimsu. Tena vuttaṃ—

88. “Addasaṃsu bhojaputtā, kharā luddā akāruṇā.
Upagañchum mamaṃ tattha, daṇḍamuggarapāṇino.

89. Nāsāya vinivijjhivā, naṅguṭṭhe piṭṭhikaṇṭake.
Kāje āropayitvāna, bhojaputtā hariṃsu man”ti.

Tattha **bhojaputtā**ti luddaputtā. **Kharā**ti kakkhaḷā, pharusakāyavacīkammantā. **Luddā**ti dāruṇā, ghoramānasā. **Akāruṇā**ti nikkaruṇā. **Daṇḍamuggarapāṇino**ti caturassadaṇḍahatthā. **Nāsāya vinivijjhivā**ti rajjukam pavesetum sukhumena sūlena nāsāpuṭe vijjhivā. **Naṅguṭṭhe piṭṭhikaṇṭake**ti naṅguṭṭhappadesa tattha tattha piṭṭhikaṇṭakasamīpe ca vinivijjhivāti sambandho. **Kāje āropayitvānā**ti aṭṭhasu ṭhānesu vinivijjhivā baddhesu aṭṭhasu vettalatāmaṇḍalesu ekekasmim ovijjhitaṃ¹ekekam kājam dve dve bhojaputtā attano attano khandham āropetvā.

90. **Sasāgarantaṃ pathavinti** samuddapariyantaṃ mahāpathaviṃ. **Sakānanaṃ sapabbatanti** saddhim kānanehi pabbatehi cāti sakānanaṃ sapabbataṇca. **Nāsāvātena jhāpayeti** sacāham **icchamāno** icchanto kujjhivā nāsāvātaṃ vissajjeyyaṃ, samuddapariyantaṃ sakānanaṃ sapabbataṃ imaṃ mahāpathaviṃ jhāpeyyaṃ, saha nāsāvāvissajjanena chārikaṃ kareyyaṃ, etādiso tadā mayham ānubhāvo.

91. Evaṃ santepi **sūlehi vinivijjhante**, **koṭṭayantepi sattibhi**. **Bhojaputte na kuppāmī**ti dubbalabhāvakaraṇattham vettalatāpavesanatthaṇca sārādārūhi tacchetvā katehi tikhiṇasūlehi aṭṭhasu ṭhānesu vijjhantepi dubbalabhāvakaraṇattham tikhiṇāhi sattīhi tahiṃ tahiṃ koṭṭayantepi bhojaputtānaṃ luddānaṃ na kuppāmi. **Esā me sīlapāramī**ti evaṃ mahānubhāvassa tathā adhiṭṭhahantassa yā me mayham sīlakhaṇḍabhayena

tesaṃ akujjanā, esā ekanteneva jīvitanirapekkhabhāvena pavattā mayhaṃ
sīlapāramī, sīlavasena paramatthapāramīti attho.

Tathā pana bodhisatte tehi nīyamāne Mithilanagaravāsī Āḷāro nāma
kuṭumbiko pañcasakaṭasatāni ādāya sukhayānake nisīditvā gacchanto te
bhojaputte mahāsattaṃ harante disvā kāruṇṇaṃ uppādetvā te ludde pucchi
“kissāyaṃ nāgo nīyati, netvā cimaṃ kiṃ karissathā”ti. Te “imassa nāgassa
maṃsaṃ sāduñca muduñca thūlañca pacitvā khādissāmā”ti āhaṃsu. Atha so
tesaṃ soḷasavāhagoṇe¹ pasataṃ pasataṃ suvaṇṇamāsake sabbesaṃ
nivāsanapārūpanāni bhariyānampi tesaṃ vatthābharaṇāni datvā “sammā
ayaṃ mahānubhāvo nāgarājā, attano sīlaguṇena tumhākaṃ na dubbhi, imaṃ
kilamentehi bahū tumhehi apuñṇaṃ pasutaṃ, vissajjethā”ti āha. Te “ayaṃ
amhākaṃ manāpo bhakko, bahū ca no uragā bhuttapubbā, tathāpi tava
vacanaṃ amhehi pūjetabbaṃ, tasmā imaṃ nāgaṃ vissajjessāmā”ti
vissajjetvā mahāsattaṃ bhūmiyaṃ nipajjāpetvā attano kakkhaḷatāya tā
kaṇṭakācitā āvutā kāḷavettalatā koṭiyaṃ gahetvā ākaḍḍhituṃ ārabhiṃsu.

Atha so nāgarājānaṃ kilamantaṃ disvā akilamentova asinā latā
chinditvā dāraḷānaṃ kaṇṇavedhato paṭiharaṇaniyāmena² adukkhāpento
saṇikaṃ nīhari. Tasmim kāle te bhojaputtā yaṃ bandhanaṃ tassa natthuto
pavesetvā paṭimukkaṃ, taṃ bandhanaṃ saṇikaṃ mocayiṃsu. Mahāsatto
muhuttaṃ pācīnābhimukho gantvā assupuṇṇehi nettehi āḷāraṃ olokesi.
Luddā thokaṃ gantvā “urago dubbalo, matakāle gahetvāva naṃ
gamissāmā”ti nilīyiṃsu. Āḷāro mahāsattassa añjaliṃ paggayha “gaccheva
kho tvaṃ mahānāga, mā taṃ luddā puna ghesun”ti vadanto thokaṃ taṃ
nāgaṃ anugantvā nivatti.

Bodhisatto nāgabhanānaṃ gantvā tattha papañcaṃ akatvā mahantena
parivārena nikkhamitvā Āḷāraṃ upasaṅkamtvā nāgabhanassa vaṇṇaṃ
kathetvā taṃ tattha netvā tīhi kaṇṇāsatehi saddhiṃ mahantamassa yasaṃ
datvā dibbehi kāmehi santappesi. Āḷāro nāgabhavane ekavassaṃ vasitvā

1. Soḷasabhojaputtānaṃ vāhagoṇe (Ka)

2. Vaṭṭiharaṇaniyāmena (St)

dibbe kāme paribhuñjitvā “icchāmahaṃ samma pabbajitun”ti nāgarājassa
 kathetvā pabbajitaparikkhāre gahetvā tato nikkhamitvā Himavantappadesaṃ
 gantvā pabbajitvā tattha ciraṃ vasitvā aparabhāge cārikaṃ caranto
 Bārāṇasīṃ patvā Bārāṇasiraññā samāgato tena ācārasampattim¹ nissāya
 pasannena “tvaṃ uḷārabhogā maññe kulā pabbajito, kena nu kho kāraṇena
 pabbajitosī”ti puṭṭho attano pabbajjākāraṇaṃ kathento luddānaṃ hatthato
 bodhisattassa vissajjāpanaṃ ādim katvā sabbaṃ pavattim rañño
 ācikkhitvā—

“Ditṭhā mayā mānusakāpi kāmā,
 Asassatā vipariṇāmadhammā.
 Ādīnavaṃ kāmagaṇesu disvā,
 Saddhāya’haṃ pabbajitomi rāja.

Dumapphalānīva patanti māṇavā,
 Daharā ca vuddhā ca sarīrabhedā.
 Etampi disvā pabbajitomi rāja,
 Apaṇṇakaṃ sāmāññameva seyyo”ti²—

imāhi gāthāhi dhammaṃ desesi.

Taṃ sutvā rājā—

“Addā have sevitabbā sapaññā,
 Bahussutā ye bahuṭhānacintino.
 Nāgañca sutvāna tavañca’lāra,
 Kāhāmi puññāni anappakānī”ti²—

āha.

Athassa tāpaso—

“Addhā have sevitabbā sapaññā,
 Bahussutā ye bahuṭhānacintino.
 Nāgañca sutvāna mamañca rāja,
 Karohi puññāni anappakānī”ti²—

1. Ākārasampattim (Ka)

2. Khu 6. 24 piṭṭhe.

evaṃ dhammaṃ desetvā tattheva cattāro vassānamāse vasitvā puna Himavantam gantvā yāvajīvaṃ cattāro brahmavihāre bhāvetvā brahmalokūpago ahosi. Bodhisattopi yāvajīvaṃ uposathavāsaṃ vasitvā saggapuraṃ pūresi. Sopi rājā dānādīni puññāni katvā yathākammaṃ gato. Tadā Āḷāro Sāriputtatthero ahosi, Bārāṇasirājā Ānandatthero, Saṅkhapālanāgarājā Lokanātho.

Tassa sarīrapariccāgo dānapāramī, tathārūpenapi visatejena samannāgatassa tathārūpāyapi piḷāya sati sīlassa abhinnaṭṭā sīlapāramī, devabhogasampattisadisam bhogaṃ pahāya nāgabhavanato nikkhamitvā samaṇadhammakaraṇaṃ nekkhammapāramī, “dānādi-atthaṃ idañcidaṅca kātuṃ vaṭṭatī”ti samvidahanam paññāpāramī, kāmavitakkavinodanam adhvāsanaṃ vīriyaṅca vīriyapāramī, adhvāsanaṃ khantipāramī, saccasamādānaṃ saccapāramī, acalasamādānādhiṭṭhānaṃ adhiṭṭhānapāramī, bhojaputte upādāya sabbasattesu mettānuddayaabhāvo mettāpāramī, vedanāya sattasaṅkharakatavippakāresu ca¹ majjhatabhāvo upekkhāpāramīti evaṃ dasa pāramiyo labbhanti. Sīlapāramī pana atisayavatīti katvā sā eva desanaṃ āruḷhā. Tathā idha bodhisattassa guṇānubhāvā “yojanasatike nāgabhavanaṭṭhāne”ti-ādinā **Bhūridattacariyāyam**² vuttanayeneva yathārahaṃ vibhāvetabbāti.

Saṅkhapālacariyāvaṇṇanā niṭṭhitā.

Eteti ye hatthināgacariyādayo imasmim vagge niddiṭṭhā anantaragāthāya ca “hatthināgo Bhūridatto”ti-ādinā uddānavasena saṅgahetvā dassitā **nava** cariyā, te sabbe visesato sīlapāramipūraṇavasena pavattiyā sīlam balaṃ etesanti **sīlabalā**. Sīlassa paramatthapāramibhūtaṃ parikkharaṇato santānassa ca paribhāvanāvasena abhi-saṅkharāṇato **parikkhārā**. Ukkamsagatāya³ sīlaparamatthapāramiyā asampunṇattā padeso etesaṃ atthi, na nippadesoti **padesikā** sappadesā. Kasmāti ce? Āha “**jīvitam parirakkhitvā, sīlāni anurakkhisan**”ti, yasmā etesu **hatthināgacariyādīsu**⁴ ahaṃ attano jīvitam

1. Sattakataavippakāresu ca (Sī)

3. Ukkaṭṭhasaṅgahako (Ka)

2. Khu 4. 400 piṭṭhe.

4. Khu 4. 399 piṭṭhādīsu.

ekadesena parirakkhitvāva sīlāni anurakkhiṃ, jīvitam na sabbathā pariccajiṃ, ekenteneva pana **Saṅkhapālassa me sato sabbakālampi jīvitam yassa kassaci niyyattam**, Saṅkhapālanāgarājassa pana me mahānubhāvassa uggavisatejassa sato samānassa sabbakālampi tehi luddehi samāgame tato pubbepi pacchāpi sato evaṃ puggalavibhāgam akatvā yassa kassaci sīlanurakkhaṇatthameva jīvitam ekaṃseneva **niyyattam** nīyātitaṃ dānamukhe nissaṭṭham, **tasmā sā sīlapāramīti** yasmā cetadevaṃ, tasmā tena kāraṇena sā paramatthapāramibhāvaṃ pattā mayham sīlapāramīti dasseti.

Paramatthadīpaniyā Cariyāpiṭakasamvaṇṇanāya

Dasavidhacariyāsaṅgahassa visesato sīlapāramivibhāvanassa

Dutiyavaggassa atthavaṇṇanā niṭṭhitā.

3. Yudhañjayavagga

1. Yudhañjayacariyāvaṇṇanā

1. Tatiyavaggassa paṭhame **amitayasoti** aparimitaparivāravibhavo. **Rājabutto yudhañjayoti** Rammanagare Sabbadattassa nāma rañño putto nāmena Yudhañjajo nāma.

Ayaṃ hi Bārāṇasī **Udayajātake**¹ **Surundhananagaraṃ** nāma² jātā, **Cūlasutasomajātake**³ **Sudassanaṃ** nāma, **Soṇanandajātake**⁴ **Brahmavaḍḍhanaṃ** nāma, **Khaṇḍahārajātake**⁵ **Pupphavatī** nāma, imasmim̐ pana **Yudhañjayajātake**⁶ **Rammanagaraṃ** nāma ahosi, evamassa kadāci⁷ nāmaṃ parivattati. Tena vuttaṃ “rājabuttoti Rammanagare Sabbadattassa nāma rañño putto”ti. Tassa pana rañño puttasaḥassaṃ ahosi. Bodhisatto jetṭhaputto, tassa rājā uparajjaṃ adāsi. So heṭṭhā vuttanayeneva divase divase mahādānaṃ pavattesi. Evaṃ gacchante kāle bodhisatto ekadivasaṃ pātova rathavaraṃ abhiruhitvā mahantena sirivibhavena uyyānakīlaṃ gacchanto rukkhaggaṭṭhaggaṣākhaggaṃakkaṭṭakasaṭṭajālādīsū muttājālākārena lagge ussāvabindū disvā “samma sārathi kiṃ nāmetan”ti pucchitvā “ete deva himasamaye patanaka-ussāvabindū nāmā”ti sutvā divasabhāgaṃ uyyāne kīlitvā sāyanhakāle paccāgacchanto te adisvā “samma sārathi kahaṃ te ussāvabindū, na te idāni passāmi”ti pucchitvā “deva sūriye uggacchante sabbe bhijjivā vilayaṃ gacchantī”ti sutvā “yathā ime uppajjivā bhijjanti, evaṃ imesaṃ sattānaṃ jīvitasāṅkhārāpi tiṇagge ussāvabindusadisāva, tasmā mayā byādhijarāmarañchi apīḷiteneva mātāpitaro āpucchitvā pabbajitūṃ vaṭṭatī”ti ussāvabindumeva āramaṇaṃ katvā āditte viya tayo bhava passanto attano gehaṃ āgantvā alaṅkatapaṭiyattāya vinicchayasālāya nisinnassa pitu santikameva gantvā pitaraṃ vanditvā ekamantaṃ ṭhito pabbajjaṃ yāci. Tena vuttaṃ—

1. Khu 5. 231 piṭṭhādīsū. 2. Sududdanagaraṃ nāma (Sī) 3. Khu 6. 25 piṭṭhādīsū.

4. Khu 6. 74 piṭṭhādīsū. 5. Khu 6. 242 piṭṭhādīsū. 6. Khu 5. 235 piṭṭhādīsū.

7. Kadāci kadāci (Ka)

“Ussāvabindum sūriyātape, patitaṃ disvāna saṃvijjīṃ.

2. Taññevādhipatiṃ katvā, saṃvegamanubrūhayiṃ.

Mātāpitū ca vanditvā, pabbajjamanuyācahan”ti.

Tattha **sūriyātape**ti sūriyātapahetu, sūriyasmisamphassanimittāṃ. “Sūriyātapenā”tipi pāṭho. **Patitaṃ disvānā**ti vinaṭṭhaṃ passitvā, pubbe rukkhaḡgādīsu muttājālādi-ākārena laggāṃ hutvā dissamānaṃ sūriyasmisamphassena vinaṭṭhaṃ paññācakkhunā oloketvā. **Saṃvijinti** yathā etāni, evaṃ sattānaṃ jīvitānipi lahuṃ lahuṃ bhijjamānasabhāvānīti aniccatāmanasikāravasena saṃvegamaṃpajjīṃ.

Taññevādhipatiṃ katvā, saṃvegamanubrūhayinti taññeva ussāvabindūnaṃ aniccatāṃ adhipatiṃ mukhaṃ pubbaṅgamaṃ purecārikaṃ katvā tatheva sabbasaṅkhārānaṃ ittaratṭhitikataṃ parittakālatāṃ manasikaronto ekavāraṃ uppannaṃ saṃvegaṃ punappunaṃ uppādanena anuvaḡḡhesiṃ. **Pabbajjamanuyācahanti** “tiṅagge ussāvabindū viya na ciraṭṭhitike sattānaṃ jīvite mayā byādhijarāmarañehi anabhibhūteneva pabbajitvā yattha etāni na santi, taṃ amataṃ mahānibbānaṃ gavesitabban”ti cintetvā mātāpitāro upasaṅkamtivā vanditvā “pabbajjaṃ me anujānāthā”ti te ahaṃ pabbajjaṃ yāciṃ. Evaṃ mahāsattena pabbajjāya yācitāya sakalanagare mahantaṃ kolāhalamahosi “uparājā kira Yudhañjayo pabbajitukāmo”ti.

Tena ca samayena Kāsiraṭṭhavāsino rājānaṃ daṭṭhuṃ āgantvā Rammake paṭivasanti. Te sabbepi sannipatiṃsu. Iti sapaṃiso rājā negamā ceva jānapadā ca bodhisattassa mātā devī ca sabbe ca orodhā mahāsattaṃ “mā kho tvaṃ tāta kumāra pabbajī”ti nivāresuṃ. Tattha rājā “sace te kāmehi ūnaṃ, ahaṃ te paripūrayāmi¹, ajeva rajjaṃ paṭipajjāhī”ti āha. Tassa mahāsatto—

“Mā maṃ deva nivārehi, pabbajantaṃ rathesabha.

Mā’haṃ kāmehi sammatto, jarāya vasamanvagū”ti²—

1. Paripūressāmi (Sī)

2. Khu 5. 236 piṭṭhe.

attano pabbajjāchandameva vatvā taṃ sutvā saddhiṃ orodhehi mātuyā
karuṇaṃ paridevantiyā—

“Ussāvova tiṇaggamhi, sūriyuggamaṇaṃ pati.

Evamāyu manussānaṃ, mā maṃ amma nivārayā”ti¹—

attano pabbajjākāraṇaṃ kathetvā nānappakāraṃ tehi yāciyamānopi
abhisamvaddhamānasamvegattā anosakkitamānaso piyatare mahati
ñātiparivaṭṭe uḷāre rājissariye ca nirapekkhacitto pabbaji. Tena vuttam—

3. “Yācanti maṃ pañjalikā, sanegamā saraṭṭhakā.

Ajjeva putta paṭipajja, iddhaṃ phītaṃ mahāmahiṃ.

4. Sarājake sahorodhe, sanegame saraṭṭhake.

Karuṇaṃ paridevante, anapekkho pariccajin”ti.

Tattha **pañjalikā**ti paggahita-añjalikā. **Sanegamā saraṭṭhakā**ti negamehi
ceva raṭṭhavāsīhi ca saddhiṃ sabbe rājapurisā “mā khotvaṃ deva pabbajī”ti
maṃ yācanti, mātāpitaro pana **ajjeva putta paṭipajja**, gāmanigamarājadhāni-
abhivuddhiyā vepullappattiyā ca **iddhaṃ** vibhavasārasampattiyā
sassādinipphattiyā ca **phītaṃ** imaṃ **mahāmahiṃ** anussasa, chattaṃ
ussāpetvā rajjaṃ kārehīti yācanti, evaṃ pana saha raññāti **sarājake**, tathā
sahorodhe sanegame saraṭṭhake mahājane yathā suṇantānampi pageva
passantānaṃ mahantaṃ kāruṇṇaṃ hoti, evaṃ **karuṇaṃ paridevante** tattha
tattha **anapekkho** alaggacitto ahaṃ tadā pabbajinti dasseti.

5-6. Idāni yadatthaṃ cakkavattisirisadisam rajjasiriṃ piyatare
ñātibandhave pahāya siniddhaṃ pariggahaparijanaṃ lokābhimataṃ
mahantaṃ yasaṅca nirapekkho pariccajinti dassetuṃ dve gāthā abhāsi.

Tattha **kevalanti** anavasesaṃ itthāgāraṃ samuddapariyantaṅca pathaviṃ
pabbajjādhippāyena cajamāno evaṃ me sammāsambodhi sakkā adhigantunti
bodhiyāyeva kāraṇā na kiñci cintesiṃ, na tattha īsakaṃ laggam² janesinti
attho. **Tasmāti** yasmā mātāpitaro taṅca mahāyasaṃ **rajjaṅca me na**

1. Khu 5. 236 piṭṭhe.

2. Saṅgaṃ (Ka)

dessam, piyameva, tato pana sataguṇena saḥassaguṇena satasahassaguṇena sabbaññutaññāṇameva mayham piyataram, tasmā mātādīhi saddhim rajjam aham tadā **pariccajinti**.

Tadetaṃ sabbam pariccajivā pabbajjāya mahāsatte nikkhamante tassa kaniṭṭhabhātā Yudhiṭṭhilakumāro nāma pitaram vanditvā pabbajjam anujānāpetvā bodhisattam anubandhi. Te ubhopi nagarā nikkhamma mahājanam nivattetvā Himavantam pavisitvā manorame ṭhāne assamapadam katvā isipabbajjam pabbajitvā jhānābhinnāyo nibbattetvā vanamūlaphalādīhi yāvajīvam yāpetvā brahmalokaparāyanā ahesum. Tenāha Bhagavā—

“Ubho kumārā pabbajitā, Yudhañjajo Yudhiṭṭhilo.
Pahāya mātāpitāro, saṅgam chetvāna maccuno”¹.

Tattha **saṅgam chetvāna maccunoti** maccumārassa saḥakārikāraṇabhūtattā santakam rāgadosamohasaṅgam vikkhambhanavasena chinditvā ubhopi pabbajitāti. Tadā mātāpitāro mahārājakulāni ahesum, Yudhiṭṭhilakumāro Ānandatthero, Yudhañjajo Lokanātho.

Tassa pabbajjato pubbe pavattitamahādānāni ceva rajjādipariccāgo ca dānapāramī, kāyavacisaṃvaro silapāramī, pabbajjā ca jhānādhigamo ca nekkhammapāramī, aniccato manasikāram ādim katvā abhinñādhigamapariyosānā paññā dānādīnam upakāranupakāradhammapariggāhanapaññā ca paññāpāramī, sabbattha tadatthasādhanam vīriyam vīriyapāramī, nāṇakhanti adhivāsānakhanti ca khantipāramī, paṭiññāya avisaṃvādanam saccapāramī, sabbattha acalasaṃdānādhīṭṭhānam adhiṭṭhānapāramī, sabbasattesu hitacittatāya mettābrahmavihāravasena ca mettāpāramī, sattasaṅkhāratavippakāra-upekkhanavasena upekkhābrahmavihāravasena ca upekkhāpāramīti dasa pāramiyo labbhanti. Visesto pana nekkhammapāramīti veditabbā. Tathā **Akitticariyāyam**² viya idhāpi mahāpurisassa acchariyaguṇā yathāraham niddhāretabbā. Tena vuccati “evam acchariyā hete, abbhutā ca mahesino-pa- dhammassa anudhammato”³ti.

Yudhañjayacariyāvaṇṇanā niṭṭhitā.

1. Khu 5. 236 piṭṭhe.

2. Khu 4. 385 piṭṭhe.

2. Somanassacariyāvannaṇā

7. Dutiye **Indapatthe**¹puruttameti evaṃnāmake nagaravare. **Kāmitoti** mātāpitu-ādīhi “aho vata eko putto uppajjeyyā”ti evaṃ cirakāle patthito. **Dayitoti** piyāyito. **Somanassoti** vissutoti “somanasso”ti evaṃ pakāsanāmo.

8. **Sīlavāti** dasakusalakammaphasīlena ceva ācārasīlena ca samannāgato. **Guṇasampannoti** saddhābhāhusaccādiguṇehi upeto, paripuṇṇo vā. **Kalyāṇapaṭibhānavāti** taṃtaṃtikattabbasādhanena upāyakosallasāṅkhātena ca sundarena paṭibhānena samannāgato. **Vuḍḍhāpacāyīti** mātāpitaro kule jeṭṭhāti evaṃ ye jātivuḍḍhā ye ca sīlādiguṇehi vuḍḍhā, tesāṃ apacāyanasīlo. **Hirīmāti** pāpajigucchānalakkhaṇāya hiriyā samannāgato. **Saṅghesu ca kovidoti** dānapiyavacana-atthacariyāsamānattatāsaṅkhātehi catūhi saṅghavatthūhi yathārahaṃ sattānaṃ saṅgaṇhanesu kusalo. Evarūpo Reṇussa nāma Kururājassa putto Somanassoti vissuto yadā homīti sambandho.

9. **Tassa rañño patikaroti** tena Kururājena pati abhikkhaṇaṃ upakattabbabhāvena patikaro vallabho. **Kuhakatāpasoti** asantaṅgaṇasambhāvanalakkhaṇena kohaṇṇena jīvitakappanako eko tāpaso, tassa rañño sakkātabbo ahoṣi. **Ārāmanti** phalārāmaṃ, yattha eḷāluka lābu kumbhaṇḍa tipusādivalliphalāni ceva taṇḍuleyyakādisākaṇca² ropīyati. **Mālāvacchanti** jāti-atimuttakādipupphagacchaṃ, tena pupphārāmaṃ dasseti. Ettha ca ārāmaṃ katvā tattha mālāvacchaṇca yathāvuttaphalavacchaṇca ropetvā tato laddhadhanaṃ saṃharitvā ṭhapento **jīvatīti** attho vedītabbo.

Tatrāyaṃ anupubbikathā—tadā Mahārakkhito nāma tāpaso pañcasatatāpasaparivāro Himavante vasitvā loṇambilasevanatthāya janapadacārikaṃ caranto Indapatthanagaraṃ patvā rājuyyāne vasitvā sapariso

1. Indapatte (Sī)

2. Vārisākaṇca (Ka)

piṇḍāya caranto rājadvāraṃ pāpuṇi. Rājā isigaṇaṃ disvā iriyāpathe pasanno alaṅkatamahātale nisīdāpetvā paṇītenāhārena parivisitvā “bhante imaṃ vassārattaṃ mama uyyāneyeva vasathā”ti vatvā tehi saddhiṃ uyyānaṃ gantvā vasanaṭṭhānāni kāretvā pabbajitaparikkhāre datvā nikkhami. Tato paṭṭhāya sabbepi te rājanivesane bhuñjanti.

Rājā pana aputtako putte pattheti, puttā nuppajjanti. Vassārattaccayena Mahārakkhito “Himavantāṃ gamissāmā”ti rājānaṃ āpucchitvā rañña katasakkārasammāno nikkhamitvā antarāmagge majjhanhikasamaye maggā okkamma ekassa sandacchāyassa¹ rukkhassa heṭṭhā sapaṇiso nisīdi. Tāpasā kathaṃ samuṭṭhāpesuṃ “rājā aputtako, sādhu vatassa sace rājaputtaṃ labheyyā”ti. Mahārakkhito taṃ kathaṃ sutvā “bhavissati nu kho rañño putto, udāhu no”ti upadhārento “bhavissati”ti ñatvā “mā tumhe cintayittha, ajja paccūsakāle eko devaputto cavitvā rañño aggamaheṣiyā kucchimhi nibbattissati”ti āha.

Taṃ sutvā eko kūṭajaṭilo “idāni rājakulūpako bhavissāmi”ti cintevā tāpasānaṃ gamanakāle gilānālayaṃ katvā nipajjitvā “ehi gacchāmā”ti vutte “na sakkomi”ti āha. Mahārakkhito tassa nipannaṅkāraṇaṃ ñatvā “yadā sakkosi, tadā āgaccheyyāsi”ti isigaṇaṃ ādāya Himavantameva gato. Kuhako nivattitvā vegena gantvā rājadvāre ṭhatvā “Mahārakkhitassa upaṭṭhākatāpasō āgato”ti rañño ārocāpetvā² rañña vegena pakkosāpito pāsādaṃ abhiruyha paññatte āsane nisīdi. Rājā taṃ vanditvā ekamantaṃ nisinno isīnaṃ ārogyaṃ pucchitvā “bhante atikhippaṃ nivattittha, kenatthena āgatatthā”ti āha.

Mahārāja isigaṇo sukhanisinno “sādhu vatassa sace rañño vaṃsānurakkhako putto uppajjeyyā”ti kathaṃ samuṭṭhāpesi. Ahaṃ taṃ kathaṃ sutvā “bhavissati nu khorañño putto, udāhu no”ti dibbacakkhunā olokeno “mahiddhiko devaputto cavitvā aggamaheṣiyā Sudhammāya kucchimhi nibbattissati”ti disvā “ajānantā gabbhaṃ³ nāseyyūṃ,

1. Sampannacchāyassa (Ka)

2. Ārocetvā (Ka)

3. Naṃ gabbhaṃ (Ka)

ācikkhissāmi tāva nan”ti tumhākaṃ kathanatthāya āgato, kathitaṃ vo mayā, gacchāmahanti. Rājā “bhante na sakkā gantun”ti haṭṭhatuṭṭho pasannacitto kuhakatāpasam uyyānam netvā vasanaṭṭhānam saṃvidahitvā adāsi. So tato paṭṭhāya rājakule bhuñjanto vasati, “dibbacakkhuko”tvevassa nāmaṃ ahoṣi.

Tadā bodhisatto Tāvatisabhavanato cavitvā tattha paṭisandhim gaṇhi, jātassa ca nāmaggaṇadivase “somanasso”ti nāmaṃ karimsu. So kumāraparihārena vaḍḍhati. Kuhakatāpasopi uyyānassa ekapasse nānappakāraṃ sūpeyyasākañca phalavalli-ādayo ca ropetvā paṇṇikānaṃ hatthe vikkiṇanto dhanam saṃharati. Atha bhodhisattassa sattavassikakāle rañño paccanto kupito. So “tāta Dibbacakkhutāpase mā pamajjā”ti kumāraṃ paṭicchāpetvā paccantaṃ vūpasametum gato.

10-13. Athekadivasam kumāro “jaṭilaṃ passissāmī”ti uyyānam gantvā kūṭajaṭilaṃ ekaṃ gandhikakāsāvaṃ nivāsetvā ekaṃ pārūpitvā ubhoḥi hatthehi dve ghaṭe gahetvā sākavatthusmiṃ udakaṃ siñcantaṃ disvā “ayaṃ kūṭajaṭilo attano samaṇadhammaṃ akatvā paṇṇikakammaṃ karotī”ti ñatvā “kiṃ karosi paṇṇikagahapatikā”ti taṃ lajjāpetvā avanditvā eva nikkhami.

Kūṭajaṭilo “ayaṃ idāneva evarūpo, pacchā ‘ko jānāti kiṃ karissatī”ti, idāneva naṃ nāsetum vaṭṭatī”ti cintetvā rañño āgamanakāle pāsāṇaphalakaṃ ekamantaṃ khipitvā pāṇiyaghaṭaṃ bhinditvā paṇṇasālāya tiṇāni vikiritvā sarīraṃ telena makkhetvā paṇṇasālaṃ pavisitvā sasīsam pārūpitvā mahādukkhappatto viya mañce nipajji. Rājā āgantvā nagaram padakkhiṇam katvā nivesanaṃ apavisitvāva “mama sāmikaṃ Dibbacakkhukaṃ passissāmī”ti paṇṇasāladvāraṃ gantvā taṃ vippakāraṃ disvā “kiṃ nu kho etan”ti anto pavisitvā taṃ nipannaṃ disvā pāde parimajjanto pucchi “kena tvaṃ bhante evaṃ viheṭhito, kamajja yamalokaṃ nemi, taṃ me sīghaṃ ācikkhā”ti.

Taṃ sutvā kūṭajaṭilo nitthunanto uṭṭhāya diṭṭho mahārāja tvaṃ me, passitvā tayi vissāsenā ahaṃ imaṃ vippakāraṃ patto, tava puttenamhi evaṃ viheṭhitoti. Taṃ sutvā rājā coraghātake āṇāpesi “gacchatha kumārassa sīsaṃ chinditvā sarīrañcassa khaṇḍākhaṇḍikaṃ chinditvā rathiyā rathiyaṃ vikirathā”ti. Te mātaraṃ alaṅkaritvā attano aṅke nisīdāpitaṃ kumāraṃ ākaḍḍhimsu “rañña te vadho āṇatto”ti. Kumāro maraṇabhayatajjito mātu aṅkato vuṭṭhāya “rañño maṃ dassetha, santi rājakiccānī”ti āha. Te kumārassa vacanaṃ sutvā māretuṃ avisahantā goṇaṃ viya rajjuyā parikaḍḍhantā netvā rañño dassesuṃ. Tena vuttaṃ **“tamahaṃ disvāna kuhakan”**ti-ādi.

Tattha **thusarāsīmva ataṇḍulanti** taṇḍulakaṇehi virahitaṃ thusarāsīm viya **dumaṃva** rukkhaṃ viya **anto** mahāsusiraṃ. **Kadaliṃva asārakaṃ** sīlādisārarahitaṃ tāpasam¹ ahaṃ disvā natthi imassa sataṃ sādhuṇaṃ jhānādiddhammo, kasmā? **Sāmañña** samaṇabhāvā sīlamattatopi **apagato** parihiṇo ayaṃ, tathā hi ayaṃ **hirīsukkadhammajahito** pajahitahirisāṅkhātasukkadhammo. **Jīvitavuttikāraṇāti** “kevalaṃ jīvitasseva hetu ayaṃ tāpasaliṅgena caratī”ti cintesinti dasseti. **Parantiḥīti** paranto paccanto nivāsabhūto etesaṃ atthīti parantino, sīmantarikavāsino, tehi parantiḥī aṭavikehi paccantadeso khobhito ahosi, taṃ paccantakopaṃ nisedhetuṃ vūpasametūṃ gacchanto mama pitā Kururājā “tāta Somanassakumāra mayhaṃ sāmikaṃ **uggatāpanaṃ**² ghoratapaṃ paramasantindriyaṃ **jaṭilaṃ mā pamajji**. So hi amhākaṃ sabbakāmadado, tasmā **yadicchakaṃ** cittaruciyaṃ tassa cittānukūlaṃ **pavattehi** anuvattehī”ti tadā maṃ anusāsīti dasseti.

14. **Tamahaṃ gantvānupaṭṭhānanti** pitu vacanaṃ anatikkanto taṃ kūṭatāpasam upaṭṭhānatthaṃ gantvā taṃ sākavatthusmiṃ udakaṃ āsiṅcantaṃ disvā “paṇṇiko ayaṃ”ti ca ṇatvā **kacci te gahapati kusalanti** gahapati te sarīrassa³ kacci kusalaṃ kusalameva, tathā hi sākavatthusmiṃ udakaṃ āsiṅcasi. Kim vā tava hiraññaṃ vā suvaṇṇaṃ vā **āharīyatu**, tathā hi paṇṇikavuttiṃ anuṭṭhasīti idaṃ vacanaṃ abhāsīm.

1. Taṃ tāpasam (Ka)

2. Uggatapaṃ (Sī)

3. Sarīraṃ (Sī)

15. **Tena so kupito āsīti** tena mayā vuttagahapativādena so mānanissito mānaṃ allīno kuhako mayhaṃ kupito kuddho ahoṣi. Kuddho ca samāno “**ghātāpemi tuvaṃ ajja, ratṭhā pabbājayāmi vā**”ti āha.

Tattha **tuvaṃ ajjāti** tvaṃ ajja, idāniyeva rañño āgatakāleti attho.

16. **Nisedhayitvā paccantanti** paccantaṃ vūpasametvā nagaraṃ apaviṭṭho taṅkhaṇañña uyyānaṃ gantvā **kuhakaṃ** kuhakatāpasam **kaccite bhante khamanīyaṃ, sammāno te pavattitoti** kumārena te sammāno pavattito ahoṣi.

17. **Kumāro yathā nāsiyoti** yathā kumāro nāsiyo nāsetabbo ghātāpetabbo, tathā so **pāpo tassa** rañño ācikkhi. **Āṇāpesīti** mayhaṃ sāmike imasmim Dibbacakkhutāpase sati kim mama na nipphajjati, tasmā puttena me attho natthi, tatopi ayameva seyyoti cintetvā āṇāpesi.

18. Kinti? **Sīsaṃ tattheva chinditvāti** yasmim ṭhāne taṃ kumāraṃ passatha, tattheva tassa sīsaṃ chinditvā sarīraṅcassa **katvāna catukhaṇḍikaṃ** caturo khaṇḍe katvā rathiyā rathiyaṃ nīyanta vīthito vīthim vikkhipantā dassetha. Kasmā? **Sā gati jaṭilahīlitāti** yehi ayam jaṭilo hīlito, tesam jaṭilahīlitānaṃ¹ sā gati sā nipphatti so vipākoti. **Jaṭilahīlitāti** vā jaṭilahīlanahetu sā tassa nipphattīti evaṅcetha attho daṭṭhabbo.

19. **Tatthāti** tassa rañño āṇāyam, tasmim vā tāpasassa paribhave. **Kāraṇikāti** ghātakā, coraghātakāti attho. **Caṇḍāti** kurūrā. **Luddāti** sudāruṇā. **Akaruṇāti** tasseva vevacanaṃ kataṃ. “Akaruṇā”tipi Pāḷi, nikkaruṇāti attho. **Mātu anke nisinnassāti** mama mātu Sudhammāya deviyā ucchaṅge nisinnassa. “Nisinnassā”ti anādare sāmivacanaṃ. **Ākaḍḍhitvā nayanti manti** mātarā alaṅkaritvā attano

1. Jaṭilahīlitānaṃ hīlitajaṭilānaṃ (Ka)

añke nisīdāpitaṃ maṃ rājāṇāya te coraghātakā goṇaṃ viya rajjuyā ākaḍḍhitvā āghātaṇaṃ nayanti. Kumāre pana nīyamāne dāsigaṇaparivutā saddhiṃ orodhehi Sudhammā devī nāgarāpi “mayāṃ niraparādhaṃ kumāraṃ māretuṃ na dassāmā”ti tena saddhiṃyeva agamaṃsu.

20. **Bandhataṃ gāḷhabandhananti** gāḷhabandhanaṃ bandhantānaṃ tesāṃ kāraṇikapurisānaṃ. **Rājakiriyāni atthi meti** mayā rañño vattabbāni rājakiccāni atthi. Tasmā **rañño dassetha maṃ khippanti** tesāṃ ahaṃ evaṃ vacanaṃ avacaṃ.

21. **Rañño dassayimsu, pāpassa pāpasevinti** attanā pāpasīlassa lāmakācārassa kūṭatāpasassa sevanato pāpasevino rañño maṃ dassayimsu. **Disvāna taṃ saññāpesinti** taṃ mama pitaraṃ Kururājānaṃ passitvā “kasmā maṃ deva mārāpesī”ti vatvā tena “kasmā ca pana tvam¹ mayhaṃ sāmikaṃ Dibbacakkhutāpasāṃ gahapativādena samudācari. Idañcidañca vippakāraṃ karī”ti vutte “deva gahapatiññeva ‘gahapatī’ti vadantassa ko mayhaṃ doso”ti vatvā tassa nānāvidhāni mālāvacchāni ropetvā pupphapaṇṇaphalāphalādīnaṃ vikkiṇanaṃ hatthato cassa tāni devasikaṃ vikkiṇantehi mālākārapaṇṇikehi saddahāpetvā “mālāvattupaṇṇavattthūni upadhārethā”ti vatvā paṇṇasālāñcassa pavisitvā pupphādivikkiyaladdhaṃ kahāpaṇakabhaṇḍikaṃ² attano purisehi nīharāpetvā rājānaṃ saññāpesiṃ tassa kūṭatāpasabhāvaṃ jānāpesiṃ. **Mamañca vasamānayinti** tena saññāpanena “saccaṃ kho pana kumāro vadati, ayaṃ kūṭatāpaso pubbe appiccho viya hutvā idāni mahāpariggaho jāto”ti yathā tasmīṃ nibbinno mama vase vattati, evaṃ rājānaṃ mama vasamānesiṃ.

Tato mahāsatto “evarūpassa bālassa rañño santike vasanato Himavantaṃ pavisitvā pabbajituṃ yuttan”ti cintetvā rājānaṃ āpucchi “na me mahārāja idha vāsena attho, anujānātha maṃ pabbajissāmi”ti. Rājā “tāta mayā anupadhāretvāva te vadho āṇatto, khama mayhaṃ aparādhan”ti mahāsattaṃ khamāpetvā “ajjeva imaṃ rajjaṃ paṭipajjāhi”ti āha. Kumāro “deva kimatthi mānusesu bhogesu, ahaṃ pubbe

1. Tathā hi pana tvam (Ka)

2. Kahāpaṇamāsakabhaṇḍikaṃ (Si)

dīgharattaṃ dibbabhogasampattiyo anubhaviṃ, na tathāpi me saṅgo,
pabbajissāmevāhaṃ, na tādisassa bālassa paraneyyabuddhino santike
vasāmi”ti vatvā taṃ ovaḍanto—

“Anisamma kataṃ kammaṃ, anavatthāya cintitaṃ.

Bhesajjasseva vebhaṅgo, vipāko hoti pāpako.

Nisamma ca kataṃ kammaṃ, sammā’vatthāya cintitaṃ.

Bhesajjasseva sampatti, vipāko hoti bhadrako.

Alaso gihī kāmabhogī na sādhu,

Asaññato pabbajito na sādhu.

Rājā na sādhu anisammakārī,

Yo paṇḍito kodhano taṃ na sādhu.

Nisamma khattiyo kayirā, nānisamma disampati.

Nisammakārino rāja, yaso kitti ca vaḍḍhati.

Nisamma daṇḍaṃ paṇayeyya issaro,

Vegā kataṃ tappati bhūmipāla.

Sammāpaṇīdhī ca narassa atthā,

Anānutappā te bhavanti pacchā.

Anānutappāni hi ye karonti,

Vibhajja kammāyatanāni loke.

Viññuppasatthāni sukhudrayāni,

Bhavanti Buddhānumatāni tāni.

Āgacchum dovārikā khaggabandhā¹,

Kāsāviyā hantu mamaṃ janinda.

Mātuñca aṅkasmimahaṃ nisinno,

Ākaḍḍhito sahasā tehi deva.

1. Khaggahatthā (Sī)

Kaṭukaṃ hi sambadhaṃ sukicchaṃ patto,
 Madhurampiyaṃ jīvitaṃ laddhā rāja.
 Kicchenahaṃ ajja vadhā pamutto,
 Pabbajjamevābhimanohamasmi”ti¹—

imāhi gāthāhi dhammaṃ desesi.

Tattha **anisammā**ti anupadhāretvā. **Anavatthāyā**ti avavatthapetvā. **Vebhaṅgoti** vipatti. **Vipākoti** nipphatti. **Asaññatoti** asaṃvuto dussīlo. **Paṇayeyyā**ti paṭṭhapeyya. **Vegā**ti vegena sahasā. **Sammāpaṇidhī** cāti sammāpaṇidhinā, yoniso ṭhapitena cittena katā **narassa atthā pacchā anānutappā bhavantī**ti attho. **Vibhajjā**ti imāni kātuṃ yuttāni, imāni ayuttānīti evaṃ paññāya vibhajjivā. **Kammāyatanānī**ti kammāni. **Buddhānumatānī**ti paṇḍitehi anumatāni anavajjāni honti. **Kaṭukanti** dukkhaṃ asātaṃ **sambādhaṃ sukicchaṃ** maraṇabhayaṃ **pattomhi**. **Laddhā**ti attano ñāṇabalena jīvitaṃ labhitvā. **Pabbajjamevābhimanoti** pabbajjābhimukhacitto evāhamasmi.

Evaṃ mahāsattena dhamme desite rājā devīṃ āmantesi “devi tvaṃ puttaṃ nivattehī”ti. Devīpi kumārassa pabbajjameva rocesi. Mahāsatto mātāpitaro vanditvā “sace mayhaṃ doso atthi, taṃ khamathā”ti khamāpetvā mahājanaṃ āpucchitvā Himavantaḥhimukho agamāsi. Gate ca pana mahāsatte mahājano kūṭajaṭilaṃ pothetvā jīvitakkhayaṃ pāpesi. Bodhisattopi sanāgarehi amaccaparīsajjādīhi rājapurisehi assumukhehi anubandhiyamāno te nivattesi. Manussesu nivattesu manussavaṇṇenāgantvā devatāhi nīto satta pabbatarājiyo atikkamitvā Himavante Vissakammunā nimmitāya paṇṇasālāya isipabbajjaṃ pabbaji. Tena vuttaṃ—

22. “So maṃ tattha khamāpesi, mahārajjaṃ adāsi me.
 Sohaṃ tamaṃ dālayitvā, pabbajim anagāriyan”ti.

Tattha **tamaṃ dālayitvā**ti kāmādīnavadassanassa paṭipakkhabhūtaṃ sammohatamaṃ vidhamitvā. **Pabbajinti** upāgacchim. **Anagāriyanti** pabbajjaṃ.

1. Khu 5. 336 piṭṭhādīsu.

23. Idāni yadatthaṃ tadā taṃ rājissariyaṃ pariccattaṃ, taṃ dassetuṃ “**na me dattan**”ti osānagāthamāha. Tassattho vuttanayova.

Evam pana mahāsatte pabbajite yāva soḷasavassakālā rājakule paricārikavesena devatāyeva nam upaṭṭhahimsu. So tattha jhānābhiññāyo nibbattetvā brahmalokūpago ahosi. Tadā kuhako Devadatto ahosi, mātā Mahāmāyā¹, Mahārakkhitatāpaso Sāriputtatthero, Somanassakumāro Lokanātho.

Tassa **Yudhañjayacariyāyaṃ**² vuttanayeneva dasa pāramiyo niddhāretabbā. Idhāpi nekkhammapāramī atisayavatīti sā eva desanaṃ āruḷhā. Tathā sattavassikakāle eva rājakicesu samatthātā, tassa tāpasassa kūṭajaṭilabhāvapariggaṇhanaṃ, tena payuttana raññā vadhe āṇatte santāsābhāvo, rañño santikaṃ gantvā nānāyehi tassa sadosataṃ attano ca niraparādhatam mahājanassa majjhe pakāsetvā rañño ca paraneyyabuddhitaṃ bālabhāvañca paṭṭhapetvā tena khamāpitepi tassa santike vāsato rajjissariyato ca saṃvegamāpajjitvā nānappakāraṃ yāciyamānenapi hatthagataṃ rajjasirim³ khelapiṇḍam viya chaḍḍetvā katthaci alaggacittena hutvā pabbajanaṃ, pabbajitvā pavivekārāmena hutvā na cirasseva appakasirena jhānābhiññānibbattananti evamādayo mahāsattassa guṇānubhāvā vibhāvetabbāti.

Somanassacariyāvaṇṇanā niṭṭhitā.

3. Ayogharacariyāvaṇṇanā

24. Tatiye **ayogharamhi saṃvaḍḍhoti** amanussa-upaddavaparivajjanatthaṃ caturassasālavasena⁴ kate mahati sabba-ayomaye gehe saṃvaḍḍho. **Nāmenāsi Ayogharoti** ayoghare jātasaṃvaḍḍhabhāveneva “Ayogharakumāro”ti nāmena pākāṭo ahosi.

1. Mātāpitaro rājakulāni ahesuṃ (Ka)

3. Rājissariyaṃ (Sī)

2. Khu 4. 408 piṭṭhe.

4. Catusālavasena (Sī, Ka)

25-6. Tadā hi Kāsirañño aggamahesiyā purimattabhāve sapatti “tava jātāṃ jātāṃ pajāṃ khādeyyāṃ”ti patthanāṃ paṭṭhapetvā yakkhiniyoniyāṃ nibbattā okāsaṃ labhitvā tassā vijātakāle dve vāre putte khādi. Tatiyavāre pana bodhisatto tassā kucchiyāṃ paṭisandhiṃ gaṇhi. Rājā “deviyā jātāṃ jātāṃ pajāṃ ekā yakkhinī khādati, kiṃ nu kho kātabban”ti manussehi sammantetvā “amanussā nāma ayogharassa bhāyanti, ayogharāṃ kātuṃ vaṭṭatī”ti vutte kammāre āṇāpetvā thambhe ādiṃ katvā ayomayeheva sabbagehasambhārehi caturassasālaṃ mahantaṃ ayogharāṃ niṭṭhāpetvā paripakkagabbhaṃ devīṃ tattha vāsesi. Sā tattha dhañṇapuñṇalakkhaṇāṃ puttaṃ vijāyi, “Ayogharakumāro”tvevassa nāmaṃ karīmsu. Taṃ dhātīnaṃ datvā mahantaṃ ārakkhaṃ saṃvidahitvā rājā devīṃ antepuraṃ ānesi. Yakkhinīpi udakavāraṃ gantvā Vessavaṇassa udakaṃ vahantī jīvitakkhayaṃ pattā.

Mahāsatto ayoghareyeva vaḍḍhitvā viññutaṃ patto tattheva sabbasippāni uggaṇhi. Rājā puttaṃ soḷasavassuddesikaṃ viditvā “rajjamassa dassāmi”ti amacce āṇāpesi “puttaṃ me ānethā”ti. Te “sādhu devā”ti nagaraṃ alaṅkārapetvā sabbālaṅkāravibhūsitāṃ maṅgalavāraṇāṃ ādāya tattha gantvā kumāraṃ alaṅkaritvā hatthikkhandhe nisīdāpetvā nagaraṃ padakkhiṇāṃ kāretvā rañño dassetuṃ. Mahāsatto rājānaṃ vanditvā aṭṭhāsi. Rājā tassa sarīrasobhaṃ oloketvā balavasinehena taṃ āliṅgitvā “ajjeva me puttaṃ abhisiñcathā”ti amacce āṇāpesi. Mahāsatto pitaraṃ vanditvā “na mayhaṃ rajjena attho, ahaṃ pabbajissāmi, pabbajjāṃ me anujānāthā”ti āha. Tena vuttaṃ “**dukkhena jīvito laddho**”ti-ādi.

Tattha **dukkhenā**ti tāta tava bhātikā dve ekāya yakkhiniyā khādītā, tuyhaṃ pana tato amanussabhayato nivāraṇatthaṃ katena dukkhena mahatā āyāsena **jīvito laddho. Saṃpīḷe patipositoti** nānāvidhāya amanussarakkhāya sambādhe ayoghare vijāyanakālato paṭṭhāya yāva soḷasavassuppattiyā sambādhe saṃvaḍḍhitoti attho. **Ajjeva putta paṭipajja, kevalaṃ vasudhaṃ imanti** kañcanamālālaṅkatassa setacchattassa hetṭhā ratanarāsīmhi ṭhapetvā tīhi saṅkhehi

abhisiñciyamāno imaṃ kulasantakaṃ kevalaṃ sakalaṃ samuddapariyantaṃ tatoyeva saha raṭṭhehīti **saraṭṭhakaṃ** saha nigamehi mahāgāmeḥīti **sanigamaṃ** aparimitena parivārajanena saddhiṃ **sajanaṃ** imaṃ vasudhaṃ mahāpathaviṃ ajeva putta paṭipajja, rajjaṃ kāreḥīti attho. **Vanditva khattiyaṃ. Añjaliṃ paggaḥetvāna, idaṃ vacanamabravinti** khattiyaṃ Kāsiraṅānaṃ mama pitaraṃ vanditvā tassa añjaliṃ paṇāmetvā idaṃ vacanaṃ abhāsiṃ.

27. **Ye keci mahiyā sattāti** imissā mahāpathaviyā ye keci sattā nāma. **Hīnamukkaṭṭhamajjhimāti** lāmakā ceva uttamā ca, ubhinnaṃ vemajjhe bhavattā majjhimā ca. **Sake geheti** sabbe te sake gehe. **Sakañātibhīti** sakehi ñāṭīhi sammodamānā vissaṭṭhā anukkaṭṭhitā yathāvibhavaṃ vaḍḍhanti.

28. **Idaṃ loke uttariyanti** idaṃ pana imasmiṃ loke asadisāṃ, mayhaṃ eva āveṇikaṃ. Kiṃ pana taṃ **sāmpīle mama posananti** sambādhe mama sāmvaddhanaṃ. Tathā hi **ayogharamhi sāmvaddho, appabhe candasūriyeti** candasūriyānaṃ pabhārahite ayoghare. **Sāmvaddhomhīti** sāmvaddho amhi.

29. **Pūtikūṇapasampuṇṇāti** pūtigandhanānappakāraṇapasampuṇṇā Gūthanirayasadisā **mātu kucchito** jīvitasāmsaye vattamāne kathaṃ **muccitvā** nikkhamitvā. **Tato ghoratareti** tatopi gabbhavāsato dāruṇatare, avissaṭṭhavāsena dukkhe. **Pakkhittayoghareti** pakkhitto ayoghare, bandhanāgāre ṭhapito viya ahosinti dasseti.

30. **Yadihanti ettha yadīti** nipātamattaṃ. **Tādisanti** yādisāṃ pubbe vuttaṃ, tādisāṃ paramadāruṇaṃ dukkhaṃ patvā ahaṃ **rajjesu yadi rajjāmi** yadi ramissāmi, evaṃ sante **pāpānaṃ** lāmakānaṃ nihīnapurisānaṃ **uttamo** nihīnatamo **siyaṃ**¹.

31. **Ukkaṇṭhitomhi kāyenāti** aparimuttagabbhavāsādinā pūtikāyena ukkaṇṭhito nibbinno amhi. **Rajjenamhi anattikoti** rajjenapi anattikoti amhi. Yakkhiniyā hatthato muttopi hi nāhaṃ ajarāmaro,

1. Siyā (Sī, Ka)

kiṃ me rajjena, rajjaṃ hi nāma sabbesaṃ anattānaṃ sannipātattānaṃ, tattha t̥hitakālato paṭṭhāya dunnikkhamaṃ hoti, tasmā taṃ anupagantvā **nibbutiṃ pariyesissaṃ, yattha maṃ maccu na maddiyeti** yattha t̥hitaṃ maṃ mahāsena maccurājā na maddiye na otthareyya na abhibhaveyya, taṃ nibbutiṃ amatamahānibbānaṃ pariyesissāmi.

32. **Evāhaṃ cintayitvānāti** evaṃ iminā vuttappakārena nānappakāraṃ saṃsāre ādīnavaṃ paccavekkhaṇena nibbāne ānisaṃsadassanena ca yoniso cintetvā. **Viravante mahājaneti** mayā vip̥payogaḍukkāsahanena viravante paridevante mātāpituppamukhe mahante jane. **Nāgoḃa bandhanaṃ chetvāti** yathā nāma mahābalo hatthināgo dubbalataraṃ rajjubandhanaṃ sukheṇeva chindati, evameva nātisaṅgādibhedassa tasmīṃ jane taṇhābandhanaṃ chindanena bandhanaṃ chetvā kānanaṣaṅkhātāṃ mahāvanaṃ pabbajjūpagamanavasena **pāvisiṃ**. Osānagāthā vuttatthā eva.

Tattha ca mahāsatto attano pabbajjādhippāyaṃ jānitvā “tāta kiṃkāraṇā pabbajasi”ti raññā vutto “deva ahaṃ mātukucchimhi dasa māse Gūthaniraye viya vasitvā mātu kucchito nikkhanto yakkhiniyā bhayena soḷasavassāni bandhanāgāre vasanto bahi oloketumpi na labhiṃ, Ussadaniraye pakkhitto viya ahoṣiṃ, yakkhinito muttopi ajarāmaro na homi, maccu nāmesa na sakkā kenaci jinituṃ, bhava ukkaṅṭhitomhi, yāva me byādhijarāmarāṇāni nāgacchanti, tāvadeva pabbajitvā dhammaṃ carissāmi, alaṃ me rajjena, anujānāhi maṃ deva pabbajitun”ti vatvā—

“Yamekarattiṃ paṭhamaṃ, gabbhe vasati māṇavo.

Abbuṅṭhitova so yāti, sa gacchaṃ na nivattati”ti¹—

ādīnā catuvīsatiyā gāthāhi pitu dhammaṃ desetvā “mahārāja tumhākaṃ rajjaṃ tumhākameva hotu, na mayhaṃ iminā attho, tumhehi saddhiṃ kathenteyeva byādhijarāmarāṇāni āgaccheyyūṃ, tiṭṭhatha tumhe”ti vatvā ayadāmaṃ chinditvā mattahatthī viya kañcanaapañjaraṃ bhinditvā sīhapotako viya kāme pahāya mātāpitaro vanditvā nikkhami. Athassa pitā “ayaṃ nāma kumāro pabbajitukāmo, kimaṅgaṃ paṇāhaṃ, maṃāpi rajjena attho

1. Khu 5. 353 piṭṭhe.

natthī”ti rajjam pahāya tena saddhim eva nikkhami, tasmim nikkhamante devīpi amaccāpi brāhmaṇagahapatikādayopīti sakalanagaravāsino bhoge chaḍḍetvā nikkhamimsu. Samāgamo mahā ahosi, parisā dvādasayojanikā jātā, te ādāya mahāsatto Himavantam pāvīsi.

Sakko devarājā tassa nikkhantabhāvaṃ ñatvā Vissakammaṃ pesetvā dvādasayojanāyāmaṃ sattayojanavitthāraṃ assāmapadaṃ kāresi, sabbe ca pabbajitaparikkhāre paṭiyādāpesi. Idha mahāsattassa pabbajjā ca ovādadānañca brahmalokaparāyanatā ca parisāya sammā paṭipatti ca sabbā **Mahāgovindacariyāyaṃ**¹ vuttanayeneva veditabbā. Tadā mātāpitaro mahārājakulāni ahesum, parisā Buddhaparisā, Ayogharapaṇḍito Lokanātho.

Tassa sesapāraminiddhāraṇā ānubhāvavibhāvanā ca heṭṭhā vuttanayeneva veditabbāti.

Ayogharacariyāvaṇṇanā niṭṭhitā.

4. Bhisacariyā²vaṇṇanā

34. Catutthe **yadā homi, Kāsīnaṃ puravaruttameti** “Kāsī”ti bahuvacanavasena laddhavohārassa raṭṭhassa nagaravare Bārāṇasiyaṃ yasmim kāle jātasamvaḍḍho hutvā vasāmīti attho. **Bhaginī ca bhātaro satta, nibbattā sottiye kuleti** Upakañcanādayo cha ahañcāti bhātaro satta sabbakaniṭṭhā Kañcanadevī nāma bhaginī cāti sabbe mayam aṭṭha janā mantajjhenaniratātāya sottiye uditodite mahati brāhmaṇakule tadā nibbattā jātāti attho.

35. Bodhisatto hi tadā Bārāṇasiyaṃ asītikoṭivibhavassa brāhmaṇamahāsālassa putto hutvā nibbatti, tassa “Kañcanakumāro”ti nāmaṃ karimsu. Athassa padasā vicaraṇakāle aparo putto vijāyi, “Upakañcanakumāro”tissa nāmaṃ karimsu. Tato paṭṭhāya mahāsattam

1. Khu 4. 388 piṭṭhe.

2. Mahākañcanacariyā (Sī)

“Mahākañcanakumāro”ti samudācaranti. Evaṃ paṭipāṭiyā satta puttā ahesuṃ. Sabbakaniṭṭhā pana ekā dhītā, tassā “Kañcanadevī”ti nāmaṃ karimsu. Mahāsatto vayappatto Takkasilaṃ gantvā sabbasippāni uggahetvā paccāgañchi.

Atha naṃ mātāpitaro gharāvāsena bandhitukāmā “attano samānajātikulato te dārikam ānessāmā”ti vadimsu. So “amma tāta na mayham gharāvāsena attho, mayhañhi sabbo lokasannivāso āditto viya sappaṭibhayo, bandhanāgāraṃ viya palibuddhanaṃ, ukkārabhūmi viya jiguccho hutvā upaṭṭhāti, na me cittaṃ kāmesu rajjati, aññe vo puttā atthi, te gharāvāsena nimantethā”ti vatvā punappunaṃ yācitopi sahāyehi yācāpitopi na icchi, atha naṃ sahāyā “samma kiṃ pana tvaṃ patthayanto kāme paribhuñjituṃ na icchasi”ti pucchimsu. So tesam attano nekkhammajjhāsayaṃ ārocesi. Tena vuttam “**etesam pubbajo āsin**”ti-ādi.

Tattha **etesam pubbajo āsinti** etesam Upakañcanakādīnaṃ sattannaṃ jeṭṭhabhātiko aham tadā ahosiṃ. **Hirisukkamupāgatoti** sukkavipākattā santānassa visodhanato ca sukkaṃ pāpajigucchanaḷakkhaṇaṃ hirim bhusam āgato, ativiya pāpam jigucchanto āsinti attho. **Bhavam disvāna bhayato, nekkhammābhirato ahanti** kāmabhavādīnaṃ vasena sabbam bhavam pakkhandituṃ āgacchantam caṇḍahatthim viya himsituṃ āgacchantam ukkhittāsikam vadhakam viya sīham viya yakkham viya rakkhasam viya ghoravisam viya āsivisam viya ādittam aṅgaram viya sappaṭibhayaṃ bhayānakabhāvato passivā tato muccanatthañca pabbajjābhirato pabbajitvā “katham nu kho dhammacariyam sammāpaṭipattim pūreyyam, jhānasamāpattiyo ca nibbatteyyan”ti pabbajjākusaladhammapaṭhamajjhānādi-abhirato tadā aham āsinti attho.

36. **Pahitāti** mātāpitūhi pesitā. **Ekamānasāti** samānajjhāsayaṃ pubbe mayā ekacchandā manāpacārino mātāpitūhi pahitattā pana mama paṭikkūlam amanāpam vadantā. **Kāmehi mam nimantenti**ti mahāpitūhi vā ekamānasā kāmehi mam nimantenti. **Kulavaṃsam dhārehi**ti gharāvāsam saṅṭhapento attano kulavaṃsam dhārehi paṭiṭṭhapehīti kāmehi mam nimantesunti attho.

37. **Yaṃ tesāṃ vacanaṃ vuttanti** tesāṃ mama piyasahāyānaṃ yaṃ vacanaṃ vuttaṃ. **Gihidhamme sukhāvahanti** gihibhāve sati gahaṭṭhabhāve ṭhitassa purisassa ñāyānugatattā diṭṭhadhammikassa samparāyikassa ca sukhassa āvahanato sukhāvahaṃ. **Taṃ me ahosi kaṭṭhinanti** taṃ tesāṃ mayhaṃ saḥāyānaṃ mātāpitūnañca vacanaṃ ekanteneva nekkhammābhiratattā amanāpabhāvena me kaṭṭhinaṃ pharusāṃ divasaṃ santattaphālasadisāṃ ubhopi kaṅṅe jhāpentaṃ viya ahosi.

38. **Te maṃ tadā ukkhipantanti** te mayhaṃ saḥāyā mātāpitūhi attano ca upanimantanavasena anekavāraṃ upanīyamāne kāme uddhamuddhaṃ khipantaṃ chaḍḍentaṃ paṭikkhipantaṃ maṃ **pucchiṃsu**. **Patthitaṃ mamāti** ito visuddhataṃ kiṃ nu kho iminā patthitanti mayā abhipatthitaṃ mama taṃ patthanaṃ pucchiṃsu “kiṃ tvaṃ patthayase samma, yadi kāme na bhuñjasi”ti.

39. **Atthakāmoti** attano atthakāmo, pāpabhīrūti attho. “Attakāmo”tipi Pāli. **Hitesinanti** mayhaṃ hitesīnaṃ piyasahāyānaṃ. Keci “atthakāmahitesīnaṃ”ti paṭhanti, taṃ na sundaraṃ.

40. **Pitu mātu ca sāvayunti** te mayhaṃ saḥāyā anivattanīyaṃ mama pabbajjāchandaṃ viditvā pabbajitukāmatādīpakaṃ mayhaṃ vacanaṃ pitu mātu ca sāvesuṃ. “Yagghe ammatātā jānātha, ekanteneva Mahākañcanakumāro pabbajissati, na so sakkā kenaci upāyena kāmesu upanetun”ti¹ avocuṃ. **Mātāpitā evamāhūti** tadā mayhaṃ mātāpitāro mama saḥāyehi vuttaṃ mama vacanaṃ sutvā evamāhaṃsu “sabbeva pabbajāma bho”ti, yadi Mahākañcanakumārassa nekkhammaṃ abhirucitaṃ, yaṃ tassa abhirucitaṃ, tadamhākampi abhirucitameva, tasmā **sabbeva pabbajāma bhoti**. “Bho”ti tesāṃ brāhmaṇānaṃ ālapanāṃ. “Pabbajāma kho”tipi pāṭho, pabbajāma evāti attho. Mahāsattassa hi pabbajjāchandaṃ viditvā Upakañcanādayo cha bhātaro bhaginī ca Kañcanadevī pabbajitukāmāva ahesuṃ, tena tepi mātāpitūhi gharāvāsena nimantiyamānā na icchiṃsuyeva. Tasmā evamāhaṃsuṃ “sabbeva pabbajāma bho”ti.

1. Patāretunti (Sī)

Evañca pana vatvā mahāsattaṃ mātāpitaro pakkositvā attanopi adhippāyaṃ tassa ācikkhitvā “tāta yadi pabbajitukāmosi, asītikoṭṭidhanam tava santakam yathāsukham vissajjehī”ti āhaṃsu. Atha nam mahāpuriso kapaṇaddhikādīnam vissajjtvā mahābhinnikkhamanam nikkhamitvā Himavantam pāvisi. Tena saddhim mātāpitaro cha bhātaro ca bhaginī ca eko dāso ekā dāsī eko ca sahāyo gharāvāsam pahāya agamaṃsu. Tena vuttam—

41. “Ubho mātā pitā mayham, bhaginī ca satta bhātaro.
Amitadhanam chaḍḍayitvā, pavisimhā mahāvanan”ti.

Jātakatṭhakathāyam¹ pana “mātāpitūsu kalamkatesu tesam kattabbakiccam katvā mahāsatto mahābhinnikkhamanam nikkhamī”ti vuttam.

Evam Himavantam pavisitvā ca te bodhisattappamukhā ekam padumasaram nissāya ramaṇīye bhūmibhāge assamam katvā pabbajitvā vanamūlaphalāhārā yāpayiṃsu. Tesu Upakañcanādayo aṭṭha janā vārena phalāphalam āharitvā ekasmiṃ pāsāṇaphalake attano itaresaṅca koṭṭhāse katvā ghaṇṭisaññam datvā attano koṭṭhāsam ādāya vasanaṭṭhānam pavisanti. Sesāpi ghaṇṭisaññāya paṇṇasālato nikkhamitvā attano attano pāpuṇakoṭṭhāsam ādāya vasanaṭṭhānam gantvā paribhuñjitvā samaṇadhammam karonti.

Aparabhāge bhisāni āharitvā tatheva khādanti. Tattha te² ghoratapā paramadhitindriyā³ kasiṇaparikkammaṃ karontā viharimṃsu. Atha nesam sīlatejena Sakkassa bhavanam kampi. Sakko tam kāraṇam ñatvā “ime isayo vīmaṃsissāmī”ti attano ānubhāvena mahāsattassa koṭṭhāse tayo divase antaradhāpesi. Mahāsatto paṭhamadivase koṭṭhāsam adisvā “mama koṭṭhāso pamuṭṭho bhavissatī”ti cintesi. Dutiyadivase “mama dosena bhavitabbam, paṇāmanavasena mama koṭṭhāsam na ṭhapitam maññe”ti cintesi. Tatiyadivase “tam kāraṇam sutvā khamāpessāmī”ti sāyanhasamaye ghaṇṭisaññam datvā tāya saññāya sabbesu sannipatitesu tamattham ārocetvā tīsupi

1. Jātaka-Ṭṭha 4. 305 piṭṭhe.

2. Tathā (Sī)

3. Parivāritindriyā (Sī)

divasesu tehi jeṭṭhakoṭṭhāsassa ṭhapitabhāvaṃ sutvā “tumhehi mayhaṃ koṭṭhāso ṭhapito, mayā pana na laddho, kim nu kho kāraṇaṃ”ti āha. Taṃ sutvā sabbeva saṃvegappattā ahesuṃ.

Tasmim assame rukkhadevatāpi attano bhavanato otarivā tesam santike nisīdi. Manussānaṃ hatthato palāyivā araññaṃ pavittḥo eko vāraṇo ahituṇḍikahatthato palāyivā mutto sappakīlāpanako eko vānaro ca tehi isihi kataparicayā tadā tesam santikaṃ gantvā ekamantaṃ aṭṭhaṃsu. Sakkopi “isigaṇaṃ pariggaṇhissāmi”ti adissamānakāyo tattheva aṭṭhāsi. Tasmīṃca khaṇe bodhisattassa kaniṭṭho Upakañcanaṭāpaso uṭṭhāya bodhisattaṃ vandivā sesānaṃ apacitīṃ dassetvā “ahaṃ saññaṃ paṭṭhapetvā¹ attānaññeva sodhetuṃ labhāmi”ti pucchivā “āma labhasī”ti vutte isigaṇamajjhe ṭhatvā sapathaṃ karonto—

“Assaṃ gavaṃ rajataṃ jātarūpaṃ,
Bhariaṃ ca so idha labhataṃ manāpaṃ.
Puttehi dārehi samaṅgi hotu,
Bhisāni te brāhmaṇa yo ahāsi”ti²—

imaṃ gāthaṃ abhāsi. Imaṃ hi so “yattakāni piyavatthūni honti, tehi vippayoge tattakāni dukkhāni uppajjantī”ti vatthukāme garahanto āha.

Taṃ sutvā isigaṇo “mārisa mā kathaya, atibhāriyo te sapatho”ti kaṇṇe pidahi. Bodhisattopi “atibhāriyo te sapatho, na tvaṃ tāta gaṇhasi, tava pattāsane nisīdā”ti āha. Sesāpi sapathaṃ karontā yathākkamaṃ—

“Mālaṃ ca so kāsikacandanaṃ ca,
Dhāretu putta’ssa bahū bhavantu.
Kāmesu tibbaṃ kurutaṃ apekkhaṃ,
Bhisāni te brāhmaṇa yo ahāsi.

1. Aññaṃ apaṭṭhapetvā (Ka)

2. Khu 5. 285 piṭṭhe.

Pahūtadhañño kasimā yasassī,
 Putte gihī dhanimā sabbakāme.
 Vayaṃ apassaṃ gharamāvasātu,
 Bhisāni te brāhmaṇa yo ahāsi.

So khattiyo hotu pasayhakārī,
 Rājābhirājā balavā yasassī.
 Sacāturantaṃ mahi'māvasātu,
 Bhisāni te brāhmaṇa yo ahāsi.

So brāhmaṇo hotu avītarāgo,
 Muhuttanakkhattapathesu yutto.
 Pūjetu naṃ raṭṭhapaṭī yasassī,
 Bhisāni te brāhmaṇa yo ahāsi.

Ajjhāyakaṃ sabbasamantavedaṃ¹,
 Tapassinaṃ maññatu sabbaloko.
 Pūjentu naṃ jānapadā samecca,
 Bhisāni te brāhmaṇa yo ahāsi.

Catussadaṃ gānavaraṃ samiddhaṃ,
 Dinnaṃ hi so bhuñjatu vāsavena.
 Avītarāgo maraṇaṃ upetu,
 Bhisāni te brāhmaṇa yo ahāsi.

So gāmaṇī hotu sahāyamajjhe,
 Naccehi gītehi pamodamāno.
 So rājato byasanamā'lattha kiñci,
 Bhisāni te brāhmaṇa yo ahāsi.

Taṃ ekarājā pathaviṃ vijetvā,
 Itthīsaḥassassa ṭhapetu agge.
 Sīmantiṇīnaṃ pavarā bhavātu,
 Bhisāni te brāhmaṇa yā ahāsi.

1. Sabbasamantavedaṃ (Sī, Ka)

Isīnaṃ hi sā sabbasamāgatānaṃ,
 Bhuñjeyya sādum avikampamānā.
 Carātu lābhena vikatthamānā,
 Bhisāni te brāhmaṇa yā ahāsi.

Āvāsiko hotu mahāvihāre,
 Navakammiko hotu Gajaṅgalāyaṃ.
 Ālokasandhim divasaṃ karotu,
 Bhisāni te brāhmaṇa yo ahāsi.

So bajjhataṃ pāsasatehi chamhi,
 Rammā vanā nīyatu rājadhāniṃ.
 Tuttehi so haññatu pācanehi,
 Bhisāni te brāhmaṇa yo ahāsi.

Alakkamālī tipukaṇṇapiṭṭho,
 Laṭṭhihato sappamukhaṃ upetu.
 Sakacchabandho visikhaṃ carātu,
 Bhisāni te brāhmaṇa yo ahāsi”ti¹—

imā gāthāyo avocum.

Tattha **tibbanti** vatthukāmakilesakāmesu bahalaṃ apekkhaṃ karotu. **Kasimāti** sampannakasikammo. **Putte gihī dhanimā sabbakāmeti** putte labhatu, gihī hotu, sattavidhena dhanena dhanimā hotu, rūpādibhede sabbakāme labhatu. **Vayaṃ apassanti** mahallakakālepi apabbajitvā attano vayaṃ apassanto pañcakāmaguṇasamiddhaṃ gharameva āvasatu. **Rājabhirājāti** rājūnaṃ antare atirājā. **Avītarāgoti** purohitaṭṭhānataṇhāya sataṇho. **Tapassinanti** tapasīlaṃ, sīlasampannoti naṃ maññatu. **Catussadanti** ākiṇṇamanussatāya manussehi pahūtadhaññatāya dhaññena sulabhadārutāya dārūhi sampannodakatāya udakenāti catūhi ussannaṃ. **Vāsavenāti** vāsavena dīnaṃ viya acalaṃ, vāsavato laddhavarānubhāveneva² rājānaṃ ārādhetaṃ tena dinnantipi attho. **Avītarāgoti** avigatarāgo kaddame sūkaro viya kāmapaṅke nimuggova hotu.

1. Khu 5. 285 piṭṭhādīsu.

2. Laddhavarānubhāvenekam (Si)

Gāmaṇīti gāmajetṭhako. **Tanti** taṃ itthiṃ. **Ekarājā**ti aggarājā.
Itthisahassassāti vacanamatṭhatāya vuttam, soḷasannam itthisahassānam
 aggaṭṭhāne ṭhapetūti attho. **Sīmantinī**nantī sīmantadharānam, itthīnantī attho.
Sabbasamāgatānantī sabbesam sannipatitānam majjhe nisīditvā.
Avikampamānāti anosakkamānā sādurasam bhuñjatūti attho. **Carātu lābhena**
vikatthamānāti lābhahetu siṅgāra vesam gahetvā lābham uppādetum caratu.
Āvāsikoti āvāsajagganako. **Gajaṅgalā**yanti evamnamake nagare, tattha kira
 dabbasambhārā sulabhā. **Āloka**sandhiṃ **divasanti** ekadivasena ekameva
 vātapānam karotu. So kira devaputto Kassapabuddhakāle
 Gajaṅgalanagaram¹ nissāya yojanike mahāvihāre āvāsiko saṅghatthero
 hutvā jiṇṇe vihāre navakammāni karontova mahādukkham anubhavi, taṃ
 sandhāyāha.

Pāsatehīti bahūhi pāsehi. **Chamhī**ti catūsu pādesu gīvāya kaṭṭibhāge
 cāti chasu ṭhānesu. **Tuttehī**ti dvikaṇṭakāhi dīghalaṭṭhīhi. **Pācanehī**ti
 rassapācanehi, ankusakehi vā. **Alakkamālī**ti ahituṇḍikena kaṇṭhe
 parikkhipitvā ṭhapitāya alakkamālāya samannāgato. **Tipukaṇṇapiṭṭhoti**
 tipupīlandhanena pīlandhitapiṭṭhikaṇṇo kaṇṇapiṭṭho. **Laṭṭhihatoti**
 sappakīlāpanam sikkhāpayamāno laṭṭhiyā hatu hutvā. Sabbam te
 kāmabhogaṃ gharāvāsam attanā attanā anubhūta dukkhaṃca jigucchantā
 tathā tathā sapaṭham karontā evamāhamsu.

Atha bodhisatto “sabbehi imehi sapaṭho kato, mayāpi kātum vaṭṭatī”ti
 sapaṭham karonto—

“Yo ve anaṭṭhamva naṭṭhanti cāha,
 Kāmeva so labhataṃ bhuñjataṃ ca.
 Agāramajjhe maraṇam upetu,
 Yo vā bhonto saṅkati kañci devā”ti²—

imam gāthamāha.

Tattha **bhontoti** bhavanto. **Saṅkatī**ti āsaṅkati. **Kañcī**ti aññataram.

1. Kajaṅgalanagaram (Sī)

2. Khu 5. 287 piṭṭhe.

Atha Sakko “sabbepime kāmesu nirapekkhā”ti jānitvā saṁviggamānaso na imesu kenacipi bhisāni nītāni, nāpi tayā anaṭṭhaṁ naṭṭhanti vuttaṁ, api ca ahaṁ tumhe vīmaṁsitukāmo antaradhāpesinti dassento—

“Vīmaṁsamāno isino bhisāni,
Tīre gahetvāna thale nidhesim.
Suddhā apāpā isayo vasanti,
Etāni te brahmacārī bhisāni”¹—

osānagāthamāha.

Taṁ sutvā bodhisatto—

“Na te naṭā no pana kīlaneyyā,
Na bandhavā no pana te sahāyā².
Kismim vu’patthambha sahasanetta,
Isīhi tvaṁ kīlasi Devarāja”³—

Sakkaṁ tajjesi.

Atha naṁ Sakko—

“Ācariyo mesi pitā ca mayhaṁ,
Esā patiṭṭhā khalitassa brahme.
Ekāparādhaṁ khama bhūripañña,
Na paṇḍitā kodhabalā bhavanti”³—

khamāpesi.

Mahāsatto Sakkassa devaraṅṅo khamitvā sayam isigaṇaṁ khamāpento—

“Suvāsitaṁ isinaṁ ekarattaṁ,
Yaṁ Vāsavaṁ bhūtapati’ddasāma.
Sabbeva bhonto sumanā bhavantu,
Yaṁ brāhmaṇo paccupādī⁴ bhisāni”³—

āha.

1. Khu 5. 287 piṭṭhe. 2. Sahāsā (Sī) 3. Khu 5. 288 piṭṭhe. 4. Paccapādī (Sī)

Tattha **na te naṭā**ti Devarāja mayam tava naṭā vā kīḷitabbayuttakā vā na homa. Nāpi tava nātakā, na **sahāyā** hassam katabbā. Atha tvaram **kismim vupatthambhāti** kim upatthambhakam katvā, kim nissāya isihi saddhim kīḷasīti attho. **Esā patiṭṭhāti** esā tava pādacchāyā ajja mama khalitassa aparādhassa patiṭṭhā hotu. **Suvāsitanti** āyasmantānam isīnam ekarattimpi imasmim araṇṇe vasitam suvasitameva. Kimkāraṇā? **Yam vāsavam bhūtapatim** addasāma. Sace hi mayam nagare avasimhā, na imam addasāma. **Bhontoti bhavanto**. Sabbepi **sumanā bhavantu** tussantu, Sakkassa devaraṇṇo khamantu, kimkāraṇā? **Yam brāhmaṇo paccupādī bhisāni** yasmā tumhākam ācariyo bhisāni alabhīti. Sakko isigaṇam vanditvā devalokam gato. Isigaṇopi jhānābhiṇṇāyo nibbattetvā brahmalokūpago ahosi, tadā Upakaṇcanādayo cha bhātarō Sāriputta moggallānamahākassapa-anuruddhapuṇṇa-ānandattherā, bhaginī Uppalavaṇṇā, dāsī Khujjuttarā, dāso Citto gahapati, rukkhadevatā Sātāgiro, vāraṇo Pālileyyanāgo, vānaro Madhuvāsīṭṭho, Sakko Kāḷudāyī, Mahākaṇcanatāpaso Lokanātho.

Tassa idhāpi heṭṭhā vuttanayeneva dasa pāramiyo niddhāretabbā. Tathā accantameva kāmesu anapekkhatādayo guṇānubhāvā vibhāvetabbāti.

Bhisacariyāvaṇṇanā niṭṭhitā.

5. Soṇapaṇḍitacariyāvaṇṇanā

42. Pañcame **nagare Brahmavaḍḍhaneti** Brahmavaḍḍhananāmake nagare. **Kulavareti** aggakule. **Seṭṭheti** pāsamsatame. **Mahāsāleti** mahāsāre. **Ajāyahanti** ajāyim aham. Idam vuttam hoti—tasmim kāle “brahmavaḍḍhanan”ti laddhanāme Bārāṇasinagare **yadā homi bhavāmi paṭivasāmi**, tadā abhiḷātasampattiyā uditoditabhāvena agge vijjāvatasampattiyā seṭṭhe asītikoti vibhavatāya mahāsāle brāhmaṇakule aham uppajjinti.

Tadā hi mahāsatto brahmalokato cavitvā Brahmavaḍḍhananagare asītkoṭivibhavassa aññatarassa brāhmaṇamahāsālassa putto hutvā nibbatti, tassa nāmaggaṇadivase “Soṇakumāro”ti nāmaṃ karimsu. Tassa padasā gamanakāle aññopi satto brahmalokā cavitvā bodhisattassa mātuyā kucchimhi paṭisandhimṅaṇhi, tassa jātassa “Nandakumāro”ti nāmaṃ karimsu. Tesam uggahitavedānaṃ sabbasippanipphattippattānaṃ vayappattānaṃ rūpasampadaṃ disvā tuṭṭhahaṭṭhā mātāpitaro “gharabandhanena bandhissāmā”ti paṭhamam Soṇakumāraṃ āhaṃsu “tāta te patirūpakulato dārikam ānessāma, tvaṃ kuṭumbaṃ paṭipajjāhī”ti.

Mahāsatto “alam mayham gharāvāsena, aham yāvajivam tumhe paṭijaggitvā tumhākam accayena pabbajissāmī”ti āha, mahāsattassa hi tadā tayopi bhavā ādittam agāram viya aṅgarakāsu viya ca upaṭṭhahimsu. Visesto panesa nekkhammajjhāsayo nekkhammādhimutto ahosi. Tassa adhippāyam ajānantā te punappunam kathentāpi tassa cittam alabhitvā Nandakumāraṃ āmantetvā “tāta tena hi tvaṃ kuṭumbaṃ paṭipajjāhī”ti vatvā tenāpi “nāham mama bhātaraṃ chaḍḍitakheḷam sīsena ukkhipāmi, ahampi tumhākam accayena bhātaraṃ saddhim pabbajissāmī”ti vutte “ime evam taruṇā kāme jahanti, kimaṅgam pana mayanti sabbeva pabbajissāmā”ti cintetvā “tāta kim vo amhākam accayena pabbajjāya, sabbe saheva pabbajāmā”ti vatvā ñātīnam dātabbayuttakam datvā dāsajanam bhujissam katvā rañño ārocetvā sabbam dhanam vissajjetvā mahādānam pavattetvā cattāropi janā Brahmavaḍḍhananagarā nikkhamitvā Himavantappadese padumapuṇḍarikamaṇḍitam mahāsaram nissāya ramaṇīye vanasaṇḍe assamam māpetvā pabbajitvā tattha vasimsu. Tena vuttam—

43. “Tadāpi lokam disvāna, andhībhūtam tamotthaṭam.

Cittam bhavato patikuṭati, tuttavegahatam viya.

44. Disvāna vividham pāpam, evam cintesaham tadā.

Kadāham gehā nikkhamma, pavisissāmi kānanam.

45. Tadāpi mam nimantimsu, kāmabhogehi ñātayo.

Tesampi chandamācikkhim, mā nimantetha tehi mam.

46. Yo me kaniṭṭhako bhātā, Nando nāmāsi paṇḍito.
Sopi maṃ anusikkhanto, pabbajjāṃ samarocayi.

47. Ahaṃ Soṇo ca Nando ca, ubho mātāpitā mama.
Tadāpi bhoge chaḍḍetvā, pāvisimhā mahāvanan”ti.

Tattha **tadāpī**ti yadā ahaṃ Brahmavaḍḍhananagare Soṇo nāma brāhmaṇakumāro ahoṣim, tadāpi. **Lokaṃ disvānā**ti sakalampi sattalokaṃ paññācakkhunā passivā. **Andhībhū**nti paññācakkhuvirahena andhajātaṃ andhabhāvaṃ pattam. **Tamottha**ṇanti avijjandhakārena abhibhūtaṃ. **Cittaṃ bhavato patikuṭa**tīti jāti-ādisaṃvegavatthupaccavekkhaṇena kāmādhivhavato mama cittaṃ saṅkuṭati sannilīyati na visarati. **Tuttavegahataṃ viyā**ti tuttaṃ vuccati ayokaṇṭakasīso dīghadaṇḍo, yo patodoti vuccati, tena vegasā abhihato yathā hatthājanīyo saṃvegappatto hoti, evaṃ mama cittaṃ tadā kāmādīnavapaccavekkhaṇena saṃvegappattanti dasseti.

Disvāna vividhaṃ pāpanti gehaṃ āvasantehi gharāvāsanimittaṃ chandadosādivasena karīyamānaṃ nānāvidhaṃ paṇātipātādipāpakammañceva tannimittañca nesaṃ lāmakabhāvaṃ passivā. **Evaṃ cintesahaṃ tadā**ti “kadā nu kho ahaṃ mahāhatthī viya ayabandhanaṃ gharabandhanaṃ chinditvā gehato nikkhamanavasena vanaṃ pavississāmi”ti evaṃ tadā Soṇakumārakāle cintesiṃ ahaṃ. **Tadāpi maṃ nimantimsū**ti na kevalaṃ Ayogharapaṇḍitādīkāleyeva, atha kho tadāpi tasmim Soṇakumārakālepi maṃ mātāpitu-ādayo nātayo kāmabhogino kāmajjhāsaya “ehi tāta imaṃ asītikotiḍhanaṃ vibhavaṃ paṭipajja, kulavaṃsaṃ paṭiṭṭhāpehi”ti uḷārehi bhogehi nimantayimsu. **Tesampi chandamācikkhinti** tesampi mama nātīnaṃ tehi kāmabhogehi mā maṃ nimantayittāti attano chandampi ācikkhimi, pabbajjāya ninnajjhāsayampi kathesiṃ, yathājjhāsayaṃ paṭipajjathāti adhippāyo.

Sopi maṃ anu sikkhantoti “ime kāmā nāma appassādā bahudukkhā bahūpāyāsā”ti-ādīnā¹ nayena nānappakāraṃ kāmesu ādīnavam paccavekkhitvā yathāhaṃ silādīni sikkhanto pabbajjāṃ rocesiṃ, sopi

1. Ma 1. 182; Ma 2. 28; Vi 2. 175 piṭṭhādīsu.

Nandapaṇḍito tatheva tassa nekkhammena maṃ anusikkhanto **pabbajjāṃ samarocayīti. Ahaṃ Soṇo ca Nando cāti** tasmim̄ kāle Soṇanāmakō ahaṃ mayhaṃ kaniṭṭhabhātā Nando cāti. **Ubho mātāpitāmamāti** “ime nāma puttakā evaṃ taruṇakālepi kāme jahanti, kimaṅgaṃ pana mayan”ti uppannasamvegā mātāpitaro ca. **Bhoge chaddetvāti** asītikotivibhavasamiddhe mahā bhoge anapekkhacittā khelapiṇḍaṃ viya pariccajivā mayāṃ cattāropi janā Himavantappadese **mahāvanāṃ** nekkhammajjhāsayena pavisimhāti attho.

Pavisitvā ca te tattha ramaṇīye bhūmibhāge assamaṃ māpetvā tāpasapabbajjāya pabbajitvā tattha vasimsu. Te ubhopi bhātaro mātāpitaro paṭijaggimsu. Tesu Nandapaṇḍito “mayā ābhataphalāphalāneva mātāpitaro khādāpessāmī”ti hiyyo ca purimagocaragahitaṭṭhānato ca yāni tāni avasesāni phalāphalāni pātova ānetvā mātāpitaro khādāpeti. Te tāni khādītva mukhaṃ vikkhāletvā uposathikā honti. Soṇapaṇḍito pana dūraṃ gantvā madhuramadhurāni supakkāni āharitvā upanāmeti. Atha naṃ te “tāta kaniṭṭhena ābhatāni mayāṃ khādītva uposathikā jātā, idāni no attho natthī”ti vadanti. Iti tassa phalāphalāni paribhogaṃ na labhanti vinassanti, punadivasādīsipi tathevāti evaṃ so pañcābhiññatāya dūrampi gantvā āharati, te pana na khādanti.

Atha mahāsatto cintesi “mātāpitaro sukhumā, Nando ca yāni tāni apakkāni duppakkāni phalāphalāni āharitvā khādāpeti, evaṃ sante ime na ciraṃ pavattissanti, vāressāmi nan”ti. Atha naṃ āmantetvā “Nanda ito paṭṭhāya phalāphalaṃ āharitvā mamāgamaṇaṃ patimānehi, ubho ekatova khādāpessāmā”ti āha. Evaṃ vuttepi attano puññaṃ paccāsīsanto na tassa vacanamakāsi. Mahāsatto taṃ upaṭṭhānaṃ āgataṃ “na tvaṃ paṇḍitānaṃ vacanaṃ karosi, ahaṃ jeṭṭho, mātāpitaro ca mameva bhāro, ahameva ne paṭijaggissāmi, tvaṃ ito aññattha yāhī”ti tassa accharam̄ pahari.

So tena paṇāmito tattha ṭhātum̄ asakkonto taṃ vanditvā mātāpitūnaṃ tamatthaṃ ārocetvā attano paṇṇasālaṃ pavisitvā

kasiṇaṃ oloketvā taṃdivasameva aṭṭha ca samāpattiyo pañca ca abhiññāyo nibbattetvā cintesi “kiṃ nu kho ahaṃ Sinerupādato ratanavālukaṃ āharitvā mama bhātu paṇṇasālāpariveṇaṃ ākiritvā khamāpessāmi, udāhu Anotattato udakaṃ āharitvā khamāpessāmi. Atha vā me bhātā devatāvasena khomeyya, cattāro mahārājāno Sakkañca devarājānaṃ ānetvā khamāpessāmi, evaṃ pana na sobhissati, ayaṃ kho Manojō Brahmavaḍḍhanarājā sakalajambudīpe aggarājā, taṃ ādiṃ katvā sabbe rājāno ānetvā khamāpessāmi, evaṃ sante mama bhātu guṇo sakalajambudīpaṃ avattharivā gamissati, cando viya sūriyo viya ca paññāyissati”ti.

So tāvadeva iddhiyā gantvā Brahmavaḍḍhananagare tassa rañño nivesanadvāre otarivā “eko tāpaso tumhe daṭṭhukāmo”ti rañño ārocāpetvā tena katokāso tassa santikaṃ gantvā ahaṃ attano balena sakalajambudīpe rajjaṃ gahetvā tava dassāmīti. Kathaṃ pana tumhe bhante sakalajambudīpe rajjaṃ gahetvā dassathāti. Mahārāja kassaci vadhacchedaṃ akatvā attano iddhiyāva gahetvā dassāmīti mahatiyā senāya saddhiṃ taṃ ādāya Kosalaraṭṭhaṃ gantvā nagarassa avidūre khandhāvāraṃ nivesetvā “yuddhaṃ vā no detu, vase vā vattatū”ti Kosalarañño dūtaṃ pāhesi. Tena kujjhitvā yuddhasajjena hutvā nikkhantena saddhiṃ yuddhe āraddhe attano iddhānubhāvena yathā dvinnaṃ senānaṃ piḷanaṃ na hoti, evaṃ katvā yathā ca Kosalarājā tassa vase vattati, evaṃ vacanapaṭivacanaharaṇehi saṃvidahi. Etenupāyena sakalajambudīpe rājāno tassa vase vattāpesi.

So tena parituṭṭho Nandapaṇḍitaṃ āha “bhante tumhehi yathā mayhaṃ paṭiññātaṃ, tathā kataṃ, bahūpakārā me tumhe, kimahaṃ tumhākaṃ karissāmi, ahaṃ hi te sakalajambudīpe upaḍḍharajjampi¹ dātuṃ icchāmi, kimaṅgaṃ pana hatthi assa ratha maṇi muttā pavāḷa rajata suvaṇṇa dāsi dāsaparijanaparicchedan”ti. Taṃ sutvā Nandapaṇḍito na me te mahārāja rajjena attho, nāpi hatthiyānādīhi, api ca kho te raṭṭhe asukasmīṃ nāma assame mama mātāpitaro pabbajitvā vasanti, tyāhaṃ upaṭṭhahanto

1. Uparajjampi (Ka)

ekasmiṃ aparādhe mama jeṭṭhabhātikena Soṇapaṇḍitena nāma mahesinā
 paṇādhito, svāhaṃ taṃ ādāya tassa santikaṃ gantvā khamāpessāmi, tassa
 me tvaṃ khamāpane sahāyo hohīti. Rājā “sādhū”ti sampañcchitvā
 catuvīsati-akkhobhani¹ parimāṇāya senāya parivuto ekasatarājūhi saddhiṃ
 Nandapaṇḍitaṃ purakkhatvā taṃ assamapadaṃ patvā caturaṅgulappadesaṃ
 muñcivā ākāse ṭhitena kājena Anotattato udakaṃ āharitvā pānīyaṃ
 paṭisāmetvā pariveṇaṃ sammajjitvā mātāpitūnaṃ āsannappadesaṃ nisinnaṃ
 jhānaratisamappitaṃ mahāsattaṃ upasaṅkamtivā Nandapaṇḍito naṃ
 khamāpesi. Mahāsatto Nandapaṇḍitaṃ mātaraṃ paṭicchāpetvā attanā
 yāvajivaṃ pitaraṃ paṭijaggi. Tesāṃ pana rājūnaṃ—

“Ānando ca pamodo ca, sadā hasitakīlitaṃ.
 Mātaraṃ paricaritvāna, labbhametaṃ vijānatā.

Ānando ca pamodo ca, sadā hasitakīlitaṃ.
 Pitaraṃ paricaritvāna, labbhametaṃ vijānatā.

Dānañca peyyavajjañca, atthacariyā ca yā idha.
 Samānattatā ca dhammesu, tatha tatha yathārahaṃ.
 Ete kho saṅgahā loke, rathassāṇiva yāyato.

Ete ca saṅgahā nāssu, na mātā puttakāraṇā.
 Labbhettha mānaṃ pūjaṃ vā, pitā vā puttakāraṇā.

Yasmā ca saṅgahā ete, sammapekkhanti paṇḍitā.
 Tasmā mahattaṃ papponti, pāsaṃsā ca bhavanti te.

Brahmāti mātāpitāro, pubbācariyāti vuccare.
 Āhuneyyā ca puttānaṃ, pajāya anukampakā.

Tasmā hi ne namasseyya, sakkareyya ca paṇḍito.
 Annena atha pānena, vatthena sayanena ca.
 Uccādanena nhāpanena, pādānaṃ dhovanena ca.

Tāya naṃ pāricariyāya, mātāpitūsu paṇḍitā.
 Idheva naṃ pasaṃsanti, pecca sagge pamodati²—

1. ...akkhobhiṇī... (Sī, Ka)

2. Khu 6. 81 piṭṭhādīsu.

Buddhalīlāya dhammaṃ desesi, taṃ sutvā sabbepi te rājāno sabalakāyā pasīdiṃsu. Atha ne pañcasu sīlesu paṭiṭṭhāpetvā “dānādīsu appamattā hothā”ti ovaḍitvā vissajjesi. Te sabbepi dhammena rajjaṃ kāretvā āyupariyosāne devanagaraṃ pūrayiṃsu. Bodhisatto “ito paṭṭhāya mātaraṃ paṭijaggāhī”ti mātaraṃ Nandapaṇḍitaṃ paṭicchāpetvā attanā yāvajīvaṃ pītaṃ paṭijaggi. Te ubhopi āyupariyosāne brahmalokaparāyanā ahesuṃ. Tadā mātāpitaro mahārājakulāni, Nandapaṇḍito Ānandatthero, Manojō rājā Sāriputtatthero, ekasatarājāno asītimahātherā ceva aññataratherā ca, catuvīsati-akkhobhanīparisā Buddhaparisā, Soṇapaṇḍito Lokanātho.

Tassa kiñcāpi sātisayā nekkhammapāramī, tathāpi heṭṭhā vuttanayeneva sesapāramiyo ca niddhāretabbā. Tathā accantameva kāmesu anapekkhatā, mātāpītūsu tibbo sagāravasappatissabhāvo, mātāpitu-upaṭṭhānena atitti, satipi nesam upaṭṭhāna sabbakālaṃ samāpattivihārehi vītināmananti evamādayo mahāsattassa guṇānubhāvā vibhāvetabbāti.

Soṇapaṇḍitacariyāvaṇṇanā niṭṭhitā.

Nekkhmapāramī niṭṭhitā.

6. Temiyacariyāvaṇṇanā

48. Chaṭṭhe **Kāsirājassa atrajoti** Kāsirañño atrajo putto **yadā homi**, tadā **mūgapakkhoti nāmena**, **Temiyoti vadanti manti** Temiyoti nāmena mūgapakkhavatādhiṭṭhānena “Mūgapakkho”ti mātāpitaro ādiṃ katvā sabbeva maṃ vadantīti sambandho. Mahāsattassa hi jātadivase sakalakāsiraṭṭhe devo vassī, yasmā ca so rañño ceva amaccādīnañca hadayaṃ uḷārena pītisinehena temayamāno uppanno, tasmā “Temiyakumāro”ti nāmaṃ ahosi.

49. **Soḷasitthisahassānanti** soḷasannaṃ Kāsirañño itthāgārasahassānaṃ. **Na vijjati pumoti** putto na labbhati. Na kevalaṅca putto eva, dhītāpissa natthi eva. **Ahorattānaṃ accayena, nibbatta ahamekakoti** aputtakasseva tassa rañño bahūnaṃ saṃvaccharānaṃ atītattā anekesaṃ ahorattānaṃ apagamanena¹ sakkadattiyō ahamekakova bodhipariyesanaṃ caramāno tadā tassa putto hutvā uppannoti Satthā vadati.

Tatrāyaṃ anupubbikathā—atīte Bārāṇasiyaṃ Kāsirājā rajjaṃ kāresi. Tassa soḷasasahassā itthiyo ahesuṃ. Tāsu ekāpi puttaṃ vā dhītaraṃ vā na labhati, nāgarā “amhākaṃ rañño vaṃsānurakkhako ekopi putto natthi”ti vippaṭṭisārī jātā sannipatitvā rājānaṃ “puttaṃ patthehi”ti āhaṃsu. Rājā soḷasasahassā itthiyo “puttaṃ patthethā”ti āṇāpesi. Tā candādīnaṃ upaṭṭhānādīni katvā patthentiyopi na labhiṃsu. Aggamaheṣi panassa Maddarājadhītā Candādevī nāma sīlasampannā ahoṣi. Rājā “tvampi puttaṃ patthehi”ti āha. Sā puṇṇamadivase uposathikā hutvā attano sīlaṃ āvajjetvā “sacāhaṃ akhaṇḍasīlā, iminā me saccena putto uppajjatū”ti saccakiriyamakāsi. Tassā sīlatejena Sakkassa āsanaṃ uṇhākāraṃ dassesi. Sakko āvajjento taṃ kāraṇaṃ ñatvā “Candādeviyā puttapaṭilābhassa upāyaṃ karissāmi”ti tassā anucchavikaṃ puttaṃ upadhārento bodhisattaṃ Tāvatisabhavane nibbattitvā tattha yāvatāyukaṃ ṭhatvā tato cavitvā uparidevaloke uppajjitukāmaṃ disvā tassa santikaṃ gantvā “samma tayi manussaloke upanne pāramiyo ca te pūressanti, mahājanassa ca vuḍḍhi bhavissati, ayaṃ kāsirañño Candā nāma aggamaheṣi puttaṃ pattheti, tassā kucchiyaṃ uppajjāhī”ti āha.

So “sādhū”ti paṭissuṇitvā tassā kucchiyaṃ paṭisandhiṃ gaṇhi. Tassa saḥāyā pañcasatā devaputtā khīṇāyukā devalokā cavitvā tasseva rañño amaccabhariyānaṃ kucchisu paṭisandhiṃ gaṇhiṃsu. Devī gabbhassa paṭiṭṭhitabhāvaṃ ñatvā rañño ārocesi. Rājā gabbhaparihāraṃ dāpesi. Sā paripuṇṇagabbhā dhañṇapuñṇalakkhaṇasampannaṃ puttaṃ vijāyi. Tamdivasameva

1. Accayena (Si)

amaccagehesu pañcakumārasatāni vijāyimsu. Ubhayampi sutvā rājā “mama puttassa parivārā etc”ti pañcannaṃ dāraḥkasatānaṃ pañcadhātisatāni pesetvā kumārapasādhanāni ca pesesi. Mahāsattassa pana atidīghādidosavivajjitā alambatthanā madhurathaññā catusaṭṭhidhātiyo datvā mahantaṃ sakkāraṃ katvā Candādeviyāpi varaṃ adāsi. Sā gahitakaṃ katvā ṭhapesi. Dārako mahatā parivārena vadḍhati. Atha naṃ ekamāsikaṃ alaṅkaritvā rañño santikaṃ ānayimsu. Rājā piyaputtaṃ oloketvā āliṅgitvā aṅke nisīdāpetvā ramayamāno nisīdi.

50. Tasmim̐ khaṇe cattāro corā ānītā. Rājā tesu ekassa sakaṇṭakāhi kasāhi pahārasahassaṃ āṇāpesi, ekassa saṅkhalikāya bandhitvā bandhanāgārappavesanaṃ, ekassa sarīre sattippahāradānaṃ, ekassa sūlāropanaṃ. Mahāsatto pitu kathaṃ sutvā saṃvegappatto hutvā “aho mama pitā rajjaṃ nissāya bhāriyaṃ nirayagāmikammaṃ karotī”ti cintesi. Punadivase naṃ setacchattassa heṭṭhā alaṅkatasirisayane nipajjāpesuṃ.

So thokaṃ niddāyitvā paṭibuddho akkhīni ummīletvā setacchattaṃ olokento¹ mahantaṃ sirivibhavaṃ passi, athassa pakatiyāpi saṃvegappattassa atirekataraṃ bhayaṃ uppajji. So “kuto nu kho ahaṃ imaṃ rājagehaṃ āgato”ti upadhārento jātissaraññaṇena devalokato āgatabhāvaṃ ṇatvā tato paraṃ olokento Ussadaniraye pakkabhāvaṃ passi. Tato paraṃ olokento tasmim̐yeva nagare rājabhāvaṃ passi. Atha so “ahaṃ vīsativassāni rajjaṃ kāretvā asītivassasahassāni Ussadaniraye paccim̐, idāni punapi imasmim̐ coragehe nibbattosmi, pitāpi me hiyyo catūsu coresu ānītesu tathārūpaṃ pharusāṃ nirayasāmvattanikaṃ kathaṃ kathesi. Na me iminā avidita²vipulānatthāvahena rajjena attho, kathaṃ nu kho imahā coragehā mucceyyan”ti cinto nipajji. Atha naṃ ekā devadhītā “tāta Temiyakumāra mā bhāyi, tīṇi aṅgāni adhiṭṭhahitvā tava sotthi bhavissatī”ti samassāsesi. Tam̐ sutvā mahāsatto

1. Oloketvā (Ka)

2. Avirata... (Sī)

rajjasaṅkhātā anatto mucchitukāmo soḷasasaṁvaccharāni tīṇi aṅgāni acalādhiṭṭhānavasena adhiṭṭhahi. Tena vuttaṁ “**kicchāladdhaṁ piyaṁ puttā**”ti-ādi.

Tattha **kicchāladdhanti** kicchena kasirena cirakālapatthanāya laddhaṁ. **Abhijātanti** jātisampannaṁ. Kāyajutiyā ceva nāṇajutiyā ca samannāgatattā **jutindharaṁ. Setacchattaṁ dhārayitvāna, sayane poseti maṁ pitāti** pitā me Kāsirājā “mā naṁ kumāraṁ rajo vā ussāvo vā”ti jātakālato paṭṭhāya setacchattassa heṭṭhā sirisayane sayāpetvā mahantena parivārena maṁ poseti.

51. **Niddāyamāno sayanavare pabujjhitvā** ahaṁ olokeno **paṇḍaraṁ** setacchattaṁ **addasaṁ. Yenāhaṁ nirayaṁ gatoti** yena setacchattena tato tatiye attabhāve ahaṁ nirayaṁ gato, setacchattasīsenā rajjaṁ vadati.

52. **Saha diṭṭhassa me chattanti** taṁ setacchattaṁ diṭṭhassa diṭṭhavato me saha tena dassanena, dassanasamakālamevāti attho. **Tāso uppajji bheravoti** suparividditādīnavattā bhayānako cittutrāso udapādi. **Vinicchayaṁ samāpanno, kathāhaṁ imaṁ muñcissanti** kathaṁ nu kho ahaṁ imaṁ rajjaṁ kāḷakaṇṇiṁ muñceyyanti evaṁ vicāraṇaṁ āpajjiṁ.

53. **Pubbasālohitā mayhanti** pubbe ekasmiṁ attabhāve mama mātubhūtapubbā tasmim chatte adhivatthā **devatā** mayhaṁ **atthakāminī** hitesinī. **Sā maṁ disvāna dukkhitaṁ, tīsu thānesu yojayīti** sā devatā maṁ tathā cetodukkhena dukkhitaṁ disvā mūgapakkhabadhirabhāvasaṅkhātesu tīsu rajjadukkhato nikkhamanakāraṇesu yojesi.

54. **Paṇḍiccayanti** paṇḍiccaṁ, ayameva vā pāṭho. **Mā vibhāvayāti** mā pakāsehi. **Bālamatoti** bāloti nāto. **Sabboti** sakalo antojano ceva bahijano ca. **Ocināyatūti** nīharathetaṁ kāḷakaṇṇinti avajānātu. **Evaṁ tava attho bhavissatīti** evaṁ yathāvuttanayena avajānitabbabhāve sati tuyhaṁ gehato nikkhamanena **hitaṁ** pāramiparipūraṇaṁ bhavissati.

55. **Tetaṃ vacananti** te etaṃ tīṇi aṅgāni adhiṭṭhāhīti vacanaṃ.
Atthakāmāsi me ammāti amma devate mama atthakāmā asi. **Hitakāmāti**
 tasseva pariyāyavacanaṃ. Atthoti vā ettha sukhaṃ vedītabbaṃ. Hitanti tassa
 kāraṇabhūtaṃ puññaṃ.

56. **Sāgareva thalaṃ labhinti** coragehe vatāhaṃ jāto, ahu me
 mahāvataṇatthoti sokasāgare osīdanto tassā devatāya ahaṃ vacanaṃ sutvā
 sāgare osīdanto viya thalaṃ patiṭṭhaṃ **alabhiṃ**, rajjakulato
 nikkhamaṇopāyaṃ alabhinti attho. **Tayo aṅge adhiṭṭhahinti** yāva gehato
 nikkhamiṃ, tāva tīṇi aṅgāni kāraṇāni adhiṭṭhahiṃ.

57. Idāni tāni sarūpato dassetuṃ “**mūgo ahosin**”ti gāthamāha.

Tattha **pakkhoti** pīṭhasappi. Sesāṃ suviññeyyameva.

Evāṃ pana mahāsatte devatāya dinnanaye ṭhatvā jātavassato paṭṭhāya
 mūgādibhāvena attānaṃ dassente mātāpitaro dhāti-ādayo ca “mūgānaṃ
 hanupariyosānaṃ nāma evarūpaṃ na hoti, badhirānaṃ kaṇṇasotaṃ nāma
 evarūpaṃ na hoti, pīṭhasappīnaṃ hatthapādā nāma evarūpā na honti,
 bhavitabbamettha kāraṇena, vīmaṃsissāma nan”ti cintetvā “khīrena tāva
 vīmaṃsissāmā”ti sakaladivasāṃ khīraṃ na denti, so sussantopi khīratthāya
 saddaṃ na karoti.

Athassa mātā “putto me chāto, khīramassa dethā”ti khīraṃ dāpesi.
 Evāṃ antarantarā khīraṃ adatvā ekasaṃvaccharaṃ vīmaṃsantāpi antaraṃ
 na passīmsu. Tato “kumārakā nāma pūvakhajjakaṃ piyāyanti, phalāphalaṃ
 piyāyanti, kīlanabhaṇḍakaṃ piyāyanti, bhojanaṃ piyāyanti”ti tāni tāni
 palobhanīyāni upanetvā vīmaṃsanavasena palobhentā yāva pañcavassakālā
 antaraṃ na passīmsu. Atha naṃ “dārakā nāma aggito bhāyanti,
 mattahatthito bhāyanti, sappato bhāyanti, ukkhittāsikapurisato bhāyanti, tehi
 vīmaṃsissāmā”ti yathā tehissa anatto na jāyati, tathā purimameva
 saṃvidahitvā atibhayānakākārena upagacchante kāresuṃ.

Mahāsatto nirayabhayaṃ āvajjetvā “ito sataguṇena sahasaguṇena satahasaguṇena nirayo bhāyitabbo”ti niccalova hoti. Evampi vīmaṃsitvā antaraṃ na passantā puna “dārakā nāma samajjatthikā hontī”ti samajjamaṃ kāretvāpi mahāsattaṃ sāṇiyā parikkhipitvā ajānantasseva catūsu passesu saṅkhasaddehi bherisaddehi ca sahasā ekaninnādaṃ kāretvāpi andhakāre ghaṭehi dīpaṃ upanetvā sahasā ālokaṃ dassetvāpi sakalasarīraṃ phāṇitena makkhetvā bahumakkhike ṭhāne nipajjāpetvāpi nhāpanādīni akatvā uccārapassāvamatthake nipannaṃ ajjupekkhitvāpi tattha ca palipannaṃ sayamānaṃ parihāsehi akkosanehi ca ghaṭṭetvāpi heṭṭhāmañce aggikapallaṃ katvā uṇhasantāpena piḷetvāpīti evaṃ nānāvidhehi upāyehi vīmaṃsantāpissa antaraṃ na passimsu.

Mahāsatto hi sabbattha nirayabhayameva āvajjetvā adhiṭṭhānaṃ avikopento niccalova ahoṣi. Evaṃ pannarasavassāni vīmaṃsitvā atha soḷasavassakāle “pīṭhasappino vā hontu mūgabadhira vā rajanīyesu arajjantā dussanīyesu adussantā nāma natthīti nāṭakānissa paccupaṭṭhapetvā vīmaṃsissāmā”ti kumāraṃ gandhodakena nhāpetvā devaputtaṃ viya alaṅkaritvā devavimānakappaṃ pupphagandhadāmādīhi ekāmodapamodaṃ pāsādaṃ āropetvā uttamarūpadharā bhāvavilāsasampannaṃ devaccharāpaṭibhāgā itthiyo upaṭṭhapesuṃ “gacchatha naccādīhi kumāraṃ abhiraṃpethā”ti. Tā upagantvā tathā kātum vāyamimsu. So buddhisampannatāya “imā me sarīrasamphassaṃ mā vindimsū”ti assāsapassāse nirundhi. Tā tassa sarīrasamphassaṃ avindantiyo “thaddhasarīro esa, nāyaṃ manusso, yakkho bhavissatī”ti pakkamimsu.

Evaṃ soḷasa vassāni soḷasahi mahāvīmaṃsāhi anekāhi ca khuddakavīmaṃsāhi pariggaṇhituṃ asakkuṇitvā mātāpitaro “tāta Temiyakumāra mayā tava amūgādibhāvaṃ jānāma, na hi tesā evarūpāni mukhakaṇṇasotapādāni hontī, tvaṃ amhehi patthetvā laddhaputtako, mā no nāsehi, sakalajambudīpe rājūnaṃ santikā garahato mocehī”ti saha visuṃ visuñca anekavāraṃ yācimsu. So tehi evaṃ yāciyamānopi asuṇanto viya hutvā nipajji.

58. Atha rājā mahāsattassa ubho pāde kaṇṇasote jivhaṃ ubho ca hatthe kusalehi purisehi vīmaṃsāpetvā “yadipi apīṭhasappi-ādīnaṃ viyassa pādādayo, tathāpi ayaṃ pīṭhasappi mūgabadhiro maññe, idise kāḷakaṇṇipurise imasmim̐ gehe vasante tayo antarāyā paññāyanti jīvitassa vā chattassa vā mahesiyā vā”ti lakkhaṇapāṭhakehi idāni kathitaṃ, jātadivase pana “tumhākaṃ domanassapariharaṇatthaṃ ‘dhaññapuññalakkhaṇo’ti vuttan”ti amaccehi ārocitaṃ sutvā antarāyabhayena bhīto “gacchatha naṃ avamaṅgalarathe nipajjāpetvā pacchimadvārena nīharāpetvā āmakasusāne nikhaṇathā”ti āṇāpesi. Taṃ sutvā mahāsatto haṭṭho¹ udaggo ahosi “cirassaṃ vata me manoratho matthakaṃ pāpuṇissatī”ti. Tena vuttaṃ “**tato me hatthapāde cā**”ti-ādi.

Tattha **maddiyāti** maddanavasena vīmaṃsivā. **Anūnatanti** hatthādīhi avikalataṃ. **Nindisunti** “evaṃ anūnavayavopi samāno mūgādi viya dissamāno rajjaṃ kāretuṃ abhabbo, kāḷakaṇṇipuriso ayan”ti garahimsu. “Niddisun”tipi pāṭho, vadimsūti attho.

59. **Chaḍḍanaṃ anumodisunti** rājadassanatthaṃ āgatā sabbepi janapadavāsino senāpatipurohitappamukhā rājapurisā te sabbepi **ekamaṇā** samānacittā **hutvā** antarāyapariharaṇatthaṃ raññā āṇattā bhūmiyaṃ nikhaṇanavasena mama chaḍḍanaṃ mukhasaṅkocaṃ akatvā abhimukhabhāvena sādhu sutṭhu idaṃ kattabbamevāti anumodiṃsu.

60. **So me attho samijjhathāti** yassatthāya yadatthaṃ tato mūgādibhāvādhiṭṭhānavasena dukkaracaraṇaṃ ciṇṇaṃ caritaṃ, so attho mama samijjhati. Tesāṃ mama mātāpitu-ādīnaṃ **matim̐** adhippāyaṃ **sutvā** so ahaṃ mama adhippāyasamijjhanena **haṭṭho** anupadhāretvā bhūmiyaṃ nikhaṇanānujānanena **samviggamānasova** ahosinti vacanasesena sambandho veditabbo.

61. Evaṃ kumārassa bhūmiyaṃ nikhaṇane raññā āṇatte Candādevī taṃ pavattiṃ sutvā rājānaṃ upasaṅkamitvā deva tumhehi mayhaṃ varo dinno,

1. Tuṭṭhahaṭṭho (Ka)

mayā ca gahitakaṃ katvā ṭhapito, taṃ me idāni dethāti. Gaṇha devīti. Puttassa me rajjaṃ dethāti. Putto te kāḷakaṇṇī, na sakkā dātunti. Tena hi deva yāvajīvaṃ adento satta vassāni dethāti. Tampi na sakkāti. Cha vassāni pañca cattāri tīṇi dve ekaṃ vassaṃ, satta māse cha pañca cattāro tayo dve ekaṃ māsaṃ addhamāsaṃ sattāhaṃ dethāti. Sādhu gaṇhāti.

Sā puttaṃ alaṅkārapetvā “Temiya kumārassa idaṃ rajjan”ti nagare bheriṃ carāpetvā nagaraṃ alaṅkārapetvā puttaṃ hatthikkhandhaṃ āropetvā setacchattaṃ matthake kārapetvā nagaraṃ padakkhiṇaṃ katvā āgataṃ alaṅkatasirisayane nipajjāpetvā sabbarattiṃ yāci “tāta Temiya taṃ nissāya soḷasa vassāni niddaṃ alabhivā rodamaṇāya me akkhīni uppakkāni, sokena hadayaṃ bhijjati viya, tava apīṭhasappi-ādibhāvaṃ jānāmi, mā maṃ anāthaṃ karī”ti. Iminā niyāmena cha divase yāci. Chaṭṭhe divase rājā Sunandaṃ nāma sārathiṃ pakkosāpetvā “sve pātova avamaṅgalarathena kumāraṃ nīharivā āmakasusāne bhūmiyaṃ nikhaṇivā pathavivaḍḍhanakakammaṃ katvā ehi”ti āha. Taṃ sutvā devī “tāta Kāsirājā taṃ sve āmakasusāne nikhaṇituṃ āṇāpesi. Sve maraṇaṃ pāpuṇissatī”ti āha.

Mahāsatto taṃ sutvā “Temiya soḷasa vassāni tayā kato vāyāmo matthakaṃ patto”ti haṭṭho udaggo ahoṣi. Mātuyā panassa hadayaṃ bhijjanākāraṃ viya ahoṣi. Atha tassā rattiyaṃ accayena pātova sārathi rathaṃ ādāya dvāre ṭhapetvā sirigabbhaṃ pavisitvā “devi mā mayhaṃ kujjhi, rañño āṇā”ti puttaṃ āliṅgitvā nipannaṃ devim piṭṭhihatthena apānetvā kumāraṃ ukkhipitvā pāsādā otari. Devī uraṃ paharivā mahāsaddena paridevitvā mahātale ohīyi.

Atha naṃ mahāsatto oloketvā “mayi akathente mātu soko balavā bhavissatī”ti kathetukāmo hutvāpi “sace kathessāmi soḷasa vassāni kato vāyāmo mogho bhavissati, akathento panāhaṃ attano ca māṭāpitūnañca paccayo bhavissāmī”ti adhivāsesi. Sārathi “mahāsattaṃ rathaṃ āropetvā

pacchimadvārābhimukhaṃ rathaṃ pesessāmi”ti pācīnadvārābhimukhaṃ pesesi. Ratho nagarā nikkhamitvā devatānubhāvena tiyojanaṭṭhānaṃ gato. Mahāsatto suṭṭhutarāṃ tuṭṭhacitto ahosi. Tattha vanaghaṭaṃ sārathissa āmakasusānaṃ viya upaṭṭhāsi. So “idaṃ ṭhānaṃ sundaraṃ”ti rathaṃ okkamāpetvā maggapasse ṭhapetvā rathā oruyha mahāsattassa ābharaṇabhaṇḍaṃ omuñcitvā bhaṇḍikaṃ katvā ṭhapetvā kudālaṃ ādāya avidūre āvāṭaṃ khaṇitum ārabhi. Tena vuttaṃ “**nhāpetvā anulimpitvā**”ti-ādi.

Tattha **nhāpetvā**ti soḷasahi gandhodakaghaṭehi nhāpetvā. **Anulimpitvā**ti surabhivilepanena vilimpetvā. **Veṭhetvā rājavēṭhananti** Kāsirājūnaṃ paveniyāgataṃ rājamakuṭaṃ sīse paṭimuñcitvā. **Abhisiñcitvā**ti tasmiṃ rājakule rājābhisekaniyāmena abhisiñcitvā. **Chattena kāresum puram padakkhiṇanti** setacchattena dhāriyamānena maṃ nagaraṃ padakkhiṇaṃ kāresum.

62. **Sattāhaṃ dhārayitvānāti** mayhaṃ mātu Candādeviyā varalābhanavasena¹ laddhaṃ sattāhaṃ mama setacchattaṃ dhārayitvā. **Uggate ravimaṇḍale**ti tato punadivase sūriyamaṇḍale uggatamatte avamaṅgalarathena **maṃ** nagarato **nīharitvā** bhūmiyaṃ nikhaṇanattaṃ **sārathi** Sunando **vanamupagacchi**.

63. **Sajjassanti** sannaddho assaṃ, yuge yojitassaṃ me rathaṃ maggato ukkamāpanavasena ekokāse katvā. **Hatthamuccitoti** muccitahattho, rathapācanato muttahaṭṭhoti attho. Atha vā **hatthamuccitoti** hatthamutto mama hatthato muccitvāti attho. **Kāsunti** āvāṭaṃ. **Nikhātunti** nikhaṇitum.

64-5. Idāni yadatthaṃ mayā soḷasa vassāni mūgavatādi-adhiṭṭhānena dukkaracariyā adhiṭṭhitā, taṃ dassetuṃ “**adhiṭṭhitamadhiṭṭhānaṃ**”ti gāthādvayamāha.

Tattha **tajjento vividhakāraṇāti** dvimāsikakālato paṭṭhāya yāva soḷasasaṃvaccharā thaṇṇapaṭisedhanādīhi vividhehi nānappaḱārehi kāraṇehi tajjayanto bhayaiddhamśanavasena viheṭṭhiyamāno. Sesam suviññeyyameva

1. Varayācanavasena (Ka)

Atha mahāsatto Sunande kāsūṃ khaṇante “ayaṃ me vāyāmakālo”ti uṭṭhāya attano hatthapāde sambāhitvā rathā otaritūṃ me balaṃ atthīti ñatvā cittaṃ uppādesi. Tāvadevassa pādapatīṭhānaṭṭhānaṃ vātapuṇṇabhastacammaṃ viya uggantvā rathassa pacchimantaṃ āhacca aṭṭhāsi. So otarivā katipaye vāre aparāparaṃ caṅkamtivā “yojanasatampi gantūṃ me balaṃ atthī”ti ñatvā rathaṃ pacchimante gahetvā kumārakānaṃ kīḷanayānakam viya ukkhipitvā “sace sārathi mayā saddhiṃ paṭivirujjheyya, atthi me paṭivirujjhitūṃ balan”ti sallakkhetvā pasādhanatthāya cittaṃ uppādesi. Taṅkhaṇaññeva Sakkassa bhavanaṃ uṇhākāraṃ dassesi. Sakko taṃ kāraṇaṃ ñatvā Vissakammaṃ āṇāpesi “gaccha Kāsirājaputtaṃ alaṅkarohī”ti. So “sādhū”ti vatvā dibbehi mānusehi ca alaṅkārehi Sakkam viya taṃ alaṅkari. So devarājalīlāya sārathissa khaṇanokāsaṃ gantvā āvāṭatīre ṭhatvā—

“Kinu santaramānova, kāsūṃ khaṇasi sārathi.

Putṭho me samma akkhāhi, kiṃ kāsuyā karissāsī”ti¹—

āha.

Tena uddhaṃ anoloketvāva—

“Rañño mūgo ca pakkho ca, putto jāto acetaso.

So’ mhi raññā samajjhīṭṭho, puttaṃ me nikhaṇaṃ vane”ti¹—

vutte mahāsatto—

“Na badhiro na mūgo’ smi, na pakkho na ca vīkalo.

Adhammaṃ sārathi kayirā, maṃ ce tvaṃ nikhaṇaṃ vane.

Ūrū bāhuñca me passa, bhāsitañca suṇohi me.

Adhammaṃ sārathi kayirā, maṃ ce tvaṃ nikhaṇaṃ vane”ti¹—

vatvā puna tena āvāṭakhaṇanaṃ pahāya uddhaṃ oloketvā tassa rūpasampattiṃ disvā “manusso vā devo vā”ti ajānantena—

“Devatā nu’si Gandhabbo, adu Sakko purindado.

Ko vā tvaṃ kassa vā putto, kathaṃ jānemu taṃ mayan”ti¹—

1. Khu 6. 149 piṭṭhe.

vutte—

“Namhi devo na Gandhabbo, nāpi Sakko purindado.
Kāsirañño ahaṃ putto, yaṃ kāsuyā nikhaññasi.

Tassa rañño ahaṃ putto, yaṃ tvaṃ sammū’pajīvasi.
Adhammaṃ sārathi kayirā, maṃ ce tvaṃ nikhaṇaṃ vane.

Yassa rukkhassa chāyāya, nisīdeyya sayeyya vā.
Na tassa sākhaṃ bhañjeyya, mittadubbho hi pāpako.

Yathā rukkho tathā rājā, yathā sākha tathā ahaṃ.

Yathā chāyūpago poso, evaṃ tva’masi sārathi.

Adhammaṃ sārathi kayirā, maṃ ce tvaṃ nikhaṇaṃ vane”ti¹—

ādinā nayena dhammaṃ desetvā tena nivattanatthaṃ yācito
anivattanakāraṇaṃ pabbajjāchandaṃ tassa ca hetu nirayabhayādikaṃ
atītabhave attano pavattiṃ vitthārena kathetvā tāya dhammakathāya tāya ca
paṭipattiyā tasmimpi pabbajitukāme jāte rañño imaṃ²—

“Rathaṃ niyyātayitvāna, anaṇo ehi sārathi.

Anaṇassa hi pabbajjā, etaṃ isihi vaṇṇitan”ti³—

vatvā taṃ vissajjesi.

So rathaṃ ābharaṇāni ca gahetvā rañño santikaṃ gantvā tamatthaṃ
ārocesi. Rājā tāvadeva “mahāsattassa santikaṃ gamissāmi”ti nagarato
niggacchi⁴ saddhiṃ caturāṅginiyā senāya itthāgārehi nāgarajānapadehi ca.
Mahāsattopi kho sārathiṃ uyyojetvā pabbajitukāmo jāto, tassa cittaṃ ñatvā
Sakko Vissakammaṃ pesesi “Temiyaṇḍito pabbajitukāmo, tassa
assamaṇaṃ pabbajitaparikkhāre ca māpehi”ti. So gantvā tiyojanike
vanasaṇḍe assamaṃ māpetvā
rattiṭṭhānadivāṭṭhānacaṅkamanapokkharāṇi phalarukkhāsammaṇaṃ katvā
sabbe ca pabbajitaparikkhāre māpetvā sakatṭhānameva gato. Bodhisatto taṃ
disvā sakkadattiyabhāvaṃ ñatvā paṇṇasālaṃ pavisitvā vatthāni apanetvā

1. Khu 6. 149 piṭṭhādīsu.

3. Khu 6. 152 piṭṭhe.

2. Rañño imaṃ (Natthi sī)

4. Nikkhamitvā gacchi (Ka)

tāpasavesam gahetvā kaṭṭhatthare nisinno aṭṭha samāpattiyo pañca ca abhiññāyo nibbattetvā pabbajjāsukhena assame nisīdi.

Kāsirājāpi sārathinā dassitamaggena gantvā assamam pavisitvā mahāsattena saha samāgantvā katapaṭisanthāro rajjena nimantesi. Temiyapaṇḍito tam paṭikkhipitvā anekākāravokāram aniccatādipaṭisamyuttāya ca kāmādīnavapaṭisamyuttāya ca dhammiyā kathāya rājānam samvejesi. So samviggamānaso gharāvāse ukkaṇṭhito pabbajitukāmo hutvā amacce itthāgāre ca pucchi. Tepi pabbajitukāmā ahesum. Atha rājā Candādevim ādim katvā soḷasa sahasse orodhe ca amaccādike ca pabbajitukāme ñatvā nagare bherim carāpesi “ye mama puttassa santike pabbajitukāmā, te pabbajantū”ti. Suvaṇṇakoṭṭhāgārādini ca vivarāpetvā vissajjāpesi. Nāgarā ca yathāpasāriteyeva āpaṇe vivaṭadvārāneva gehāni ca pahāya rañño santikaṃ agamaṃsu. Rājā mahājanena saddhim mahāsattassa santike pabbaji. Sakkadattiyam tiyojanikaṃ assamapadam paripūri.

Sāmantarājāno “Kāsirājā pabbajito”ti sutvā “Bārāṇasirajjam gahessāmā”ti nagaram pavisitvā devanagarasadisam nagaram sattaratanabharitam devavimānakappam rājanivesanañca disvā “imam dhanam nissāya bhayena bhavitabban”ti tāvadeva nikkhamitvā pāyāsum. Tesam āgamanam sutvā mahāsatto vanantam gantvā ākāse nisīditvā dhammam desesi. Te sabbe saddhim parisāya tassa santike pabbajimsu. Evam aparepi aparepīti mahāsamāgamo ahoṣi. Sabbe phalāphalāni paribhuñjitvā samaṇadhammam karonti. Yo kāmādivitakkam vitakketi, tassa cittam ñatvā mahāsatto tattha gantvā ākāse nisīditvā dhammam deseti.

So dhammassavanasappāyam labhitvā samāpattiyo abhiññāyo ca nibbatteti. Evam aparopi aparopīti sabbepi jīvitapariyosāne brahmalokaparāyanā ahesum. Tiracchānagatāpi mahāsatte isigaṇepi cittam pasādetvā chasu kāmasaggesu nibbattimsu. Mahāsattassa brahmacariyam ciram dīghamaddhānam pavattittha. Tadā chatte adhivatthā devatā Uppalavaṇṇā ahoṣi, sārathi Sāriputtatthero, mātāpitaro mahārājakulāni, parisā Buddhaparisā, Temiyapaṇḍito Lokanātho.

Tassa adhiṭṭhānapāramī idha matthakaṃ pattā, sesapāramiyopi yathārahaṃ niddhāretabbā. Tathā māsaḷātakālato paṭṭhāya nirayabhayaṃ pāpabhīrutā rajjajigucchā nekkhammanimittam mūgādibhāvādhiṭṭhānaṃ tattha ca virodhippacayasamodhānepi niccalabhāvoti evamādayo guṇānubhāvā vibhāvetabbāti.

Temiyacariyāvaṇṇanā niṭṭhitā.

Adhiṭṭhānapāramī niṭṭhitā.

7. Kapirājacariyāvaṇṇanā

67. Sattame **yadā ahaṃ kapi āsinti** yasmim kāle ahaṃ kapiyoniyam nibbattitvā vuddhimanvāya nāgabalo thāmasampanno assapotakappamāṇo mahāsarīro kapi homi. **Nadīkūle darīsayeti** ekissā nadiyā tīre ekasmim darībhāge yadā vāsam kappemīti attho.

Tadā kira bodhisatto yūthapariharaṇam akatvā ekacaro hutvā vihāsi. Tassā pana nadiyā vemajjhe eko dīpako nānappakārehi ambapanasādīhi phalarukkhehi sampanno. Bodhisatto thāmajavasampannatāya nadiyā orimatīrato uppatitvā dīpakassa pana nadiyā ca majjhe eko piṭṭhipāsāṇo atthi, tasmim patati. Tato uppatitvā tasmim dīpake patati. So tattha nānappakārāni phalāphalāni khādītva sāyam teneva upāyena paccāgantvā attano vasanaṭṭhāne vasitvā punadivasepi tattheva karoti. Iminā niyāmena vāsam kappesi.

Tasmim pana kāle eko kumbhīlo sapajāpatiko tassam nadiyam vasati. Tassa bhariyā bodhisattam aparāparam gacchantam disvā tassa hadayamaṃse dohaḷam uppādetvā kumbhīlam āha “mayham kho ayyaputta imassa vānarassa hadayamaṃse dohaḷo uppanno”ti. So “sādhu bhadde lacchasi”ti vatvā “ajja tam sāyam dīpakato āgacchantameva gaṇhissāmī”ti gantvā piṭṭhipāsāṇe nipajji. Bodhisatto tam divasam gocaram

caritvā sāyanhasamaye dīpake t̥hitova pāsāṇaṃ oloketvā “ayaṃ pāsāṇo idāni uccataro khāyati, kiṃ nu kho kāraṇaṃ”ti cintesi. Mahāsattassa hi udakappamāṇaṅca pāsāṇappamāṇaṅca suvavatthāpitameva hoti. Tenassa etadahosi “ajja imissā nadiyā udakaṃ neva hāyati, atha ca paṇāyaṃ pāsāṇo mahā hutvā paññāyati, kacci nu kho ettha mayhaṃ gahaṇatthāya kumbhīlo nipanno”ti.

So “vīmaṃsissāmi tāva naṃ”ti tattheva t̥hatvā pāsāṇena saddhiṃ kathento viya “bho pāsāṇā”ti vatvā paṭivacanaṃ alabhanto yāvatiyaṃ “bho pāsāṇā”ti āha. Pāsāṇo paṭivacanaṃ na deti. Punapi bodhisatto “kiṃ bho pāsāṇa ajja mayhaṃ paṭivacanaṃ na desī”ti āha. Kumbhīlo “addhā ayaṃ pāsāṇo aññesu divasesu vānarindassa paṭivacanaṃ deti maññe, ajja pana mayā ottharitattā na deti, handāhaṃ dassāmissa paṭivacanaṃ”ti cintetvā “kiṃ vānarindā”ti āha. Kosi tvanti. Ahaṃ kumbhīloti. Kimatthaṃ ettha nipannosīti. Tava hadayaṃ patthayamānoti. Bodhisatto cintesi “añño me gamanamaggo natthi, paṭiruddhaṃ vata me gamanaṃ”ti. Tena vuttaṃ—

“Pīḷito susumārena, gamanaṃ na labhāmahaṃ.

68. Yamhokāse ahaṃ t̥hatvā, orā pāraṃ patāmahaṃ.

Tatthacchi sattuvadhako, kumbhīlo luddadassano”ti.

Tattha “**pīḷito susumārenā**”ti addhagāthāya vuttamevatthaṃ “**yamhokāse**”ti gāthāya pākaṭaṃ karoti. Tattha **yamhokāseti** yasmiṃ nadīmajjhe t̥hitapiṭṭhipāsāṇasaṅkhāte padese **t̥hatvā**. **Orāti** dīpakasaṅkhātā oratīrā. **Pāraṃ** tadā mama vasanaṭṭhānabhūtaṃ nadiyā paratīraṃ. **Patāmahanti** uppativā patāmi ahaṃ. **Tatthacchīti** tasmīṃ piṭṭhipāsāṇappadese **sattubhūto vadhako** ekanteneva ghātako paccatthiko **luddadassano** ghorarūpo bhayānakadassano nisīdi.

Atha mahāsatto cintesi “añño me gamanamaggo natthi, ajja mayā kumbhīlo vañcetaṭṭho, evaṃ hi ayaṅca mahatā pāpato mayā parimocito siyā, mayhaṅca jīvitaṃ laddhaṃ”ti. So kumbhīlaṃ āha “samma kumbhīla ahaṃ tuyhaṃ upari patissāmi”ti.

Kumbhīlo “vānarinda papañcaṃ akatvā ito āgacchāhī”ti āha. Mahāsatto “aham āgacchāmi, tvaṃ pana attano mukhaṃ vivarivā maṃ tava santikaṃ āgatakāle gaṇhāhī”ti avoca. Kumbhīlānañca mukhe vivaṭe akkhīni nimmīlanti. So taṃ kāraṇaṃ asallakkhento mukhaṃ vivari. Athassa akkhīni nimmīlīmsu. So mukhaṃ vivarivā sabbaso nimmīlitakkhī hutvā nipajji. Mahāsatto tassa tathābhāvaṃ ñatvā dīpakato uppatito gantvā kumbhīlassa matthakaṃ akkamitvā tato uppatanto vijjulatā viya vijjotamāno paratīre aṭṭhāsi. Tena vuttaṃ—

69. “So maṃ asaṃsi chīti, ahampe’ mīti taṃ vadim.

Tassa matthakamakamma, parakūle patiṭṭhahin”ti.

Tattha **asaṃsīti** abhāsi. **Ahampemīti** ahampi āgacchāmīti **taṃ** kathesim.

Yasmā¹ pana taṃ dīpakaṃ amba jambu panasādiphalarukkhasaṇḍamaṇḍitaṃ ramaṇīyaṃ nivāsayoggañca, “āgacchāmī”ti pana paṭiññāya dinnattā saccam anurakkhanto mahāsattopi “āgamissāmevā”ti tathā akāsi. Tena vuttaṃ—

70. “Na tassa alikaṃ bhaṇitaṃ, yathā vācaṃ akāsahan”ti.

Yasmā cetam saccānurakkhaṇaṃ attano jīvitam pariccajivvā kataṃ, tasmā āha—

“Saccena me samo natthi, esā me saccapāramī”ti.

Kumbhīlo pana taṃ acchariyaṃ disvā “iminā vānarindena ati-accherakaṃ katan”ti cintetvā “bho vānarinda imasmim loke catūhi dhammehi samannāgato puggalo amitte abhibhavati, te sabbepi tuyhaṃ abbhantare atthi maññe”ti āha—

“Yasse’te caturo dhammā, vānarinda yathā tava.

Saccam dhammo dhiti cāgo, diṭṭham so ativattatī”ti².

Tattha **yassāti** yassa kassaci puggalassa. **Eteti** idāni vattabbe paccakkhato dasseti. **Caturo dhammāti** cattāro guṇā. **Saccanti** vacīsaccam,

1. Tato yasmā (Sī)

2. Khu 5. 61 piṭṭhe.

“mama santikaṃ āgamiṣāmi”ti vatvā musāvādaṃ akatvā āgato evāti etaṃ te vacīsaccaṃ. **Dhammoti** vicāraṇapaññā, “evaṃ kate idaṃ nāma bhavissati”ti pavattā te eṣā vicāraṇapaññā. **Dhitīti** abbochinnam vīriyaṃ vuccati, etampi te atthi. **Cāgoti** attapariccāgo, tvaṃ attānaṃ pariccajivā mama santikaṃ āgato, yaṃ panāhaṃ gaṇhituṃ nāsakkhiṃ, mayhamevesa doso. **Diṭṭhanti** paccāmittaṃ. **So ativattatīti** yassa puggalassa yathā tava evaṃ ete cattāro dhammā atthi, so yathā maṃ tvaṃ ajja atikkanto, tatheva attano paccāmittaṃ atikkamati abhibhavatīti.

Evaṃ kumbhīlo bodhisattaṃ pasaṃsitvā attano vasanaṭṭhānaṃ gato. Tadā kumbhīlo Devadattā ahoṣi, tassa bhariyā Ciñcamāṇavikā, kapiṛājā pana Lokanātho.

Tassa idhāpi heṭṭhā vuttanayeneva sesapāramiyo niddhāretabbā. Tathā udakassa pāsāṇassa ca pamāṇavavatthānena idāni pāsāṇo uccataro khāyatīti pariggaṇhanavasena pāsāṇassa upari susumārassa nipannabhāvajānaṃ, pāsāṇena kathanāpadesena tassatthassa nicchayagamanam, susumārassa upari akkamitvā sahasā paratīre patiṭṭhānavasena sīghakāritāya tassa mahatā pāpato parimocanaṃ, attano jīvitarakkhaṇam, saccavācānurakkhaṇaṅcāti evamādayo guṇānubhāvā vibhāvetabbāti.

Kapirājacariyāvaṇṇanā niṭṭhitā.

8. Saccatāpasacariyāvaṇṇanā

Aṭṭhame **tāpaso Saccasavhayoti** saccasaddena avhātabbo Saccanāmakō **tāpaso yadā** yasmim kāle **homi**, tadā. **Saccena lokam pālesinti** attano avisaṃvādibhāvena¹ sattalokaṃ Jambudīpe tattha tattha sattanikāyaṃ pāpato nānāvidhā anattato ca rakkhiṃ. **Samaggaṃ janamakāsahanti** tattha tattha kalahaviggahavivādāpannaṃ mahājanaṃ kalahe ādīnavaṃ dassetvā sāmaggīyaṃ ānisaṃsakathanena samaggaṃ avivadamānaṃ sammodamānaṃ ahamakāsiṃ.

1. Avisamvādibhāvena (Sī)

Tadā hi bodhisatto Bārāṇasīyaṃ aññatarasmim̐ brāhmaṇamahāsālakule nibbatti, tassa “sacco”ti nāmaṃ karimsu. So vayappatto Takkasilaṃ gantvā disāpāmokkhassa ācariyassa santike sippaṃ uggaṇhitvā na cirasseva sabbasippānaṃ nipphattiṃ patto ācariyena anuññāto Bārāṇasim̐ paccāgantvā mātāpitaro vanditvā tehi abhinandiyamāno tesam̐ cittānurakkhaṇatthaṃ katipāhaṃ tesam̐ santike vasi. Atha naṃ mātāpitaro patirūpena dārena saṃyojetukāmā sabbam̐ vibhavajātam̐ ācikkhitvā gharāvāsena nimantesuṃ.

Mahāsatto nekkhammajjhāsayo attano nekkhammapāramim̐ paribrūhetukāmo gharāvāse ādīnavam̐ pabbajjāya ānisaṃsaṅca nānappakārato kathetvā mātāpitūnam̐ assumukhānam̐ rodamānānam̐ aparimāṇam̐ bhogakkhandham̐ anantam̐ yasam̐ mahantaṅca nātīparivaṭṭam̐ pahāya mahānāgo va ayasaṅkhalikaṃ gharabandhanam̐ chindanto nikkhamitvā Himavantappadesam̐ pavisitvā isipabbajjam̐ pabbajitvā vanamūlaphalāphalehi yāpento na cirasseva aṭṭha samāpattiyo pañca ca abhiññāyo nibbattetvā jhānakīlam̐ kīlayamāno samāpattivihārena viharati.

So ekadivasam̐ dibbacakkhunā lokam̐ olokeno addasa sakalajambudīpe manusse yebhuyyena pāṇātipātādidasā-akusalakammāpathapasute kāmanidānam̐ kāmadhikaraṇam̐ aññamaññam̐ vivādāpanne. Disvā evam̐ cintesi “na kho pana metaṃ patirūpaṃ, yadidaṃ ime satte evam̐ pāpapasute vivādāpanne ca disvā ajjupekkhaṇam̐. Aham̐ hi ‘satte saṃsārapaṅkato uddharitvā nibbānathale paṭiṭṭhapessāmī’ti mahāsambodhiyānam̐ paṭipanno, tasmā taṃ paṭiññam̐ avisaṃvādentō yannūnāham̐ manussapatham̐ gantvā te te satte pāpato oramāpeyyam̐, vivādāṅca nesaṃ vūpasameyyan”ti.

Evam̐ pana cintetvā mahāsatto mahākaruṇāya samussāhito santam̐ samāpattisukham̐ pahāya iddhiyā tattha tattha gantvā tesam̐ cittānukūlam̐ dhammam̐ desento kalahaviggahavivādāpanne satte diṭṭhadhammikaṅca samparāyikaṅca virodhe ādīnavam̐ dassetvā aññamaññam̐ samagge sahite akāsi. Anekākāravokāraṅca pāpe ādīnavam̐ vibhāvento tato satte vivecetvā ekacce dasasu kusalakammāpathadhammesu paṭiṭṭhāpesi. Ekacce

pabbājetvā silasamvare indriyaguttiyaṃ satisampajaññe pavivekavāse
jhānābhiññāsu ca yathārahaṃ patiṭṭhāpesi. Tena vuttam—

71. “Punāparam yadā homi, tāpaso Saccasavhayo.
Saccena lokam pālesim, samaggaṃ janamakāsahan”ti.

Idhāpi mahāpurisassa heṭṭhā vuttanayeneva sesapāramiyo
niddhāretabbā. Tathā guṇānubhāvā ca vibhāvetabbāti.

Saccatāpasacariyāvaṇṇanā niṭṭhitā.

9. Vaṭṭapotakacariyāvaṇṇanā

72. Navame **Magadhe vaṭṭapotakoti**-ādīsu ayaṃ saṅkhepattho—
Magadharatṭhe aññatarasmiṃ araññappadese vaṭṭakayoniyaṃ nibbattitvā
aṇḍakosaṃ padāletvā aciranikkhantatāya **taruṇo** maṃsapesibhūto tato eva
ajātapakkho vaṭṭakacchāpako yadā ahaṃ **kulāvake**yeva **homi**.

73. **Mukhatuṇḍakenāharitvā**ti mayhaṃ mātā attano mukhatuṇḍakena
kālena kālaṃ gocaraṃ āharitvā maṃ poseti. **Tassā phassena jīvāmīti**
parisedanatthañceva paribhāvanatthañca sammadeva kālena kālaṃ **mamaṃ**
adhisayanavasena phusantiyā tassā mama mātuyā sarīrasamphassena jīvāmi
vihārāmi attabhāvaṃ pavattemi. **Natthi me kāyikaṃ balanti** mayhaṃ pana
atitaruṇatāya kāyasannissitaṃ balaṃ natthi.

74. **Samvacchareti** samvacchare samvacchare. **Gimhasamayeti**
gimhakāle. Sukkharukkkhasākhānaṃ aññamaññaṃ
saṃghaṭṭanasamuppanna agginā tasmim padese **davaḍāho padippati**
pajjalati, so tathā padīpito. **Upagacchati amhākanti** mayhaṃ
mātāpitūnañcāpi amhākaṃ vasanaṭṭhānappadesaṃ attano patiṭṭhānassa
asuddhassāpi suddhabhāvakaraṇena pāvanato **pāvakoti** ca gatamagge
indhanassa bhasmabhāvāvahanato **kaṇhavattanīti** ca laddhanāmo aggi
vanarukkhagacche dahanto kālena kālaṃ upagacchati.

75. Evaṃ upagamanato tadāpi **saddāyantoti** “dhamadhama” iti evaṃ saddaṃ karonto, anuravadassanaṃ hetam dāvaggino. **Mahāsikhīti** pabbatakūṭasadisānaṃ indhanānaṃ vasena mahatiyo sikhā etassāti mahāsikhī. **Anupubbena** anukkamena taṃ araññappadesaṃ **jhāpento** dahanto **aggi mama** samīpaṭṭhānaṃ **upāgami**.

76. **Aggivegabhayāti** vegena āgacchato aggino bhayena **bhītā**. **Tasitāti** cittutrāsasamuṭṭhitena kāyassa chambhitattena ca utrāsā. **Mātāpitāti** mātāpitaro. **Attānaṃ parimocayunti** agginā anupaddutaṭṭhānagamanena attano sotthibhāvamaṃsu. Mahāsatto hi tadā mahāgeṇḍukappamāṇo mahāsarīro ahosi. Taṃ mātāpitaro kenaci upāyena gahetvā gantuṃ asakkuṇantā attasinehena ca abhibhuyyamānā puttasinehaṃ chaḍḍetvā palāyimsu.

77. **Pāde pakkhe pajahāmīti** attano ubho pāde ubho pakkhe ca bhūmiyaṃ ākāse ca gamanasajje karonto pasāremi iriyāmi vāyamāmi. “Paṭihāmī”tipi pāṭho, vehāsagamanayogge kātuṃ ihāmīti attho. “Patihāmī”tipi paṭhanti, tassattho—pāde pakkhe ca pati visuṃ ihāmi, gamanattaṃ vāyamāmi, taṃ pana vāyāmakaraṇatthameva. Kasmā? Yasmā **natthi me kāyikaṃ balaṃ**. **Sohaṃ agatiko tathāti** so ahaṃ evambhūto pādapakkhavekallena gamanavirahito mātāpitūnaṃ apagamanena vā appaṭisaraṇo, tatha dāvaggi-upaddute vane, tasmim vā kulāvake ṭhitova evaṃ idāni vattabbākārena tadā cintesiṃ. Dutiyañcetta **ahanti** nipātamattaṃ daṭṭhabbaṃ.

78. Idāni tadā attano cintitākāraṃ dassetuṃ “**yesāhan**”ti-ādimāha.

Tattha **yesāhaṃ upadhāveyyaṃ**, **bhīto tasitavedhitoti** maraṇabhayena bhīto tato eva cittutrāsena tasito sarīrakampanena vedhito yesamaṃ pakkhantaraṃ etarahi dāvaggi-upadduto jaladuggaṃ viya maññaṃ māṇo pavisitūṃ upadhāveyyaṃ. **Te** mama mātāpitaro **maṃ** ekakaṃ eva **ohāya** jahitvā **pakkantā**. **Kathaṃ me ajja kātaveti** kathaṃ nu kho mayā ajja kātappaṃ, paṭipajjitabbanti attho.

Evam mahāsatto itikattabbatāsammūḷho hutvā ṭhito puna cintesi
 “imasmiṃ loke sīlaguṇo nāma atthi, saccaguṇo nāma atthi, atīte pāramiyo
 pūretvā bodhitale nisīditvā abhisambuddhā sīla samādhi paññā vimutti
 vimuttiñāṇadassanasampannā saccānudayakāruññakhantisamannāgatā
 sabbasattesu samappavattametābhāvanā sabbaññubuddhā nāma atthi, tehi ca
 paṭividdho ekantaniyyānaguṇo dhammo atthi, mayi cāpi ekaṃ saccam atthi,
 samvijjamāno eko sabhāvadhammo paññāyati, tasmā atītabuddhe ceva tehi
 paṭividdhaguṇe ca āvajjetvā mayi vijjamānam saccam sabhāvadhammam
 gahetvā saccakiriyaṃ katvā aggim paṭikkamāpetvā ajja mayā attano ceva
 idha vāsīnam sesapāṇīnañca sotthibhāvaṃ kātum vaṭṭatī”ti. Evam pana
 cintetvā mahāsatto attano ānubhāve ṭhatvā yathācintitaṃ paṭipajji. Tena
 vuttam—

79. “Atthi loke sīlaguṇo, saccam soceyyanuddayā.
 Tena saccena kāhāmi, saccakiriyaṃuttamaṃ.

80. Āvajjetvā dhammabalaṃ, saritvā pubbake jine.
 Saccabalamavassāya, saccakiriyaṃmakāsahan”ti.

81. Tattha mahāsatto atīte parinibbutānam Buddhānam guṇe āvajjetvā
 attani vijjamānam saccasabhāvaṃ ārabha yaṃ gātham vatvā tadā
 saccakiriyaṃmakāsi, taṃ dassetuṃ “**santi pakkhā**”ti-ādi vuttam.

Tattha **santi pakkhā apatanā**ti mayham pakkhā nāma atthi upalabbhanti,
 no ca kho sakkā etehi uppatituṃ ākāse¹ gantunti apatanā. **Santi pādā**
avañcanāti pādāpi me atthi, tehi pana vañcituṃ padavāragamanena gantuṃ
 na sakkāti avañcanā. **Mātāpitā ca nikkhantā**ti ye maṃ aññattha neyyuṃ, tepi
 maraṇabhayena mama mātāpitāro nikkhantā. **Jātavedā**ti aggim ālapati. So hi
 jātova vediyati, dhūmajalūṭhānena paññāyati, tasmā “jātavedo”ti vuccati.
Paṭikkamāti paṭigaccha nivattāti jātavedaṃ āṇāpeti.

1. Ākāse (Sī)

Iti mahāsatto “sace mayhaṃ pakkhānaṃ atthibhāvo, te ca pasāretvā ākāse apatanabhāvo, pādānaṃ atthibhāvo, te ca ukkhipitvā avañcanabhāvo, mātāpitūnaṃ maṃ kulāvakeyeva chaḍḍetvā palātabhāvo ca saccasabhāvabhūto eva, jātaveda etena saccena tvaṃ ito paṭikkamā”ti kulāvake nipannova saccakiriyaṃ akāsi. Tassa saha saccakiriyaṃ soḷasakarīsamatte ṭhāne jātavedo paṭikkami. Paṭikkamanto ca na jhāyamānova¹ araṇṇaṃ gato, uduke pana opilāpita-ukkā viya tattheva nibbāyi. Tena vuttaṃ—

82. “Saha sacce kate mayhaṃ, mahāpajjalito sikhī.

Vajjesi soḷasakarīsāni, udakaṃ patvā yathā sikhī”ti.

Sā panesā bodhisattassa vaṭṭakayoniyaṃ tasmim samaye Buddhaguṇānaṃ āvajjanapubbikā saccakiriyaṃ anaññasādhāraṇāti āha “**saccena me samo natthi, esā me saccapāramī**”ti. Teneva hi tassa ṭhānassa sakalepi imasmim kappe agginā anabhibhavanīyattā taṃ kappatṭhiyapāṭihāriyaṃ nāma jātāṃ.

Evam mahāsatto saccakiriyaṃ vasena attano tattha vāsīnaṃ sattānaṃ sothim katvā jīvitapariyosāne yathākammaṃ gato. Tadā mātāpitāro etarahi mātāpitāro ahesuṃ, vaṭṭakarājā pana Lokanātho.

Tassa heṭṭhā vuttanayeneva sesapāramiyopi yathārahaṃ niddhāretabbā. Tathā dāvaggimhi tathā bheravākārena avattharivā āgacchante tasmim vaye ekako hutvāpi sāradaṃ anāpajjitvā saccādidhammaguṇe Buddhaguṇe ca anussarivā attano eva ānubhāvaṃ nissāya saccakiriyaṃ tattha vāsīnampi sattānaṃ sothibhāvāpādanādayo ānubhāvā vibhāvetabbāti.

Vaṭṭapotakacariyāvaṇṇanā niṭṭhitā.

1. Najjhāyamānova (Sī)

10. Maccharājacariyāvaṇṇanā

83. Dasame **yadā homi, maccharājā mahāsareti** atīte macchayoniyam nibbattivā Kosalaratṭhe Sāvatthiyam Jetavane pokkharaniṭṭhāne valligahanaparikkhitte ekasmiṃ mahāsare macchānam catūhi saṅgahavatthūhi rañjanato yadā ahaṃ rājā homi, macchagaṇaparivuto tattha paṭivasāmi tadā. **Uṇheti** uṇhakāle gimhasamaye. **Sūriyasantāpeti** ādiccasantāpena. **Sare udaka khīyathāti** tasmim sare udakaṃ khīyittha chijjittha. Tasmim hi ratṭhe tadā devo na vassi, sassāni milāyimsu, vāpi-ādīsu udakaṃ parikkhayam pariyādānam agamāsi, macchakacchapā kalalagahanam pavisimsu. Tasmimpi sare macchā kaddamagahanam pavisitvā tasmim tasmim ṭhāne niliyimsu.

84. **Tatoti** tato udakaparikkhayato aparabhāge. **Kulalasenakāti** kulalāceva senā ca. **Bhakkhayanti divārattim, macche upanisīdiyāti** tattha tattha kalalapiṭṭhe upanisīditvā kalalagahanam pavisitvā nipanne macche **kākā** vā itare vā¹ divā ceva rattiṅca kaṇayaggasadisehi² tuṇḍehi koṭṭetvā koṭṭetvā nīharitvā vipphandamāne bhakkhayanti.

85. Atha mahāsatto macchānam taṃ byasanam disvā mahākaruṇāya samussāhitahadayo “ṭhapetvā maṃ ime mama ñātake imasmā dukkhā mocetum samattho nāma añño natthi, kena nu kho ahaṃ upāyena te ito dukkhato moceyyan”ti cintento “yannūnāham pubbakehi mahesīhi āciṇṇasamāciṇṇam mayi ca saṃvijjamānam saccadhammam nissāya saccakiriyam katvā devam vassāpetvā mama ñātisaṃghassa jīvitadānam dadeyyam, tena ca sakalassāpi āhārūpajīvino sattalokassa mahā-upakāro sampādito mayā”ti nicchayam katvā devam vassāpetum saccakiriyam akāsi. Tena vuttam “**evam cintesahan**”ti-ādi.

Tattha **saha ñātīhi pīḷitoti** mayham ñātīhi saddhim tena udakaparikkhayena pīḷito. **Sahāti** vā nipātamattam. Mahākāruṇikatāya tena byasanena dukkhitehi ñātīhi kāraṇabhūtehi pīḷito, ñātisaṃghadukkhadukkhitoti attho.

1. Kākā divā itare (Ka)

2. Kaṇḍaggasadisehi (Si)

86. **Dhammatthanti** dhammabhūtaṃ atthaṃ, dhammato vā anapetaṃ atthaṃ, kiṃ taṃ? **Saccaṃ. Addasapassayanti** mayhaṃ nātīnañca apassayaṃ addasaṃ. **Atikkhayanti** mahāvināsaṃ.

87. **Saddhammanti** sataṃ sādhuṇaṃ Buddhādīnaṃ ekassāpi pāṇino ahimsanasāṅkhātaṃ dhammaṃ **anussarivā. Paramatthaṃ vicintayanti** taṃ kho pana paramatthaṃ saccaṃ aviparītasabhāvaṃ katvā cintayanto. **Yaṃ loke dhuvasassatanti** yadetaṃ Buddhapaccekabuddhasāvakaṇaṃ ekassāpi pāṇino ahimsanaṃ, taṃ sabbakālaṃ tathabhāvena dhuvaṃ sassataṃ vicintayaṃ saccakiriyaṃ akāsinti sambandho.

88. Idāni taṃ dhammaṃ mahāsatto attani vijjamānaṃ gahetvā saccavacanāṃ payojetukāmo kāḷavaṇṇaṃ kaddamaṃ dvidhā viyūhitvā¹ añjanarukkhasāraghaṭṭikavaṇṇamahāsarīro sudhotalohitakamaṇisadisāni akkhīni ummīletvā ākāsaṃ ullokento “**yato sarāmi attānaṃ**”ti gāthamāha.

Tattha **yato sarāmi attānanti** yato paṭṭhāya ahaṃ attabhāvasaṅkhātaṃ attānaṃ sarāmi anussarāmi. **Yato pattosmi viññutanti** yato paṭṭhāya tāsu tāsu itikattabbatāsu viññutaṃ vijānanaṃ bhāvaṃ pattosmi, uddhaṃ ārohanavasena ito yāva mayhaṃ kāyavacīkammānaṃ anussaraṇasamatthataṃ viññutappatti eva, etthantare samānajātikānaṃ khādanatṭhāne nibbattopi taṇḍulakaṇappamāṇampi maccharaṃ mayā na khāditapubbaṃ, aññampi kañci **pānaṃ sañcicca himsitaṃ** bādhitāṃ **nābhijānāmi**, pageva jīvītā voropitaṃ.

89. **Etena saccavajjenāti** “yadetaṃ mayā kassaci pāṇassa ahimsanaṃ vuttaṃ, sace etaṃ saccaṃ tathaṃ aviparītaṃ, etena saccavacanena **pajjunno** megho **abhivassatu**, nātisaṅghaṃ me dukkhā pamocetū”ti vatvā puna attano paricārikaceṭakaṃ āṇāpento viya pajjunnaṃ devarājānaṃ ālapanto “**abhitthanayā**”ti gāthamāha.

Tattha **abhitthanaya pajjunnāti** pajjunno vuccati megho, ayaṃ pana meghavasena laddhanāmaṃ vassavalāhakadevarājānaṃ ālapati. Ayaṃ hissa

1. Byūhitvā (Ka)

adhippāyo—devo nāma anabhitthanayanto vijjulatā anicchārento pavassantopi na sobhati, tasmā tvaṃ abhitthanayanto vijjulatā nicchārento vassāpehīti. **Nidhiṃ kākassa nāsaya**ti kākā kalalaṃ pavisitvā ṭhite macche tuṇḍena koṭṭetvā nīharitvā khādanti, tasmā tesam̐ antokalale macchā “nidhi”ti vuccanti, taṃ kākasaṃghassa nidhiṃ devaṃ vassāpento udakena paṭicchādetvā nāsehi. **Kākaṃ sokāya randhehī**ti kākasaṃgho imasmiṃ mahāsare udakena puṇṇe macche alabhamāno socissati, taṃ kākagaṇaṃ tvaṃ imaṃ kaddamaṃ pūrento sokāya randhehi, sokassatthāya pana vassāpayatha, yathā antonijjhānalakkhaṇaṃ sokaṃ pāpuṇāti, evaṃ karohīti attho. **Macche sokā pamocayā**ti mama ñātake sabbeva macche imamhā maraṇasokā pamocehi. “Mañca sokā pamocayā”ti¹ **Jātake** paṭhanti, tattha **ca-kāro** sampiṇḍanatto, mañca mama ñātake cāti sabbeva maraṇasokā pamocehi². Macchānaṃ hi anudakabhāvena paccatthikānaṃ ghāsabhāvaṃ gacchāmāti mahāmarāṇasoko, mahāsattassa pana tesam̐ anayabyasanaṃ paṭicca karuṇāyato karuṇāpatirūpamukhena sokasambhavo veditabbo.

Evaṃ bodhisatto attano paricārikaceṭakaṃ āṇāpento viya pajjunnaṃ ālapitvā sakale Kosalaraṭṭhe mahāvassaṃ vassāpesi. Mahāsattassa hi sīlatejena saccakiriyaṃ samakārameva Sakkassa Paṇḍukambalasilāsaṇaṃ uṇhākāraṃ dassessi. So “kiṃ nu kho”ti āvajjento taṃ kāraṇaṃ ñatvā vassavalāhakaḍḍavarājānaṃ pakkosāpetvā “tāta mahāpuriso maccharājā ñātīnaṃ maraṇasokena vassāpanaṃ icchati, sakalaṃ Kosalaraṭṭhaṃ ekameghaṃ katvā vassāpehī”ti āha.

So “sādhū”ti sampaṭicchitvā ekaṃ valāhakaṃ nivāsetvā ekaṃ pārupitvā meghagītaṃ gāyanto pācīnalokadhātu-abhimukho pakkhandi³. Pācīnadisābhāge khalaṃmaṇḍalamattaṃ ekaṃ meghamaṇḍalaṃ utṭhāya satapaṭalaṃ sahasapaṭalaṃ hutvā abhitthanayantaṃ vijjulatā nicchārentaṃ adhomukhaṭhapita-udakakumbhākārena vissandamānaṃ sakalaṃ Kosalaraṭṭhaṃ

1. Khu 5. 18 piṭṭhe.

2. Jātaka-Ṭṭha 1. 350 piṭṭhepi passitabbaṃ.

3. Pāyāsi pakkhandi (Sī)

mahoghena¹ ajjhotthari. Devo acchinnadhāraṃ² vassanto muhutteneva taṃ mahāsaraṃ pūresi. Macchā maraṇabhayato muccimsu. Kākādayo appatiṭṭhā ahesuṃ. Na kevalaṃ macchā eva, manussāpi vividhasassāni sampādentā catuppadādayopīti sabbepi vassūpajīvino kāyikacetasikadukkhato muccimsu. Tena vuttam—

90. “Saha kate saccavare, pajjunno abhigajjiya.

Thalaṃ ninnāñca pūrento, khaṇena abhivassathā”ti.

Tattha **khaṇena abhivassathā**ti adandhāyitvā saccakiriyakhaṇeneva abhivassi.

91. **Katvā vīriyamuttamanti** deve avassante kiṃ kātabbanti kosajjaṃ anāpajjitvā ñātathacariyāsampādanamukhena mahato sattanikāyassa hitasukhanipphādanam uttamaṃ vīriyam katvā. **Saccatejabalassitoti** mama saccānubhāvabalasannissito hutvā tadā **mahāmegham vassāpesim**. Yasmā cetadevaṃ, tasmā “**saccena me samo natthi, esā me saccapārami**”ti mahāmaccharājakaḷe attano saccapāramiyā anaññasādhāraṇabhāvaṃ dassesi dhammarājā.

Evam mahāsatto mahākaruṇāya samussāhitahadayo sakalaraṭṭhe mahāvassam vassāpanavasena mahājanaṃ maraṇadukkhato mocetvā jīvitapariyosāne yathākammaṃ gato. Tadā pajjunno Ānandatthero ahosi, macchagaṇā Buddhaparisā, maccharājā Lokanātho.

Tassa heṭṭhā vuttanayeneva sesapāramiyopi niddhāretabbā. Tathā attano samānājātikānaṃ khādanatṭhāne macchayoniyaṃ nibbattitvā taṇḍulakaṇamattampi maccham ādim katvā kassacipi pāṇino akhādanam, tiṭṭhatu khādanam ekasattassapi aviheṭṭhanam, tathā saccakaraṇena devassa vassāpanam, udake parikkhīṇe kalalagahane nimujjanavasena attanā anubhavamānaṃ dukkham vīrabhāvena agaṇetvā ñātisamghasseva taṃ dukkham attano hadaye katvā asahantassa sabbabhāvena karuṇāyanā, tathā ca paṭipattīti evamādayo guṇānubhāvā vibhāvetabbāti.

Maccharājacariyāvaṇṇanā niṭṭhitā.

1. Mahāmeghena (Sī)

2. Abbotchinnadhāraṃ (Ka)

11. Kaṇhadīpāyanacariyāvaṇṇanā

92. Ekādasame **Kaṇhadīpāyano** isīti evaṇṇāmakō tāpasō. Bodhisatto hi tadā Dīpāyano nāma attano sahāyaṃ Maṇḍabyatāpasam sūle uttāsitaṃ upasaṅkamitvā tassa sīlaguṇena taṃ avijahanto tiyāmarattim sūlaṃ nissāya ṭhito tassa sarīrato paggharivā patitapatitehi lohitaḥṇḍhi sukkhehi kāḷavaṇṇasarīratāya “Kaṇhadīpāyano”ti pākaṭo ahoṣi. **Paropaññāsavassānīti** sādhiḥkāni paññāsavassāni, accantasamyoge upayogavacanaṃ. **Anabhirato carim ahanti** pantasenāsanesu ceva adhikusaladhammesu ca anabhirativāsam vasanto ahaṃ brahmacariyaṃ acarim. Pabbajitvā sattāhameva¹ hi tadā mahāsatto abhirato brahmacariyaṃ cari. Tato paraṃ anabhirativāsam vasi.

Kasmā pana mahāpuriso anekasatasahassee attabhāvesu nekkhammajjhāsayo brahmacariyavāsam abhiramitvā idha taṃ nābhirami? Puthujjanabhāvassa cañcalabhāvato. Kasmā ca puna na agāraṃ ajjhāvasīti? Paṭhamam nekkhammajjhāsayena kāmesu dosaṃ disvā pabbaji, athassa ayonisomanasikārena anabhirati uppajji, so taṃ vinodetumasakkontopi kammañca phalañca saddahitvā tāva mahantaṃ vibhavaṃ pahāya agārasmā nikkhamanto yaṃ pajahi, puna² tadatthameva nivatto, “eḷamūgo capalo vatāyaṃ Kaṇhadīpāyano”ti imam apavādaṃ jigucchanto attano hirottappabhedabhayena. Api ca pabbajjāpuññaṃ nāmetaṃ viññūhi Buddhādīhi pasatthaṃ, tehi ca anuṭṭhitaṃ, tasmāpi sahāpi dukkhena sahāpi domanassena assumukho rodamānopi brahmacariyavāsam vasi, na taṃ vissajjesi. Vuttañcetaṃ—

“Saddhāya nikkhamma puna nivatto,
So eḷamūgo capalo vatāyaṃ.
Etassa vādassa jigucchamāno,
Akāmakō carāmi brahmacariyaṃ.
Viññuppasatthaṃ ca sataṃ ca ṭhānaṃ,
Evampa’haṃ puññakaro bhavāmi”ti³.

1. Sattāhamattameva (Ka)

2. Yadi puna (Sī)

3. Khu 5. 209 piṭṭhe.

93. **Na koci etaṃ jānātīti etaṃ mama anabhiratimanarū**

brahmacariyavāse abhirativirahitacittam koci manussabhūto na jānāti.
Kasmā? **Ahaṃ hi kassaci nācikkhim** mama **mānase** citte **arati carati**
pavattatīti kassacipi na kathesiṃ, tasmā na koci manussabhūto etaṃ jānātīti.

94. **Sabrahmacārīti** tāpasapabbajjāya samānasikkhatāya sabrahmacārī.

Maṇḍabyoti evaṃnāmakō. **Sahāyoti** gihikāle pabbajitakāle ca daḥhamittatāya
piyasahāyo. **Mahā-isīti** mahānubhāvo isi. **Pubbakammasamāyutto**,
sūlamāropanaṃ labhīti katokāsenā attano pubbakammaena yutto
sūlāropanaṃ labhi, sūlaṃ uttāsītōti.

Tatrāyaṃ anupubbikathā—atīte Vaṃsaraṭṭhe Kosambiyaṃ Kosambiko
nāma rājā rajjaṃ kāresi. Tadā bodhisatto aññatarasmiṃ nigame
asītikōṭivibhavassa brāhmaṇamahāsālassa putto hutvā nibbatti, nāmena
Dīpāyano nāma. Tādisasseva brāhmaṇamahāsālassa putto Brāhmaṇakumāro
tassa piyasahāyo ahosi, nāmena Maṇḍabyo nāma. Te ubhopi aparabhāge
mātāpitūnaṃ accayena kāmesu dosaṃ disvā mahādānaṃ pavattetvā kāme
pahāya ñātimittaparijanassa rodantassa paridevantassa nikkhamitvā
Himavantappadese assamaṃ katvā pabbajitvā uñchācariyāya
vanamūlaphalāhārena yāpento paropaṇṇāsavassāni vasiṃsu, kāmacchandaṃ
vikkhambhetuṃ nāsakkhiṃsu, te jhānamattampi na nibbattesuṃ.

Te loṇambilasevanatthāya janapadacārikaṃ carantā Kāsiraṭṭhaṃ
sompāpuṇiṃsu. Tatrekasmim nigame Dīpāyanassa gihisahāyo Maṇḍabyo
nāma paṭivasati. Te ubhopi tassa santikaṃ upasaṅkamīṃsu. So te disvā
attamano paṇṇasālaṃ kāretvā catūhi paccayehi upaṭṭhahi. Te tattha ṭīṇi
cattāri vassāni vasitvā taṃ āpucchitvā cārikaṃ carantā Bārāṇasisamīpe
atimuttakasukasāne¹ vasiṃsu. Tattha

1. Adhimuttakasukasāne (Jātaka-Ṭṭha 4. 28 piṭṭhe passitabbaṃ.)

Dīpāyano yathābhirantaṃ viharitvā puna tasmim̃ nigame Maṇḍabyassa attano sahāyassa santikaṃ gato. Maṇḍabyatāpaso tattheva vasi.

Athekadivasam̃ eko coro antonagare corikaṃ katvā dhanasāraṃ ādāya nikkhanto paṭibuddhehi ghasāmikehi nagarārakkhakamanussehi ca anubaddho niddhamanena nikkhamitvā vegena susānaṃ pavisitvā tāpasassa paṇṇasāladvāre bhaṇḍikaṃ chaḍḍetvā palāyi. Manussā bhaṇḍikaṃ disvā “are duṭṭhajaṭila rattim̃ corikaṃ katvā divā tāpasavesena carasī”ti tajjetvā pothetvā taṃ ādāya rañño dassayimsu. Rājā anupaparikkhitvāva “sūle uttāsethā”ti āha. Taṃ susānaṃ netvā khadiraśūle āropayimsu. Tāpasassa sarīre sūlaṃ na pavisati. Tato nimbasūlaṃ āharimsu, tampi na pavisati. Tato ayasūlaṃ āharimsu, tampi na pavisati. Tāpaso “kim̃ nu kho me pubbakammaṃ”ti cintesi. Tassa jātissaraññaṃ uppajji. Tena pubbakammaṃ addasa—so kira purimattabhāve vaḍḍhakīputto hutvā pitu rukkhatacchanaṭṭhānaṃ gantvā ekaṃ makkhikaṃ gahetvā koviḷārasakalikāya sūlena viya vijjhi. Tassa taṃ pāpaṃ imasmim̃ ṭhāne okāsaṃ labhi. So “na sakkā ito pāpato muccitun”ti ñatvā rājapurise āha “sace maṃ sūle uttāsetukāmattha, koviḷārasūlaṃ āharathā”ti. Te tathā katvā taṃ sūle uttāsetvā ārakkhaṃ datvā pakkamimsu.

Tadā Kaṇhadīpāyano “ciradiṭṭho me sahāyo”ti Maṇḍabyassa santikaṃ āgacchanto taṃ pavattim̃ sutvā taṃ ṭhānaṃ gantvā ekamantaṃ ṭhito “kim̃ samma kārakosī”ti pucchitvā “akāraḥomhī”ti vutte “attano manopadosaṃ rakkhitum̃ sakkhi na sakkhī”ti pucchi. Samma yehi ahaṃ gahito, neva tesam̃ na rañño upari mayhaṃ manopadoso atthīti. “Evaṃ sante tādisassa sīlavato chāyā mayhaṃ sukhā”ti vatvā Kaṇhadīpāyano sūlaṃ nissāya nisīdi. Ārakkhakapurisā taṃ pavattim̃ rañño ārocesum̃. Rājā “anisāmetvā me katan”ti vegena tattha gantvā “kasmā bhante tvaṃ sūlaṃ nissāya nisinnosī”ti Dīpāyanaṃ pucchi. Mahārāja imaṃ tāpasam̃ rakkhanto nisinnosmīti. Kim̃ pana tvaṃ imassa kārakabhāvaṃ ñatvā evaṃ karosīti. So kammaṃ aṃsisodhitabhāvaṃ ācikkhi. Athassa Dīpāyano “raññā nāma nisammakārinā bhavitabbaṃ.

Alaso gihī kāmabhogī na sādhu,
 Asaññato pabbajito na sādhu.
 Rājā na sādhu anisammakārī,
 Yo paṇḍito kodhano taṃ na sādhu”ti¹—

ādīni vatvā dhammaṃ desesi.

Rājā Maṇḍabyatāpasassa niddosabhāvaṃ ñatvā “sūlaṃ harathā”ti āṇāpesi. Sūlaṃ harantā harituṃ nāsakkhiṃsu. Maṇḍabyo āha “mahārāja ahaṃ pubbe katakammadosena evarūpaṃ ayasaṃ patto, mama sarīrato sūlaṃ harituṃ na sakkā, sacepi mayhaṃ jīvitaṃ dātukāmo, kakacena imaṃ sūlaṃ cammasamaṃ katvā chindāpehī”ti. Rājā tathā kāresi. Sūlaṃ antoyeva ahosi, na kañci pīlaṃ janesi. Tadā kira sukhumāṃ sakalikhīraṃ gahetvā makkhikāya vaccamaggaṃ pavesesi, taṃ tassa anto eva ahosi. So tena kāraṇena amaritvā attano āyukkhayeneva mari, tasmā ayampi na matoti. Rājā tāpase vanditvā khamāpetvā ubhopi uyyāneyeva vassāpento paṭijaggi. Tato paṭṭhāya so Āṇimaṇḍabyo nāma jāto. So rājānaṃ upanissāya tattheva vasi. Dīpāyano pana tassa vaṇaṃ phāsukaṃ karitvā attano gihisahāyamaṇḍabyena kāritaṃ paṇṇasālameva gato. Tena vuttaṃ—

94. “sabrahmacārī Maṇḍabyo, sahāyo me mahā-isi.
 Pubbakammasamāyutto, sūlamāropanaṃ labhi.

95. Tamahaṃ upaṭṭhahitvāna, ārogyamanupāpayiṃ.
 Āpucchitvāna āgañchiṃ, yaṃ mayhaṃ sakamassamaṃ”ti.

Tattha **āpucchitvānā**ti mayhaṃ sahāyaṃ Maṇḍabyatāpasam āpucchitvā. **Yaṃ mayhaṃ sakamassamaṃ**ti yaṃ taṃ mayhaṃ gihisahāyena Maṇḍabyabrāhmaṇena kāritaṃ sakamā mama santakamā assamaṃpadamā paṇṇasālā, taṃ upāgañchiṃ.

96. Taṃ pana paṇṇasālaṃ pavisaṃtaṃ disvā sahāyassa ārocesuṃ. So sutvāva tuṭṭhacitto saputtadāro bahugandhamālaphāṇitādīni ādāya

1. Khu 5. 109, 120-221, 336 piṭṭhesu.

paññasālam gantvā Dīpāyanam vanditvā pāde dhovitvā pānakam pāyevā Āṇimaṇḍabyassa pavattim suṇanto nisīdi. Athassa putto Yaññadattakumāro nāma caṅkamanakoṭikam geṇḍukena kīḷi. Tattha cekasmim vammike āsiviso vasati. Kumārena bhūmiyam pahatageṇḍuko gantvā vammikabile āsivisassa matthake pati. Kumāro ajānanto bile hattham pavesesi.

Atha nam kuddho āsiviso hatthe¹ ḍamsi. So visavegena mucchito tattheva pati. Athassa mātāpitaro sappena daṭṭhabhāvaṃ ṇatvā kumāraṃ ukkhipitvā tāpasassa pādamūle nipajjāpetvā “bhante osadhena vā mantena vā puttakam no nirogam karothā”ti āhamsu. So aham osadham na jānāmi, nāham vejjakammaṃ karissāmi, pabbajitomhīti. Tena hi bhante imasmim kumārake mettam katvā saccakiriyam karothāti. Tāpaso “sādhu saccakiriyam karissāmī”ti vatvā Yaññadattassa sīse hattham ṭhapetvā saccakiriyam akāsi. Tena vuttam “**sahāyo brāhmaṇo mayhan**”ti-ādi.

Tattha **āgañchum pāhunāgatanti** atithi-abhigamanam abhigamimsu.

97. **Vaṭṭamanukkipanti** khipanavaṭṭasaṅghānatāya “vaṭṭan”ti laddhanāmaṃ geṇḍukam anukkipanto, geṇḍukakīḷam kīḷantoti attho. **Āsivisamakopayīti** bhūmiyam paṭihato hutvā vammikabilagatena geṇḍukena tattha ṭhitam kaṇhasappaṃ sīse paharivā rosesi.

98. **Vaṭṭagataṃ maggaṃ, anvesantoti** tena vaṭṭena gataṃ maggaṃ gavesanto. **Āsivisassa hatthena, uttamaṅgaṃ parāmasīti** vammikabilam pavesitena attano hatthena āsivisassa sīsam phusi.

99. **Visabalassitoti** visabalanissito attano visavegam nissāya uppajjanakasappo. **Aḍamsi dāraṅgaṃ khaṇeti** tasmim parāmasitakkhaṇe eva tam brāhmaṇakumāraṃ ḍamsi.

100. **Sahadaṭṭhoti** ḍamsena saheva, daṭṭhasamakālemeva. **Āsivisenāti** ghoravisena. **Tenāti** tena dārakassa visavegena

mucchitassa **bhūmiyaṃ** patanena **ahaṃ dukkhito** ahoṣiṃ. **Mama vāhasi taṃ dukkhanti** taṃ dārakassa mātāpitūnañca dukkhaṃ mama vāhasi, mayhaṃ sarīre viya mama karuṇāya vāhesi.

101. **Tyāhanti** te tassa dārakassa mātāpitāro ahaṃ mā socatha mā paridevathāti-ādinā nayena samassāsetvā. **Sokasalliteti** sokasallavante. **Agganti** seṭṭhaṃ tato eva **varaṃ** uttamaṃ saccakiriyaṃ akāsiṃ.

102. Idāni taṃ saccakiriyaṃ sarūpena dassetuṃ “**sattāhamevā**”ti gāthamāha.

Tattha **sattāhamevāti** pabbajitadivasato paṭṭhāya satta ahāni eva. **Pasannacittoti** kammaphalasaddhāya pasannamānaso. **Puññatthikoti** puññena atthiko, dhammacchandayutto. **Athāparaṃ yaṃ caritanti** atha tasmā sattāhā uttari yaṃ mama brahmacariyacaraṇaṃ.

103. **Akāmakovāhīti** pabbajjaṃ anicchanto eva. **Etena saccena suvatthi hotūti** sace atirekapaññāsavassāni anabhirativāsaṃ vasantena mayā kassaci ajānāpitabhāvo sacco, etena saccena Yaññadattakumārassa sotthi hotu, jīvitaṃ paṭilabhatūti.

Evam pana mahāsattena saccakiriyaṃ katāya Yaññadattassa sarīrato visaṃ bhassivā pathaviṃ pāvisi. Kumāro akkhīni ummīletvā mātāpitāro oloketvā “amma tātā”ti vatvā vuṭṭhāsi. Tena vuttaṃ—

104. “Saha sacce kate mayhaṃ, visavegena vedhito.

Abujjhivāna vuṭṭhāsi, arogo cāsi māṇavo”ti.

Tassattho—mama saccakaraṇena **saha** samānakārameva tato pubbe **visavegena vedhito** kampito visaññibhāvena abujjhivā ṭhito vigatavisattā paṭiladdhasañño sahasā **vuṭṭhāsi**. So **māṇavo** kumāro visavegābhāvena **arogoca** ahoṣīti.

Idāni sathā tassā attano saccakiriyaṃ paramatthapāramibhāvaṃ dassento “**saccena me samo natthi, esā me saccapāramī**”ti āha.

Taṃ uttānatthameva. **Jātakatthakathāyam**¹ pana “mahāsattassa saccakiriya kumārassa thanappadesato uddham visam bhassitvā vigataṃ. Dārakassa pitu saccakiriya kaṭito uddham, mātu saccakiriya avasiṭṭhasarīrato visam bhassitvā vigatan”ti āgataṃ. Tathā hi vuttaṃ—

“Yasmā dānaṃ nābhinandiṃ kadāci,
 Disvāna’haṃ atithiṃ vāsakāle.
 Na cāpi me appiyataṃ veduṃ,
 Bahussutā samaṇabrāhmaṇā ca.
 Akāmakko vāpi ahaṃ dadāmi,
 Etena saccena suvatthi hotu.
 Hataṃ visam jīvatu Yaññadatto.
 Āsīvisso tāta pahūtatejo,
 Yo taṃ adamsī patarā udicca.
 Tasmīṃca me appiyatāya ajja,
 Pitari ca te natthi koci viseso.
 Etena saccena suvatthi hotu,
 Hataṃ visam jīvatu Yaññadatto”ti.

Tattha **vāsakālet**i vasanatthāya gehaṃ āgatakāle. **Na cāpi me appiyataṃ veduṃ**ti bahussutāpi samaṇabrāhmaṇā ayaṃ neva dānaṃ abhinandati, na amheti imaṃ mama appiyabhāvaṃ neva jāniṃsu. Ahaṃ hi te piyacakkhūhiyeva olokemīti dīpeti. **Etena saccenā**ti sace ahaṃ dadamānopi vipākam asaddahitvā attano anicchāya demi, anicchabhāvaṃca me pare na jānanti, etena saccena **suvatthi hotū**ti attho. Itaragāthāya **tātā**ti puttam ālapati. **Pahūtatejoti** balavaviso. **Patarā**ti padarā, ayameva vā pāṭho. **Udiccā**ti uddham gantvā, vammikabilato utthahitvāti attho. Idaṃ vuttaṃ hoti—tāta yaññadatta **tasmīṃca** āsivise tava ca **pitari** appiyabhāvena mayhaṃ **koci** viseso natthi, taṃca pana appiyabhāvaṃ ṭhapetvā **ajja** mayā na koci jānāpitapubbo, sace etaṃ saccam, **etena saccena suvatthi hotū**ti.

1. Jātaka-Ṭṭha 4. 31 piṭṭhādīsu.

Evam bodhisatto kumāre aroge jāte tassa pitaram “dānam dadantena nāma kammañca phalañca saddahitvā dātabban”ti kammaphalasaddhāya nivesetvā sayam anabhiratim vinodetvā jhānābhiññāyo uppādetvā āyupariyosāne brahmalokaparāyano ahosi. Tadā Maṇḍabyo Ānandatthero ahosi, tassa bhariyā Visākhā, putto Rāhulatthero, Āṇimaṇḍabyo Sāriputtatthero, Kaṇhadīpāyano Lokanātho.

Tassa idha Pāḷiyā āruḷhā saccapāramī, sesā ca pāramiyo heṭṭhā vuttanayeneva niddhāretabbā. Tathā anavasesamahābhogapariccāgādayo guṇānubhāvā vibhāvetabbāti.

Kaṇhadīpāyanacariyāvaṇṇanā niṭṭhitā.

12. Mahāsutasomacariyāvaṇṇanā

105. Dvādasame **Sutasomo mahīpatī**ti evamnāmo khattiyo. Mahāsatto hi tadā Kururaṭṭhe Indapatthanagare Korabyassa rañño aggamahesiyā kucchimhi nibbatti, tam sutavittatāya candasamānasommavaravaṇṇatāya ca¹ “Sutasomo”ti sañjānimsu. Tam vayappattam sabbasippanipphattippattam mātāpitaro rajje abhisiñcimsu. **Gahito Porisādenā**ti purisānam manussānam adanato khādanato “Porisādo”ti laddhanāmena Bārāṇasiraññā devatābalikammattham gahito.

Bārāṇasirājā hi tadā maṁsamvinā abhuñjanto aññam maṁsam alabhantena bhattakārakena manussamaṁsam khādāpito rasataṇhāya baddho hutvā manusse ghātetvā manussamaṁsam khādanto “Porisādo”ti laddhanāmo amaccapārisajjappamukhehi nāgarehi negamajānapadehi ca ussāhitena Kāḷahatthinā nāma attano senāpatinā “deva yadi rajjena atthiko manussamaṁsakhādanato vīramāhī”ti vutto “rajjam pajahantepi manussamaṁsakhādanato na oramissāmī”ti vatvā tehi raṭṭhā

1. Sommvadanatāya ca (S)

pabbājito araṇṇaṃ pavisitvā ekasmiṃ nigrodharukkhamūle vasanto khāṇupphārena pāde jātassa vaṇassa phāsubhāvāya “sakalajambudīpe ekasatakhattiyānaṃ galalohitena balikammaṃ karissāmi”ti devatāya āyācanaṃ katvā sattāhaṃ anāhāratāya vaṇe phāsuke jāte “devatānubhāvena me sotthi ahoṣi”ti saññāya “devatāya balikammatthaṃ rājāno ānessāmi”ti gacchanto atītabhave sahāyabhūtena yakkhena samāgantvā tena dinnamantabalena adhikatarathāmajavaparakkamasampanno hutvā sattāhabbhantareyeva satarājāno ānetvā attano vasananigrodharukkhe olambetvā balikammakaraṇasajjo ahoṣi.

Atha tasmim rukkhe adhivatthā devatā taṃ balikammaṃ anicchanti “upāyena naṃ nisedhessāmi”ti pabbajitarūpena tassa attānaṃ dassetvā tena anubaddho tiyojanaṃ gantvā puna attano dibbarūpameva dassetvā “tvaṃ musāvādī tayā ‘sakalajambudīpe rājāno ānetvā balikammaṃ karissāmi’ti paṭissutaṃ. Idāni ye vā te vā dubbalarājāno ānesi. Jambudīpe jeṭṭhakaṃ Sutasomarājānaṃ sace nānessasi, na me te balikammaṃ attho”ti āha.

So “diṭṭhā me attano devatā”ti tusitvā “sāmi mā cintayi, ahaṃ ajjeva Sutasomaṃ ānessāmi”ti vatvā vegena Migājina-uyyānaṃ gantvā asaṃvihitāya ārakkhāya pokkharāṇiṃ otaritvā paduminipattena sīsaṃ paṭicchādetvā aṭṭhāsi. Tasmim anto-uyyānagateyeva balavapaccūse samantā tiyojanaṃ ārakkhaṃ gaṇhiṃsu. Mahāsatto pātova alaṅkatahatthikkhandhavaragato caturaṅginiyā senāya nagarato nikkhami. Tadā takkasilato Nando nāma brāhmaṇo catasso satārahagāthāyo gahetvā vīsayojanasataṃ maggaṃ atikkamma taṃ nagaraṃ patto rājānaṃ pācīnadvārena nikkhamantaṃ disvā hatthaṃ ukkhipitvā “jayatu bhavaṃ mahārājā”ti vatvā jayāpesi.

Rājā hatthinā taṃ upasaṅkamtivā “kuto nu tvaṃ brāhmaṇa āgacchasi, kimicchasi, kim te dajjan”ti āha. Brāhmaṇo “tumhe ‘sutavittakā’ti sutvā catasso satārahagāthāyo ādāya tumhākaṃ desetum āgatomhī”ti āha. Mahāsatto tuṭṭhamānaso hutvā “ahaṃ

uyyānaṃ gantvā nhāyitvā āgantvā sossāmi, tvaṃ mā ukkaṅṭhi”ti vatvā
 “gacchatha brāhmaṇassa asukagehe nivāsaṃ ghāsacchādanañca
 saṃvidahathā”ti āṇāpetvā uyyānaṃ pavisitvā mahantaṃ ārakkhaṃ
 saṃvidhāya oḷārikāni ābharaṇāni omuñcitvā massukammaṃ kāretvā
 ubbaṭṭitasarīro pokkharāṇiyā rājavibhavana nhāyitvā paccuttaritvā
 udakaggahaṇasāṭake nivāsetvā aṭṭhāsi.

Athassa gandhamālālaṅkāre upaharīṃsu. Porisādo “alaṅkatakāle rājā
 bhāriko bhavissati, sallahukakāleyeva naṃ gaṇhissāmī”ti Nadanto khaggaṃ
 parivattento “ahamasmi Porisādo”ti nāmaṃ sāvetaṃ udakā nikkhami. Tassa
 saddaṃ sutvā hatthārohādayo hatthi-ādito bhassīṃsu. Balakāyo dūre ṭhito
 tatova palāyi. Itaro attano āvudhāni chaḍḍetvā urena nipajji. Porisādo
 rājānaṃ ukkhipitvā khandhe nisīdāpetvā sammukhaṭṭhāneyeva
 aṭṭhārasahatthaṃ pākāraṃ laṅghitvā purato pagalitamadamattavaravāraṇe
 kumbhe akkamitvā pabbatakūṭāni viya pātentō vātajavānīpi assaratanāni
 piṭṭhiyaṃ akkamitvā pātentō rathasīse akkamitvā pātentō bhamarikaṃ
 bhamaṅto viya nīlakāni nigrodhapattāni maddanto viya ekavegeneva
 tiyojanamaggaṃ gantvā kañci anubandhantaṃ adisvā saṅikaṃ gacchanto
 Sutasomassa kesehi udakabindūni attano upari patantāni “assubindūni”ti
 saññāya “kimidaṃ Sutasomopi maraṇaṃ anusocanto rodātī”ti āha.

Mahāsatto “nāhaṃ maraṇato anusocāmi, kuto rodanā, api ca kho
 saṅgamaṃ katvā saccāpanaṃ nāma paṇḍitānaṃ āciṇṇaṃ, taṃ na
 nipphajjati”ti anusocāmi, Kassapadasabalena desitā catasso satārahagāthāyo
 ādāya Takkasilato āgatassa brāhmaṇassa āgantukavattaṃ kāretvā “nhāyitvā
 āgantvā suṇissāmi, yāva mamāgamaṇā āgamehi”ti saṅgamaṃ katvā uyyānaṃ
 gato, tvañca tā gāthāyo sotum adatvā maṃ gaṇhīti. Tena vuttam—

“Gahito Porisādena, brāhmaṇe saṅgamaṃ sarin”ti.

Tattha **brāhmaṇe saṅgamaṃ sarinti** Nandabrāhmaṇe attanā kataṃ
 paṭiññaṃ anussarīṃ.

106. **Āvuṇṭivā karattaleti** tattha tattha uyyānādīsu gantvā attano balena ānītānaṃ ekasatakhattiyānaṃ hatthatale chiddaṃ katvā rukkhe lambanattamaṃ rajjumaṃ paṭimuñcitvā. **Etesaṃ pamilāpetvāti**¹ ete ekasatakhattiye jīvaggāhaṃ gahetvā uddhampāde adhosire katvā paṇhiyā sīsaṃ pataranto bhamaṇavasena hatthatale āvuṇṭivā rukkhe ālambanavasena sabbaso āhārūpacchedena ca sabbathā pamilāpetvā visosetvā khedāpetvāti attho. **Yaññattheti** balikammatthe sādhetabbe. **Upanayī mamanti** maṃ upanesi.

107. Tathā upanīyamāno pana mahāsatto Porisādena “kiṃ tvaṃ maraṇato bhāyasī”ti vutte “nāhaṃ maraṇato bhāyāmi, tassa pana brāhmaṇassa mayā kato saṅgaro na parimocito”ti anusocāmi. Sace maṃ vissajjessasi, taṃ dhammaṃ sutvā tassa ca sakkārasammānaṃ katvā puna āgamissāmīti. Nāhamidaṃ saddahāmi, yaṃ tvaṃ mayā vissajjito gantvā puna mama hattham āgamissasīti. Samma Porisāda mayā saddhiṃ ekācariyakule sikkhito sahāyo hutvā ahaṃ jīvitahetupi na musā kathamīti kiṃ na saddahasīti. Kiñcāpi me etena vācāmatkena—

“Asiñca sattiñca parāmasāmi,
Sapathampi te samma ahaṃ karomi.
Tayā pamutto anaṇo bhavitvā,
Saccānurakkhī punarāvajissan”ti²—

mahāsattena imāya gāthāya vuttāya Porisādo “ayaṃ suta somo ‘khattiyehi akattabbaṃ sapatham karomī’ti vadati, gantvā anāgacchantopi mama hatthato na muccissatī”ti cintetvā—

“Yo te kato saṅgaro brāhmaṇena,
Raṭṭhe sake issariye ṭhitena.
Taṃ saṅgaram brāhmaṇa sappadāya,
Saccānurakkhī punarāvajassū”ti²—

vissajjesi.

1. Ete sampamilāpetvā (Sī)

2. Khu 6. 136 piṭṭhe.

Mahāsatto Rāhumukhā mutto cando viya nāgabalo thāmasampanno khippameva taṃ nagaraṃ sampāpuṇi. Senāpissa “Sutasomarāja paṇḍito, Porisādaṃ dametvā sīhamukhā pamuttamattavaravāraṇo viya āgamissatī”¹ti ca “rājānaṃ Porisādassa datvā āgatā”²ti garahabhayena ca bahinagareyeva nivīṭṭhā taṃ dūratova āgacchantāṃ disvā paccuggantvā vanditvā “kaccittha mahārāja Porisādena na kilamito”¹ti¹ paṭisanthāraṃ² katvā “Porisādena mayhaṃ mātāpitūhipi dukkaraṃ kataṃ, tathārūpo nāma caṇḍo sāhasiko mamaṃ saddahitvā maṃ vissajjesī”³ti vutte rājānaṃ alaṅkaritvā hatthikkhandhaṃ āropetvā parivāretvā nagaraṃ pāvisi. Taṃ disvā sabbe nāgarā tusiṃsu.

Sopi dhammasoṇḍatāya mātāpitaropi anupasaṅkamitvā nivesanaṃ gantvā brāhmaṇaṃ pakkosāpetvā tassa mahantaṃ sakkārasammānaṃ katvā dhammagarutāya sayāṃ nīcāsane nisīditvā “tumhehi mayhaṃ ābhataṃ satārahagāthā suṇomi ācariyā”³ti āha. Brāhmaṇo mahāsattena yācītakāle gandhehi hatthe ubbaṭṭetvā pasibbakato manoramaṃ potthakaṃ nīharitvā ubhohi hatthehi gahetvā “tena hi mahārāja suṇohī”³ti potthakaṃ vācento gāthā abhāsi—

“Sakideva Sutasoma, sabbhi hoti samāgamo.

Sā naṃ saṅgati pāleti, nā’sabbhi bahusaṅgamo.

Sabbhireva samāsetha, sabbhi kubbetha santhavaṃ.

Sataṃ saddhamma’maññāya, seyyo hoti na pāpiyo.

Jīranti ve rājarathā sucittā,

Atho sarīrampi jaraṃ upeti.

Satañca dhammo na jaraṃ upeti,

Santo have sabbhi pavedayanti.

Nabhañca dūre pathavī ca dūre,

Pāraṃ samuddassa ta’dāhu dūre.

Tato have dūrataraṃ vadanti,

Satañca dhammo asatañca rājā”³ti³.

1. Kilamitoti (Sī)

2. Paṭisandhāraṃ (Ka)

3. Khu 6. 136, 140 piṭṭhesu.

Tā sutvā mahāsatto “saphalaṃ me āgamanan”ti tuṭṭhacitto “imā gāthā neva sāvabhāsītā, na isibhāsītā, na kavibhāsītā, na devabhāsītā, sabbaññunāva bhāsītā. Kim nu kho agghan”ti cintento “imaṃ sakalampi cakkavāḷaṃ yāva brahmalokā sattaratanapuṇṇaṃ katvā dinnepi neva anucchavikaṃ kataṃ nāma hoti, ahaṃ kho panassa tiyojanasatike Kururaṭṭhe sattayojanike Indapatthanagare rajjaṃ dātuṃ pahomi, rajjaṃ kātuṃ panassa bhāgyaṃ natthi, tathā hissa aṅgalakkhaṇānusārena appānubhāvataṃ dissati, tasmā dinnampi rajjaṃ imasmiṃ tiṭṭhatī”ti cintetvā “ācariya tumhe aññesaṃ khattiyānaṃ imā gāthāyo desetvā kiṃ labhathā”ti pucchi. Ekekāya sataṃ sataṃ mahārāja, teneva satārahagāthā nāma jātāti. Athassa mahāsatto tvaṃ ācariya attanā gahetvā vicaraṇabhaṇḍassa agghaṃ na jānāsīti.

Sahassiyā imā gāthā, nayimā gāthā satārahā.

Cattāri tvaṃ sahasāni, khippaṃ gaṇhāhi brāhmaṇātī¹.

Cattāri sahasāni dāpetvā ekañca sukhayānakaṃ datvā mahatā sakkārasammāneneva taṃ uyyojetvā mātāpitaro vanditvā “ahaṃ brāhmaṇena ābhatāṃ saddhammaratanaṃ pūjetvā tassa ca sakkārasammānaṃ katvā āgamissāmīti Porisādassa paṭiññaṃ datvā āgato, tattha yaṃ brāhmaṇassa kattabbaṃ paṭipajjitabbaṃ taṃ kataṃ, idāni Porisādassa santikaṃ gamissāmī”ti vatvā “tena hi tāta Sutasoma kiṃ nāmetaṃ kathesi, caturaṅginiyā senāya coraṃ gaṇhissāma, mā gaccha corassa santikan”ti yācimsu. Soḷasasahassā nāṭakitthiyo sesaparijanāpi “amhe anāthe katvā kuhiṃ gacchasi devā”ti paridevimsu. “Punapi kira rājā corassa santikaṃ gamissatī”ti ekakolāhalaṃ ahosi.

Mahāsatto “paṭiññāya saccāpanaṃ nāma sādhūnaṃ sappurisānaṃ āciṇṇaṃ, sopi mamaṃ saddahitvā vissajjesi, tasmā gamissāmiyevā”ti mātāpitaro vanditvā sesajanaṃ anusāsetvā assumukhena nānappakāraṃ paridevantena itthāgārādīnā janena anugato nagarā nikkhamma taṃ janaṃ nivattetuṃ magge daṇḍakena tiriyaṃ lekhaṃ katvā “imaṃ mama lekhaṃ mā

1. Khu 6. 137 piṭṭhe.

atikkamiṃsū”ti vatvā agamāsi. Mahājano tejavato mahāsattassa āṇaṃ atikkamituṃ asakkonto mahāsaddena kanditvā roditvā nivatti. Bodhisatto āgatamaggeneva tassa santikaṃ agamāsi. Tena vuttam **“apucchi maṃ Porisādo”**ti-ādi.

Tattha **kiṃ tvaṃ icchasi nisajjanti** tvaṃ attano nagaraṃ gantuṃ mama hatthato nissajjanaṃ kiṃ icchasi, tvaṃ “mayā Takkasilādīsu ciraparcito saccavādī cā”ti vadasi, tasmā **yathāmati te kāhāmi**, yathārucci te karissāmi. **Yadi me tvaṃ punehisīti** sace puna tvaṃ ekamseneva mama santikaṃ āgamissasi.

108. **Paṇhe āgamaṇaṃ mamāti** pageva mama āgamaṇaṃ tassa Porisādassa **paṭissuṇitvā** pātova āgamissāmīti paṭissavaṃ katvā. **Rajjaṃ niyyātayim tadāti** tadā Porisādassa santikaṃ gantukāmo “idaṃ vo rajjaṃ paṭipajjathā”ti mātāpitūnaṃ tiyojanasatikaṃ rajjaṃ niyyātesim.

109. Kasmā pana rajjaṃ niyyātayinti? **Anussarivā sataṃ dhammanti**¹ yasmā pana paṭiññāya saccāpanaṃ nāma sataṃ sādhuṇaṃ mahābodhisattānaṃ paveṇī kulavaṃso, tasmā taṃ saccapāramitādhammaṃ **pubbakaṃ** porāṇaṃ jinehi Buddhādīhi sevitaṃ anussarivā saccam anurakkhanto tassa **brāhmaṇassa dhanam datvā** attano jīvitaṃ pariccajitvā **Porisādaṃ upāgamim**.

110. **Natthi me saṃsayo tatthāti** tasmim Porisādassa santikaṃ gamane “ayaṃ maṃ kiṃ nu kho ghātessati, udāhu no”ti mayhaṃ saṃsayo natthi. “Caṇḍo sāhasiko mayā saddhim ekasatakhattiye devatāya balikammakaraṇasajjo ekanteneva ghātessati”ti jānanto eva kevalaṃ saccavācaṃ anurakkhanto attano jīvitaṃ pariccajitvā taṃ upāgamim, yasmā cetadevaṃ, tasmā saccena me samo natthi, esā me paramatthabhāvappattā saccapāramīti.

Upāgate pana mahāsatte vikasitapuṇḍarīkapadumasassirikamassa mukhaṃ disvā “ayaṃ vigatamaṇabhayo hutvā āgato, kissa nu kho esa ānubhāvo”ti cintento “tassa maññe dhammassa sutattā ayaṃ evaṃ

1. Saddhammanti (Sī)

tejavā nibbhayo ca jāto, ahampi taṃ sutvā tejavā nibbhayo ca bhavissāmi”ti
sanniṭṭhānaṃ katvā Porisādo mahāsattaṃ āha “suṇoma satārahagāthāyo
yāsaṃ savanattamaṃ tvam attano nagaraṃ gato”ti.

Taṃ sutvā bodhisatto “ayaṃ Porisādo pāpadhammo, imaṃ thokaṃ
niggahetvā lajjāpetvā kathessāmi”ti—

“Adhammikassa luddassa, niccaṃ lohitapāṇino.
Natthi saccaṃ kuto dhammo, kiṃ sutena karissasī”ti¹—

vatvā puna tena suṭṭhutarāṃ sañjātasavanādarena—

“Sutvā dhammaṃ vijānanti, narā kalyāṇapāpakaṃ.
Api gāthā suṇitvāna, dhamme me ramate mano”ti²—

vutte “ayaṃ ativiya sañjātādaro sotukāmo, handassa kathessāmi”ti cintetvā
“tena hi samma sādhukaṃ suṇohi manasikarohi”ti vatvā Nandabrāhmaṇena
kathitaniyāmeneva gāthānaṃ sakkaccaṃ thutiṃ katvā
chakāmāvacaradevaloke ekakolāhalaṃ katvā devatāsu sādhukāraṃ
dadamānāsu mahāsatto Porisādassa—

“Sakideva mahārāja, sabbhi hoti samāgamo.
Sā naṃ saṅgati pāleti, nā’sabbhi bahusaṅgamo.
Sabbhireva samāsetha, sabbhi kubbetha santhavaṃ.
Sataṃ saddhamma’maññāya, seyyo hoti na pāpiyo.

Jiranti ve rājarathā sucittā,
Atha sarīraṃpi jaraṃ upeti.
Satañca dhammo na jaraṃ upeti,
Santo have sabbhi pavedayanti.

Nabhañca dūre pathavī ca dūre,
Pāraṃ samuddassa ta’dāhu dūre.
Tato have dūratarāṃ vadanti,
Satañca dhammo asatañca rājā”ti³—

1. Khu 6. 139 piṭṭhe.

2. Khu 6. 141 piṭṭhe.

3. Khu 6. 136, 140 piṭṭhādāsu.

dhammaṃ kathesi. Tassa tena sukathitattā ceva attano ca puññānubhāvena gāthā suṇantasseva sakalasarīraṃ pañcavaṇṇāya pītiyā paripūri. So bodhisatto muducitto hutvā “samma Sutasoma dātabbayuttakaṃ hiraññādīṃ na passāmi, ekekāya gāthāya ekekaṃ varaṃ dassāmi”ti āha. Atha naṃ mahāsatto “tvaṃ attanopi hitāni ajānanto parassa kiṃ nāma varaṃ dassasi”ti apasādetvā puna tena “varaṃ gaṇhathā”ti yācito sabbapaṭhamam “ahaṃ cirakālam taṃ arogaṃ passeyyan”ti varaṃ yāci. So “ayaṃ idāni me vadhitvā maṃsaṃ khāditukāmassa mahānatthakarassa mayhameva jīvitamicchatī”ti tuṭṭhamānaso vañcetvā varassa gahitabhāvaṃ ajānanto adāsi. Mahāsatto hi upāyakusalatāya tassa ciram jīvitukāmatāpadesena attano jīvitam yāci. Atha “parosataṃ khattiyānaṃ jīvitam dehi”ti dutiyam varaṃ, tesam sake raṭṭhe paṭipādanaṃ tatiyam varaṃ, manussamaṃsakhādanato viramaṇam catuttham varaṃ yāci. So tīṇi varāni datvā catuttham varaṃ adātukāmo “aññaṃ varaṃ gaṇhāhi”ti vatvāpi mahāsattena nippīyamāno tampi adāsiyeva.

Atha bodhisatto Porisādam nibbisevanam katvā teneva rājāno mocāpetvā bhūmiyam nipajjāpetvā dārakānam kaṇṇato suttavaṭṭi viya saṅikam rajjuyo nīharitvā Porisādena ekam tacam āharāpetvā pāsāṇena ghaṃsitvā saccakiriyaṃ katvā tesam hatthatalāni makkhesi. Taṅkhaṇam eva phāsukam ahoṣi. Dvīhatīham tattheva vasitvā te aroge kāretvā tehi saddhim abhijjanakasabhāvaṃ mittasanthavaṃ kāretvā tehi saddhim taṃ Bārāṇasim netvā rajje patiṭṭhāpetvā “appamattā hothā”ti te rājāno attano attano nagaram pesetvā Indapatthanagarato āgatāya attano caturaṅginiyā senāya parivuto attano nagaram gato tuṭṭhapamuditena nāgarajanena samparivāriyamāno antepuram pavisitvā mātāpitaro vanditvā mahātalam abhiruhi.

Atha mahāsatto cha dānasālāyo kāretvā devasikam mahādānāni pavattento sīlāni paripūrento uposatham upavasanto pāramiyo anubrūhesi. Tepi rājāno mahāsattassa ovāde ṭhatvā dānādīni puññāni katvā āyupariyosāne saggapuram pūrayimsu. Tadā

Porisādo Aṅgulimālatthero ahosi, Kālahatthi-amacco Sāriputtatthero, Nandabrāhmaṇo Ānandatthero, rukkhadevatā Mahākassapatthero, rājāno Buddhaparisā, mātāpitaro mahārājakulāni, Sutasomamahārājā Lokanātho.

Tassa heṭṭhā vuttanayeneva sesapāramiyopi niddhāretabbā. Tathā **Alīnasattu-cariyāvaṇṇanāya**¹ viya mahāsattassa guṇānubhāvā vibhāvetabbāti.

Mahāsutasomacariyāvaṇṇanā niṭṭhitā.

Saccapāramī niṭṭhitā.

13. Suvaṇṇasāmacariyāvaṇṇanā

111. Terasame **Sāmo yadā vane āsinti** Himavantasmim Migasammatāya nāma nadiyā tīre mahati araṇṇe Sāmo² nāma tāpasakumāro yadā ahosi. **Sakkena abhinimmitoti** Sakkassa Devānamindassa upadesasampattiyā jātattā Sakkena nibbattito janito. Tatrāyaṃ anupubbikathā—atīte Bārāṇasito avidūre nadiyā tīre eko nesādagāmo ahosi. Tattha jeṭṭhanesādassa putto jāto, tassa “Dukūlo”ti nāmamakamsu. Tassā eva nadiyā paratīrepi eko nesādagāmo ahosi. Tattha jeṭṭhanesādassa dhītā jātā, tassā “Pārikā”ti nāmamakamsu. Te ubhopi brahmalokato āgatā suddhasattā. Tesam vayappattānaṃ anicchamānānaṃyeva āvāhavivāhaṃ karimsu. Te ubhopi kilesasamuddaṃ anotaritvā brahmāno viya ekato vasiṃsu. Na ca kiñci nesādakammaṃ karonti.

Atha Dukūlaṃ mātāpitaro “tāta tvaṃ nesādakammaṃ na karosi, neva gharāvāsaṃ icchasi, kiṃ nāma karissasi”ti āhaṃsu. So “tumhesu anujānantesu pabbajissāmi”ti āha. Tena hi pabbajāhīti. Dvepi janā Himavantaṃ pavisitvā yasmim ṭhāne Migasammatā nāma nadī Himavantato otaritvā Gaṅgaṃ pattā, taṃ ṭhānaṃ gantvā Gaṅgaṃ pahāya Migasammatābhimukhā abhiruhiṃsu.

1. Cariyāpiṭaka-Ṭṭha 163 piṭṭhādīsu.

2. Suvaṇṇasāmo (Ka)

Tadā Sakkassa bhavanam̐ uṇhākāram̐ dassesi. Sakko tam̐ kāraṇam̐ ñatvā Vissakammunā tasmim̐ ṭhāne assamam̐ māpesi. Te tattha gantvā pabbajitvā Sakkadattiye assame kāmāvacaramettaṃ bhāvetvā paṭivasimsu. Sakkopi tesam̐ upaṭṭhānam̐ āgacchati.

So ekadivasam̐ “tesam̐ cakkhū parihāyissanti”ti ñatvā upasaṅkamitvā “bhante vo cakkhūnam̐ antarāyo paññāyati, paṭijagganakam̐ puttam̐ laddhum̐ vaṭṭati, jānāmi tumhākam̐ suddhacittataṃ, tasmā Pārikāya utunikāle nābhim̐ hatthena parāmaseyyātha, evam̐ vo putto jāyissati, so vo upaṭṭhahissati”ti vatvā pakkāmi. Dukūlapaṇḍito tam̐ kāraṇam̐ Pārikāya ācikkhitvā tassā utunikāle nābhim̐ parāmasi. Tadā bodhisatto devalokā cavitvā tassā kucchimhi paṭisandhim̐ gaṇhi, sā dasamāsaccayena suvaṇṇavaṇṇam̐ puttam̐ vijāyi, tenevassa “Suvaṇṇasāmo”ti nāmam̐ karimsu. Tam̐ aparabhāge vaḍḍhitvā soḷasavassuddesikampi mātāpitaro rakkhantā assame nisīdāpetvā sayameva vanamūlaphalāphalathāya gacchanti.

Athekadivasam̐ vane phalāphalam̐ ādāya nivattitvā assamapadato avidūre meghe uṭṭhite rukkhāmūlam̐ pavisitvā vammikamatthake ṭhitānam̐ sarīrato sedagandhamissake uduke tasmim̐ vammikabile ṭhitassa āsivisassa nāsāpuṭam̐ pavitṭhe āsiviso kujjhivā nāsāvātena pahari. Dve andhā hutvā paridevamānā viravimsu. Atha mahāsatto “mama mātāpitaro aticirāyanti, kā nu kho tesam̐ pavatti”ti paṭimaggam̐ gantvā saddamakāsi. Te tassa saddam̐ sañjānitvā paṭisaddam̐ katvā puttasiṅhena “tāta Sāma idha paripantho atthi, mā āgamī”ti vatvā saddānusārena sayameva samāgamimsu. So “kena vo kāraṇena cakkhūni vinaṭṭhāni”ti pucchitvā “tāta mayam̐ na jānāma, deve vassante rukkhāmūle vammikamatthake ṭhitā, atha na passāmā”ti vuttamatte eva aññāsi “tattha āsivisena bhavitabbam̐, tena kuddhena nāsāvāto vissaṭṭho bhavissati”ti.

Atha “mā cintayittha, aham̐ vo paṭijaggissāmi”ti mātāpitaro assamam̐ netvā tesam̐ rattiṭṭhānadivāṭṭhānādisañcaraṇaṭṭhāne rajjūke bandhi. Tato paṭṭhāya te assame ṭhapetvā vanamūlaphalāphalāni āharati, pātova vasanaṭṭhānam̐ sammajjati, pānīyam̐ āharati, paribhojanīyam̐ upaṭṭhāpeti,

dantakaṭṭhamukhodakāni datvā madhuraphalāphalaṃ deti. Tehi mukhe vikkhālīte sayam paribhuñjitvā mātāpitaro vanditvā tesam avidūreyeva acchati “kim nu kho ime āṇāpentī”ti. Visesena ca mettāṃ bahulamakāsi, tenassa sattā appaṭikkulā ahesum. Yathā cassa sattā, evaṃ sattānaṃ so bodhisatto appaṭikkūlo. Evaṃ so divase divase phalāphalattāyā araṇṇaṃ gacchantopi āgacchantopi migagaṇaparivuto eva ahosi.

Sīhabyagghādivipakkhasattāpi tena saddhiṃ ativiya vissatthā, mettānubhāvena panassa vasanaṭṭhāne aññamaññaṃ tiracchānagatā muducittataṃ paṭilabhiṃsu. Iti so sabbattha mettānubhāvena abhīrū anutrāsī brahmā viya avero vihāsi. Tena vuttaṃ “**pavane sīhabyaggheca, mettāyamupanāmayin**”ti-ādi.

Tattha **mettāyamupanāmayinti ma-kāro** padasandhikaro, mettābhāvanāya kurūrakammante sīhabyagghēpi phari, pageva sesasattēti adhippāyo. Atha vā mettā ayati pavattati etenāti mettāyo, mettābhāvanā. Tam mettāyam upanāmayiṃ sattesu anodhiso upanesiṃ. “Sīhabyagghēhi”tipi pāṭho, tassattho—na kevalamahameva, atha kho pavane sīhabyagghēhi yasmīṃ mahāvane tadā ahaṃ viharāmi, tattha sīhabyagghēhi saddhiṃ ahaṃ sattesu mettāṃ upanāmesīṃ. Sīhabyagghāpi hi tadā mamānubhāvena sattesu mettacittataṃ paṭilabhiṃsu, pageva itare sattāti dasseti.

112. **Pasadamigavarāhehīti** pasadamigeḥi ceva vanasūkareḥi ca. **Parivāretvāti** etehi attānaṃ parivāritaṃ katvā tasmīṃ araṇṇe **vasiṃ**.

113. Idāni tadā attano mettābhāvanāya laddhaṃ ānisaṃsaṃ matthakappattiṃcassa dassetuṃ “**na maṃ koci uttasati**”ti osānagāthamāha. Tassattho—sasabilārādiko bhīrukajātikopi **koci** satto **maṃ na uttasati** na ubbijjeti. Ahampi **kassaci** sīhabyagghāditiracchānato yakkhādi-amanussato luddalohitapāṇimanussatoti kutocipi **na bhāyāmi**. Kasmā? Yasmā **mettābalenupatthaddho** cirakālaṃ bhāvitāya mettāpāramitāyānubhāvena upatthambhito tasmīṃ **pavane** mahā-araṇṇe **tadā ramāmi** abhiramāmīti. Sesam suviññeyyameva.

Evam pana mahāsatto sabbasatte mettāyanto mātāpitāro ca sādhuṅgaṃ paṭijagganto ekadivasam araṇṇato madhuraphalāphalam āharitvā assame ṭhapetvā mātāpitāro vanditvā “pānīyam ādāya āgamissāmī”ti migagaṇaparivuto dve mige ekato katvā tesam piṭṭhiyam pānīyaghaṭam ṭhapetvā hatthena gahetvā nadītittham āgamāsī. Tasmim samaye Bārāṇasīyam Pīṭiyakkho nāma rājā rajjam kāresi. So migamaṃsalobhena mātaram rajjam paṭicchāpetvā sannaddhapañcāvudho Himavantaṃ pavisitvā mige vadhitvā maṃsam khādītva caranto Migasammataṃ nadim patvā anupubbena sāmassa pānīyagahaṇatittham patto migapadavalañjam disvā gacchanto¹ tam tathā gacchantam disvā “mayā ettakaṃ kalam evam vicaranto manusso na diṭṭhapubbo, devo nu kho esa nāgo nu kho, sacāham upasaṅkamitvā pucchissāmi, sahasā pakkameyyāti yannūnāham etaṃ vijjhītvā dubbalam katvā puccheyyan”ti cintetvā mahāsattam² nhatvā vākacīram nivāsetvā ajinacammaṃ ekaṃsam karitvā pānīyaghaṭam pūretvā ukkhipitvā vāmaṃsakūṭe ṭhapanakāle “idāni tam vijjhītuṃ samayo”ti visapītena³ sarena dakkhiṇapasse vijjhi. Saro vāmapassena nikkhami. Tassa viddhabhāvam ṇatvā migagaṇo bhīto palāyi.

Sāmapaṇḍito pana viddhopi pānīyaghaṭam yathā vā tathā vā anavasumbhetvā⁴ satim paccupaṭṭhāpetvā saṅgikam otāretvā vālukam byūhitvā ṭhapetvā disam vavatthapetvā mātāpitūnam vasanaṭṭhānadisābhāgena sīsam katvā nipajjitvā mukhena lohitaṃ chaḍḍetvā “mama koci verī nāma natthi, mamapi katthaci veraṃ nāma natthi”ti vatvā imam gāthamāha—

“Ko nu maṃ usunā vijjhi, pamattam udahārakaṃ.

Khattiyo brāhmaṇo vesso, ko maṃ viddhā nilīyatī”ti⁵.

Tam sutvā rājā “ayam mayā vijjhītvā pathaviyam pātītopi neva maṃ akkosati na pariabhāsati, mama hadayamaṃsam sambāhanto viya piyavacanena samudācarati, gamissāmissa santikan”ti cintetvā upasaṅkamitvā attānam attanā ca viddhabhāvam āvikatvā “ko vā tvam kassa vā putto”ti mahāsattam pucchi.

1. Āgacchanto (Ka)

2. Mahāsattassa (Ka)

3. Visalittena (Ka)

4. Amuñcitvā (Sī)

5. Khu 6. 174 piṭṭhe.

So “Sāmo nāmāhaṃ Dukūlapaṇḍitassa nāma nesāda-isino putto, kissa pana maṃ vijjhī”ti āha. So paṭhamam “migasaññāyā”ti musāvādam vatvā “ahaṃ imam niraparādham akāraṇena vijjhin”ti anusocivā yathābhūtam āvikatvā tassa mātāpitūnam vasanaṭṭhānam pucchivā tattha gantvā tesam attānam āvikatvā tehi katapaṭisanthāro “Sāmo mayā viddho”ti vatvā te paridevante sokasamāpanne “yam Sāmena kattabham paricārikakammaṃ, tam katvā aham vo upaṭṭhahissāmī”ti samassāsetvā Sāmassa santikaṃ ānesi. Te tattha gantvā nānappakāram paridevitvā tassa ure hattham ṭhapetvā “puttassa me sarīre usumā vattateva, visavegena visaññitam āpanno bhavissatīti nibbisabhāvattthāya saccakiriyaṃ karissāmā”ti cintetvā—

“Yam kiñci’tthi kataṃ puññaṃ, mayhañceva pitucca te.
Sabbena tena kusalena, visam Sāmassa haññatū”ti¹—

mātarā,

“Yam kiñci’tthi kataṃ puññaṃ, mayhañceva mātucca te.
Sabbena tena kusalena, visam Sāmassa haññatū”ti¹—

pitarā,

“Pabbatya’ham Gandhamādane, cirarattanivāsini.
Na me piyataro koci, añño Sāmena vijjati.
Etena saccavajjena, visam Sāmassa haññatū”ti¹—

devatāya ca saccakiriyaṃ katāya mahāsatto khippam vuṭṭhāsi.
Padumapattapalāse udakabindu viya vinivaṭṭetvā ābādho vigato.
Viddhaṭṭhānam arogaṃ pākatikameva ahoṣi. Mātāpitūnam cakkhūni
uppajjimsu. Iti mahāsattassa arogatā, mātāpitūnañca cakkhupaṭilābho,
aruṇuggamaṃ, tesam catunnampi assameyeva avatṭhānanti² sabbam
ekakkhaṇeyeva ahoṣi.

Atha mahāsatto raññā saddhim paṭisanthāram katvā “dhammam cara mahārājā”ti-ādinā³ dhammam desetvā uttarimpi ovaditvā pañca silāni

1. Khu 6. 182 piṭṭhe.

2. Avatthānanti (Sī)

3. Khu 6. 183 piṭṭhādīsu.

adāsi. So tassa ovādaṃ sirasā paṭiggahetvā vanditvā Bārāṇasim gantvā dānādīni puññāni katvā saggaparāyano ahoṣi. Bodhisattopi saddhim mātāpitūhi abhiññāsamāpattiyo nibbattetvā āyupariyosāne brahmalokūpago ahoṣi. Tadā rājā Ānandatthero ahoṣi, devadhītā Uppalavaṇṇā, Sakko Anuruddho, pitā Mahākassapatthero, mātā Bhaddakāpilānī, Sāmapaṇḍito Lokanātho.

Tassa heṭṭhā vuttanayeneva sesapāramiyo niddhāretabbā. Tathā viṣapītena sallena dakkhiṇapassena pavisitvā vāmapassato vinivijjhanavasena vidhohi kiñci kāyavikāraṃ akatvā udakaghaṭassa bhūmiyaṃ nikkhipanaṃ, vadhake aññātepi ñāte viya cittavikārābhāvo, piyavacanena samudācāro, mātāpitu-upaṭṭhānapuññato mayhaṃ parihānīti anusocanamattaṃ, aroge jāte rañño kāruññaṃ mettañca upaṭṭhāpetvā dhammadesanā, ovādadānanti evamādayo guṇānubhāvā vibhāvetabbāti.

Suvaṇṇasāmacariyāvaṇṇanā niṭṭhitā.

14. Ekarājacariyāvaṇṇanā

114. Cuddasame **Ekarājāti viṣsutoti** Ekarājāti iminā anvatthanāmena¹ Jambudīpatale pākaṭo.

Mahāsatto hi tadā Bārāṇasirañño putto hutvā nibbatti, vayappatto sabbasippanipphattiṃ patto hutvā pitu accayena rajjaṃ kārento kusala sīlācārasaddhā sutādi anaññasādhāraṇaguṇavisesayogena pāramiparibhāvanena ca Jambudīpatale adutiyaṭṭā padhānabhāvena ca “Ekarājā”ti pakāsanāmo ahoṣi. **Paramaṃ sīlaṃ adhiṭṭhāyāti** suparisuddhakāyikavācasikasamvarasaṅkhātāñceva suparisuddhamanosamācārasaṅkhātāñca paramaṃ uttamaṃ dasakusalakammapaṭṭhasīlaṃ samādānavasena ca avītikkanavasena ca adhiṭṭhahitvā anuṭṭhahitvā. **Pasāsāmi mahāmahinti** tiyojanasatike Kāsiraṭṭhe mahatiṃ mahim anusāsāmi rajjaṃ kāremi.

1. Attano nāmena (Ka)

115. **Dasakusalakammapattheti** pāṇātipātāveramaṇi yāva sammādiṭṭhīti etasmim dasavidhe kusalakammapatthe, ete vā anavasesato samādāya vattāmi. **Catūhi saṅgahavattūhīti** dānaṃ piyavacanāṃ atthacariyā samānattatāti imehi catūhi saṅgahavattūhi saṅgaṇhanakāraṇehi yadā ekarājāti vissuto homi, tadā yathārahaṃ **mahājanāṃ saṅgaṇhāmīti** sambandho.

116. **Evanti** dasakusalakammapatthasīlaparipūraṇaṃ catūhi saṅgahavattūhi mahājana¹saṅgaṇhananti yathāvuttena iminā ākārena **appamattassa**. **Idhaloke parattha cāti** imasmim loke yaṃ appamajjanaṃ, tattha diṭṭhadhammike atthe paraloke yaṃ appamajjanaṃ tattha samparāyike atthe appamattassa me satoti attho. **Dabbasenoti** evaṃnāmako Kosalarājā. **Upagantvāti** caturaṅginim senaṃ sannayhitvā abbhuyyānavasena mama rajjaṃ upagantvā. **Acchindanto puram mamāti** mama Bārāṇasinagaraṃ balakkārena gaṇhanto.

Tatrāyaṃ anupubbikathā—mahāsatto hi tadā nagarassa catūsu dvāresu catasso majjhe ekaṃ nivesanadvāre ekanti cha dānasālāyo kāretvā kapaṇaddhikādīnaṃ dānaṃ deti, sīlaṃ rakkhati, uposathakammaṃ karoti, khantimettānuddayasampanno aṅke nisinnaṃ puttaṃ paritosayamāno viya sabbasatte paritosayamāno dhammena rajjaṃ kāreti. Tasseko amacco antepuraṃ padussitvā aparabhāge pākaṭova jāto. Amaccā rañño ārocesum. Rājā pariggaṇhanto taṃ attanā paccakkhato ñatvā taṃ amaccaṃ pakkosāpetvā “andhabāla ayuttaṃ te kataṃ, na tvaṃ mama vijite vasitum arahasi, attano dhanaṅca puttadāraṅca gahetvā aññattha yāhī”ti raṭṭhā pabbājesi.

So Kosalajanapadaṃ gantvā Dabbasenaṃ nāma Kosalarājānaṃ upaṭṭhahanto anukkamena tassa vissāsiko hutvā ekadivasam taṃ rājānaṃ āha “deva Bārāṇasirajjaṃ nimmakkhikamadhupaṭalasadisaṃ, atimuduko rājā, sukheveva taṃ rajjaṃ gaṇhitum sakkosi”ti². Dabbaseno Bārāṇasirañño mahānubhāvātāya tassa vacanaṃ asaddahanto manusse

1. Mahājanam (Sī)

2. Sakkāti (Sī)

pesetvā Kāsiraṭṭhe gāmaghātādīni kāretvā tesam corānam bodhisattena dhanam datvā vissajjitabhāvam sutvā “ativiya dhammiko rājā”ti ñatvā “Bārāṇasirajjam gaṇhissāmī”ti balavāhanam ādāya niyyāsi. Atha Bārāṇasirañño mahāyodhā “Kosalarājā āgacchatī”ti sutvā “amhākam rajjasīmam anokkamantameva nam pothetvā gaṇhāmā”ti attano rañño vadimsu.

Bodhisatto “tātā mam nissāya aññesam kilamanakiccam natthi, rajjatthikā rajjam gaṇhantu, mā gamitthā”ti nivāresi. Kosalarājā janapadamajjham pāvisi. Mahāyodhā punapi rañño tatheva vadimsu. Rājā purimanayeneva nivāresi. Dabbaseno bahinagare ṭhatvā “rajjam vā detu yuddham vā”ti Ekarājassa sāsanaṃ pesesi. Ekarājā “natthi mayā yuddham rajjam gaṇhātū”ti paṭisāsanaṃ pesesi. Punapi mahāyodhā “deva na mayam Kosalarañño nagaram pavisitum dema, bahinagareyeva nam pothetvā gaṇhāmā”ti āhamsu. Rājā purimanayeneva nivāretvā nagaradvārāni avāpurāpetvā mahātale pallaṅkamajjhe nisīdi. Dabbaseno mahantena balavāhanena nagaram pavisitvā ekampi paṭisattum apassanto sabbarajjam hatthagataṃ katvā rājanivesanaṃ gantvā mahātalam āruyha niraparādham bodhisattaṃ gaṇhāpetvā āvāṭe nikhaṇāpesi. Tena vuttam—

“Dabbaseno upagantvā, acchindanto puram mama.

117. Rājūpajīve nigame, sabalaṭṭhe saraṭṭhake.

Sabbam hatthagataṃ katvā, kāsuyā nikhaṇī mamam”ti.

Tattha **rājūpajīveti** amaccapārisajjabrahmaṇagahapati-ādike rājānam upanissāya jīvante. **Nigameti** negame. **Sabalaṭṭheti** senāpariyāpannatāya bale tiṭṭhantīti balaṭṭhā, hatthārohadayo, balaṭṭhehi sahāti sabalaṭṭhe. **Saraṭṭhaketī** sajanapade, rājūpajīve nigame ca aññaṇca **sabbam hatthagataṃ katvā**. **Kāsuyā nikhaṇī mamanti** sabalavāhanam sakalam mama rajjam gahetvā mampi galappamāṇe āvāṭe nikhaṇāpesi. **Jātakepi**—

“Anuttare kāmagaṇe samiddhe,
 Bhutvāna pubbe vasi Ekarājā.
 So dāni dugge narakamhi khitto,
 Nappajjahe vaṇṇabalaṃ purāṇaṃ”ti¹—

āvāṭe khittabhāvo āgato. **Jātakakāthakāyaṃ**² pana “sikkāya pakkhipāpetvā uttarummāre heṭṭhāsīsakam olambesī”ti vuttaṃ.

Mahāsatto corarājānaṃ ārabba mettaṃ bhāvetvā kasiṇaparikkammaṃ katvā jhānābhīṇṇāyo nibbattetvā kāsuto uggantvā ākāse pallaṅkena nisīdi. Tena vuttaṃ—

118. “Amaccamaṇḍalaṃ rajjaṃ, phītaṃ antepuraṃ mama.
 Acchinditvāna gahitaṃ, piyaputtaṃva passahaṃ”ti.

Tattha **amaccamaṇḍalanti** tasmim̐ tasmim̐ rājakicce rañṇā amā saha vattantīti amaccā, saddhim̐ vā tesaṃ maṇḍalaṃ samūhaṃ. **Phītanti** balavāhanena nagarajanapadādīhi samiddhaṃ **rajjaṃ**. Itthāgārādāsīdāsaparijanehi ceva vatthābharaṇādi-upabhogūpakaraṇehi ca samiddhaṃ **mama antepuraṇīca** acchinditvā gahitakam̐ gaṇhantaṃ amittarājānaṃ yāya³ attano **piyaputtaṃva passim̐ ahaṃ**, tāya evambhūtāya mettāya me samo sakalaloke natthi, tasmā evambhūtā esā me mettāpāramī paramatthapāramibhāvaṃ pattāti adhippāyo.

Evam̐ pana mahāsatte taṃ corarājānaṃ ārabba mettaṃ pharivā ākāse pallaṅkena nisinne tassa sarīre dāho uppajji. So “dayhāmi dayhāmī”ti bhūmiyaṃ aparāparaṃ parivattati. “Kimetan”ti vutte mahārāja tumhe niraparādhaṃ dhammīkarājānaṃ āvāṭe nikhaṇāpayitthāti. “Tena hi vegena gantvā taṃ uddharathā”ti āha. Purisā gantvā taṃ rājānaṃ ākāse pallaṅkena nisinnaṃ disvā āgantvā Dabbasenassa ārocesum̐. So vegena gantvā vanditvā khamāpetvā “tumhākaṃ rajjaṃ tumheva kāretha, ahaṃ vo core paṭibāhessāmī”ti vatvā tassa duṭṭhāmacassa rājānaṃ kāretvā pakkāmi. Bodhisattopi rajjaṃ amaccānaṃ niyyātetvā isipabbajjaṃ pabbajitvā mahājānaṃ sīlādiguṇesu paṭiṭṭhāpetvā āyupariyosāne

1. Khu 5. 94 piṭṭhe.

2. Jātaka-Ṭṭha 3. 12 piṭṭhe.

3. Nissāya (Sī, Ka)

brahmalokaparāyano ahosi. Tadā Dabbaseno Ānandatthero ahosi, Ekarājā Lokanātho.

Tassa divase divase chasu dānasālāsu chasatasahassavissajjanena paccatthikarañño sakalarajjapariccāgena ca dānapāramī, niccasīla-uposathakammavasena pabbajitassa anavasesasīlasamvaravasena ca sīlapāramī, pabbajjāvasena jhānādhiḡamavasena ca nekkhammapāramī, sattānaḡ hitāhitavicāraḡavasena dānasīlādisamvidahanavasena ca paññāpāramī, dānādipuññasambhārassa abhussahanavasena kāmavitakkādivinodanavasena ca vīriyapāramī, duṭṭhāmacassa Dabbasenarañño ca aparādhasahanavasena khantipāramī, yathāpaṭiññaḡ dānādīnā avisaḡvādanavasena ca saccapāramī, dānādīnaḡ acalasaḡdānādhiṭṭhānavasena adhiṭṭhānapāramī, paccatthikepi ekantena hitūpasamhāravasena mettājhānanibbattanena ca mettāpāramī, duṭṭhāmaccena dabbasenena ca katāparādhe hitesīhi attano amaccādīhi nibbattite upakāre ca ajjupekkhaḡena rajjasukhappattakāle paccatthikaraññā narake khittakāle samānacittatāya ca upekkhāpāramī veditabbā. Vuttañhetam—

“Panujja dukkhena sukhaḡ janinda,
Sukhena vā dukkha’masayhasāhi.
Ubhayattha santo abhinibbutattā,
Sukhe ca dukkhe ca bhavanti tulyā”ti¹.

Yasmā panettha mettāpāramī atisayavatī, tasmā tadatthadīpanattham sā eva Pāḡi āruḡhā. Tathā idha mahāsattassa sabbasattesu orasaputte viya samānukampatādayo guḡavisesā niddhāretabbāti.

Ekarājacariyāvaḡḡanā niṭṭhitā.

Mettāpāramī niṭṭhitā.

1. Khu 5. 94 piṭṭhe.

15. Mahālomahaṃsacariyāvaṇṇanā

119. Pannarasame “susāne seyyaṃ kappemī”ti etthāyaṃ anupubbikathā—

Mahāsatto hi tadā mahati uḷārabhoge kule nibbattitvā vuddhimanvāya disāpāmokkhassa ācariyassa santike garuvāsaṃ vasanto sabbasippānaṃ nipphattiṃ patvā kulagharaṃ āgantvā mātāpitūnaṃ accayena ñātakehi “kuṭumbaṃ saṅṭhapehī”ti yāciyamānopi aniccatāmanasikāramukhena sabbabhavesu abhivaḍḍhamānaṣaṃvego kāye ca asubhasaññaṃ paṭilabhitvā gharāvāsapalibodhādhibhūtaṃ kilesagahaṇaṃ anogāhetvāva cirakālasamparicitaṃ nekkhammajjhāsayaṃ upabrūhayamāno mahantaṃ bhogakkhandhaṃ pahāya pabbajitukāmo hutvā puna cintesi “sacāhaṃ pabbajissāmi, guṇasambhāvanāpākaṭo¹ bhavissāmi”ti.

So lābhasakkāraṃ jigucchanto pabbajjaṃ anupagantvā “pahomi cāhaṃ lābhālābhādīsu nibbikāro hotun”ti attānaṃ takkento “visesato paraparibhavasahanādipaṭipadaṃ pūrento upekkhāpāramiṃ matthakaṃ pāpessāmi”ti nivatthavattteneva gehato nikkhamitvā paramasallekhavuttikopi abalabalo amandamando viya paresaṃ acittakarūpena hīlitaṃ paribhūto hutvā gāmanigamarājadhānīsu ekarattivāseneva vicarati. Yattha pana mahantaṃ paribhavaṃ paṭilabhati, tattha cirampi vasati. So nivatthavatte jiṇṇe pilotikakhaṇḍena tasmimpi jiṇṇe kenaci dinnāṃ aggaṇhanto hirikopīnapaṭicchādanamatteneva carati. Evaṃ gacchante kāle ekaṃ nigamaḡāmaṃ agamāsi.

Tattha gāmadāraḡā dhuttajātikā vedhaverā keci² rājavallabhānaṃ puttanaṭṭudāsādayo ca uddhatā unnaḷā capalā mukharā vikiṇṇavācā kālena kālaṃ kīḷābahulā vicaranti. Duggate mahallake purise ca itthiyo ca gacchante disvā bhasmapuṭena piṭṭhiyaṃ ākiranti, ketakīpaṇṇaṃ kacchantare olambenti, tena vippakārena parivattetvā olokente yathāvajjakīḷitaṃ dassetvā upahasanti. Mahāpuriso tasmim nigame te evaṃ vicarante dhuttadāraḡe disvā “laddho vata dāni me upekkhāpāramiyā

1. Guṇasambhāvanāṣakkato (Sī)

2. Ye keci (Sī)

paripūraṇūpāyo”ti cintetvā tattha vihāsi. Taṃ te dhuttadārakā passitvā vippakāraṃ kātum ārabhanti.

Mahāsatto taṃ asahanto viya ca tehi bhāyanto viya ca uṭṭhahitvā gacchati. Te taṃ anubandhanti. So tehi anubandhiyamāno “ettha natthi koci paṭivattā”ti susānaṃ gantvā aṭṭhikaṃ sīsūpadhānaṃ katvā sayati. Dhuttadārakāpi tattha gantvā oṭṭhubhanādikaṃ nānappakāraṃ vippakāraṃ katvā pakkamanti. Evaṃ te divase divase karonti eva. Ye pana viññū purisā, te evaṃ karonte passanti, te te paṭibāhitvā “ayaṃ mahānubhāvo tapassī mahāyogī”ti ca ñatvā uḷāraṃ sakkārasammānaṃ karonti. Mahāsatto pana sabbattha ekasadisova hoti majjhatabhūto. Tena vuttaṃ “**susāne seyyaṃ kappemī**”ti-ādi.

Tattha **susāne seyyaṃ kappemī, chavaṭṭhikaṃ upanidhāyāti** āmakasusāne chaḍḍitakaḷevarato soṇasiṅgālādīhi tahiṃ tahiṃ vikkhittesu aṭṭhikesu ekaṃ aṭṭhikaṃ sīsūpadhānaṃ katvā sucimhi ca asucimhi ca samānacittatāya tasmim̐ susāne seyyaṃ kappemī, sayāmīti attho. **Gāmaṇḍalāti**¹ gāmadārakā. **Rūpaṃ dassentinappakanti** yathāvajjakīḷitāya oṭṭhubhana-upahasana-ummihanādīhi kaṇṇasote salākappavesanādīhi ca atikakkhaḷaṃ anappakaṃ nānappakāraṃ rūpaṃ vikāraṃ karonti.

120. **Apareti** tesu eva gāmadārakesu ekacce. **Upāyanānūpanentīti** “ayaṃ imesu paribhavavasena evarūpaṃ vippakāraṃ karontesu na kiñci vikāraṃ dasseti, sammānane nu kho kīdiso”ti pariggaṇhantā vividhaṃ bahuṃ gandhamālaṃ bhojanaṃ aññāni ca upāyanāni paṇṇākārāni upanenti upaharanti. Aparehi vā tehi anācāragāmadārakehi aññe viññū manussā “ayaṃ imesaṃ evaṃ vividhampi vippakāraṃ karontānaṃ na kuppati, aññadatthu khantimettānuddayaṃyeva tesu upaṭṭhapeti, aho acchariyapuriso”ti **hatṭhā** “bahu vatimehi etasmim̐ vipaṭipajjantehi apuññaṃ pasutan”ti **samviggamānasā**va hutvā **bahuṃ** gandhamālaṃ **vividhaṃ** bhojanaṃ aññāni ca upāyanāni upanenti upaharanti.

1. Gomaṇḍalāti (Sī, Ka)

121. **Ye me dukkhaṃ upaharantīti** ye gāmadārakā mayhaṃ sarīradukkhaṃ upaharanti upanenti. “Upadahantī”tipi pāṭho, uppādentīti attho. **Ye ca denti sukhaṃ mamāti** ye ca viññū manussā mama mayhaṃ sukhaṃ denti, mālāgandhabhojanādisukhūpakaraṇehi mama sukhaṃ upaharanti. **Sabbesaṃ samako homīti** katthacipi vikārānuppattiyā samānacittatāya vividhānampi tesāṃ janānaṃ samako ekasadiṣo homi bhavāmi. **Dayā kopo na vijjatīti** yasmā mayhaṃ upakārake mettacittatāsaṅkhātā dayā, apakārake manopadosasaṅkhāto kopopi na vijjati, tasmā sabbesaṃ samako homīti dasseti.

122. Idāni Bhagavā tadā upakārīsu apakārīsu ca sattesu samupacitañāṣasambhārassa attano samānacittatā vikārābhāvo yā ca lokadhammesu anupalittatā ahoṣi, taṃ dassetuṃ “**sukhadukkhe tulābhūto**”ti osānagāthamāha.

Tattha **sukhadukkheti** sukhe ca dukkhe ca. **Tulābhūto**ti samakaṃ gahitatulā viya onati-unnati-apanatim vajjetvā majjhatabhūto, sukhadukkhaḡgaḡaḡeneva cettha taṃnimittabhāvato lābhālābhāpi gahitāti veditabbari. **Yasesūti** kittīsu. **Ayasesūti** nindāsu. **Sabbatthāti** sabbesu sukhādīsu lokadhammesu. Iti Bhagavā tadā sabbasattesu sabbalokadhammesu ca anaññasādhāraṇaṃ attano majjhatabhāvaṃ kittetvā tena tasmim attabhāve attano upekkhāpāramiyā sikhāppatabhāvaṃ vibhāvento “**esā me upekkhāpāramī**”ti desanaṃ niṭṭhāpesi.

Idhāpi mahāsattassa paṭhamaṃ dānapāramī nāma visesato sabbavibhavapariccāgo “ye keci imaṃ sarīraṃ gahetvā yaṃkiñci attano icchitaṃ karontū”ti anapekkhabhāvena attano attabhāvapariccāgo ca dānapāramī, hīnādīkassa sabbassa akattabbassa akaraṇaṃ sīlapāramī, kāmassādavimukhassa gehato nikkhantassa sato kāye asubhasaññānubrūhanā nekkhammapāramī, sambodhisambhārānaṃ upakāradhammapariggahaṇe tappaṭipakkhappahāne ca kosallaṃ aviparītato dhammasabhāvācintanā ca paññāpāramī, kāmavitakkādivinodanaṃ dukkhādhivāsanavīriyañca vīriyapāramī, sabbāpi adhvāsānakhanti khantipāramī, vacīsaccaṃ samādānāvisāmvādanena viratisaccañca

saccapāramī, anavajjadhamme acalasangādhānādhiṭṭhānaṃ adhiṭṭhānapāramī, anodhiso sabbasattesu mettānuddayabhāvo mettāpāramī, upekkhāpāramī panassa yathāvuttavaseneva veditabbāti dasa pāramiyo labbhanti, upekkhāpāramī cettha atisayavatīti katvā sāyeva desanaṃ āruḷhā. Tathā idha mahāsattassa mahantaṃ bhogakkhandhaṃ mahantañca nītiparivaṭṭaṃ pahāya mahābhinnikkhamanasadisāṃ gehato nikkhamaṇaṃ, tathā nikkhamitvā lābhasakkāraṃ jigucchato paresāṃ sambhāvaṇaṃ pariharitukāmassa pabbajjāliṅgaṃ aggahetvā citteneva anavasesāṃ pabbajjāguṇe adhiṭṭhahitvā paramasukhavihāro, paramappicchā, pavivekābhīrati, upekkhāñādhīppāyena attano kāyajīvitānirapekkhā, parehi attano upari katavippakārādhivāsanaṃ, ukkaṃsagatasallekhavutti, bodhisambhārapaṭipakkhānaṃ kilesānaṃ tanubhāvena khīṇāsavānaṃ viya paresāṃ upakārāpakāresu nibbikārabhāvahetubhūtena sabbattha majjhantabhāvena samuṭṭhāpito lokadhammehi anupalepo, sabbapāramīnaṃ muddhabhūtāya upekkhāpāramiyā sikhāpattīti evamādayo guṇānubhāvā vibhāvetabbāti.

Mahālomahāmsacariyāvaṇṇanā niṭṭhitā.

Upekkhāpāramī niṭṭhitā.

Tatīyavaggassa atthavaṇṇanā niṭṭhitā.

Uddānagāthāvaṇṇanā

“Yudhañjāyo”ti-ādikā uddānagāthā. Tattha **bhisenā**ti bhisāpadesena **Mahākañcanacariyaṃ**¹ dasseti. **Soṇanandoti** iminā **Soṇapaṇḍitacariyaṃ**² dasseti. Tathā **mūgapakkhoti** mūgapakkhāpadesena **Temiyapaṇḍitacariyaṃ**³ dasseti. **Upekkhāpārami**sīsenā **Mahālomahāmsacariyaṃ**⁴ dasseti. **Āsi iti vuṭṭhaṃ Mahesinā**ti yathā Sāriputta tuyhaṃ etarahi desitaṃ, iti evaṃ iminā vidhānena mahantānaṃ dānapārami-ādīnaṃ bodhisambhāraṇaṃ esanato Mahesinā tadā bodhisattabhūtena mayā vuṭṭhaṃ ciṇṇaṃ caritaṃ paṭipannaṃ āsi ahoṣīti

1. Khu 4. 410 piṭṭhādīsu.

3. Khu 4. 412 piṭṭhādīsu.

2. Khu 4. 411 piṭṭhādīsu.

4. Khu 4. 419 piṭṭhe.

attho. Idāni pāramiparipūraṇavasena cirakālappavattitaṃ idha vuttaṃ avuttaṅca attano dukkarakiriyaṃ ekajjhaṃ katvā yadatthaṃ sā pavattitā, taṅca saṅkhepeneva dassetuṃ “**evaṃ bahubbidhan**”ti gāthamāha.

Tattha **evanti** iminā vuttanayena. **Bahubbidhaṃ dukkhanti** akittipaṇḍitādikāle kārappaṇḍi-āhāratāya taṅca yācakassa datvā āhārūpacchedādinā ca bahuvidhaṃ nānappakāraṃ dukkhaṃ. Tathā Kururājādikāle Sakkasampattisadisā **sampattī ca bahubbidhā**. **Bhavābhaveti** khuddake ceva mahante ca bhava. Bhavābhava vā vuddhihāniyo anubhavitvā bahuvidhehi dukkhehi avihaññamāno bahuvidhāhi ca sampattīhi anākaḍḍhiyamāno pāramiparipūraṇapasuto eva hutvā tadanurūpaṃ paṭipattiṃ paṭipanno uttamaṃ anuttaraṃ sammāsambodhiṃ sabbaññutaṃ **patto**, adhigatosmīti attho.

Idāni yāsaṃ pāramīnaṃ paripūraṇatthaṃ esā dukkaracariyā ciraṃ pavattitā, tāsāṃ anavasesato paripuṇṇabhāvaṃ tena ca pattaḅbaphalassa attanā adhigatabhāvaṃ dassetuṃ “**datvā dātabbakaṃ dānaṃ, sīlaṃ pūretvā asesato**”ti-ādi vuttaṃ.

Tattha **datvā dātabbakaṃ dānanti** tadā anuttaraṃ sammāsambodhiṃ abhisambujjhitaṃ aggayānapaṭipadaṃ paṭipanna mahābodhisattena dātabbaṃ deyyadhammaṃ bāhiraṃ rajjādiṃ abbhantaraṃ aṅganayanādiṃ datvā pariccajivā tato eva rajjapariccāgo aṅgapariccāgo nayanapariccāgo puttadārapariccāgo attapariccāgoti pañcamahāpariccāgapariyosānaṃ dānapāramidāna-upapāramidāna-paramatthapāramippabhedānaṃ dānaṃ anavasesato sampādetvāti attho. Tattha **Akittibrāhmaṇakāle**¹ **Saṅkhabrāhmaṇakāle**²ti evamādīsu idha āgatesu anāgatesu ca **Visayhasettḥhikāle**³ **Velāmakāle**⁴ti evamādīsūpi dānapāramiyā mahāpurisassa pūritattabhāvānaṃ parimāṇaṃ nāma natthi. Ekantena panassa **Sasapaṇḍitakāle**—

“Bhikkhāya upagataṃ disvā, sakattānaṃ pariccajīm.

Dānena me samo natthi, esā me dānapāramī”ti⁵—

1. Khu 4. 385; Khu 5. 266 piṭṭhādīsu.

2. Khu 4. 386; Khu 5. 205 piṭṭhādīsu.

3. Khu 5. 113 piṭṭhe.

4. Am 3. 195 piṭṭhādīsu.

5. Khu 4. 398 piṭṭhe.

evam attapariccāgam karontassa dānapāramī paramatthapāramī nāma jātā.
Itaresu pana yathārahaṃ pārami-upapāramiyo veditabbā.

Sīlaṃ pūretvā asesatoti tathā anavasesato kāyiko saṃvaro vācasiko saṃvaro kāyikavācasiko saṃvaro indriyasamvaro bhojane mattaññutā suvisuddhājīvatāti evamādikaṃ bodhisattasīlaṃ sampādentena sīlapāramisīla-upapāramisīlaparamatthapāramippabhedanā pūretabbanā sabbanā sīlaṃ pūretvā sammadeva sampādetvā. Idhāpi **Sīlavanāgarājakāle**¹ **Campeyyanāgarājakāle**²ti evamādīsu idha āgatesu anāgatesu ca **Mahākapikāle**³ **Chaddantakāle**⁴ti evamādīsu mahāsattassa sīlapāramiyā pūritattabhāvānaṃ parimāṇaṃ nāma natthi. Ekantena panassa **Saṅkhapālakāle**—

“Sūlehi vinivijjhante, koṭṭayantepi sattibhi.

Bhojaputte na kuppāmi, esā me sīlapāramī”ti⁵—

evam attapariccāgam karontassa sīlapāramī paramatthapāramī nāma jātā.
Itaresu pana yathārahaṃ pārami-upapāramiyo veditabbā.

Nekkhamme pāramiṃ gantvāti tathā tividhepi mahābhinnikkhamane pāramiṃ paramukkamsaṃ gantvā. Tattha **Yudhañjayakāle**⁶ **Somanassakumārakāle**⁷ti evamādīsu idha āgatesu anāgatesu ca **Hatthipālakumārakāle**⁸ **Maghadevakāle**⁹ti evamādīsu mahārajjānaṃ pahāya nekkhammapāramiyā pūritattabhāvānaṃ parimāṇaṃ nāma natthi. Ekantena panassa **Cūlasutasomakāle**—

“Mahārajjānaṃ hatthagataṃ, kheḷapiṇḍaṃva chaḍḍayim.

Cajato na hoti lagganaṃ, esā me nekkhammapāramī”ti¹⁰—

evam nissaṅgatāya rajjānaṃ chaḍḍetvā nikkhamantassa nekkhammapāramī paramatthapāramī nāma jātā. Itaresu pana yathārahaṃ pārami-upapāramiyo veditabbā.

1. Khu 4. 399; Khu 5. 17 piṭṭhesu.

2. Khu 4. 400; Khu 5. 338 piṭṭhādīsu.

3. Khu 4. 413; Khu 5. 165, 380 piṭṭhādīsu.

4. Khu 5. 371 piṭṭhādīsu.

5. Khu 4. 407 piṭṭhe.

6. Khu 4. 408; Khu 5. 235 piṭṭhādīsu.

7. Khu 4. 408; Khu 5. 334 piṭṭhādīsu.

8. Khu 5. 350 piṭṭhādīsu.

9. Ma 2. 262; Khu 5. 3 piṭṭhādīsu.

10. Abhi-Ṭṭha 1. 73; Jātaka-Ṭṭha 1. 54; Apadāna-Ṭṭha 1. 56 piṭṭhesu.

Paṇḍite paripucchitvā kiṃ kusalaṃ kiṃ akusalaṃ kiṃ sāvajjaṃ kiṃ anavajjanti-ādinā kusalādidhammavibhāgaṃ kammakammaphalavibhāgaṃ sattānaṃ upakārāvahaṃ anavajjakammāyatanasippāyatanavijjāttānādiraṃ paṇḍite sappaññe paripucchitvā. Etena paññāpāramiraṃ dasseti. Tattha **Vidhurapaṇḍitakāle**¹ **Mahāgovindapaṇḍitakāle**² **Kudālapaṇḍitakāle**³ **Arakapaṇḍitakāle**⁴ **Bodhiparibbājakakāle**⁵ **Mahosadhapaṇḍitakāle**⁶ti evamādīsu paññāpāramiyā pūritattabhāvānaṃ parimāṇaṃ nāma natthi. Ekantena panassa **Senakapaṇḍitakāle**—

“Paññāya vicinantoḥaṃ, brāhmaṇaṃ mocayiraṃ dukhā.

Paññāya me samo natthi, esā me paññāpārami”ti⁷—

antobhastagataṃ sapparaṃ dassentassa paññāpārami paramatthapārami nāma jāta.

Vīriyaṃ katvāna uttamanti sammāsambodhiraṃ pāpeturaṃ samatthatāya uttamaṃ padhānaṃ vīriyanti vividhampi vīriyapāramiraṃ katvā uppādetvā. Tattha **Mahāsīlavarājakāle**⁸ **Pañcāvudhakumārakāle**⁸ **Mahāvānarindakāle**⁹ti evamādīsu vīriyapāramiyā pūritattabhāvānaṃ parimāṇaṃ nāma natthi. Ekantena panassa **Mahājanakakāle**—

“Atīradassī jalamajjhe, hatā sabbeva mānusa.

Cittassa aññathā natthi, esā me vīriyapārami”ti¹⁰—

evaṃ mahāsamuddaṃ tarantassa vīriyapārami paramatthapārami nāma jāta.

Khantiyā pāramiraṃ gantvāti adhivāsanakhanti-ādi khantiparamukkaṃsabhāvaṃ pāpento khantiyā pāramiraṃ paramakoṭiraṃ gantvā, khantipāramiraṃ sampādetvāti attho. Tattha **Mahākapikāle**¹¹ **Mahimsarājakāle**¹² **Rurumigarājakāle**¹³ **Dhammadevaputtakāle**¹⁴ti evamādīsu khantipāramiyā pūritattabhāvānaṃ parimāṇaṃ nāma natthi. Ekantena panassa **Khantivādikāle**—

1. Khu 6. 275 piṭṭhādīsu.

3. Khu 5. 16 piṭṭhe.

5. Gavesitabbo.

7. Abhi-Ṭṭha 1. 73; Jātaka-Ṭṭha 1. 55; Apadāna-Ṭṭha 1. 57 piṭṭhesu.

8. Khu 5. 13 piṭṭhe.

10. Abhi-Ṭṭha 1. 73; Jātaka-Ṭṭha 1. 55; Apadāna-Ṭṭha 1. 57 piṭṭhesu.

11. Khu 4. 412; Khu 5. 165, 380 piṭṭhesu.

13. Khu 4. 403; Khu 5. 270 piṭṭhādīsu.

2. Dī 2. 178; Khu 4. 388 piṭṭhādīsu.

4. Khu 5. 42 piṭṭhe.

6. Khu 6. 204 piṭṭhādīsu.

9. Khu 5. 14 piṭṭhe.

12. Khu 4. 412; Khu 5. 82 piṭṭhādīsu.

14. Khu 4. 405; Khu 5. 229 piṭṭhādīsu.

“Acetanaṃva koṭṭente, tiṅhena pharasunā mamaṃ.
Kāsirāje na kuppāmi, esā me khantipāramī”¹—

evaṃ acetanabhāvena viya mahādukkhaṃ anubhavantassa khantipāramī
paramatthapāramī nāma jātā.

Katvā dalhamadhiṭṭhānanti kusalasangamānādhiṭṭhānaṃ tassa tassa
pāramisaṃmādanassa tadupakārasaṃmādanassa ca adhiṭṭhānaṃ dalhataraṃ
asithilaṃ katvā, taṃ taṃ vatasamādanāṃ anivattibhāvena adhiṭṭhahitvāti
attho. Tattha **Jotipālakāle**² **Sarabhaṅgakāle**³ **Nemikāle**⁴ti evamādisu
adhiṭṭhānapāramiyā pūritattabhāvānaṃ parimāṇaṃ nāma natthi. Ekantena
panassa **Temiyakumārakāle**—

“Mātāpitā na me dessā, attā me na ca dessiyo⁵.
Sabbaññutaṃ piyaṃ mayhaṃ, tasmā vatamadhiṭṭhahin”⁶—

evaṃ jīvitaṃ pariccajivā vataṃ adhiṭṭhahantassa adhiṭṭhānapāramī
paramatthapāramī nāma jātā.

Saccavācānurakkhiyāti saccavācaṃ anurakkhitvā jīvitantarāyepi
anariyavohāraṃ gūthaṃ viya jigucchanto pariharitvā sabbaso
avisamvādibhāvaṃ rakkhitvā. Tattha **Kapirājakāle**⁷ **Saccatāpasakāle**⁸
Maccharājakāle⁹ti evamādisu saccapāramiyā pūritattabhāvānaṃ parimāṇaṃ
nāma natthi. Ekantena panassa **Mahāsutasomakāle**—

“Saccavācaṃ anurakkhanto, cajivā mama jīvitaṃ.
Mocesim ekasataṃ khattiye, esā me saccapāramī”¹⁰—

evaṃ jīvitaṃ cajivā saccāṃ anurakkhantassa saccapāramī
paramatthapāramī nāma jātā.

1. Abhi-Ṭṭha 1. 74; Jātaka-Ṭṭha 1. 55; Apadāna-Ṭṭha 1. 57 piṭṭhesu.

2. Ma 2. 236 piṭṭhādīsu.

3. Khu 6. 5 piṭṭhādīsu.

4. Khu 4. 389; Khu 6. 184 piṭṭhādīsu.

5. Navi dessāṃ mahāyasaṃ (Si, Ka)

6. Khu 4. 413 piṭṭhe.

7. Khu 4. 413 piṭṭhādīsu.

8. Gavesitabbo.

9. Khu 5. 415 piṭṭhādīsu.

10. Abhi-Ṭṭha 1. 74; Jātaka-Ṭṭha 1. 55; Apadāna-Ṭṭha 1. 57 piṭṭhesu.

Mettāya pāramim gantvāti sabbasattesu anodhiso
hitūpasamhāralakkhaṇāya mettāya pāramim paramukkaṃsataṃ patvā.
Tattha **Cūḷadhammapālakāle**¹ **Mahāsīlavarājakāle**² **Sāmapaṇḍitakāle**³ti
evamādīsu mettāpāramiyā pūritattabhāvānaṃ parimāṇaṃ nāma natthi.
Ekantena panassa **Suvaṇṇasāmākāle**—

“Na maṃ koci uttasati, napihaṃ bhāyāmi kassaci.

Mettābalenupatthaddho, ramāmi pavane tadā”ti⁴—

evaṃ jīvitampi anoloketvā mettāyantassa mettāpāramī paramatthapāramī
nāma jātā.

Sammānanāvamānaneti sakkaccaṃ pūjāsakkārādīnā sammānane
oṭṭhubhanādīnā⁵ avamānane ca sabbattha lokadhamme samako samacitto
nibbikāro hutvā uttamaṃ anuttaraṃ sabbaññutaṃ adhigatosmīti attho.
Tattha **Mahāvānarindakāle**⁶ **Kāsirājakāle** **Khemabrāhmaṇakāle**
Aṭṭhisenaparibbājakakāle⁷ti evamādīsu upekkhāpāramiyā pūritattabhāvānaṃ
parimāṇaṃ nāma natthi. Ekantena panassa **Mahālomahaṃsakāle**—

“Susāne seyyaṃ kappemi, chavaṭṭhikaṃ upanidhāya’haṃ.

Gāmaṇḍalā upāgantvā, rūpaṃ dassentinappakan”ti⁸—

evaṃ gāmadārakesu oṭṭhubhanādīhi ceva mālāgandhūpahārādīhi ca
sukhadukkaṃ uppādentepi upekkhaṃ anativattantassa upekkhāpāramī
paramatthapāramī nāma jātā. Iti Bhagavā—

“Evaṃ bahubbidhaṃ dukkaṃ, sampattī ca bahubbidhā.

Bhavābhavā anubhavitvā, patto sambodhimuttamaṃ”ti—

sammāsambodhiṃ adhigantaṃ imasmiṃ bhaddakappe attanā kataṃ
dukkaracariyaṃ saṅkhepeneva vatvā puna—

“Datvā dātabbakaṃ dānaṃ, silaṃ pūretvā asesato.

Nekkhamme pāramim gantvā, patto sambodhimuttamaṃ.

1. Khu 5. 125 piṭṭhādīsu.

3. Khu 4. 418; Khu 6. 174 piṭṭhādīsu.

5. Niṭṭhubhanādīnā (Sī)

7. Khu 5. 161 piṭṭhādīsu.

2. Khu 5. 13 piṭṭhe.

4. Khu 4. 418 piṭṭhe.

6. Khu 5. 14 piṭṭhe.

8. Khu 4. 419 piṭṭhe.

Paṇḍite paripucchitvā, vīriyaṃ katvāna muttamaṃ.

Khantiyā pāramiṃ gantvā, patto sambodhimuttamaṃ.

Katvā daḷhamadhiṭṭhānaṃ, saccavācānurakkhiya.

Mettāya pāramiṃ gantvā, patto sambodhimuttamaṃ.

Lābhālābhe yasāyase, sammānanāvamaṇane.

Sabbattha samako hutvā, patto sambodhimuttamaṃ”ti—

attanā sammadeva paripūritā dasa pāramiyo dasseti.

Pakiṇṇakakathā

Imasmim̐ pana t̐hāne t̐hatvā mahābodhiyānapaṭipattiyam̐ ussāhajātānam̐ kulaputtānam̐ bodhisambhāresu nānappakāraḥkosallattham̐ sabbapāramīsu **pakiṇṇakakathā** kathetabbā.

Tatridam̐ pañhakammaṃ—kā panetā pāramiyō? Kenat̐thena pāramiyō? Katividhā cetā? Ko tāsam̐ kamo? Kāni lakkhaṇarasapaccupaṭṭhānapadaṭṭhānāni? Ko paccayo? Ko saṃkilesō? Kim̐ vodānam̐? Ko paṭipakkho? Kā paṭipatti? Ko vibhāgo? Ko saṅgaho? Ko sampādanūpāyo? Kittakena kālena sampādanam̐? Ko ānisaṃso? Kim̐ cetāsam̐ phalanti?

Tatridam̐ vissajjanam̐—**kā panetā pāramiyoti?** Taṇhāmānadiṭṭhihi¹ anupahatā karuṇūpāyakosallapariggahitā dānādayo guṇā pāramiyō.

Kenat̐thena pāramiyoti? Dāna sīlādi guṇavisesayogena sattuttamatāya paramā mahāsattā bodhisattā, tesam̐ bhāvo kammaṃ vā pāramī, dānādikiriyā. Atha vā paratīti² paramo, dānādiguṇānam̐ pūrako pālako cāti bodhisatto, paramassa³ ayam̐, paramassa vā bhāvo, kammaṃ vā pāramī, dānādikiriyāva. Atha vā param̐ sattaṃ attani mavati bandhati guṇavisesayogena, param̐ vā adhikataram̐ majjati sujjhati saṃkilesamalato, param̐ vā seṭṭham̐ nibbānam̐ visesena mayati gacchati, param̐ vā lokam̐ pamāṇabhūtena nāṇavisesena idhalokam̐ viya munāti paricchindati, param̐ vā ativiya sīlādiguṇagaṇam̐ attano santāne minoti pakkhipati, param̐ vā attabhūtato dhammakāyato aññam̐ paṭipakkham̐ vā tadanatthakaram̐ kilesacoragaṇam̐ mināti hiṃsatīti paramo, mahāsatto. Paramassa ayanti-ādi vuttanayena yojetabbam̐. Pāre vā nibbāne majjati sujjhati satte ca sodheti, tattha vā satte mavati bandhati yojeti, tam̐ vā mayati gacchati gameti ca, munāti vā tam̐

1. Taṇhāmānādīhi (Ka)

2. Pūretīti (Sī, Ka)

3. Bodhisatto paramo (Sī)

yāthāvato, tattha vā satte minoti pakkhipati, kilesārayo vā sattānaṃ tattha mināti himsatīti pāramī, mahāpuriso. Tassa bhāvo kammaṃ vā pāramitā, dānādikiriyāva. Iminā nayena pāramīsaddattho veditabbo.

Katividhāti? Saṅkhepato dasavidhā, tā pana Pāḷiyaṃ sarūpato āgatāyeva. Yathāha—

“Vicinato tadā dakkhiṃ, paṭhamam dānapāramim.

Pubbakehi mahesīhi, anuciṇṇam mahāpathan¹”ti²—

ādi. Yathā cāha³ “kati nu kho bhante Buddhakāraṅkā dhammā? Dasa kho Sāriputta Buddhakāraṅkā dhammā, katame dasa? Dānam kho Sāriputta Buddhakāraṅko dhammo, sīlam nekkhammam paññā vīriyam khanti saccam adhiṭṭhānam mettā upekkhā Buddhakāraṅko dhammo, ime kho Sāriputta dasa Buddhakāraṅkā dhammā”ti. Idamavoca Bhagavā, idam vatvā Sugato athāparam etadavoca Satthā—

“Dānam sīlaṅca nekkhammam, paññā vīriyena pañcamam.

Khanti saccamadhiṭṭhānam, mettupekkhāti te dasā”ti⁴.

Keci pana “chabbidhā”ti vadanti, tam etāsam saṅgahavasena vuttam. So pana saṅgaho parato āvi bhavissati.

Ko tāsam kamoti ettha **kamoti** desanākkamo, so ca paṭhamasamādānahetuko, samādānam pavicayahetukam⁵, iti yathā ādimhi pavicitā samādinā ca, tathā desitā. Tattha dānam sīlassa bahūpakāram sukarañcāti tam ādimhi vuttam. Dānam⁶ sīlapariggahitam mahapphalam hoti mahānisamsanti dānanantaram sīlam vuttam. Sīlam nekkhammapariggahitam, nekkhammam paññāpariggahitam, paññā vīriyapariggahitā, vīriyam khantipariggahitam, khanti saccapariggahitā, saccam adhiṭṭhānapariggahitam, adhiṭṭhānam mettāpariggahitam,

1. Āsevitānisevitam (Sī, Ka) 2. Khu 4. 315 piṭṭhe. 3. Aparampi vuttam (Ka)

4. Khu 4. 306 piṭṭhe thokam visadisam.

5. Paricayahetukam (Sī)

6. Avi ca dānam (Ka)

mettā upekkhāpariggahitā mahapphalā hoti mahānisaṃsāti
 mettānantaramupekkhā vuttā. Upekkhā pana karuṇāpariggahitā karuṇā ca
 upekkhāpariggahitāti veditabbā. Kathaṃ pana mahākāruṇikā bodhisattā
 sattesu upekkhakā hontīti? “Upekkhitabbayuttesu kañci kālaṃ upekkhakā
 honti, na pana sabbattha sabbadā cā”ti keci. Apare pana “na sattesu
 upekkhakā, sattakatesu pana vippakāresu upekkhakā hontī”ti.

Aparo nayo—pacurajanesupi pavattiyā sabbasattasādhāraṇattā
 appaphalattā sukarattā ca ādimhi **dānaṃ** vuttaṃ. Sīlena
 dāyakaṇṭhāgāhakaṃsuddhito parānuggahaṃ vatvā parapīḷānivattivacanato
 kiriyadhammaṃ vatvā akiriyadhammavacanato bhogasampattihetuṃ vatvā
 bhavasampattihetuvacanato ca dānassa anantaram **sīlaṃ** vuttaṃ.
 Nekkhammena sīlasampattisiddhito kāyavacīsucaritaṃ vatvā
 manosucaritavacanato visuddhasīlassa sukheva jhānasamijjhanato
 kammāparādhappahānena payogasuddhiṃ vatvā kilesāparādhappahānena
 āsayasuddhivacanato vītikkamappahānena cittassa¹
 pariyaṭṭhānappahānavacanato ca sīlassa anantaram **nekkhammaṃ** vuttaṃ.
 Paññāya nekkhammassa siddhiparisuddhito jhānābhāvena
 paññābhāvavacanato “samādhipadaṭṭhānā hi paññā, paññāpaccupaṭṭhāno ca
 samādhi”. Samathanimittaṃ vatvā upekkhānimittavacanato parahitajjhānena
 parahitakaraṇūpāyakoṃsallavacanato ca nekkhammassa anantaram **paññā**
 vuttā. Vīriyārambhena paññākkiccasiddhito
 sattasuññatādhammanijjhānakkhantiṃ vatvā sattahitāya ārambhassa
 acchariyatāvacanato² upekkhānimittaṃ vatvā paggahanimittavacanato
 nisammakāritaṃ vatvā uṭṭhānavacanato ca “nisammakāriṇo hi uṭṭhānaṃ
 phalavisesamāvahati”ti paññāya anantaram **vīriyaṃ** vuttaṃ.

Vīriyena titikkhāsiddhito “vīriyavā hi āradhāvīriyattā sattaṃkhārehi
 upanītaṃ dukkhaṃ abhibhuyya viharati”. Vīriyassa titikkhālāṅkārahāvato
 “vīriyavato hi titikkhā sobhati”. Paggahanimittaṃ vatvā
 samathanimittavacanato accārambhena uddhaccadosappahānavacanato
 “dhammanijjhānakkhantiyā hi uddhaccadoso pahīyati”. Vīriyavato
 sātaccakaraṇavacanato “khantibahulo hi anuddhato sātaccakārī hoti”.

1. Vītikkamappahāne ṭhitassa (Sī)

2. Amacchariyatāvacanato (Sī)

Appamādavato parahitakiriyārambhe paccupakārataṇḥābhāvavacanato “yāthāvato dhammanijjhāne hi sati taṇhā na hoti”. Parahitārambhe paramēpi parakatadukkkhasahanatāvacanato ca vīriyassa anantaram **khanti** vuttā. Saccena khantiyā cirādhiṭṭhānato apakārino apakārakhantiṃ vatvā tadupakārakarāṇe avisamvādavacanato khantiyā apavādavācāvīkampanena bhūtavāditāya avijahanavacanato sattasuññatādhammanijjhānakkhantiṃ vatvā tadupabrūhitañāṇasaccavacanato ca khantiyā anantaram **saccam** vuttam.

Adhiṭṭhānena saccasiddhito “acalādhiṭṭhānassa hi virati sijjhati”. Avisamvāditaṃ vatvā tatha acalabhāvavacanato “saccasandho hi dānādīsu paṭiññānurūpaṃ niccalova pavattati”. Nāṇasaccam vatvā sambhāresu pavattiniṭṭhāpanavacanato “yathābhūtañāṇavā hi bodhisambhāre adhiṭṭhāti, te ca niṭṭhāpeti paṭipakkhehi akampiyabhāvato”ti saccassa anantaram **adhiṭṭhānam** vuttam. Mettāya parahitakaraṇasamādānādhiṭṭhānasiddhito adhiṭṭhānam vatvā hitūpasamhāravacanato “bodhisambhāre hi adhiṭṭhamāno mettāvihārī hoti”. Acalādhiṭṭhānassa samādānāvīkopenena samādānasambhavato ca adhiṭṭhānassa anantaram **mettā** vuttā. Upekkhāya mettāvisuddhito sattesu hitūpasamhāram vatvā tadaparādhesu udāsīnatāvacanato mettābhāvanam vatvā tannissandabhāvanāvacanato hitakāmasattepi upekkhakoti acchariyaguṇatāvacanato ca mettāya anantaram **upekkhā** vuttāti evametāsam kamo veditabbo.

Kāni lakkhaṇarasapaccupaṭṭhānapadaṭṭhānānīti ettha avisesena tāva sabbāpi pāramiyo parānuggahalakkhaṇā, paresam upakārakaraṇarasā, avīkampanarasā vā, hitesitāpaccupaṭṭhānā, Buddhattapaccupaṭṭhānā vā, mahākaruṇāpadaṭṭhānā, karuṇūpāyakosallapadaṭṭhānā vā.

Visesena pana yasmā karuṇūpāyakosallapariggahitā attūpakaraṇapariccāgetanā **dānapāramitā**, karuṇūpāyakosallapariggahitaṃ kāyavacīsucaritaṃ atthato akattabbavīratikattabbakaraṇacetanādayo ca **sīlapāramitā**, karuṇūpāyakosallapariggahito ādīnavadassanapubbaṅgamo kāmabhāvehi nikkhamanacittuppādo **nekkhammapāramitā**, karuṇūpāyakosallapariggahito dhammānam sāmāññavisesalakkhaṇāvabodho

paññāpāramitā, karuṇūpāyakosallapariggahito kāyacittehi parahitārambho
vīriyapāramitā, karuṇūpāyakosallapariggahitaṃ
sattasaṅkhārāparādhasaṅgamaṃ adosappadhāno tadākārappavattacittuppādo
khantipāramitā, karuṇūpāyakosallapariggahitaṃ viraticetanādibhedam
avisaṃvādanam **saccapāramitā**, karuṇūpāyakosallapariggahitaṃ
acalasaṃvādanādhiṭṭhānam tadākārappavatto cittuppādo **adhiṭṭhānapāramitā**,
karuṇūpāyakosallapariggahito lokassa hitasukhūpasamhāro atthato abyāpādo
mettāpāramitā, karuṇūpāyakosallapariggahitā anunayapaṭighavidhamsanī
iṭṭhāniṭṭhesu sattasaṅkhāresu samappavatti **upekkhāpāramitā**.

Tasmā pariccāgalakkhaṇā **dānapāramī**, deyyadhamme
lobhaviddhamsanarasā, anāsattipaccupaṭṭhānā,
bhavavibhavasampattipaccupaṭṭhānā vā, paricajitabbavatthupadaṭṭhānā.
Sīlanalakkhaṇā **sīlapāramī**, samādhānalakkhaṇā¹ patiṭṭhānalakkhaṇā cāti
vuttaṃ hoti. Dussīlyavidhamsanarasā, anavajjarasā vā,
soceyyapaccupaṭṭhānā, hirottappapadaṭṭhānā. Kāmato ca bhavato ca
nikkhamanalakkhaṇā **nekkhammapāramī**, tadādinavavibhāvanarasā, tato eva
vimukhābhāvapaccupaṭṭhānā, saṃvegapadaṭṭhānā.
Yathāsabhāvapaṭivedhalakkhaṇā **paññāpāramī**, akkhalitapaṭivedhalakkhaṇā
vā kusaliṅgāsakhitta-usupaṭivedho viya, visayobhāsanarasā padīpo viya,
asammohapaccupaṭṭhānā araṇṇagatasudesiko viya, samādhipadaṭṭhānā,
catusaccapadaṭṭhānā vā. Ussāhalakkhaṇā **vīriyapāramī**, upatthambhanarasā,
asaṃsīdanapaccupaṭṭhānā, vīriyārambhavatthupadaṭṭhānā,
saṃvegapadaṭṭhānā vā. Khamanalakkhaṇā **khantipāramī**,
iṭṭhāniṭṭhasaṅgamaṃ, adhivāsanapaccupaṭṭhānā, avirodhapaccupaṭṭhānā vā,
yathābhūtaḍḍassanapadaṭṭhānā. Avisamvādanalakkhaṇā **saccapāramī**,
yathāsabhāvavibhāvanarasā, sādutāpaccupaṭṭhānā, soraccapadaṭṭhānā.
Bodhisambhāresu adhiṭṭhānalakkhaṇā **adhiṭṭhānapāramī**, tesam
paṭipakkhābhāvānanarasā, tattha acalatāpaccupaṭṭhānā,
bodhisambhārapadaṭṭhānā. Hitākārappavattilakkhaṇā **mettāpāramī**,
hitūpasamhāranarasā, āghātavīnayanarasā vā, sammabhāvapaccupaṭṭhānā,
sattānam manāpabhāvadassanapadaṭṭhānā. Majjhakkārappavattilakkhaṇā
upekkhāpāramī, samabhāvadassanarasā,
paṭighānanunayavūpasamapaccupaṭṭhānā,
kammassakatāpaccavekkhaṇapadaṭṭhānā.

1. Samādhānalakkhaṇā (Sī)

Ettha ca karuṇūpāyakosallapariggahitatā dānādīnaṃ
pariccāgādilakkhaṇassa viśesanabhāvena vattabbā.
Karuṇūpāyakosallapariggahitāni hi dānādīni bodhisattasantāne pavattāni
dānādīpāramiyo nāma honti.

Ko paccayoti? Abhinīhāro tāva pāramīnaṃ paccayo. Yo hi ayam—

“Manussattaṃ liṅgasampatti, hetu Sathhāradassanaṃ.

Pabbajjā guṇasampatti, adhikāro ca chandatā.

Aṭṭhadhammasamodhānā, abhinīhāro samijjhatī”ti¹—

evaṃ vutto aṭṭhadhammasamodhānasampādito “tiṇṇo tāreyyaṃ mutto
moceyyaṃ danto dameyyaṃ santo sameyyaṃ assattho assāseyyaṃ
parinibbuto parinibbāpeyyaṃ suddho sodheyyaṃ buddho bodheyyaṃ”ti-
ādinayappavatto abhinīhāro, so avisesena sabbapāramīnaṃ paccayo.
Tappavattiyā hi uddhaṃ pāramīnaṃ
pavicayupaṭṭhānasamādānādhiṭṭhānanipphattiyo mahāpurisānaṃ
sambhavanti.

Tattha **manussattanti** manussattabhāvo. Manussattabhāveyyeva hi ṭhatvā
Buddhattaṃ patthentassa patthanā samijjhati, na nāgasupaṇṇādijātīsu
ṭhitassa, kasmāti ce? Buddhabhāvassa ananucchavikabhāvato.

Liṅgasampattīti manussattabhāve ṭhitassāpi purisasseva patthanā
samijjhati, na itthiyā na paṇḍakanapuṃsaka-ubhatobyañjanakānaṃ vā
samijjhati, kasmāti ce? Yathāvuttakāraṇato lakkhaṇapāripūriyā abhāvato ca.
Vuttañcetanaṃ “aṭṭhānametaṃ bhikkhave anavakāso, yaṃ itthī arahaṃ assa
sammāsambuddho”ti²vitthāro. Tasmā manussajātīkassāpi itthiliṅge ṭhitassa
paṇḍakādīnaṃ vā patthanā na samijjhati.

Hetūti upanissayasampatti. Manussapurisassāpi hi
upanissayasampannasseva hetusampattiyā patthanā samijjhati, na itarassa.

1. Khu 4. 311 piṭṭhe.

2. Ma 3. 100; Am 1. 30; Abhi 2. 349 piṭṭhesu.

Satthāradassananti Satthusammukhībhāvo. Dharamānakabuddhasseva hi santike patthentassa patthanā samijjhati, parinibbute pana Bhagavati cetiyassa santike vā bodhimūle vā paṭimāya vā Paccekabuddhabuddhasāvakanānaṃ vā santike patthanā na samijjhati, kasmā? Adhikārassa balavabhāvābhāvato. Buddhānaṃ eva pana santike patthanā samijjhati, ajjhāsayaṃ uḷārabhāvena tadadhikārassa balavabhāvāpattito.

Pabbajjāti Buddhassa Bhagavato santike patthentassāpi kammakiriyavādīsū tāpasesu vā bhikkhūsū vā pabbajitasseva patthanā samijjhati, no gihiliṅge ṭhitassa, kasmā? Buddhabhāvassa ananucchavikabhāvato. Pabbajitā eva hi mahābodhisattā sammāsambodhiṃ adhigacchanti, na gahaṭṭhabhūtā, tasmā paṇidhānakāle ca pabbajjāliṅgaṃ eva hi yuttarūpaṃ kiñca¹guṇasampatti-adhiṭṭhānabhāvato.

Guṇasampattī abhiññādiguṇasampadā. Pabbajitassāpi hi aṭṭhasamāpattilābhino pañcābhiññasseva patthanā samijjhati, na yathāvuttaguṇasampattiyā virahitassa, kasmā? Pāramipavicayassa asamatthabhāvato, upanissayasampattiyā abhiññāsampattiyā ca samannāgatattā mahāpurisā katābhinihārā sayameva pāramī pavicetum samatthā honti.

Adhikāroti adhiko upakāro. Yathāvuttaguṇasampannopi hi yo attano jīvitampi Buddhānaṃ pariccajivā tasmim kāle adhikaṃ upakāraṃ karoti, tasseva abhinihāro samijjhati, na itarassa.

Chandatāti kattukāmatākusalacchando. Yassa hi yathāvuttadhammasamannāgatassa Buddhakāradhammānaṃ atthāya mahanto chando mahatī patthanā mahatī kattukāmatā atthi, tasseva samijjhati, na itarassa.

Tatridaṃ chandamahantaṭāya opammaṃ—yo sakalacakkavāḷagabbhaṃ ekodakībhūtaṃ attano bāhubaleneva uttarivā pāraṃ gantum samattho, so

Buddhattaṃ pāpuṇātīti sutvā taṃ dukkarato adahanto “ahaṃ taṃ uttaritvā pāraṃ gamissāmī”ti chandajāto hoti, na tattha saṅkocaṃ āpajjati. Tathā yo sakalacakkavāḷaṃ vītaccikānaṃ vigatadhūmānaṃ aṅgārānaṃ pūraṃ pādehi akkamanto atikkamitvā parabhāgaṃ pāpuṇitum samattho -pa- na tattha saṅkocaṃ āpajjati. Tathā yo sakalacakkavāḷaṃ sattisūlehi sunisitaphalehi nirantaraṃ ākiṇṇaṃ pādehi akkamanto atikkamitvā -pa- na tattha saṅkocaṃ āpajjati. Tathā yo sakalacakkavāḷaṃ nirantaraṃ ghanaveḷugumbasañchannaṃ kaṇṭakalatāvanagahanaṃ vinivijjhivā parabhāgaṃ gantuṃ samattho -pa- na tattha saṅkocaṃ āpajjati. Tathā yo “cattāri asaṅkhyeyyāni satasahassaṅca kappe niraye paccitvā Buddhattaṃ pattabban”ti sutvā taṃ dukkarato adahanto “ahaṃ tattha paccitvā Buddhattaṃ pāpuṇissāmī”ti chandajāto hoti, na tattha saṅkocaṃ āpajjatīti evamādinā nayena ettha chandassa mahantabhāvo veditabbo.

Evam aṭṭhaṅgasamannāgato panāyaṃ abhinīhāro atthato tesam aṭṭhannaṃ aṅgānaṃ samodhānena tathāpavatto cittuppādoti veditabbo. So sammadeva sammāsambodhiyā paṇidhānalakkhaṇo, “aho vatāhaṃ anuttaraṃ sammāsambodhiṃ abhisambujjheyyaṃ, sabbasattānaṃ hitasukhaṃ nipphādeyyaṃ”ti evamādi patthanāraso, bodhisambhārahetubhāvapaccupaṭṭhāno, mahākaraṇāpadaṭṭhāno, upanissayasampattipadaṭṭhāno vā. Acinteyyaṃ Buddhabhūmiṃ aparimāṇaṃ sattalokahitaṅca ārabba pavattiyā sabbabuddhakāradhammamūlabhūto paramabhaddako paramakalyāṇo aparimeyyappabhāvo puñṇavisesoti daṭṭhabbo.

Yassa ca uppattiyā saheva mahāpuriso mahābodhiyānapaṭipattim otiṇṇo nāma hoti niyatabhāvasamadhigamanato tato anivattanasabhāvattā bodhisattoti samaññaṃ paṭilabhati, sabbabhāvena sammāsambodhiyaṃ samāsattamānasatā bodhisambhārasikkhāsamatthatā cassa santiṭṭhati. Yathāvuttābhinihārasamijjhanena hi mahāpurisā sabbaññutaññāḍdhigamanapubbaliṅgena sayambhuññaṅgena sammadeva sabbapāramiyo pavicinitvā samādāya anukkamena paripūrenti. Tathā katamahābhinihāro hi Sumedhapaṇḍito paṭipajji. Yathāha—

“Handa Buddhakare dhamme, vicināmi ito cito.
Uddham adho dasa disā, yāvatā dhammadhātuyā.
Vicinanto tadā dakkhiṃ, paṭhamam dānapāramin”¹—

vitthāro. Tassa ca abhinīhārassa cattāro paccayā cattāro hetū cattāri ca balāni veditabbāni.

Tattha katame **cattāro paccayā**? Idha mahāpuriso passati Tathāgatam mahatā Buddhānubhāvena acchariyabbhutam pāṭihāriyam karontam, tassa tam nissāya tam ārammaṇam katvā mahābodhiyam cittam santiṭṭhati “mahānubhāvā vatāyam dhammadhātu yassā suppaṭividdhattā Bhagavā evam acchariyabbhutadhammo acinteyyānubhāvo cā”²ti. So tameva mahānubhāvadassanam nissāya tam paccayam katvā sambodhiyam adhimuccanto tattha cittam ṭhpeti. Ayam **paṭhamo paccayo** mahābhinihārāya.

Na heva kho passati Tathāgatassa yathāvuttam mahānubhāvataṃ, api ca kho suṇāti “ediso ca ediso ca Bhagavā”²ti. So tam nissāya tam paccayam katvā sambodhiyam adhimuccanto tattha cittam ṭhpeti. Ayam **dutiyo paccayo** mahābhinihārāya.

Na heva kho passati Tathāgatassa yathāvuttam mahānubhāvataṃ, napi tam parato suṇāti, api ca kho Tathāgatassa dhammam desentassa “Dasabalasamannāgato bhikkhave Tathāgato”²ti²adinā Buddhānubhāvapaṭisamyuttam dhammam suṇāti, so tam nissāya tam paccayam katvā sambodhiyam adhimuccanto tattha cittam ṭhpeti. Ayam **tatiyo paccayo** mahābhinihārāya.

Na heva kho passati Tathāgatassa yathāvuttam mahānubhāvataṃ, napi tam parato suṇāti, napi Tathāgatassa dhammam suṇāti, api ca kho uḷārajjhāsayo kalyāṇādhimuttiko “ahametaṃ Buddhavaṃsam Buddhatantiṃ Buddhapaveṇiṃ Buddhadhammataṃ paripālessāmi”²ti yāvadeva dhammam eva sakkaronto garukaronto mānento pūjento dhammam apacāyamāno tam nissāya tam paccayam katvā sambodhiyam adhimuccanto tattha cittam ṭhpeti. Ayam **catuttho paccayo** mahābhinihārāya.

1. Khu 4. 315 piṭṭhe.

2. Saṃ 1. 265, 266 piṭṭhādīsu.

Tattha katame **cattāro hetū** mahābhinihārāya? Idha mahāpuriso pakatiyā upanissayasampannova hoti purimakesu Buddhesu katādhikāro. Ayaṃ **paṭhamo hetu** mahābhinihārāya. Puna caparaṃ mahāpuriso pakatiyā karuṇājjhāsayo hoti karuṇādhimutto sattānaṃ dukkhaṃ apanetukāmo api ca attano kāyajīvitāṃ pariccajivā. Ayaṃ **dutiyo hetu** mahābhinihārāya. Puna caparaṃ mahāpuriso sakalatopi vaṭṭadukkhato sattahitāya ca dukkaracariyato sucirampi kālaṃ ghaṭento vāyamanto anibbinno hoti anutrāsī yāva icchitatthanipphatti. Ayaṃ **tatiyo hetu** mahābhinihārāya. Puna caparaṃ mahāpuriso kalyāṇamittasannissito hoti, yo ahitato nivāreti hite patiṭṭhabeti. Ayaṃ **catuttho hetu** mahābhinihārāya.

Tatrāyaṃ mahāpurisassa upanissayasampadā—ekantenevassa yathā ajjhāsayo sambodhininno hoti sambodhipoṇo sambodhipabbhāro, tathā sattānaṃ hitacariyā, yato cānena purimabuddhānaṃ santike sambodhiyā paṇidhānaṃ kataṃ hoti manasā vācāya ca “ahampi ediso Sammāsambuddho hutvā sammadeva sattānaṃ hitasukhaṃ nipphādeyyan”ti. Evaṃ sampannūpanissayassa panassa imāni upanissayasampattiyā liṅgāni bhavanti yehi samannāgatassa sāvakabodhisattehi ca paccekabodhisattehi ca mahāviseso mahantaṃ nānākaraṇaṃ paññāyati indriyato paṭipattito kosallato ca. Idha upanissayasampanno mahāpuriso yathā visadindriyo hoti visadaññaṇo, na tathā itare. Parahitāya paṭipanno hoti, na attahitāya. Tathā hi so yathā bahujanahitāya bahujanasukhāya lokānukampāya atthāya hitāya sukhāya devamanussānaṃ paṭipajjati, na tathā itare. Tattha ca kosallaṃ āvahati ṭhānupattikapaṭibhānena ṭhānāṭhānakusalatāya ca.

Tathā mahāpuriso pakatiyā dānajjhāsayo hoti dānābhirato, sati deyyadhamme deti eva, na dānato saṅkocaṃ āpajjati, satataṃ samitaṃ samvibhāgasīlo hoti, pamuditova deti ādarajāto, na udāsīnacitto, mahantampi dānaṃ datvā na ca dānena santuṭṭho hoti, pageva appaṃ, paresaṅca ussāhaṃ janento dāne vaṇṇaṃ bhāsati, dānapaṭisaṃyuttaṃ dhammakathaṃ karoti, aññe ca paresaṃ dente disvā

attamano hoti, bhayaṭṭhānesu ca paresaṃ abhayaṃ detīti evamādīni dānajjhāsayaṃ mahāpurisassa dānapāramiyā liṅgāni.

Tathā pāṇātipātādīhi pāpadhammehi hiriyati ottappati, sattānaṃ aviheṭṭhanajātiko hoti sorato sukhasīlo asaṭṭho amāyāvī ujjātiko suvaco sovacassakaraṇīyehi dhammehi samannāgato mudujātiko atthaddho anatimānī, parasantakaṃ nādiyati antamaso tiṇasalākaṃ upādāya, attano hatthe nikkhittam iṇaṃ vā gahetvā paraṃ na visaṃvādeti, parasmiṃ vā attano santake byāmūlḥe vissarite vā taṃ saññāpetvā paṭipādeti yathā taṃ na parahatthagataṃ hoti, aloluppo hoti, parapariggahesu pāpakaṃ cittampi na uppādeti, itthibyaśanādīni dūrato parivajjeti, saccavādī saccasandho bhinnānaṃ sandhātā sahitānaṃ anuppādātā piyavādī mihitapubbaṅgamo pubbabhāsī atthavādī dhammavādī anabhijjhālu abyāpannacitto aviparītadassano kammassakataññaṇena saccānulomikaññaṇena kataññū katavedī vuddhāpacāyī suvisuddhājīvo dhammakāmo parepi dhamme samādapetā sabbena sabbam akiccatto satte nivāretā kicesu patiṭṭhapetā attanā ca tattha kicce yogaṃ¹ āpajjitā, katvā vā pana sayam akattabbaṃ sīghaññaṇeva tato paṭivirato hotīti evamādīni silajjhāsayaṃ mahāpurisassa silapāramiyā liṅgāni.

Tathā mandakilesa hoti mandanīvaraṇo pavivekajjhāsayo avikkhepabahulo, na tassa pāpakā vitakkā cittaṃ anvāsavanti, vivekagatassa cassa appakasireneva cittaṃ samādhiyati, amittapakkepi tuvaṇaṃ mettacittatā santiṭṭhati, pageva itarasmim, satimā ca hoti cirakatampi cirabhāsitampi saritā anussaritā, medhāvī ca hoti dhammojapaññāya samannāgato, nipako ca hoti tāsu tāsu itikattabbatāsu, āraddhavīriyo ca hoti sattānaṃ hitakiriyāsu, khantibalasamannāgato ca hoti sabbasaho, acalādhiṭṭhāno ca hoti dalhasamādāno, ajjupekkhako ca hoti upekkhāṭṭhānīyesu dhammesūti evamādīni mahāpurisassa nekkhammajjhāsayaṃ dīnaṃ vasena nekkhammapārami-ādīnaṃ liṅgāni veditabbāni.

1. Voyogaṃ (Ka)

Evameteḥi bodhisambhāraliṅgehi samannāgatassa mahāpurisassa yaṃ vuttaṃ “mahābhinihārāya kalyāṇamittasannissayo hetū”ti, tatridaṃ saṅkhepato kalyāṇamittalakkhaṇaṃ—idha kalyāṇamitto saddhāsampanno hoti sīlasampanno sutasampanno cāgasampanno vīriyasampanno satisampanno samādhisampanno paññāsampanno. Tattha saddhāsampattiyā saddahati Tathāgatassa bodhiṃ kammaphalañca, tena sammāsambodhiyā hetubhūtaṃ sattesu hitesitaṃ na pariccajati, sīlasampattiyā sattānaṃ piyo hoti manāpo garu bhāvanīyo codako pāpagarahī vattā vacanakkhamo, sutasampattiyā sattānaṃ hitasukhāvahaṃ gambhīraṃ dhammakathaṃ kattā hoti, cāgasampattiyā appiccho hoti santuṭṭho pavivitto asaṃsaṭṭho, vīriyasampattiyā āraddhavīriyo hoti sattānaṃ hitapaṭipattiyā, satisampattiyā upaṭṭhitasati hoti anavajjadhammesu, samādhisampattiyā avikkhitto hoti samāhitacitto, paññāsampattiyā aviparītaṃ pajānāti, so satiyā kusalākusalānaṃ dhammānaṃ gatiyo samanvesamāno paññāya sattānaṃ hitāhitaṃ yathābhūtaṃ jānitvā samādhiṇā tattha ekaggacitto hutvā vīriyena ahitā satte nisedhetvā hite niyojati. Tenāha—

“Piyo garu bhāvanīyo, vattā ca vacanakkhamo.

Gambhīrañca kathaṃ kattā, no caṭṭhāne niyojako”ti¹.

Evam guṇasamannāgatañca kalyāṇamittaṃ upanissāya mahāpuriso attano upanissayasampattiṃ sammadeva pariyodapeti. Suvisuddhāsayaṇapayogo ca hutvā catūhi balehi samannāgato na cireneva aṭṭhaṅge samodhānetvā mahābhinihāraṃ karonto bodhisattabhāve patiṭṭhahati anivattidhammo niyato sambodhiparāyano.

Tassimāni **cattāri balāni**. **Ajjhattikabalaṃ** yā sammāsambodhiyaṃ attasannissayā dhammagāravena abhiruci ekantaninnajjhāsayatā, yāya mahāpuriso attādhipati lajjāpassayo² abhinihārasampanno ca hutvā pāramiyo pūretvā sammāsambodhiṃ pāpuṇāti. **Bahirabalaṃ** yā sammāsambodhiyaṃ parasannissayā abhiruci ekantaninnajjhāsayatā, yāya

1. Am 2. 422; Khu 10. 142; Khu 11. 356 piṭṭhesu.

2. Lajjājjhāsayo (St)

mahāpuriso lokādhipati mānāpassayo abhinīhārasampanno ca hutvā pāramiyo pūretvā sammāsambodhiṃ pāpuṇāti. **Upanissayabalaṃ** yā sammāsambodhiyaṃ upanissayasampattiyaṃ abhiruci ekantaninnajjhāsayatā, yāya mahāpuriso tikkhindriyo visadadhātuko satisannissayo abhinīhārasampanno ca hutvā pāramiyo pūretvā sammāsambodhiṃ pāpuṇāti. **Payogabalaṃ** yā sammāsambodhiyaṃ tajjā payogasampadā sakkaccakāritā sātaccakāritā, yāya mahāpuriso visuddhapayogo nirantarakārī abhinīhārasampanno ca hutvā pāramiyo pūretvā sammāsambodhiṃ pāpuṇāti.

Evamayam catūhi paccayehi catūhi hetūhi catūhi ca balehi sampannasamudāgamo aṭṭhaṅgasamodhānasampādito abhinīhāro pāramīnaṃ paccayo mūlakāraṇabhāvato, yassa ca pavattiyā mahāpurise **cattāro acchariyā abbhutā dhammā** patitṭhahanti, sabbasattanikāyaṃ attano orasaputtaṃ viya viyacittena pariggaṇhāti. Na cassa cittaṃ puttasamkilesavasena samkilissati. Sattānaṃ hitasukhāvaho cassa ajjhāsayo payogo ca hoti. Attano ca Buddhakāradhammā uparūpari vaḍḍhanti paripaccanti ca, yato ca mahāpuriso uḷāratamena puññābhisandena kusalābhisandena pavattiyā¹ paccayena sukhasāhārena samannāgato sattānaṃ dakkhiṇeyyo uttamagāraṇaṭṭhānaṃ asadisam puññakkhettaṅca hoti. Evamanekaguṇo anekānisaṃso mahābhinīhāro pāramīnaṃ paccayoti veditaḃbo.

Yathā ca abhinīhāro, evaṃ mahākaruṇā upāyakosallaṅca. Tattha **upāyakosallaṃ** nāma dānādīnaṃ bodhisambhārabhāvassa nimittabhūtā paññā, yāhi mahākaruṇūpāyakosallatāhi mahāpurisānaṃ attasukhanirapekkhatā nirantaraṃ parahitakaraṇapasutatā sudukkarehipi mahābodhisattacaritehi visādābhāvo pasādasambuddhidassanasavanānussaraṇakālesupi sattānaṃ hitasukhappaṭilābhahetubhāvo ca sampajjati. Tathā hissa paññāya Buddhahāvasiddhi, karuṇāya Buddhakammasiddhi, paññāya sayam tarati, karuṇāya pare tāreti, paññāya paradukkham pariḷānāti, karuṇāya paradukkhatikāraṃ ārabhati, paññāya ca dukkhe nibbindati,

1. Pavaḍḍhiyā (Ka)

karuṇāya dukkhaṃ sampaṭicchati, tathā paññāya nibbānābhimukho hoti, karuṇāya vaṭṭaṃ pāpuṇāti, tathā karuṇāya saṃsārābhimukho hoti, paññāya tatra nābhiramati, paññāya ca sabbattha virajjati, karuṇānugattā na ca na sabbesaṃ anuggahāya pavatto, karuṇāya sabbepi anukampati, na ca na sabbesaṃ anuggahāya pavatto, karuṇāya sabbepi anukampati, paññānugattā na ca na sabbattha virattacitto, paññāya ca ahaṃkāramamaṃkārahāvo, karuṇāya ālasiyadīnatābhāvo¹, tathā paññākaruṇāhi yathākkamaṃ attaparanāthatā dhīravīrabhāvo, anattantapa- aparantapatā, attahitaparahitanipphatti, nibbhayābhimsanakabhāvo, dhammādhipatilokādhipatitā, kataññupubbakāribhāvo, mohataṇhāvīgamo, vijjācaraṇasiddhi, balavesārajjanipphattitī sabbassāpi pāramitāphalassa visesena upāyabhāvato paññākaruṇā pāramīnaṃ paccayo. Idañca dvayaṃ pāramīnaṃ viya paṇidhānassāpi paccayo.

Tathā ussāha-ummaṅga²avattānahitacariyā ca pāramīnaṃ paccayāti veditabbā, yā Buddhabhāvassa uppattiṭṭhānatāya **Buddhabhūmiyoti**³ vuccanti. Tattha **ussāho** nāma bodhisambhārānaṃ abbhussahanavīriyaṃ. **Ummaṅgo** nāma bodhisambhāresu upāyakosallabhūtā paññā. **Avattānaṃ** nāma adhiṭṭhānaṃ acalādhiṭṭhānatā. **Hitacariyā** nāma mettābhāvanā karuṇābhāvanā ca.

Tathā nekkhammapaviveka-alobhādosāmohanissaraṇappabhedā **cha ajjhāsaya**. Nekkhammajjhāsayaṃ bodhisattā honti kāmesu gharāvāse ca dosadassāvino, tathā pavivekajjhāsayaṃ saṅgaṇikāya dosadassāvino, alobhajjhāsayaṃ lobhe dosadassāvino, adosajjhāsayaṃ dose dosadassāvino, amohajjhāsayaṃ mohe dosadassāvino, nissaraṇajjhāsayaṃ sabbabhavesu dosadassāvino. Tasmā ete bodhisattānaṃ cha ajjhāsayaṃ dānādīnaṃ pāramīnaṃ paccayāti veditabbā. Na hi lobhādīsu ādīnavadassanena alobhādīnaṃ adhikabhāvena ca vinā dānādīpāramiyo sambhavanti, alobhādīnaṃ hi adhikabhāvena pariccāgādininnacittatā alobhajjhāsayaṃ aditāti veditabbā.

1. Ninnatābhāvo (Ka)

2. Ummagga (Sī)

3. Bhūmiyoti (Sī, Ka)

Yathā cete evaṃ dānajjhāsayatādayopi bodhiyā carantānaṃ bodhisattānaṃ dānādipāramīnaṃ paccayo. Dānajjhāsayatāya hi bodhisattā tappaṭipakkhe macchere dosadassāvino hutvā sammadeva dānapāramiṃ paripūrenti. Silajjhāsayatāya dussīlye dosadassāvino hutvā sammadeva sīlapāramiṃ paripūrenti. Nekkhammajjhāsayatāya kāmesu gharāvāse ca, yathābhūtaññajjhāsayatāya aññāṇe¹ vicikicchāya ca, vīriyajjhāsayatāya kosajje, khantiyajjhāsayatāya akkhantiyaṃ, saccajjhāsayatāya visaṃvāde, adhiṭṭhānajjhāsayatāya anadhiṭṭhāne, mettājjhāsayatāya byāpāde, upekkhājjhāsayatāya lokadhammesu ādīnavadassāvino hutvā sammadeva nekkhammādipāramiyo paripūrenti. Dānajjhāsayatādayo dānādipāramīnaṃ nipphattikāraṇattā paccayo.

Tathā apariccāgapariccāgādīsū yathākkamaṃ ādīnavānisaṃsapaccavekkhaṇā dānādipāramīnaṃ paccayo. Tatthāyaṃ paccavekkhaṇavidhi—
khattavattuhiraññasuvaṇṇagomahimsadāsīdāsaputtadārādīpariggahabyāsatta cittānaṃ sattānaṃ khettādīnaṃ vatthukāmaḥbhāvena bahupatthanīyabhāvato rājacorādisādhāraṇabhāvato vivādādhiṭṭhānato sapattakaraṇato nissārato paṭilābhaparipālanesu paraviheṭṭhanahetuto vināsanimittaṇca sokādi-
anekavihitabyasanāvahato tadāsattinidānaṇca
maccheramalapariyuṭṭhitacittānaṃ apāyūpapattihetubhāvato evaṃ
vividhaviṇṇatthāvahāni pariggahavatthūni nāma. Tesāṃ pariccāgoyeva
eko sotthibhāvoto pariccāge appamādo karaṇīyo.

Api ca yācako yācamāno attano guyhassa ācikkhanato “mayhaṃ vissāsiko”ti ca “pahāya gamanīyamattano santakaṃ gahetvā paralokaṃ yāhīti mayhaṃ upadesako”ti ca “ādित्ते viya agāre maraṇagginā āditte loka tato mayhaṃ santakassa apavāhakaṣāhāyo”ti ca “apavāhitassa cassa ajhāpananikkhepaṭṭhānabhūto”ti ca dānasaṅkhāte kalyāṇakammaṃsīmīṃ saḥāyabhāvato sabbasampattīnaṃ aggabhūtāya paramadullabhāya Buddhabhūmiyā sampattihetubhāvato ca “paramo kalyāṇamitto”ti ca paccavekkhitabbaṃ.

Tathā “uḷāre kammani anenāhaṃ sambhāvito, tasmā sā sambhāvanā avitathā kātabbā”ti ca “ekantabheditāya jīvitassa ayācitenāpi mayā dātabbaṃ, pageva yācitenā”ti ca “uḷārajjhāsayehi gavesitvāpi dātabbato sayamevāgato mama puññenā”ti ca “yācakassa dānāpadesena mayhamevāyamanuggaho”ti ca “ahaṃ viya ayaṃ sabbopi loko mayā anuggahetabbo”ti ca “asati yācake kathaṃ mayhaṃ dānapāramī pūreyyā”ti ca “yācakānameva catthāya mayā sabbo pariggahetabbo”ti ca “maṃ ayācivāva mama santakaṃ yācakā kadā sayameva gaṇheyun”ti ca “kathamahaṃ yācakānaṃ piyo cassaṃ manāpo”ti ca “kathaṃ vā te mayhaṃ piyā cassu manāpā”ti ca “kathaṃ vāhaṃ dadamāno datvāpi ca attamano cassaṃ pamudito pītisomanassajāto”ti ca “kathaṃ vā me yācakā bhaveyyum uḷāro ca dānajjhāsayo”ti ca “kathaṃ vāhamayācito eva yācakānaṃ hadayamaññāya dadeyyan”ti ca “sati dhane yācake ca apariccāgo mahatī mayhaṃ vañcanā”ti ca “kathaṃ vāhaṃ attano aṅgāni jīvitaṃ vāpi yācakānaṃ pariccajeyyan”ti ca pariccāganinnatā upaṭṭhapetabbā. Api ca “attho nāmāyaṃ nirapekkhaṃ dāyakamanugacchati, yathā taṃ nirapekkhaṃ khepakaṃ kiṭako”ti ca atthe nirapekkhatāya cittaṃ uppādetabbaṃ.

Yācamāno pana yadi piyapuggalo hoti, “piyo maṃ yācatī”ti somanassaṃ uppādetabbaṃ. Atha udāsīnapuggalo hoti, “ayaṃ maṃ yācamāno addhā iminā pariccāgena mitto hotī”ti somanassaṃ uppādetabbaṃ. Dadantopi hi yācakānaṃ piyo hotīti. Atha pana verī puggalo yācati, “paccatthiko maṃ yācati, ayaṃ maṃ yācamāno addhā iminā pariccāgena verī piyo mitto hotī”ti visesena somanassaṃ uppādetabbaṃ. Evaṃ piyapuggale viya majjhattaveripuggalesupi mettāpubbaṅgamaṃ karuṇaṃ upaṭṭhapetvāva dātabbaṃ.

Sace panassa cirakālaparibhāvitattā lobhassa deyyadhammavisayā lobhadhammā uppajjeyyūṃ, tena bodhisattapaṭiññena iti paṭisañcikkhitabbaṃ “nanu tayā sappurisa sambodhāya abhinīhāraṃ karontena sabbattānaṃ upakāratthāya ayaṃ kāyo nissaṭṭho tappariccāgamayañca puññaṃ, tattha

nāma te bāhirepi vatthusmiṃ abhisāṅgappavatti hatthisinānasadisī hoti, tasmā tayā na katthaci saṅgo uppādetabbo, seyyathāpi nāma mahato bhesajjarukkhasa tiṭṭhato mūlaṃ mūlatthikā haranti, papaṭikam tacam khandham viṭapam sāram sākham palāsam puppham phalam phalatthikā haranti, na tassa rukkhassa ‘mayham santakam ete harantī’ti vitakkasamudācāro hoti, evameva sabbalokahitāya ussukkamāpajjantena mayā mahādukkhe akataññuke niccāsucimhi kāye paresam upakārāya viniyujjamāne aṇumattopi micchāvitakko na uppādetabbo, ko vā ettha viseso ajjhattikabāhiresu mahābhūtesu ekantabhedanavikiraṇavidhamsanadhammesu, kevalam pana sammohavijambhitametam, yadidam etam mama esohamasmi eso me attāti abhiniveso, tasmā bāhiresu viya ajjhattikesupi karacaraṇanayanādīsu maṃsādīsu ca anapekkhena hutvā ‘tam tadatthikā harantū’ti nissaṭṭhacittena bhavitabban’ti.

Evam paṭisañcikkhato cassa sambodhāya pahitattassa kāyajīvitesu nirapekkhasa appakasireneva kāyavacīmanokammāni suvisuddhāni honti. So suvisuddhakāyavacīmanokammanto visuddhājīvo ñāyapaṭipattiyam ṭhito apāyupāyakosallasamannāgamena bhiyyoso mattāya deyyadhammapariccāgena abhayadānasaddhammadānehi ca sabbasatte anuggaṇhitum samattho hotīti ayam tāva dānapāramiyam paccavekkhaṇānayo.

Sīlapāramiyam pana evam paccavekkhitabham—idam hi sīlam nāma Gaṅgodakādīhi visodhetum asakkuṇeyyassa dosamalassa vikkhālanajalam, haricandanādīhi vinetum asakkuṇeyyassa rāgādīpariḷāhassa vinayanam, hāramakuṭakuṇḍalādīhi pacuraṇālaṅkārehi asādhāraṇo sādḥūnam alaṅkāraviseso, sabbadisāvāyanato akittimo sabbakālānurūpo ca surabhigandho, khattiyamahāsālādīhi devatāhi ca vandanīyādībhāvāvahanato paramo vasīkaraṇamanto, Cātumahārājikādidevalokārohaṇasopānapanti, jhānābhīññānam adhigamūpāyo, nibbānamahānagarassa sampāpakamaggo, sāvakabodhipaccekabodhisammāsambodhīnam paṭiṭṭhānabhūmi, yam yam vā panicchitam patthitam, tassa tassa samijjhanūpāyabhāvato cintāmaṇīkapparukkḥādike ca atiseti.

Vuttañcetam Bhagavatā “ijjhati bhikkhave sīlavato cetopaṇḍhivisuddhattā”¹. Aparampi vuttam “ākaṅkheyya ce bhikkhave bhikkhu ‘sabrahmacārīnam piyo ca assam manāpo ca garu ca bhāvanīyo cā’²ti, sīlesvevassa paripūrakārī”³ti-ādi². Tathā “avippaṭṭisārathāni kho Ānanda kusalāni sīlāni”³ti. “Pañcime gahapatayo ānisaṃsā sīlavato sīlasampadāyā”⁴ti-ādisuttānañca⁴ vasena sīlassa guṇā paccavekkhitabbā, tathā **Aggikkhandhopamasuttādīnam**⁵ vasena sīlavirahe ādīnavā. Pītisomanassanimittato attānuvādaparāpavādadaṇḍaduggatibhayābhāvato viññūhi pāsāmsabhāvato avippaṭṭisārahētuto sotthiṭṭhānato abhijanasāpateyyādhipateyyāyurūpaṭṭhānabandhumittasampattīnam atisayanato ca sīlam paccavekkhitabbanam. Sīlavato hi attano sīlasampadāhetu mahantam pītisomanassam uppajjati “katam vata mayā kusalam, katam kalyāṇam, katam bhīruttāṇam”⁶ti.

Tathā sīlavato attā na upavadati, na pare viññū, daṇḍaduggatibhayānam sambhavo eva natthi, “sīlavā purisapuggalo kalyāṇadhammo”⁶ti viññūnam pāsāmsō hoti. Tathā sīlavato yvāyam “katam vata mayā pāpam, katam luddakam katam kibbisan”⁶ti dussīlassa vippaṭṭisāro uppajjati, so na hoti. Sīlañca nāmetam appamādādhiṭṭhānato bhogabyasanādīparihāramukhena mahato atthassa sādhanato maṅgalabhāvato ca paramam sotthiṭṭhānam, nihīnajaccopi sīlavā khattiyamahāsālādīnam pūjanīyo hotīti kulasampattim atiseti sīlasampadā, “tam kim maññasi mahārāja? Idha te assa dāso kammakaro”⁶ti⁶ ādivacanañcetha sādhakam. Corādīhi asādhāraṇato paralokānugamanato mahapphalabhāvato samathādiguṇādhiṭṭhānato ca bāhiradhanam atiseti sīlam. Paramassa cittissariyassa adhiṭṭhānabhāvato khattiyādīnam issariyam atiseti sīlam. Sīlanimittam hi tamtamsattanikāyesu sattānam issariyam, vassasatadīghappamāṇato jīvitato ekāhampi sīlavato jīvitassa visiṭṭhatāvacaṇato sati ca jīvite sikkhānikkhipanassa maraṇatāvacaṇato sīlam jīvitato

1. Dī 3. 214, 217; Am 3. 71 piṭṭhesu. 2. Ma 1. 39 piṭṭhe. 3. Am 3. 515 piṭṭhe.

4. Dī 2. 73; Dī 3. 197; Am 2. 221; Vi 3. 322 piṭṭhesu.

5. Am 2. 495 piṭṭhādīsu.

6. Dī 1. 56 piṭṭhe.

visiṭṭhataram. Verinampi manuññabhāvāvahanato jarārogavipattihi anabhibhavanīyato ca rūpasampattim atiseti sīlam.

Pāsādahammiyādiṭṭhānavisesse rājayuvārājasenāpati-ādiṭṭhānavisesse ca atiseti sīlam sukhavisesādhiṭṭhānabhāvato. Sabhāvasiniddhe santikāvacarepi bandhujane mittajane ca atiseti ekantahitasampādanato paralokānugamanato ca “na tam mātāpitā kayirā”¹ti¹ ādivacanañcettha sādhamam. Tathā hatthi-assarathapattibalakāyehi mantāgadasotthānappayogehi ca durārakkham attānam ārakkhābhāvena sīlameva visiṭṭhataram attādhinato aparādhinoto mahāvisayato ca. Tenevāha “dhammo have rakkhati dhammacārin”²ti-ādi². Evamanekaguṇasamannāgataṃ sīlanti paccavekkhantassa aparipuṇṇā ceva sīlasampadā pāripūrim gacchati aparisuddhā ca pārisuddhim.

Sace panassa dīgharattam paricayena sīlapaṭipakkhā dhammā dosādayo antarantarā uppajjeyyūṃ, tena bodhisattapaṭiññena evaṃ paṭisañcikkhitabbaṃ—nanu tayā sambodhāya paṇidhānam kataṃ, sīlavikalena ca na sakkā lokiyāpi sampattiyo pāpuṇitum, pageva lokuttarā, sabbasampattīnam pana aggabhūtāya sammāsambodhiyā adhiṭṭhānabhūtena sīlena paramukkaṃsagatena bhavitabbaṃ, tasmā “kikīva aṇḍan”³ti-ādinā³ vuttanayena sammā sīlam rakkhantena suṭṭhutam tayā pesalena bhavitabbaṃ.

Api ca tayā dhammadesanāya yānattaye sattānam avatāraṇaparipācanāni kātabbāni, sīlavikalassa ca vacanam na paccetabbaṃ hoti, asappāyāhāravīcārassa viya vejjassa tikicchanaṃ, tasmā kathāham saddheyyo hutvā sattānam avatāraṇaparipācanāni kareyyanti sabbhāvaparissuddhasīlena bhavitabbaṃ, kiñca jhānādiguṇavisesayogena me sattānam upakāraṇasamatthataṃ paññāpārami-ādīparipūraṇaṃ, jhānādayo ca guṇā sīlapārisuddhim vinā na sambhavanti sammadeva sīlam parisodhetabbaṃ.

Tathā “sambādho gharāvāso rajopatho”⁴ti-ādinā⁴ gharāvāse, “aṭṭhikaṅkalūpamā kāmā”⁵ti-ādinā⁵ “mātāpi puttana

1. Khu 1. 19 piṭṭhe Dhammapade.

2. Khu 5. 215 piṭṭhādīsu.

3. Visuddhi 1. 34; Dī-Ṭṭha 1. 56 piṭṭhādīsu.

4. Dī 1. 59; Saṃ 1. 419; Ma 1. 236; Ma 2. 7 piṭṭhādīsu.

5. Ma 1. 182; Vi 2. 175 piṭṭhādīsu.

vivadatī”ti¹ādinā ca kāmesu, “seyyathāpi puriso iṇaṃ ādāya kammante payojeyyā”ti-ādinā² kāmacchandādīsu ādīnavadassanapubbaṅgamā vuttavipariyāyena “abbhokāso pabbajjā”ti-ādinā³ pabbajjādīsu ānisaṃsapaṭisaṅkhāvasena nekkhammapāramiyaṃ paccavekkhaṇā veditabbā. Ayamettha saṅkhepo, vitthāro pana dukkhakkhandha⁴ āsivisopamasuttā⁵divasena veditabbo.

Tathā “paññāya vinā dānādayo dhammā na visujjhanti, yathāsakaṃ byāpārasamatthā ca na hontī”ti paññāguṇā manasikātabbā. Yatheva hi jīvitena vinā sarīrayantaṃ na sobhati, na ca attano kiriyāsu paṭipattisamatthaṃ hoti, yathā ca cakkhādīni indriyāni viññāṇena vinā yathāsakaṃ visayesu kiccaṃ kātuṃ nappahonti, evaṃ saddhādīni indriyāni paññāya vinā sakiccaṃ paṭipattiyāṃ asamatthānīti pariccāgādipaṭipattiyāṃ paññā padhānakāraṇaṃ. Ummīlitapaññācakkhukā hi mahābodhisattā attano aṅgapaccaṅgānīpi datvā anattukkāmsakā aparavambhakā ca honti, bhesajjarukkā viya vikapparahitā kālattayepi somanassajātā. Paññāvasena hi upāyakosallayogato pariccāgo parahitappavattiyā dānapāramibhāvaṃ upeti. Attatthaṃ hi dānaṃ vaḍḍhisadisāṃ hoti.

Tathā paññāya abhāvena taṇhādisaṃkilesāvīyogato sīlassa visuddhi eva na sambhavati, kuto sabbaññugūṇādhiṭṭhānabhāvo. Paññāvā eva ca gharāvāse kāmaguṇesu saṃsāre ca ādīnavaṃ pabbajjāya jhānasamāpattiyāṃ nibbāne ca ānisaṃsaṃ suṭṭhu sallakkhento pabbajjivā jhānasamāpattiyāṃ nibbattetvā nibbānābhimukho pare ca tattha patiṭṭhāpeti. Vīriyaṅca paññāvīrahitāṃ yathicchitamattaṃ na sādheti durārambhabhāvato. Vameva hi anārambho durārambhato, paññāsahitena pana vīriyena na kiñci duradhigamaṃ upāyapaṭipattito. Tathā paññāvā eva parāpakārādīnaṃ adhivāsakajātiko hoti, na duppañño. Paññāvīrahitassa ca parehi upanītā apakārā khantiyā paṭipakkhameva anubrūhenti, paññāvato pana te khantisampattiyā paribrūhanavasena assā thirabhāvāya saṃvattanti. Paññāvā eva⁶ tūṇipi

1. Ma 1. 128 piṭṭhādīsu.

3. Dī 1. 59; Saṃ 1. 419 piṭṭhādīsu.

5. Saṃ 2. 381 piṭṭhādīsu.

2. Dī 1. 68 piṭṭhādīsu.

4. Ma 1. 118 piṭṭhādīsu.

6. Paññāya eva (Sī)

saccāni nesaṃ kāraṇāni paṭipakkhe ca yathābhūtaṃ jānitvā pasesaṃ avisaṃvādako hoti.

Tathā paññābalena attānaṃ upatthambhetvā dhitisampadāya sabbapāramīsu acalasaṃvādanādhīṭṭhāno hoti. Paññavā eva ca piyamajjhattaverivibhāgam akatvā sabbattha hitūpasamhāraṅkusalo hoti. Tathā paññāvasena lābhālābhādilokadhammasannipāte nibbikāratāya majjhatto hoti. Evaṃ sabbāsaṃ pāramīnaṃ paññāva pārisuddhihetūti paññāguṇā paccavekkhitabbā. Api ca paññāya vinā na dassanasampatti, antarena ca diṭṭhisampadaṃ na sīlasampadā, sīladiṭṭhisampadāviraḥitassa na samādhisampadā, asamāhitena ca na sakkā attahitamattampi sādhetuṃ, pageva ukkaṃsagataṃ parahitanti parahitāya paṭipannaṃ “nanu tayā sakkaccaṃ paññāya parivuddhiyaṃ¹ āyogo karaṇīyo”ti bodhisattena attā ovaditabbo. Paññānubhāvena hi mahāsatto caturadhiṭṭhānādhīṭṭhito catūhi saṅgahavatthūhi lokam anuggaṇhanto satte niyyānamagge avatāreti, indriyāni ca nesaṃ paripāceti.

Tathā paññābalena khandhāyatanādīsū pavicayabahulo²pavattinivattiyo yāthāvato pariḷānanto dānādayo guṇe viśesaṃ nibbedhabhāgiyabhāvaṃ nayanto bodhisattasikkhāya paripūrakārī hotīti evamādinā anekākāravokāre paññāguṇe vavatthapetvā paññāpāramī anubrūhetabbā.

Tathā dissamānānīpi lokiyāni kammāni nihīnavīriyena pāpuṇitum asakkuṇeyyāni, agaṇitakhedena pana āradhāvīriyena duradhigamaṃ nāma natthi. Nihīnavīriyo hi “saṃsāramahogghato sabbasatte santāressāmī”ti ārabhitumeva na sakuṇāti. Majjhimo ārabhitvā antarā vosānamāpajjati. Ukkatthāvīriyo pana attasukhanirapekkho ārambhapāramimadhigacchati³ti vīriyasampatti paccavekkhitabbā. Api ca “yassa attano eva saṃsārapaṅkato samuddharaṇatthamārambho, tassāpi na vīriyassa sithilabhāve manorathānaṃ matthakappatti sakkā sambhāvetuṃ, pageva sadevakassa lokassa samuddharaṇattham katābhinihārenā”ti

1. Parisuddhiyaṃ (Ka)

2. Paricayabahulo (Sī)

3. Ārambhapāramadhigacchati (Ka)

ca “rāgādīnaṃ dosagaṇānaṃ mattamahāgajānaṃ viya dunnivārabhāvato tannidānānaṃca kammamādānānaṃ ukkhittāsikavadhakasadisabhāvato tannimittānaṃca duggatīnaṃ sabbadā vivaṭamukhabhāvato tattha niyajakānaṃca pāpamittānaṃ sadā sannihitabhāvato tadovādakāritāya ca bālassa puthujjanabhāvassa satisambhave yuttaṃ sayameva sāmsāradukkhato nissaritunti micchāvitakkā vīriyānubhāvena dūrībhavanti”ti ca “yadi pana sambodhi attādhīnena vīriyena sakkā samadhigantum, kimettha dukkaran”ti ca evamādinā nayena vīriyaguṇā paccavekkhitabbā.

Tathā khanti nāmāyaṃ niravasesaguṇapaṭipakkhassa kodhassa vidhamanato guṇasampādane sādhuṇamappaṭihatamāyudhaṃ, parābhibhavasamatthānaṃ¹alaṅkāro, samaṇabrāhmaṇānaṃ balasampadā, kodhaggivinayana-udakadhārā, kalyāṇassa kittisaddassa sañjātideso, pāpapuggalānaṃ vacīvisavūpasamakaro mantāgado, samvare ṭhitānaṃ paramā dhīrapakati, gambhīrāsayatāya sāgaro, dosamahāsāgarassa velā, apāyadvārassa pidahanakavāṭaṃ, devabrahmalokānaṃ ārohaṇasopānaṃ, sabbaguṇānaṃ adhivāsanabhūmi, uttamā kāyavacīmanovisuddhīti manasikātabbaṃ.

Api ca “ete sattā khantisampattiyā abhāvato idhaloke tappanti, paraloke ca tapanīyadhammānuyogato”ti ca “yadi pi parāpakāranimittaṃ dukkhaṃ uppajjati, tassa pana dukkhassa khettabhūto attabhāvo bījabhūtaṃca kammaṃ mayāva abhisaṅkhatan”ti ca “tassa ca dukkhassa āṇaṇyakāraṇametaṃ”ti ca “apakārake asati kathaṃ mayhaṃ khantisampadā sambhavatī”ti ca “yadi pāyaṃ etarahi apakārako, ayaṃ nāma pubbe anena mayhaṃ upakāro kato”ti ca “apakāro eva vā khantinimittatāya upakāro”ti ca “sabbepime sattā mayhaṃ puttasadisā, puttakatāparādhesu ca ko kujjhissatī”ti ca “yena kodhapisācāvesena ayaṃ mayhaṃ aparajjhati, svāyaṃ kodhabhūtāveso mayā vinetabbo”ti ca “yena apakārena idaṃ mayhaṃ dukkhaṃ uppannaṃ, tassa ahampi nimittaṃ”ti ca “yehi dhammehi apakāro kato, yattha ca kato, sabbepi te tasmim eva khaṇe niruddhā kassidāni kena kopo

1. Parābhibhavane samatthānaṃ (Ka)

kātabbo”ti ca “anattatāya sabbadhammānaṃ ko kassa aparajjhatī”ti ca paccavekkhantena khantisampadā anubrūhetabbā.

Yadi panassa dīgharattaṃ paricayena parāpakāranimittako kodho cittaṃ pariyādāya tiṭṭheyya, tena iti paṭisañcikkhitabbaṃ “khanti nāmesā parāpakārassa paṭipakkhapaṭipattīnaṃ paccupakārakāraṇaṃ”ti ca “apakāro ca mayhaṃ dukkhūpanisā saddhāti dukkhuppādanena saddhāya sabbaloke anabhiratisaññāya ca paccayo”ti ca “indriyapakati hesā yadidaṃ iṭṭhāniṭṭhavisayasamāyogo, tattha aniṭṭhavisayasamāyogo mayhaṃ na siyāti taṃ kutettha labbhā”ti ca “kodhavasiko satto kodhena ummatto vikkhittacitto, tattha kiṃ paccapakārenā”ti ca “sabbepime sattā Sammāsambuddhena orasaputtā viya paripālītā, tasmā na tattha mayā cittakopo kātabbo”ti ca “aparādhake ca sati guṇe guṇavati mayā kopo na kātabbo”ti ca “asati guṇe visesena karuṇāyitabbo”ti ca “kopena ca mayhaṃ guṇayasā nihīyanti”ti “kujjhanena mayhaṃ dubbaṇṇadukkhasēyādayo sapattakantā āgacchantī”ti ca “kodho ca nāmāyaṃ sabbāhitakārako sabbahitavināsako balavā paccatthiko”ti ca “sati ca khantiyā na koci paccatthiko”ti ca “aparādhakena aparādhanimittaṃ yaṃ āyatim laddhabbaṃ dukkhaṃ sati ca khantiyā mayhaṃ tadabhāvo”ti ca “cintanena kujjhantena ca mayā paccatthikoyeva anuvattito hotī”ti ca “kodhe ca mayā khantiyā abhibhūte tassa dāsabhūto paccatthiko sammadeva abhibhūto hotī”ti ca “kodhanimittaṃ khantiguṇapariccāgo mayhaṃ na yutto”ti ca “sati ca kodhe guṇavirodhapaccanīkadhamme kathaṃ me silādidhammā pāripūrim gaccheyyūṃ, asati ca tesu kathāhaṃ sattānaṃ upakārabahulo paṭiññānurūpaṃ uttamaṃ sampattim pāpuṇissāmī”ti ca “khantiyā ca sati bahiddhā vikkhepābhāvato samāhitassa sabbe saṅkhārā aniccato dukkhato sabbe dhammā anattato nibbānaṃca asaṅkhatāmatasantapaṇītatādibhāvato nijjhānaṃ khamanti Buddhadhammā ca acinteyyāparimeyyappabhāvā”ti.

Tato ca anulomiyāṃ khantiyāṃ ṭhito kevalā ime attattaniyabhāvarahitā dhammamattā yathāsakaṃ paccayehi uppajjanti vayanti, na kutoci āgacchanti, na kuhiñci gacchanti, na ca katthaci patiṭṭhitā, na cettha koci kassaci

byāpāroti ahaṃkāramamaṃkāraṇadhiṭṭhānatā nijjhānaṃ khamati, yena bodhisatto bodhiyā niyato anāvattidhammo hotīti evamādinā khantipāramiyā paccavekkhaṇā veditabbā.

Tathā saccena vinā sīlādīnaṃ asambhavato paṭiññānurūpaṃ paṭipattiyā abhāvato ca saccadhammātikkame ca sabbapāpadhammānaṃ samosaraṇato asaccasandhassa apaccayikabhāvato āyatim ca anādeyyavacanaatāvahanato sampannasaccassa ca sabbaguṇādhiṭṭhānabhāvato saccādhiṭṭhānena sabbabodhisambhārānaṃ pārisuddhipāripūrisāmatthiyato sabhāvadhammāvisaṃvādanena sabbabodhisambhārakiccakaraṇato bodhisattapaṭipattiyā ca parinipphattitoti-ādinā saccapāramiyā sampattiyō paccavekkhitabbā.

Tathā dānādīsu daḷhasamādānaṃ taṃpaṭipakkhasannipāte ca nesaṃ acalādhiṭṭhānaṃ tattha ca dhīravīrabhāvaṃ vinā na dānādisambhārā sambodhinimittā sambhavantīti-ādinā adhiṭṭhāne guṇā paccavekkhitabbā.

Tathā “atta hitamatte avatiṭṭhantenāpi sattesu hitacittataṃ vinā na sakkā idhalokaparalokasampattiyō pāpuṇitum, pageva sabbasatte nibbānasampattiyāṃ patiṭṭhāpetukāmena”ti ca “pacchā sabbasattānaṃ lokuttarasampattim ākaṅkhanena idāni lokiyasampatti-ākaṅkhā yuttarūpā”ti ca “idāni āsayamattena paresaṃ hitasukhūpasamhāraṃ kātum asakko kadā payogena taṃ sādhesāmi”ti ca “idāni mayā hitasukhūpasamhārena samvaddhitā pacchā dhammasamvibhāgasahāyā mayhaṃ bhavissanti”ti ca “ete hi vinā na mayhaṃ bodhisambhārā sambhavanti, tasmā sabbabuddhaguṇavibhūtinipphattikāraṇattā mayhaṃ ete paramaṃ puññakkhettaṃ anuttaraṃ kusalāyatanāṃ uttamaṃ gāravaṭṭhānaṃ”ti ca savisesaṃ sattesu sabbesu hitajjhāsayatā paccupaṭṭhapetabbā, kiṅca karuṇādhiṭṭhānatopi sabbasattesu mettā anubrūhetabbā. Vimariyādīkatena hi cetasaṃ sattesu hitasukhūpasamhāraniratassa tesāṃ ahitadukkhāpanayanakāmatā balavatī uppajjati daḷhamūlā, karuṇā ca sabbesaṃ Buddhakāradhammānaṃ ādi caraṇaṃ patiṭṭhā mūlaṃ mukhaṃ pamukhanti evamādinā mettāya guṇā paccavekkhitabbā.

Tathā “upekkhāya abhāve sattehi katā vipakārā cittassa vikāraṃ uppādeyyum, sati ca cittavikāre dānādīnaṃ sambhārānaṃ sambhavo eva

natthī”ti ca “mettāsinehena sinehite citte upekkhāya vinā sambhārānaṃ pārisuddhi na hotī”ti ca “anupekkhako sambhāresu puññasambhāraṃ tabbipākañca sattahitattaṃ pariṇāmetuṃ na sakkotī”ti ca “upekkhāya abhāve deyyadhammapaṭiggāhakānaṃ vibhāgaṃ akatvā pariccajituṃ na sakkotī”ti ca “upekkhārahitena jīvitaparikkhārānaṃ jīvitassa ca antarāyaṃ amanasikarivā silavisodhanaṃ kātuṃ na sakkotī”ti ca tathā upekkhāvasena aratiratisahasveva nekkhammabalasiddhito upapattito ikkhaṇavasena sabbasambhārakiccaṇipphattito accāraddhassa vīriyassa anupekkhaṇe padhānakiccakaraṇato upekkhato eva titikkhānijjhānasambhavato upekkhāvasena sattasaṅkhārānaṃ avisaṃvādanato lokadhammānaṃ ajjupekkhaṇena samādinnadhammesu acalādhiṭṭhānasiddhito parāpakārādīsu anābhogavaseneva mettāvihāraṇipphattitoti sabbabodhisambhārānaṃ samādānādhiṭṭhānapāripūrinipphattiyō upekkhānubhāvena sampajjantīti evamādinā nayena upekkhāpāramī paccavekkhitabbā. Evaṃ apariccāgapariccāgādīsu yathākkamaṃ ādinavānisamsapaccavekkhaṇā dānādipāramīnaṃ paccayoti daṭṭhabbā.

Tathā sapaṛikkhārā pañcadasa caraṇadhammā pañca ca abhiññāyo. Tattha **caraṇadhammā** nāma silasaṃvaro indriyesu guttadvāratā bhojane mattaññutā jāgariyānuyogo satta saddhammā cattāri jhānāni ca. Tesu silādīnaṃ catunnaṃ terasāpi dhutadhammā appicchatādayo ca paṛikkhārā.

Saddhammesu **saddhāya**

Buddhadhammasaṃghasīlacāgadevatū’pasamānussati

lūkhapuggalaparivajjana siniddhapuggalasevana

pasādanīyadhammapaccavekkhaṇatadadhimuttatā paṛikkhāro.

Hirottappānaṃ akusalādīnavapaccavekkhaṇa apāyādīnavapaccavekkhaṇa kusaladhammūpatthambhana bhāva paccavekkhaṇa hirottapparahita puggala parivajjana hirottappa sampannapuggalasevana tadadhimuttatā.

Bāhusaccassa pubbayogaparipucchakabhāva saddhammābhiyoga anavajjavijjāṭṭhānādiparicaya paripakkindriyatā kilesadūrībhāva-

appassutaparivajjana bahussutasevanatadadhimuttatā. **Vīriyassa**

apāyabhayapaccavekkhaṇa gamanavīthi¹ paccavekkhaṇa

dhammahattapaccavekkhaṇa thinamiddhavinodanakusītapuggala

parivajjana āraddhavīriyapuggalasevana

sammappadhānapaccavekkhaṇatadadhimuttatā. **Satiyā** satisampajañña

muṭṭhassatipuggalaparivajjana upaṭṭhitassatipuggala-

sevana tadadhimuttatā. **Paññāya** paripucchakabhāva vatthuvisadakiriyā
 indriyasamattapaṭipādana duppaññapuggalaparivajjana
 paññavantapuggalasevana
 gambhīrañāṇacariyapaccavekkhaṇatadadhimuttatā. Catunnam jhānānam
 sīlādicatukkam aṭṭhatimsāya ārammaṇesu pubbabhāgabhāvanā
 āvajjanādivasībhāvakaraṇaṇca parikkhāro. Tattha sīlādīhi payogasuddhiyā
 sattānam abhayadāne āsayasuddhiyā āmisadāne ubhayasuddhiyā
 dhammadāne samattho hotīti-ādinā caraṇādīnam dānādisambhārānam
 paccayabhāvo yathārahaṇam niddhāretabbo, ativitthārabhayena na
 niddhārayimhāti. Evaṃ sampatticakkādayopi dānādīnam paccayoti
 veditabbā.

Ko saṅkilesoti? Avisesena taṇhādīhi parāmaṭṭhabhāvo pāramīnam
 saṅkilesa, visesena pana deyyadhammapaṭiggāhakavikappā dānapāramiyā
 saṅkilesa. Sattakālavikappā sīlapāramiyā, kāmabhavatadupasamesu
 abhirati-anabhirativikappā nekkhammapāramiyā, ahaṇam mamāti vikappā
 paññāpāramiyā, līnuddhaccavikappā vīriyapāramiyā, attaparavikappā
 khantipāramiyā, adiṭṭhādīsu diṭṭhādivikappā saccapāramiyā,
 bodhisambhāratabbipakkhesu dosaguṇavikappā adhiṭṭhānapāramiyā,
 hitāhitavikappā mettāpāramiyā, iṭṭhāniṭṭhavikappā upekkhāpāramiyā
 saṅkilesoti daṭṭhabbā.

Kimvodānanti? Taṇhādīhi anupaghāto yathāvuttavikappaviraho ca
 etāsam vodānanti veditabbā. Anupahatā hi taṇhā māna diṭṭhikodhūpanāha
 makkha paḷāsa issā macchariya māyā sāṭheyya thambha
 sārāmbhamadappamādādīhi kilesehi
 deyyadhammapaṭiggāhakavikappādirahitā ca dānādīpāramiyo parisuddhā
 pabhassarā bhavanti.

Ko paṭipakkhoti? Avisesena sabbepi saṅkilesā sabbepi akusalā
 dhammā etāsam paṭipakkho, visesena pana pubbe vuttā maccherādayoti
 veditabbā. Api ca deyyadhammapaṭiggāhakadānaphalesu
 alobhādosāmahaguṇayogato lobhadosamohapaṭipakkham dānam,
 kāyādidosavaṅkāpagamato lobhādīpaṭipakkham sīlam,
 kāmasukhaparūpaghāta-attakilamathaparivajjanato dosattayapaṭipakkham
 nekkhammam, lobhādīnam andhīkaraṇato ñāṇassa ca anandīkaraṇato
 lobhādīpaṭipakkhā

paññā, alīnānuddhatañāyārambhavasena lobhādipaṭipakkhaṃ vīriyaṃ, iṭṭhāniṭṭhasuññatānaṃ khamanato lobhādipaṭipakkhā khanti, satipi paresaṃ upakāre apakāre ca yathābhūtapavattiyā lobhādipaṭipakkhaṃ saccam, lokadhamme abhibhuyya yathāsamādinnesu sambhāresu acalanato lobhādipaṭipakkhaṃ adhiṭṭhānaṃ, nīvaraṇavivekato lobhādipaṭipakkhā mettā, iṭṭhāniṭṭhesu anunayapaṭiṅghaviddhaṃsanato samappavattito ca lobhādipaṭipakkhā upekkhāti daṭṭhabbaṃ.

Kāpaṭipattī? Dānapāramiyā tāva sukhūpakaraṇasarīrajīvitapariccāgena bhayāpanudanena dhammopadesena ca bahudhā sattānaṃ anuggahakaraṇaṃ paṭipattī. Tattha āmisadānaṃ abhayadānaṃ dhammadānanti dātabbavattuvasena tividhaṃ dānaṃ. Tesu bodhisattassa dātabbavattu ajjhattikaṃ bāhiranti duvidhaṃ. Tattha bāhiraṃ annaṃ pānaṃ vatthaṃ yānaṃ mālāgandhavilepanaṃ seyyāvasathapadīpeyyanti dasavidhaṃ. Annādānaṃ khādaniyabhojanīyādivibhāgena anekavidhaṃ. Tathā rūpārammaṇaṃ yāva dhammārammaṇanti ārammaṇato chabbidhaṃ. Rūpārammaṇādānaṃ nīlādivibhāgena anekavidhaṃ. Tathā maṇi kanaka rajata muttā pavāḷādikhettavattu-ārāmādidāsīdāsagomahimsādi nānāvidhavittūpakaraṇavasena anekavidhaṃ.

Tattha mahāpuriso bāhiraṃ vatthuṃ dento “yo yena atthiko, taṃ tassa deti, dento ca tassa atthiko”ti sayameva jānanto ayācitopi deti pageva yācito. Muttacāgo deti, no amuttacāgo, pariyattaṃ deti, no apariyattaṃ satī deyyadhamme. Na paccupakārasannissito deti. Asatī deyyadhamme hi pariyatte saṃvibhāgārahaṃ saṃvibhajati. Na ca deti parūpaghātāvahaṃ satthavisamajjādikaṃ, nāpi kīḷanaṃ yaṃ anattūpasamhitam pamādāvahaṃca. Na ca gilānassa yācakassa pānabhojanādi-asappāyaṃ pamāṇarahitaṃ vā deti, pamāṇayuttaṃ pana sappāyameva deti.

Tathā yācito gahaṭṭhānaṃ gahaṭṭhānucchavikaṃ deti, pabbajitānaṃ pabbajitānucchavikaṃ deti, mātāpitaro nātisālohitā mittāmaccā puttadārādāsakammakarāti etesu kassaci pīḷaṃ ajanento deti, na ca uḷāraṃ deyyadhammaṃ paṭijānitvā lūkhaṃ deti, na ca lābhasakkārasilokasannissito deti, na ca paccupakārasannissito deti, na ca phalapāṭikaṅkhī

deti aññatra sammāsambodhiyā, na ca yācake deyyadhammaṃ vā jīgucchanto deti, na ca asaññatānaṃ yācakānaṃ akkosakarasakānampi apaviddhaṃ dānaṃ deti, aññadatthu pasannacitto anukampanto sakkaccameva deti, na ca kotūhalamaṅgaliko hutvā deti, kammaphalameva pana saddahanto deti, napi yācake payirupāsanādīhi parikilesavā deti, aparikilesanto eva pana deti, na ca paresaṃ vañcanādhippāyo bhedanādhippāyo vā dānaṃ deti, asaṃkiliṭṭhacitto eva deti, napi pharusavāco bhākuṭimukho dānaṃ deti, piyavādī pana pubbhāsī mitavacano hutvā deti, yasmiṃca deyyadhamme uḷāramanuññatāya vā ciraparicayena vā gedhasabhāvātāya vā lobhadhammo adhimatto hoti, jānanto bodhisatto taṃ khippameva paṭivinodetvā yācake pariyesitvāpi deti, yañca deyyavattu parittaṃ yācakopi paccupaṭṭhito, taṃ acintetvāpi attānaṃ bādhētva dento yācakaṃ sammāneti yathā taṃ akittipaṇḍito. Na ca mahāpuriso attano puttadārādāsakammakaraporise yācito te asaññāpīte domanassappatte yācakānaṃ deti, sammadeva pana saññāpīte somanassappatte deti, dento ca yakkharakkhasapisācādīnaṃ vā manussānaṃ kurūrakammantānaṃ vā jānanto na deti, tathā rajjampi tādisānaṃ na deti, ye lokassa ahitāya dukkhāya anattāya paṭipajjanti, ye pana dhammikā dhammena lokaṃ pārenti, tesāṃ deti¹, evaṃ tāva bāhiradāne paṭipatti veditabbā.

Ajjhattikadānaṃ pana dvīhi ākārehi veditabbaṃ. Kathaṃ? Yathā nāma koci puriso ghāsacchādanahetu attānaṃ parassa nissajjati, vidheyyabhāvaṃ upagacchati dāsabyaṃ, evameva mahāpuriso sambodhihetu nirāmisacitto sattānaṃ anuttaraṃ hitasukhaṃ icchanto attano dānapāramiṃ paripūretukāmo attānaṃ parassa nissajjati, vidheyyabhāvaṃ upagacchati yathākāmakaraṇīyataṃ, karacaraṇanayanādi-aṅgapaccaṅgaṃ tena tena atthikānaṃ akampito anolīno anuppadeti, na tattha sajjati na saṅkocaṃ āpajjati yathā taṃ bāhiravatthusmiṃ, tathā hi mahāpuriso dvīhi ākārehi bāhiravatthusmī pariccajati yathāsukhaṃ paribhogāya vā yācakānaṃ tesāṃ manorathaṃ paripūrento, attano vasībhāvāya vā,

1. Rajjaṃ dānaṃ deti (Ka)

tattha sabbena sabbaṃ muttacāgo evamaham̐ nissaṅgabhāvanāya sambodhiṃ pāpuṇissāmīti. Evaṃ ajjhattikavatthusminti veditabbaṃ.

Tattha yaṃ ajjhattikavatthu dīyamānaṃ yācakassa ekanteneva hitāya saṃvattati, taṃ deti, na itaraṃ, na ca mahāpuriso mārasa mārakāyikānaṃ devatānaṃ vā vihiṃsādhippāyānaṃ attano attabhāvaṃ aṅgapaccaṅgāni vā jānamāno deti “mā tesam̐ anatto ahoṣī”ti. Yathā ca mārakāyikānaṃ, evaṃ tehi anvāviṭṭhānampi na deti, napi ummattakānaṃ. Itaresaṃ pana yāciyamāno¹ samanantameva deti, tādīsāya yācanāya dullabhabhāvato tādīsassa ca dānassa dukkarabhāvato.

Abhayadānaṃ pana rājato corato aggito udakato veripuggalato sīhabyagghādivāḷamigato nāgayakkharakkhasapisācādito sattānaṃ bhaye paccupaṭṭhite tato parittāṇabhāvena veditabbaṃ.

Dhammadānaṃ pana asaṃkiliṭṭhacittassa aviparītā dhammadesanā, opāyiko hitassa upadeso diṭṭhadhammikasaṃparāyikaparamatthavasena yena sāsane anotiṇṇānaṃ avatāraṇaṃ otiṇṇānaṃ paripācanaṃ. Tatthāyaṃ nayo— saṅkhepato tāva dānakathā silakathā saggakathā kāmānaṃ ādīnava saṅkilesa ca nekkhamme ānisaṃso. Vitthārato pana sāvaka bodhiyaṃ adhimuttacittānaṃ saraṇagamaṇaṃ sīlasaṃvaro indriyesu guttadvārātā bhojane mattaññutā jāgariyānuyogo satta saddhammā aṭṭhatimsāya ārammaṇesu kammakaraṇavasena samathānuyogo rūpakāyādīsu² vipassanābhinivesesu yathārahaṃ abhinivesamukhena vipassanānuyogo, tathāvisuddhipaṭipadā sammattagahaṇaṃ tisso vijjā cha abhiññā catasso paṭisambhidā sāvaka bodhīti etesaṃ guṇasaṃkittanavasena yathārahaṃ tattha tattha paṭiṭṭhāpanā pariyodapanā ca. Tathā paccekabodhiyaṃ sammāsambodhiyaṅca adhimuttānaṃ sattānaṃ yathārahaṃ dānādīpāramīnaṃ sabhāvarasalakkaṇādīsaṃkittanamukhena tīsupi avatthāsu tesam̐ Buddhānaṃ mahānubhāvataṅgavibhāvanena yānavyaye paṭiṭṭhāpanā pariyodapanā ca, evaṃ mahāpuriso sattānaṃ dhammadānaṃ deti.

1. Yāciyamāna... (Sī), yācanānantameva deti (?)

2. Rūpamukhādīsu (Ka)

Tathā mahāpuriso sattānaṃ āmisadānaṃ dento “imināhaṃ dānena sattānaṃ āyuvanṇasukhabalapaṭibhānādisampattiṅca ramaṇīyaṃ aggaphalasampattiṅca nipphādeyyan”ti annadānaṃ deti, tathā sattānaṃ kāmakilesapipāsāvūpasamāya pānaṃ deti, tathā suvaṇṇavaṇṇatāya hirottappālaṅkāraṃ ca nipphattiyā vatthāni deti, tathā iddhividhassa ceva nibbānasukhassa ca nipphattiyā yānaṃ deti, tathā sīlagandhanipphattiyā gandhaṃ deti, tathā Buddhaguṇasobhānipphattiyā mālāvilepanaṃ deti, Bodhimaṇḍāsanānipphattiyā āsanaṃ deti, Tathāgataseyyānipphattiyā seyyaṃ deti, saraṇabhāvanipphattiyā āvasathaṃ deti, pañcacakkhupaṭilābhāya paḍiṭṭhiyaṃ deti, byāmapabhānipphattiyā rūpadānaṃ deti, brahmassāraṇipphattiyā saddadānaṃ deti, sabbalokassa piyabhāvāya rasadānaṃ deti, Buddhasukhumālabhāvāya phoṭṭhabbadānaṃ deti, aṅgamaṇipphattiyā bhesajjadānaṃ deti, kilesadāsabyavimocanattaṃ dāsānaṃ bhujissatādānaṃ deti, saddhammābhiraṭṭiyā anavajjakhiḍḍaratihetudānaṃ deti, sabbepi satte ariyāya jātiyā attano puttabhāvūpanayanāya puttadānaṃ deti, sakalassapi lokassa patibhāvūpagamaṇāya dāradānaṃ deti, subhalakkhaṇasampattiyā suvaṇṇamaṇimuttāpavāḷādidānaṃ, anubyañjanasampattiyā nānāvidhavibhūsanadānaṃ, saddhammakosādhigamāya vittakosadānaṃ, Dhammarājabhāvāya rajjadānaṃ, jhānādisampattiyā āramuyyānataḷākavanadānaṃ¹, cakkāṅkatehi pādehi Bodhimaṇḍūpasaṅkamaṇāya caraṇadānaṃ, caturōghanittharaṇāya sattānaṃ saddhammahatthadānatthaṃ hatthadānaṃ, saddhindriyādiṭṭhiyā kaṇṇanāsādidānaṃ, Samantacakkhupaṭilābhāya cakkhadānaṃ, “dassanasavanānussaraṇapāricariyādīsū sabbakālaṃ sabbasattānaṃ hitasukhāvaho, sabbalokena ca upajīvitabbo me kāyo bhavēyyā”ti maṃsalohitādidānaṃ, “sabbalokuttamo bhavēyyan”ti uttamaṅgadānaṃ deti.

Evāṃ dadanto ca na anesaṇāya deti na ca paropaghātena na bhayena na lajjāya na dakkhiṇeyyaroṇaṇa na paṇīte sati lūkaṃ na attukkaṃsaṇaṇa na paravambhaṇaṇa na phalābhikaṅkhāya na yācakajjucchāya na acittikāreṇa deti, atha kho sakkaccaṃ deti, sahatthēna deti, kāleṇa deti, cittikatvā deti, avibhāgeṇa deti, tīsū kālesu somanassito deti,

1. Tapovanadānaṃ (Ka)

tato eva ca datvā na pacchānutāpī hoti. Na paṭiggāhakavasena mānāvamānaṃ karoti, paṭiggāhakānaṃ piyasamudācāro hoti vadaññū yācayogo saparivāradāyako. Annadānaṃ hi dento “taṃ saparivāraṃ katvā dassāmi”ti vatthādīhi saddhiṃ deti. Tathā vatthadānaṃ dento “taṃ saparivāraṃ katvā dassāmi”ti annādīhi saddhiṃ deti. Yānadānādīsupi eseva nayo.

Tathā rūpadānaṃ dento itarārammaṇānipi tassa parivāraṃ katvā deti, evaṃ sesesupi. Tattha rūpadānaṃ nāma nīlapītalohita-odātādivaṇṇāsu pupphavatthadhātūsu aññataraṃ labhitvā rūpavasena ābhujitvā “rūpadānaṃ dassāmi, rūpadānaṃ mayhan”ti cintetvā tādise dakkhiṇeyye dānaṃ patiṭṭhāpeti savatthukaṃ katvā, etaṃ¹ **rūpadānaṃ** nāma.

Saddadānaṃ pana bherisaddādivasena veditabbaṃ. Tattha saddaṃ kandamūlāni viya uppātetvā nīluppalahatthakaṃ viya ca hatthe ṭhapetvā dātuṃ na sakkā, savatthukaṃ pana katvā dento saddadānaṃ deti nāma, tasmā yadā “saddadānaṃ dassāmi”ti bherimudīṅgādīsu aññatarena tūriyena tiṇṇaṃ ratanānaṃ upahāraṃ karoti kāreti ca, “saddadānaṃ me”ti bheri-ādīni ṭhapeti ṭhapāpeti ca, dhammakathikānaṃ pana sarabhesajjaṃ telaphāṇitādīni deti, dhammassavanaṃ ghoṣeti, sarabhaññaṃ bhaṇati, dhammakathaṃ katheti, upanisinnakathaṃ anumodanakathaṃca karoti kāreti ca, tadā **saddadānaṃ** nāma hoti.

Tathā gandhadānaṃ mūlagandhādīsu aññataraṃ rajanīyaṃ gandhavatthum piṃsītaṃ eva vā gandhaṃ yaṃkiñci labhitvā gandhavasena ābhujitvā “gandhadānaṃ dassāmi, gandhadānaṃ mayhan”ti Buddharatanādīnaṃ pūjānaṃ karoti kāreti ca, gandhapūjanatthāya agarucandanādīke gandhavatthuke pariccajati, idaṃ **gandhadānaṃ**.

Tathā mūlarasādīsu yaṃkiñci rajanīyaṃ rasavatthum labhitvā rasavasena ābhujitvā “rasadānaṃ dassāmi, rasadānaṃ mayhan”ti dakkhiṇeyyānaṃ deti, rasavatthumeva vā dhaññagavādīkaṃ pariccajati, idaṃ **rasadānaṃ**.

Tathā phoṭṭhabbadānaṃ mañcapīṭhādivasena attharaṇapāvuraṇādīvasena ca veditabbaṃ. Yadā hi mañcapīṭhabhisibimbohanādīkaṃ nivāsanapārupanādīkaṃ vā

sukhasamphassaṃ rajanīyaṃ anavajjaṃ phoṭṭhabbavattum labhitvā phoṭṭhabbavasena ābhujitvā “phoṭṭhabbadānaṃ dassāmi, phoṭṭhabbadānaṃ mayhan”ti dakkhiṇeyyānaṃ deti, yathāvuttaṃ phoṭṭhabbavattum labhitvā pariccajati, idaṃ¹ **phoṭṭhabbadānaṃ**.

Dhammadānaṃ pana dhammārammaṇassa adhippetattā ojaṇānāḥīvitavasena veditabbaṃ. Ojādīsu hi aññataraṃ rajanīyaṃ vatthum labhitvā dhammārammaṇavasena ābhujitvā “dhammadānaṃ dassāmi, dhammadānaṃ mayhan”ti sappinavanītādi-**ojadānaṃ** deti, ambapānādi-aṭṭhavidhapānadānaṃ deti, **jīvitadānaṃ**ti ābhujitvā salākabhattapakkhikabhaddānī deti, aphāsukabhāvena abhibhūtānaṃ byādhitānaṃ veḷḷe paccupaṭṭhāpeti, jālaṃ phālāpeti, kuminaṃ viddhamsāpeti, sakuṇapañjaraṃ viddhamsāpeti, bandhanena baddhānaṃ sattānaṃ bandhanamokkhaṃ kāreti, māghātabheriṃ carāpeti, aññāni ca sattānaṃ jīvitaparittāṇatthaṃ evarūpāni kammāni karoti kārāpeti ca, idaṃ **dhammadānaṃ** nāma.

Sabbametaṃ yathāvuttaṃ dānasampadaṃ sakalalokahitasukhāya pariṇāmeti, attano ca sammāsambodhiyā akuppāya vimuttiyā aparikkhayassa chandassa aparikkhayassa vīriyassa aparikkhayassa samādhissa aparikkhayassa paṭibhānassa aparikkhayassa ñāṇassa aparikkhayāya vimuttiyā pariṇāmeti. Imañca dānapāramiṃ paṭipajjantena mahāsattena jīvite aniccaaññā paccupaṭṭhāpetabbā tathā bhogesu, bhusādharāṇatā ca nesaṃ manasikātabbā, sattesu ca mahākaruṇā satataṃ samitaṃ paccupaṭṭhāpetabbā. Evaṃ hi bhoge gahetabbasāraṃ gaṇhanto ādittato viya agārato sabbam sāpateyyaṃ attānañca bahi nīharanto na kiñci seseti, na katthaci vibhāgaṃ karoti, aññadatthu nirapekkho nissajjati eva. Ayaṃ tāva dānapāramiyā paṭipattikkamo.

Sīlapāramiyā pana ayaṃ paṭipattikkamo—yasmā sabbaññūsīlālaṅkārehi satte alaṅkaritukāmena mahāpurisena ādito attano eva tāva sīlaṃ visodhetabbaṃ. Tattha ca catūhi ākārehi sīlaṃ visujjhati ajjhāsayaṃ visuddhito samādānato avītikkamanato satī ca vītikkame puna paṭipākatikakaraṇato. Visuddhāsayaṭāya hi

ekacco attādhipati hutvā pāpajigucchanasabhāvo ajjhataṃ hiridhammaṃ paccupaṭṭhāpetvā suparisuddhasamācāro hoti. Tathā parato samādāne sati ekacco lokādhipati hutvā pāpato uttasanto ottappadhammaṃ paccupaṭṭhāpetvā suparisuddhasamācāro hoti. Iti ubhayathāpi ete avītikkamanato sīle patiṭṭhahanti. Atha pana kadāci satisammosena sīlassa khaṇḍādibhāvo siyā, tāyayeva yathāvuttāya hirottappasampattiyā khippameva naṃ vuṭṭhānādinā paṭipākatikaṃ karoti.

Tayidaṃ sīlaṃ vāriṭṭaṃ cārīṭṭanti duvidhaṃ. Tatthāyaṃ bodhisattassa vāriṭṭasīle paṭipattikkamo—sabbasattesu tathā dayāpannacittena bhavitabbaṃ, yathā supinantenapi na āghāto uppajjeyya. Parūpakāraniratātāya parasantako alagaddo viya na parāmasitabbo. Sace pabbajito hoti, abrahmacariyatopi ārācārī hoti sattavidhamethunasamyogavirahito, pageva paradāragamanato. Sace pana apabbajito gahaṭṭho samāno paresaṃ dāresu sadā pāpakaṃ cittampi na uppādeti. Kathento ca saccaṃ hitaṃ piyaṃ vacanaṃ parimitameva ca kālena dhammiṃ kathaṃ bhāsītā hoti, sabbattha anabhijjhālu abyāpannacitto aviparītadassano kammassakatañāṇena ca samannāgato sammaggatesu sammāpaṭipannesu nivīṭṭhasaddho hoti nivīṭṭhapemo.

Iti caturāpāyavaṭṭadukkhānaṃ pathabhūtehi akusalakammapathehi akusaladhammehi ca oramivā saggamokkhānaṃ pathabhūtesu kusalakammapatthesu patiṭṭhitassa mahāpurisassa parisuddhāsāyapayogatāya yathābhipatthitā¹ sattānaṃ hitasukhūpasamhitā manorathā sīghaṃ sīghaṃ abhinipphajjanti, pāramiyo paripūrenti, evambhūto hi ayam. Tattha himsānivattiyā sabbasattānaṃ abhayadānaṃ deti, appakasireneva mettābhāvanaṃ sampādeti, ekādasa mettānisaṃse adhigacchati, appābādho hoti appātaṅko, dīghāyuko sukhabahulo lakkhaṇavisese pāpuṇāti, dosavāsanaṅca samucchindati.

Tathā adinnādānanivattiyā corādīhi asādhāraṇe bhoge adhigacchati, parehi anāsaṅkanīyo piyo manāpo vissasaṅgiyo vibhavasampattīsu alaggacitto pariccāgasīlo lobhavāsanaṅca samucchindati.

Abrahmacariyanivattiyā alolo hoti santakāyacitto, sattānaṃ piyo hoti manāpo aparisaṅkanīyo, kalyāṇo cassa kittisaddo abbhuggacchati, alaggacitto hoti mātugāmesu aluddhāsayo, nekkhammahulo lakkhaṇavisesse adhigacchati, lobhavāsanaṅca samucchindati.

Musāvādanivattiyā sattānaṃ pamāṇabhūto hoti paccayiko theto ādeyyavacano, devatānaṃ piyo manāpo, surabhigandhamukho ārakkhitakāyavacīsamācāro, lakkhaṇavisesse ca adhigacchati, kilesavāsanaṅca samucchindati.

Pesuṅṅhanivattiyā parūpakkamehipi abhejjakāyo hoti abhejjaparivāro, saddhammesu ca abhejjanakasaddho, daḷhamitto bhavantaraparicitānaṃ viya sattānaṃ ekantapiyo asaṅkilesabahulo.

Pharusavācānivattiyā sattānaṃ piyo hoti manāpo sukhasīlo madhuravacano sambhāvanīyo, aṭṭhaṅgasamannāgato cassa saro nibbattati.

Samphappalāpanivattiyā sattānaṃ piyo hoti manāpo garu bhāvanīyo ca ādeyyavacano parimitālāpo, mahesakkho ca hoti mahānubhāvo, ṭhānuppattikena paṭibhānena pañhānaṃ byākaraṇakusalo, Buddhabhūmiyaṅca ekāya eva vācāya anekabhāsānaṃ sattānaṃ anekesaṃ pañhānaṃ byākaraṇasamattho hoti.

Anabhijjhālūtāya icchitalābhī hoti, uḷāresu ca bhogesu ruciṃ paṭilabhati, khattiyamahāsālādīnaṃ sammato hoti, paccatthikehi anabhibhavanīyo, indriyavekallaṃ na pāpuṇāti, appaṭipuggalo ca hoti.

Abyāpādena piyadassano hoti, sattānaṃ sambhāvanīyo parahitābhinanditāya ca satte appakasireneva pasādeti, alūkkasabhāvo ca hoti mettāvihārī, mahesakkho ca hoti mahānubhāvo.

Micchādassanābhāvena kalyāṇe sahāye paṭilabhati, sīsacchedampi pāpuṇanto pāpakammaṃ na karoti, kammassakatādassanato akotūhalamaṅgaliko ca hoti, saddhamme cassa saddhā patiṭṭhitā hoti mūlajātā, saddahati ca Tathāgatānaṃ bodhiṃ, samayantaresu nābhiramati

ukkāraṭṭhāne viya rājamaṁso, lakkhaṇattayaparijānanakusalo hoti, ante ca anāvaraṇaññalābhī, yāva bodhim na pāpuṇāti, tāva tasmim tasmim sattanikāye ukkaṭṭhukkaṭṭho ca hoti, uḷāruḷārā sampattiyo pāpuṇāti. Iti hidam sīlam nāma sabbasampattīnam adhiṭṭhānam, sabbabuddhaguṇānam pabhavabhūmi, sabbabuddhakāradhammānam ādi caraṇam mukham pamukhanti bahumānanam uppādetvā kāyavacīsamnyame indriyadamane ājīva-visuddhiyam paccayaparibhogesu ca satisampajaññabalena appamattena lābhasakkārasilokam mittamukhapaccatthikam viya sallakkhetvā “kikīva aṇḍan”ti-ādinā¹ vuttanayena sakkaccam sīlam sampādetabbanam. Ayaṁ tāva vārittasīle paṭipattikkamo.

Cārittasīle pana paṭipatti evaṁ veditabbā—idha bodhisatto kalyāṇamittānam garuṭṭhāniyānam abhivādanam paccuṭṭhānam añjalikammaṁ sāmīcikammaṁ kālena kālam kattā hoti, tathā tesam kālena kālam upaṭṭhānam kattā hoti, gilānānam kāyaveyyāvaṭikam. Subhāsita-padāni sutvā sādhu-kāram kattā hoti, guṇavantaṇam guṇe vaṇṇetā paresam apakāre khantā, upakāre anussarītā, puññāni anumodītā, attano puññāni sammāsambodhiyā pariṇāmetā, sabbakālam appamādavīhārī kusalesu dhammesu, satī ca accaye accayato disvā tādisānam sahadhammikānam yathābhūtam āvikattā, uttari ca sammāpaṭipattim sammadeva paripūretā.

Tathā attano anurūpāsu atthūpasamhitāsu sattānam itikkatṭabbatāsu dakkho analaso sahāyabhāvaṁ upagacchati. Uppannesu ca sattānam byādhi-ādidukkhesu yathārahaṁ patikāra-vidhāyako. Ñātibhogādibyanapatitesu sokāpanodano ullumpanasabhāvāvaṭṭhito hutvā niggaḥārahānam dhammeneva niggaṇhanako yāvadeva akusalā vuṭṭhāpetvā kusale paṭiṭṭhāpanāya. Paggahārahānam dhammeneva paggaṇhanako. Yāni purimakānam mahābodhisattānam uḷāratamāni paramadukkarāni acinteyyānubhāvāni sattānam ekantahitasukhāvahāni caritāni, yehi nesam bodhisambhārā sammadeva paripākam agamaṁsu, tāni sutvā anubbiggo anutrāso

1. Visuddhi 1. 34; Dī-Ṭṭha 1. 56 piṭṭhādīsu.

tepi mahāpurisā manussā eva, kamena pana sikkhāpāripūriyā bhāvitattabhāvā¹ tādisāya ulāratamāya ānubhāvasampattiyā bodhisambhāresu ukkamsapāramippattā ahesum, tasmā mayāpi sīlādisikkhāsu sammadeva tathā paṭipajjitabbam, yāya paṭipattiyā ahampi anukkamena sikkham paripūretvā ekantato taṃ padaṃ anupāpuṇissāmīti saddhāpurecārikaṃ vīriyaṃ avissajjento sammadeva sīlesu paripūrakārī hoti.

Tathā paṭicchannakalyāṇo hoti vivaṭāparādho, appiccho santuṭṭho pavivitto asaṃsaṭṭho dukkhasaho aparitassanajātiko anuddhato anunnaḷo acapalo amukharo avikiṇṇavāco santindriyo santamānaso kuhanādīmicchājīvarahito ācāragocarasampanno aṇumattesu vajjesu bhayadassāvī samādāya sikkhati sikkhāpadesu āraddhavīriyo pahitto kāye ca jīvite ca nirapekkho, appamattakampi kāye jīvite vā apekkham nādhivāseti pajahati vinodeti, pageva adhimattam. Sabbepi dussīyahetubhūte kodhūpanāhādike upakkilese pajahati vinodeti. Appamattakena ca visesādhigamena aparituṭṭho hoti, na saṅkocaṃ āpajjati, uparūpari visesādhigamāya vāyamati.

Yena yathāladdhā sampatti hānabhāgiyā vā ṭhitibhāgiyā vā na hoti, tathā mahāpuriso andhānaṃ pariṇāyako hoti, maggaṃ ācikkhati, badhirānaṃ hatthamuddāya saññaṃ deti, atthamanuggāheti, tathā mūgānaṃ. Piṭhasappikānaṃ piṭhaṃ deti yānaṃ deti vāheti vā. Assaddhānaṃ saddhāpaṭilābhāya vāyamati, kusītānaṃ ussāhajanāya, muṭṭhassatīnaṃ satisamāyogāya, vibbhantacittānaṃ samādhisampadāya, duppaññaṃ paññādhigamāya vāyamati. Kāmacchandapariyuṭṭhitānaṃ kāmacchandapaṭivinodanāya vāyamati. Byāpādathinamidha-uddhaccakukkucavīcīkicchāpariyuṭṭhitānaṃ vicīkicchāvinodanāya vāyamati. Kāmavitakkādi-apakatānaṃ kāmavitakkādīmicchāvitakkavinodanāya vāyamati. Pubbakārīnaṃ sattānaṃ kataññutaṃ nissāya pubbhāsī piyavādī saṅgāhako sadisena adhikena vā paccupakārena sammānetā hoti.

1. Bhāvitattabhāvanā (Sī)

Āpadāsu saḥāyakiccaṃ anuṭṭhāti. Tesāṃ tesañca sattānaṃ pakatisabhāvañca pariḷānitvā yehi yathā saṃvasitabbaṃ hoti, tehi tathā saṃvasati. Yesu ca yathā paṭipajjitabbaṃ hoti, tesu tathā paṭipajjati. Tañca kho akusalato vuṭṭhāpetvā kusale patiṭṭhāpanavasena, na aññathā. Paracittānurakkhaṇā hi bodhisattānaṃ yāvadeva kusalābhivaḍḍhiyā. Tathā hitajjhāsayenāpi paro na hīmsitabbo, na bhaṇḍitabbo, na maṅkubhāvamāpādetabbo, na parassa kukkuccaṃ uppādetabbaṃ, na niggaḥaṭṭhāne na codetabbo, na nīcataraṃ paṭipannassa attā uccatare ṭhapetabbo, na ca paresu sabbena sabbaṃ asevinā bhavitabbaṃ, na atisevinā bhavitabbaṃ, na akālasevinā.

Sevitabbayutte pana satte desakālānurūpaṃ sevati. Na ca paresaṃ purato piye vigarahati, appiye vā pasamsati. Na avissaṭṭhavissāsī hoti. Na dhammikaṃ upanimantaṃ paṭikkhipati. Na saññattim upagacchati¹, nādhikaṃ paṭiggaṇhāti. Saddhāsampanne saddhānisamsakathāya sampahaṃsati. Sīlasutacāgapaññāsampanne paññāsampannakathāya sampahaṃsati. Sace pana bodhisatto abhiññābalappatto hoti, pamādāpanne satte abhiññābalena yathārahaṃ nirayādike dassento saṃvejetvā assaddhādike saddhādīsu patiṭṭhāpeti. Sāsane otāreti. Saddhādiguṇasampanne paripāceti. Evamayaṃ mahāpurisassa cārittabhūto aparimāṇo puññābhisando kusalābhisando uparūpari abhivaḍḍhatīti veditabbaṃ.

Api ca yā sā “kiṃ sīlaṃ kenatṭhena sīlaṃ”ti-ādinā pucchāṃ katvā “pāṇātipātādīhi viramantassa vattapaṭipattim vā pūrentassa cetanādayo dhammā sīlaṃ”ti-ādinā nayena nānappakārato sīlassa vitthārakathā **Visuddhimagge**² vuttā, sā sabbāpi idha āharitvā vattabbā. Kevalaṃ hi tattha sāvaka bodhisattavasena sīlakathā āgatā, idha mahābodhisattavasena karuṇūpāyako salla pubbaṅgamaṃ katvā vattabbāti ayameva viseso. Yato idaṃ sīlaṃ mahāpuriso yathā na attano duggatīyaṃ parikkilesavimuttīyā sugatīyampi na rajjasampattīyā na cakkavattī na deva na sakka na māra na brahmasampattīyā pariṇāmeti, tathā na attano tevijjatāya na

1. Nupagacchati (Ka)

2. Visuddhi 1. 7 piṭṭhādīsu.

chaḷatiññatāya na catuppaṭṭisambhidādhigamāya na sāvaka bodhiyā na paccakabodhiyā pariṇāmeti, atha kho sabbaññubhāvena sabbasattānaṃ anuttarasīlālaṅkārasampādanatthameva pariṇāmetīti. Ayaṃ sīlapāramiyā paṭipattikkamo.

Tathā yasmā karuṇūpāyakosallapariggahitā ādīnavadassanapubbaṅgamā kāmehi ca bhavehi ca nikkhamanavasena pavattā kusalacittuppatti nekkhammapāramī, tasmā sakalasaṃkilesanivāsanaṭṭhānatāya puttadārādīhi mahāsambādhatāya kasivāṇijjādinānāvīdhakammantādhiṭṭhānabyākulatāya ca gharāvāsassa nekkhammasukhādīnaṃ anokāsatam, kāmānaṅca satthadhārālaggamadhubindu viya ca avaliyhamānā parittassādā vipulānatthānubandhātī ca, vijjulatobhāseṇa gahetabbanaccaṃ viya parittakālūpalabbhā, ummattakālaṅkāro viya viparītasāññāya anubhavitabbā, karīsāvachchādanā¹ viya patikārabhūtā, udakatemitaṅguliyaṃ tanūdakapānaṃ viya atittikarā, chātajjhatabhojanaṃ viya sābādhā, baḷisāmisam viya byasanasannipātakāraṇam, aggisantāpo viya kālattayepi dukkhuppattihetubhūtā, makkaṭalepo viya bandhanimittam, ghātakāvachchādanā² viya anattachchādanā, sapattagāmvāso viya bhayaṭṭhānabhūtā, paccatthikaposako viya kilesamārādīnaṃ āmisabhūtā, chaṇasampattiyo viya vipariṇāmadukkhā, koṭaraggi viya antodāhakā, purāṇakūpāvalambībiraṇamadhupiṇḍam³ viya anekādīnavā, loṇūdakapānaṃ viya pipāsāhetubhūtā, surāmerayaṃ viya nīcajanasevitā, appassādatāya aṭṭhikaṅkalūpamāti-ādīnā⁴ ca nayena ādīnavam sallakkhetvā tabbipariyāyena nekkhamme ānisaṃsaṃ passantena nekkhammapaviveka-upasamasukhādīsū ninnapoṇa pabbhāracittena nekkhammapāramiyam paṭipajjitabbam. Yasmā pana nekkhammam pabbajjāmūlakam, tasmā pabbajjā tāva anuṭṭhātabbā. Pabbajjamanuṭṭhantena ca mahāsattena asati buddhuppāde kammavādīnam kiriyavādīnam tāpasaparibbājakānam pabbajjā anuṭṭhātabbā.

Uppannesu pana Sammāsambuddhesu tesam sāsane eva pabbajitabbam. Pabbajitvā ca yathāvutte sīle patiṭṭhitena tassā eva hi sīlapāramiyā vodāpanattham dhutaguṇā samādātabbā. Samādīnadhutadhammā hi mahāpurisā sammadeva

1. Karīsāvachchādanasukham (Sī, Ka)

2. Ghātakāvachchādanakisālayo (Sī, Ka)

3. Madhubindu (Ka)

4. Ma 1. 182; Ma 2. 27; Vi 2. 175; Khu 7. 5; Khu 8. 282 piṭṭhādīsū.

te pariharantā appicchā santuṭṭhā sallekha paviveka asaṃsagga
vīriyārambhasubharatādiguṇasalilavikkhālitakilesamalatāya
anavajjasīlavataguṇaparissuddhasabbasamācārā porāṇe ariyavaṃsattaye
patiṭṭhitā catuttham bhāvanārāmatāsaṅkhātā ariyavaṃsam adhigantum
cattārīsāya ārammaṇesu yathārahaṃ upacārappanābhedaṃ jhānaṃ
upasampajja viharanti. Evaṃ hissa sammadeva nekkhammapāramī
paripūritā hoti.

Imasmim pana ṭhāne terasahi dhutadhammehi saddhim dasa kasiṇāni
dasa asubhāni dasānussatiyo cattāro brahmavihārā cattāro āruppā ekā saññā
ekaṃ vavatthānanti cattārīsāya samādhībhāvanāya kammaṭṭhānāni
bhāvanāvīdhānaṅca vitthārato vattabbāni, taṃ panetaṃ sabbaṃ yasmā
Visuddhimagge¹ sabbākārato vitthāretvā vuttaṃ, tasmā tatha vuttanayeneva
veditabbaṃ. Kevalaṃ hi tatha sāvaka bodhisattassa vasena vuttaṃ, idha
mahābodhisattassa vasena karuṇūpāyakosallapubbaṅgamaṃ katvā
vattabbanti ayameva visesoti. Evamettha nekkhammapāramiyā
paṭipattikkamo veditabbo.

Tathā paññāpāramim sampādetukāmena yasmā paññā āloko viya
andhakārena mohena saha na vattati, tasmā mohakāraṇāni tāva bodhisattena
parivajjetabbāni. Tatthimāni mohakāraṇāni—arati tandi vijambhitā ālasiyaṃ
gaṇasaṅgaṇikārāmatā niddāsīlatā anicchayasīlatā ṇāṇasmim akutūhalatā
micchādhimāno² aparipucchakatā kāyassa na sammāparihāro
asamāhitacittatā duppaññānaṃ puggalānaṃ sevāna paññavantānaṃ
apayirupāsanaṃ attaparibhavo micchāvikkappo viparītābhiniveso
kāyadaḥhibahulatā asamvegasīlatā pañca nīvaraṇāni, saṅkhepato ye vā pana
dhamme āsevato anuppannā paññā nuppajjati, uppannā parihāyati. Iti imāni
sammohakāraṇāni parivajjentena bāhusacce jhānādīsu ca yogo karaṇīyo.

Tatthāyaṃ bāhusaccassa visayavibhāgo—pañcakkhandhā
dvādasāyatanāni aṭṭhārasa dhātuyo cattāri saccāni bāvisatindriyāni
dvādasapadiko paṭiccasamuppādo tathā satipaṭṭhānādayo
kusalādidhammappakārabhedā ca, yāni ca loke anavajjāni vijjāṭṭhānāni ye ca
sattānaṃ

1. Visuddhi 1. 57, 106, 119 piṭṭhādīsu.

2. Micchāmāno (Si)

hitasukhavidhānayoggā byākaraṇavisesā, iti evaṃ pakāraṃ sakalameva sutavisayaṃ upāyakosallapubbaṅgamāya paññāya satiyā vīriyena ca sādhukaṃ uggahaṇasavanadhāraṇaparicayaparipucchāhi ogāhetvā tattha ca paresaṃ patiṭṭhāpanena sutamayā paññā nibbattetabbā.

Tathā sattānaṃ itikattabbatāsu ṭhānuppattikapaṭibhānabhūtā āyāpāya-upāyakosallabhūtā¹ ca paññā hitesitaṃ nissāya tattha tattha yathārahaṃ pavattetabbā. Tathā khandhādīnaṃ sabhāvadhammānaṃ ākāraparivitakkanamukhena te nijjhānaṃ khamāpentena cintāmayā paññā nibbattetabbā. Khandhādīnaṃyeva pana salakkhaṇasāmaññalakkhaṇapariggahaṇavasena lokiyapariññā nibbattentena pubbhāgabhāvanāpaññā sampādetabbā. Evaṃ hi nāmarūpamattamidaṃ yathārahaṃ paccayehi uppajjati ceva nirujjhati ca, na ettha koci kattā vā kāretā vā, hutvā abhavaṭṭhena aniccaṃ, udayabbayaapaṭipīḷanaṭṭhena dukkhaṃ, avasavattanaṭṭhena anattāti ajjhattikadhamme bāhirakadhamme ca nibbisesaṃ parijānanto tattha āsaṅgaṃ pajahanto pare ca tattha taṃ jahāpento kevalaṃ karuṇāvaseneva yāva na Buddhaguṇā hatthatalaṃ āgacchanti, tāva yānattaye satte avatāraṇaparipācanehi patiṭṭhapento jhānavimokkhasamādhisamāpattiyo abhiññāyo ca lokiyā vasībhāvaṃ pāpento paññāya matthakaṃ pāpuṇāti.

Tattha yā imā iddhividhaññaṃ dibbasotadhātuññaṃ cetopariyaññaṃ pubbenivāsānussatiññaṃ dibbacakkhuññaṃ yathākammupagaññaṃ anāgataṃsaññaṃti sapaṇibhaṇḍā pañcalokiya-abhiññāsāṅkhātā bhāvanāpaññā, yā ca khandhāyatanadhātu-indriyasaccapaṭiccasamuppādādibhedeṣu bhūmibhūteṣu dhammeṣu uggahaparipucchāvasena ñāṇaparicayaṃ katvā sīlavisuddhicittavisuddhī mūlabhūtāsu imāsu dvīsu visuddhīsu patiṭṭhāya diṭṭhivisuddhikaṅkhāvitaraṇavisuddhimaggāmaggaññānadassanavisuddhipaṭipadāññānadassana visuddhi ñāṇānadassana visuddhī sarīrabhūtā imā pañca visuddhiyo sampādentena bhāvetabbā lokiyalokuttarabhedā bhāvanāpaññā, tāsāṃ sampādanavidhānaṃ yasmā “tattha ekopi hutvā bahudhā hotīti-ādikaṃ iddhivikubbaṇaṃ kātukāmena ādikammikena yoginā”ti-ādinā “khandhāti rūpakkhando vedanākkhandho saññākkhandho saṅkhārakkhandho viññāṇakkhandho”ti-ādinā ca visayavibhāgena

1. Āyāpāyakosallabhūtā (Si)

saddhim **Visuddhimagge**¹ sabbākārato vitthāretvā vuttam, tasmā tattha vuttanayeneva veditabbam. Kevalam hi tattha sāvakabodhisattassa vasena paññā āgatā, idha mahābodhisattassa vasena karuṇūpāyakosallapubbaṅgamaṃ katvā vattabbā, ñāṇadassanavisuddhim apāpetvā paṭipadāñāṇadassanavisuddhiyaṃyeva vipassanā ṭhapetabbāti ayameva viseso. Evamettha paññāpāramiyā paṭipattikkamo veditabbo.

Tathā yasmā sammāsambodhiyā katābhinihārena mahāsattena pāramiparipūraṇattham sabbakālam yuttappayuttana bhavitabbam ābaddhaparikaraṇena, tasmā kālena kālam “ko nu kho ajja mayā puññasambhāro ñāṇasambhāro vā upacito, kim vā mayā parahitam katan”ti divase divase paccavekkhantena sattahitatham ussāho karaṇīyo, sabbesampi sattānam upakārāya attano pariggahabhūtam vatthu kāye jīvite ca nirapekkhacittena ossajitabbam. Yam kiñci kammaṃ karoti kāyena vācāya vā, tam sabbam sambodhiyam ninnacitteneva kātabbam, bodhiyā pariṇāmetabbam. Uḷārehi ittarehi ca kāmehi vinivattacitteneva bhavitabbam, sabbāsupi itikattabbatāsu upāyakosallam paccupaṭṭhāpetvāva paṭipajjitabbam.

Tasmim tasmim sattahite āradhaviṛiyena bhavitabbam iṭṭhāniṭṭhādisabbasahena avisaṃvādinā. Sabbepi sattā anodhisō mettāya karuṇāya ca pharitabbā. Yā kāci sattānam dukkhuppatti, sabbā sā attani pāṭikaṅkhitabbā. Sabbesaṅca sattānam puñnam abhhanumoditabbam. Buddhānam mahantatā mahānubhāvataḥ abhiṅgam paccavekkhitabbā. Yaṅca kiñci kammaṃ karoti kāyena vācāya vā, tam sabbam bodhininnacittapubbaṅgamaṃ kātabbam. Iminā hi upāyena dānādīsu yuttappayuttassa thānavato dalhaparakkamassa mahāsattassa bodhisattassa aparimeyyo puññasambhāro ñāṇasambhāro ca divase divase upacīyati.

Api ca sattānam paribhogattham paripālanatthaṅca attano sarīram jīvitaṅca pariccajivā khuppipāsāsītuṅhavātātāpādidukkhapatikāro pariyesitabbo upanetabbo ca. Yaṅca yathāvuttadukkhapatikārajam sukham attanā paṭilabhati, tathā ramaṇīyesu ārāmuyyānapāsādalaḷākādīsu araṅṅāyatanesu ca kāyacittasantāpābhāvena abhinibbutatā

1. Visuddhi 2. 73 piṭṭhādīsu.

attanā sukhaṃ paṭilabhati, yañca suṇāti Buddhānubuddhapaccekabuddhā mahābodhisattā ca nekkhammapaṭipattiyāṃ ṭhitā diṭṭhadhammasukhavihārabhūtaṃ īdisaṃ nāma jhānasamāpattisukhaṃ anubhavanti, taṃ sabbaṃ sabbasattesu anodhiso upasaṃharatīti ayaṃ tāva nayo asamāhitabhūmiyaṃ paṭiṭṭhitassa.

Samāhitabhūmiyaṃ pana paṭiṭṭhito attanā yathānubhūtaṃ visesādhiḡamanibbattaṃ pītiṃ passaddhiṃ sukhaṃ samādhiṃ yathābhūtañāṇaṃca sattesu adhimuccanto upasaṃharati pariṇāmeti. Tathā mahati saṃsāradukkhe tassa ca nimittabhūte kilesābhisaṅkhāradukkhe nimuggaṃ sattanikāyaṃ disvā tatrāpi chedanabhedanaphālanapimsanaggisantāpādijanitā dukkhā tībā kharā kaṭukā vedanā nirantaraṃ cirakālaṃ vediyante nārake, aññaṃaññaṃ kujjhanasantāpanaviheṭṭhanahiṃsana-parādhīnatādīhi mahādukkhaṃ anubhavante tiracchānagate, jotimālākulasarīre khuppiṃpāsāvātāpādīhi ḡayhamāne ca visussamāne¹ ca vantakheḡādi-āhāre uddhabāhuṃ viravante nijjhāmatāṅhikādike mahādukkhaṃ vediyamāne pete ca, pariyeṭṭhimūlakāṃ mahantaṃ anayabyasanaṃ pāpuṇante hatthacchedādikāraṇāyogena dubbaṇṇaduddasikadaliddādībhāvena khuppiṃpāsādi-ābādhayogena balavantehi abhibhavanīyato paresaṃ vahanato parādhīnato ca nārake pete tiracchānagate ca atisayante apāyadukkhanibbisesaṃ dukkhamanubhavante manusse ca, tathā visayavisaparibhogavikkhittacittatāya rāḡādipariḡāhena ḡayhamāne vātavegasamuṭṭhitajālāsamiddhasukkhakaṭṭhasannipāte aggikkhandhe viya anupasantapariḡāhavuttike anupasantanihataparādhīne kāmāvacaradeve ca, mahatā vāyāmena vidūramākāsaṃ viḡāhitasakuntā viya balavatā dūre pāṇinā khittasārā viya ca satipi cirappavattiyāṃ aniccantikātāya pātapariyosānā anaticcantajātijarāmarāṇā evāti rūpārūpāvacaradeve ca passantena mahantaṃ saṃvegaṃ paccupaṭṭhapetvā mettāya karuṇāya ca anodhiso sattā pharitabbā. Evaṃ kāyena vācāya manasā ca bodhisambhāre nirantaraṃ upacinantena yathā pāramiyo pāripūriṃ gacchanti, evaṃ sakkaccakārinā sātaccakārinā anolīnavuttinā ussāho pavattetabbo, vīriyapāramī paripūretabbā.

1. Parisussamāne (Sī)

Api ca

acinteyyāparimeyyavipuloḷāravimalanirupamanirupakkilesaguṇanicayanidhā
nabhūtaṣṣa Buddhabhāvassa ussakkivā sampahamsanayoggaṃ vīriyaṃ
nāma acinteyyānubhāvameva, yaṃ na pacurajanā sotumpi sakkuṇanti,
pageva paṭipajjitum. Tathā hi tividhā abhinīhāracittupatti, catasso
Buddhabhūmiyo, cattāri saṅgahavatthūni, karuṇekarasaṭā¹,
Buddhadhammesu sacchikaraṇena visesappaccayo nijjhānakhanti,
sabbadhammesu nirupalepo, sabbasattesu piyaputtasaññā, saṃsāradukkhehi
aparikhedo, sabbadeyyadhammapariccāgo, tena ca niratimānatā, adhisīlādi-
adhiṭṭhānaṃ, tattha ca acañcalatā, kusalakiriyāsu pītipāmojjaṃ,
vivekaninnacittatā, jhānānuyogo, anavajjadhammena atitti, yathāsutassa
dhammassa paresaṃ hitajjhāsayena desanā, sattānaṃ ñāye nivesanā
ārambhadaḷhatā, dhīravīrabhāvo, parāpavādaparāpakāresu vikārābhāvo,
saccādiṭṭhānaṃ, samāpattisu vasībhāvo, abhiññāsu balappatti,
lakkhaṇattayāvabodho, satipaṭṭhānādīsu yogakammābhīyogena
lokuttaramaggasambhārasambharaṇaṃ, navalokuttarāvakkantīti evamādikā
sabbāpi bodhisambhārapaṭipatti vīriyānubhāvene va samijjhatīti abhinīhārato
yāva mahābodhi anossajjantena sakkaccaṃ nirantaraṃ vīriyaṃ yathā
uparūpari visesāvahaṃ hoti, evaṃ sampādetabbaṃ. Sampajjamāne ca
yathāvutte vīriye khantisaccādiṭṭhānādayo ca dānasīlādayo ca sabbepi
bodhisambhārā tadadhīnavuttitāya sampannā eva hontīti khanti-ādīsūpi
imināva nāyena paṭipatti veditabbā.

Iti sattānaṃ sukhūpakaraṇapariccāgena bahudhā anuggahakaraṇaṃ
dānena paṭipatti, sīlena tesāṃ jīvitasāpateyyadārarakkhā-
abhedapiyahitavacanāvihim sādikāraṇāni, nekkhammena tesāṃ
āmisapaṭiggahaṇadhammādānādīni anekavidhā hitacariyā, paññāya tesāṃ
hitakaraṇūpāyakosallaṃ, vīriyena tattha ussāhārambha-asamhīrāni, khantiyā
tadaparādhasaṇaṃ, saccena nesaṃ
avañcanatadupakārikiriyāsamādānāvīsaṃvādanādi, adhiṭṭhānena
tadupakārikaraṇe anattasampātepi acalanaṃ, mettāya nesaṃ
hitasukhānucintanaṃ, upekkhāya nesaṃ upakārapakāresu vikārānāpattīti
evaṃ aparimāṇe satte ārabha anukampitasabbasattassa

1. Karuṇokāsaṭā (Sī, Ka)

mahābodhisattassa puthujjanehi asādhāraṇo aparimeyyo
puññañāṇasambhārūpacayo ettha paṭipattīti veditabbam. Yo cetāsam
paccayo vutto, tassa ca sakkaccaṃ sampādanam.

Ko vibhāgoti? Dasa pāramiyo dasa upapāramiyo dasa
paramatthapāramiyoti samattimsapāramiyo. Tatha katābhinihārassa
bodhisattassa parahitakaraṇābhinninnāsayapayogassa kaṇhadhammavokiṇṇā
sukkadhammā pāramiyo eva, tehi avokiṇṇā sukkadhammā upapāramiyo,
akaṇha-asukkā paramatthapāramiyoti keci. Samudāgamanakālesu vā
pūriyamānā pāramiyo, bodhisattabhūmiyaṃ puṇṇā upapāramiyo,
Buddhabhūmiyaṃ sabbākārapariṇṇā paramatthapāramiyo.
Bodhisattabhūmiyaṃ vā parahitakaraṇato pāramiyo, attahitakaraṇato
upapāramiyo, Buddhabhūmiyaṃ balavesārajjasamadhigamena
ubhayahitaparipūraṇato paramatthapāramiyo.

Evam ādimajjhapariyosānesu paṇidhānārambhapariniṭṭhānesu tesam
vibhāgoti apare. Dosūpasamakarūṇāpakatikānaṃ
bhavasukhavimuttisukhaparamasukhappattānaṃ puññūpacayabhedato
tabbivibhāgoti aññe. Lajjāsatiṃmānāpassayānaṃ lokuttaradhammādhīpaṭīnaṃ
sīlasamādhīpaññāgarukānaṃ tāritataritatārayitūnaṃ
anubuddhapaccekabuddhasammāsambuddhānaṃ pāramī upapāramī
paramatthapāramīti bodhisattassuppattito yathāvuttavibhāgoti keci.
Cittapaṇidhito yāva vacīpaṇidhi, tāva pavattā sambhārā pāramiyo,
vacīpaṇidhito yāva kāyapaṇidhi, tāva pavattā upapāramiyo, kāyapaṇidhito
pabhuti paramatthapāramiyoti apare. Aññe pana
“parapuññānumodanavasena pavattā sambhārā pāramiyo, paresam
kāraṇānavasena pavattā upapāramiyo, sayamkaraṇavasena pavattā
paramatthapāramiyo”ti vadanti.

Tathā bhavasukhāvato puññañāṇasambhāro pāramī, attano
nibbānasukhāvaho upapāramī, paresam tadubhayasukhāvaho
paramatthapāramīti eke. Puttadāradhanādi-upakaraṇapariccāgo pana
dānapāramī, aṅgapariccāgo dāna-upapāramī, attano jīvitapariccāgo
dānaparamatthapāramīti. Tathā puttadārādikassa tividhassāpi hetu
avītikkamanavasena tisso sīlapāramiyo, tesu eva tividhesu vatthūsu ālayam
upacchinditvā

nikkhamanavasena tisso nekkhammapāramiyo, upakaraṇaṅgaḷivītatāṇhaṃ samūhanitvā sattānaṃ hitāhitavinicchayakaraṇavasena tisso paññāpāramiyo, yathāvuttābhedaṇaṃ pariccāgādīnaṃ vāyamanavasena tisso vīriyapāramiyo, upakaraṇaṅgaḷivītantarāyakarānaṃ khamanavasena tisso khantipāramiyo, upakaraṇaṅgaḷivītahetu saccāpariccāgavasena tisso saccapāramiyo, dānādīpāramiyo akuppādhiṭṭhānavaseneva samijjhantīti upakaraṇādivināsepi acalādhiṭṭhānavasena tisso adhiṭṭhānapāramiyo, upakaraṇādi-upaghātakesupi sattesu mettāya avijahanavasena tisso mettāpāramiyo, yathāvuttavattuttayassa upakārāpakāresu sattaṣaṅkhāresu majjhattatāpaṭilābhavasena tisso upekkhāpāramiyoti evamādinā etāsaṃ vibhāgo veditabboti.

Ko saṅgahoti ettha pana yathā etā vibhāgato tiṃsavidhāpi dānapārami-
ādibhāvato dasavidhā, evaṃ dānasīlakhantivīriyājhānapaññāsabhāvena
chabbidhā. Etāsu hi nekkhammapāramī sīlapāramiyā saṅgahitā tassā
pabbajjābhāve, nīvaraṇavivekabhāve pana jhānapāramiyā,
kusaladhammabhāve chahiṇi saṅgahitā. Saccapāramī sīlapāramiyā ekadeso
eva vacīviratisaccapakkhe, ñāṇasaccapakkhe pana paññāpāramiyā saṅgahitā.
Mettāpāramī jhānapāramiyā eva. Upekkhāpāramī jhānapaññāpāramīhi.
Adhiṭṭhānapāramī sabbāhiṇi saṅgahitāti.

Ētesaṅca dānādīnaṃ channaṃ guṇānaṃ aññamaññāsambandhānaṃ
pañcadasayugalādīni pañcadasayugalādisādhakāni hontī. Seyyathidaṃ?
Dānasīlayugalena parahitāhitānaṃ karaṇākaraṇayugalasiddhi,
dānakhantiyugalena alobhādosayugalasiddhi, dānavīriyayugalena
cāgasuta¹yugalasiddhi, dānajhānayugalena kāmadosappahānayugalasiddhi.
Dānapaññāyugalena ariyayānadhurayugalasiddhi, sīlakhantidvayena
payogāsayasuddhidvayasiddhi, sīlavīriyadvayena bhāvanādvayasiddhi,
sīlajhānavayena dussīlyapariyuṭṭhānappahānavayasiddhi,
sīlapaññādvayena dānavayasiddhi, khantivīriyayugalena
khamātejadvayasiddhi, khantijhānayugalena virodhānurodhappahāna-
yugalasiddhi, khantipaññāyugalena suññatākhantipaṭivedhadukasiddhi,
vīriyājhānadukena paggaḷāvikkepadukasiddhi, vīriyapaññādukena
saraṇadukasiddhi, jhānapaññādukena

yānadukasiddhi, dānasīlakhantittikena lobhadosaṃhappahānattikasiddhi, dānasīlavīriyattikena bhogajīvitakāyasārādānattikasiddhi, dānasīlajhānattikena puññakiriyavattuttikasiddhi, dānasīlapaññātikena āmisābhayadhammadānattikasiddhīti. Evaṃ itarehipi tikehi catukkādīhi ca yathāsambhavaṃ tikāni catukkādīni ca yojetabbāni.

Evaṃ chabbidhānampi pana imāsaṃ pāramīnaṃ catūhi adhiṭṭhānehi saṅgaho vedītabbo. Sabbapāramīnaṃ samūhasaṅgahato hi **cattāri adhiṭṭhānāni**, seyyathidaṃ? Saccādhiṭṭhānaṃ cāgādhiṭṭhānaṃ upasamādhiṭṭhānaṃ paññādhiṭṭhānanti. Tattha adhiṭṭhāti etena, ettha vā adhiṭṭhāti, adhiṭṭhānamattameva vā tanti adhiṭṭhānaṃ, saccañca taṃ adhiṭṭhānañca, saccassa vā adhiṭṭhānaṃ, saccam adhiṭṭhānametassāti vā saccādhiṭṭhānaṃ. Evaṃ sesesupi. Tattha avisesato tāva lokuttaraguṇe katābhinihāraṃ anukampitasabbasattassa mahāsattassa paṭiññānurūpaṃ sabbapāramipariggahato saccādhiṭṭhānaṃ. Tāsaṃ paṭipakkhapariccāgato cāgādhiṭṭhānaṃ. Sabbapāramitāguṇehi upasamato upasamādhiṭṭhānaṃ. Tehi eva parahitopāyakosallato paññādhiṭṭhānaṃ.

Visesato pana yācakajanaṃ avisaṃvādetvā dassāmīti paṭijānato paṭiññānaṃ avisaṃvādetvā dānato dānaṃ avisaṃvādetvā anumodanato macchariyādipaṭipakkhapariccāgato deyyadhammapaṭigāhakaḍānadeyyadhammakkhayesu lobhadosaṃhappahayavūpasamato yathārahaṃ yathākālaṃ yathāvidhānañca dānato paññuttarato ca kusaladhammānaṃ caturadhiṭṭhānapadaṭṭhānaṃ dānaṃ. Tathā saṃvarasamādānassa avītikkaṃanato dussīlyapariccāgato duccharitavūpasamanato paññuttarato ca caturadhiṭṭhānapadaṭṭhānaṃ sīlaṃ. Yathāpaṭiññānaṃ khamaṇato parāparādhavikappapariccāgato kodhaparīyuttānavūpasamanato paññuttarato ca caturadhiṭṭhānapadaṭṭhānā khanti. Paṭiññānurūpaṃ parahitakaraṇato visadapariccāgato¹ akusalavūpasamanato paññuttarato ca caturadhiṭṭhānapadaṭṭhānaṃ vīriyaṃ. Paṭiññānurūpaṃ lokahitānucintanato nīvaraṇapariccāgato cittavūpasamanato paññuttarato ca caturadhiṭṭhānapadaṭṭhānaṃ jhānaṃ. Yathāpaṭiññānaṃ parahitopāyakosallato anupāyakiriyāpariccāgato mohajaparīlāhavūpasamanato sabbaññutāpaṭilābhato ca caturadhiṭṭhānapadaṭṭhānā paññā.

1. Visādapariccāgato (Ka)

Tattha ñeyyapaṭiññānuvidhānehi saccādhiṭṭhānaṃ.
 Vatthukāmakilesakāmapariccāgehi cāgādhiṭṭhānaṃ. Dosadukkhavūpasamehi
 upasamādhiṭṭhānaṃ. Anubodhapaṭivedhehi paññādhiṭṭhānaṃ.
 Tividhasaccapariggahitaṃ dosattayavirodhi saccādhiṭṭhānaṃ.
 Tividhacāgapariggahitaṃ dosattayavirodhi cāgādhiṭṭhānaṃ.
 Tividhavūpasamapariggahitaṃ dosattayavirodhi upasamādhiṭṭhānaṃ.
 Tividhañānapariggahitaṃ dosattayavirodhi paññādhiṭṭhānaṃ.
 Saccādhiṭṭhānapariggahitāni cāgūpasamapaññādhiṭṭhānāni avisaṃvādanato
 paṭiññānuvidhānato ca, cāgādhiṭṭhānapariggahitāni
 saccūpasamapaññādhiṭṭhānāni paṭipakkhapariccāgato sabbapariccāgaphalattā
 ca, upasamādhiṭṭhānapariggahitāni saccacāgapaññādhiṭṭhānāni
 kilesapariḷāhavūpasamanato kāmūpasamanato kāmāpariḷāhavūpasamanato¹
 ca, paññādhiṭṭhānapariggahitāni saccacāgūpasamādhiṭṭhānāni
 ñānapubbaṅgamato ñānānuparivattanato cāti evaṃ sabbāpi pāramiyo
 saccappabhāvitā cāgaparibyañjitā upasamopabrūhitā paññāparisuddhā.
 Saccāṃ hi etāsaṃ janakahetu, cāgo pariggāhakahetu, upasamo
 parivuddhihetu, paññā pārisuddhihetu. Tathā ādimhi saccādhiṭṭhānaṃ
 saccapaṭiññattā, majjhe cāgādhiṭṭhānaṃ katapaṇidhānassa parahitāya
 attapariccāgato. Ante upasamādhiṭṭhānaṃ sabbūpasamapariyosānattā.
 Ādimajjhāpariyosānesu paññādhiṭṭhānaṃ tasmim̐ sati sambhavato asati
 abhāvato yathāpaṭiññaṃca bhāvato.

Tattha mahāpurisā satatamattahitaparahitakarehi garupiyabhāvakarehi
 saccacāgādhiṭṭhānehi gihibhūtā āmisadānena pare anuggaṇhanti. Tathā
 attahita parahitakarehi garu piyabhāvakarehi upasamapaññādhiṭṭhānehi ca
 pabbajitabhūtā dhammadānena pare anuggaṇhanti.

Tattha antimabhāve bodhisattassa caturādhiṭṭhānaparipūraṇaṃ.
 Paripuṇṇacaturādhiṭṭhānassa hi carimakabhāvūpapattīti eke. Tatra hi
 gabbhokkantiṭṭhiti-abhinikkhāmanesu paññādhiṭṭhānasamudāgāmena sato
 sampajāno saccādhiṭṭhānapāripūriyā sampatijāto uttarābhimukho
 sattapadavītiḥārena gantvā sabbā disā oloketvā saccānuparivattinā vacasā
 “aggohamasmi lokassa, jeṭṭhohamasmi lokassa, seṭṭhohamasmi lokassa”ti²
 tikkhattuṃ sihanādaṃ nadi.

1. Kammūpasamanato kāmāpariḷāhavūpasamanato (Ka)

2. Dī 2. 13; Ma 3. 164 piṭṭhesu.

Upasamādhiṭṭhānasamudāgamena jīṇāturamatapabbajitadassāvino catudhammapadesakovidassa yobbanārogyajīvitasampattimadānaṃ upasamo. Cāgādhiṭṭhānasamudāgamena mahato ñātiparivaṭṭassa hatthagatassa ca cakkavattirajjassa anapekkhapariccāgoti.

Dutiye ṭhāne abhisambodhiyaṃ caturadhiṭṭhānaṃ paripuṇṇanti keci. Tattha hi yathāpaṭiññaṃ saccādhiṭṭhānasamudāgamena catunnaṃ ariyasaccānaṃ abhisamayo, tato hi saccādhiṭṭhānaṃ paripuṇṇaṃ. Cāgādhiṭṭhānasamudāgamena sabbakilesūpakkilesapariccāgo, tato hi cāgādhiṭṭhānaṃ paripuṇṇaṃ. Upasamādhiṭṭhānasamudāgamena paramūpasamappatti, tato hi upasamādhiṭṭhānaṃ paripuṇṇaṃ. Paññādhiṭṭhānasamudāgamena anāvaraṇañāṇapaṭilābho, tato hi paññādhiṭṭhānaṃ paripuṇṇanti. Taṃ asiddhaṃ, abhisambodhiyāpi paramatthabhāvato.

Tatiye ṭhāne dhammacakkappavattane caturadhiṭṭhānaṃ paripuṇṇanti aññe. Tattha hi saccādhiṭṭhānasamudāgatassa dvādasahi ākārehi ariyasaccadesanāya saccādhiṭṭhānaṃ paripuṇṇaṃ. Cāgādhiṭṭhānasamudāgatassa saddhammahāyāgakaraṇena cāgādhiṭṭhānaṃ paripuṇṇaṃ. Upasamādhiṭṭhānasamudāgatassa sayāṃ upasantassa paresaṃ upasamanena upasamādhiṭṭhānaṃ paripuṇṇaṃ. Paññādhiṭṭhānasamudāgatassa veneyyānaṃ āsayādiparijānanena paññādhiṭṭhānaṃ paripuṇṇanti. Tadapi asiddhaṃ, apariyositattā Buddhakiccassa.

Catutthe ṭhāne parinibbāne caturadhiṭṭhānaṃ paripuṇṇanti apare. Tatra hi parinibbutattā paramatthasaccasampattiyā saccādhiṭṭhānaṃ paripuṇṇaṃ. Sabbūpadhipaṭinissaggena cāgādhiṭṭhānaṃ paripuṇṇaṃ. Sabbasaṅkhārūpasamena upasamādhiṭṭhānaṃ paripuṇṇaṃ. Paññāpayojanapariniṭṭhānena paññādhiṭṭhānaṃ paripuṇṇanti. Tatra mahāpurisassa visesena mettākhetto abhijātiyaṃ saccādhiṭṭhānasamudāgatassa saccādhiṭṭhāna-paripūraṇamabhiyattaṃ, visesena karuṇākhetto abhisambodhiyaṃ paññādhiṭṭhānasamudāgatassa paññādhiṭṭhānaparipūraṇamabhiyattaṃ, visesena muditākhetto dhammacakkappavattane cāgādhiṭṭhānasamudāgatassa cāgādhiṭṭhānaparipūraṇamabhiyattaṃ, visesena upekkhākhetto parinibbāne upasamādhiṭṭhānasamudāgatassa upasamādhiṭṭhānaparipūraṇamabhiyattanti daṭṭhabbānaṃ.

Tatra saccādhiṭṭhānasamudāgatassa saṁvāsenā silaṁ veditabbaṁ.
 Cāgādhiṭṭhānasamudāgatassa saṁvohārena soceyyaṁ veditabbaṁ.
 Upasamādhiṭṭhānasamudāgatassa āpadāsu thāmo veditabbo.
 Paññādhiṭṭhānasamudāgatassa sākacchāya paññā veditabbā. Evaṁ
 sīlājīvacittadiṭṭhivissuddhiyo veditabbā. Tathā saccādhiṭṭhānasamudāgamena
 dosāgatiṁ na gacchati avisaṁvādanato. Cāgādhiṭṭhānasamudāgamena
 lobhāgatiṁ na gacchati anabhisaṅgato. Upasamādhiṭṭhānasamudāgamena
 bhayāgatiṁ na gacchati anaparādhato. Paññādhiṭṭhānasamudāgamena
 mohāgatiṁ na gacchati yathā bhūtāvabodhato.

Tathā paṭhamena aduṭṭho adhivāseti, dutiyena aluddho paṭisevati,
 tatiyena abhīto parivajjeti, catutthena asammūḷho vinodeti. Paṭhamena
 nekkhammasukhappatti, itarehi paviveka-upasamasambodhisukhappattiyō
 hontīti daṭṭhabbā. Tathā vivekajapītisukhasamādhi-japītisukha-
 apītijakāyasukhasatipārisuddhi-jā-upekkhāsukhappattiyō etehi catūhi
 yathākkamaṁ honti. Evamanekaguṇānubandhehi catūhi adhiṭṭhānehi
 sabbapāramisaṁgaho veditabbo. Yathā ca catūhi adhiṭṭhānehi
 sabbapāramisaṁgaho, evaṁ karuṇāpaññāhipīti daṭṭhabbaṁ. Sabbopi hi
 bodhisambhāro karuṇāpaññāhi saṅgahito. Karuṇāpaññāpariggahitā hi
 dānādiguṇā mahābodhisambhārā bhavanti Buddhattasiddhipariyosānāti,
 evametāsaṁ saṅgaho veditabbo.

Ko sampādanūpāyoti? Sakalassāpi puññādisambhārassa
 sammāsambodhiṁ uddissa anavasesasambharaṇaṁ avekallakāritāyogena,
 tattha ca sakkaccakāritā ādarabahumānayogena, sātaccakāritā
 nirantarayogena, cirakālādiyogo ca antarā avosānāpajjanenāti. Taṁ panassa
 kālāparimāṇaṁ parato āvi bhavissati. Iti caturaṅgayogo etāsaṁ pāramīnaṁ
 sampādanūpāyo. Tathā mahāsattena bodhāya paṭi-pajjantena
 sammāsambodhāya Buddhānaṁ puretameva attā niyyātetabbo “imāhaṁ
 attabhāvaṁ Buddhānaṁ niyyātemī”ti. Taṁtaṁpariggahavatthum ca
 paṭilābhato puretameva dānamukhe nissajjitabbaṁ “yaṁ kiñci mayhaṁ
 uppajjanakaṁ jīvitaparikkhārajātaṁ, sabbaṁ taṁ sati yācāke dassāmi, tesāṁ
 pana dinnāvasesaṁ eva mayā paribhuñjitabbaṁ”ti.

Evam̐ hissa sammadeva pariccāgāya kate cittābhisaṅkhāre yaṃ uppajjati pariggahavatthu aviññāṇakaṃ saviññāṇakaṃ vā, tattha ye ime pubbe dāne akataparicayo pariggahavathussa parittabhāvo uḷāramanuññatā parikkhayacintāti **cattāro dānavinibandhā**, tesu yadā mahābodhisattassa saṃvijjamānesu deyyadhammesu paccupaṭṭhite ca yācakajane dāne cittaṃ na pakkhandati na kamati, tena niṭṭhamettha gantabbaṃ “addhāhaṃ dāne pubbe akataparicayo, tena me etarahi dātukamyatā citte na saṅṭhātī”ti. So evaṃ me ito paraṃ dānābhirataṃ cittaṃ bhavissati, handāhaṃ ito paṭṭhāya dānaṃ dassāmi, nanu mayā paṭikacceva pariggahavatthu yācakānaṃ pariccattanti dānaṃ deti muttacāgo payatapāṇī vosaggarato yācayogo dānasamvibhāgarato. Evam̐ mahāsattassa **paṭhamo dānavinibandho** hatō hoti vihato samucchinno.

Tathā mahāsatto deyyadhammassa parittabhāve sati vekalle ca iti paṭisaṅcikkhati “ahaṃ kho pubbe adānasīlatāya etarahi evaṃ paccayavikalo jāto, tasmā idāni mayā parittena vā hīnena vā yathāladdhena deyyadhammena attānaṃ piḷetvāpi dānameva dātubbaṃ, yenāhaṃ āyatimpi dānapāramiṃ matthakaṃ pāpessāmi”ti. So itarītarena taṃ dānaṃ deti muttacāgo payatapāṇī vosaggarato yācayogo dānasamvibhāgarato. Evam̐ mahāsattassa **dutiyo dānavinibandho** hatō hoti vihato samucchinno.

Tathā mahāsatto deyyadhammassa uḷāramanuññatāya adātukamyatācitte uppajjamāne iti paṭisaṅcikkhati “nanu tayā sappurisa uḷāratamā sabbaseṭṭhā sammāsambodhi abhipatthitā, tasmā tadatthaṃ tayā uḷāramanuññe eva deyyadhamme dātuṃ yuttarūpan”ti. So uḷāraṃ manūññaṅca deti muttacāgo payatapāṇī vosaggarato yācayogo dānasamvibhāgarato. Evam̐ mahāpurisassa **tatiyo dānavinibandho** hatō hoti vihato samucchinno.

Tathā mahāsatto dānaṃ dento yadā deyyadhammassa parikkhayaṃ passati, so iti paṭisaṅcikkhati “ayaṃ kho bhogānaṃ sabhāvo, yadidaṃ khayadhammatā vayadhammatā, api ca me pubbe tādisassa dānassa akatattā evaṃ bhogānaṃ parikkhayaṃ dissati, handāhaṃ yathāladdhena

deyyadhammena parittena vā vipulena vā dānameva dadeyyaṃ, yenāhaṃ āyatim dānapāramiyā matthakaṃ pāpuṇissāmi”ti. So yathāladdhena dānaṃ deti muttacāgo payatapāṇi vosaggarato yācayogo dānasamvibhāgarato. Evaṃ mahāsattassa **catuttho dānavinibandho** hatō hoti vihato samucchinnō. Evaṃ ye ye dānapāramiyā vinibandhabhūtā anathā, tesam tesam yathārahaṃ paccavekkhitvā paṭivinodanaṃ upāyo. Yathā ca dānapāramiyā, evaṃ sīlapārami-ādīsūpi daṭṭhabbaṃ.

Api ca yaṃ mahāsattassa Buddhānaṃ attasanniyyātanaṃ, taṃ sammadeva sabbapāramīnaṃ sampādanūpāyo. Buddhānaṃ hi attānaṃ niyyātetvā ṭhito mahāpuriso tattha tattha bodhisambhārapāripūriyā ghaṭento vāyamanto sarīrassa sukhūpakaraṇānaṃ upacchedakesu dussahasūpi kicchesu¹ durabhisambhavesūpi sattaśaṅkhārasamupanītesu anathesu tibbesu pāṇaharesu “ayaṃ mayā attabhāvo Buddhānaṃ pariccatto, yaṃ vā taṃ vā ettha hotū”ti taṇṇimittaṃ na kampaṭi na vedhati īsakampi aññathattaṃ na gacchati, kusalārambhe aññadatthu acalādhiṭṭhānova hoti, evaṃ attasanniyyātanaṃpi etāsaṃ sampādanūpāyo.

Api ca samāsato katābhinihārassa attani sinehassa parisōnaṃ² paresu ca sinehassa parivaḍḍhanaṃ etāsaṃ sampādanūpāyo. Sammāsambodhisamadhiḡamāya hi katamahāpaṇidhānaṃ mahāsattassa yāthāvato pariḡānaṃ sabbesu dhammesu anupalittassa attani sineho parikkhayaṃ pariyādānaṃ gacchati, mahākaruṇāsamaśevanaṃ pana piyaputte viya sabbasatte sampassamaṇassa tesu mettākaruṇāsineho parivaḍḍhati, tato ca taṇṇadavatthānurūpaṃ attaparasantānesu lobhadosaṃmohavīgamena vidūrīkatamaḡariyādibodhisambhārapaṭipakkho mahāpuriso dāna piyavacana atthacariyā samānattatāśaṅkhātehi catūhi saṅgahavatthūhi caturadhiṭṭhānānugatehi accantaṃ jaṇassa saṅgahakaraṇena upari yānattaye avatāraṇaṃ paripācanaṃ karoti.

Mahāsattānaṃ hi mahākaruṇā mahāpaṇṇā ca dānaṃ alaṅkatā, dānaṃ piyavacanaṃ, piyavacanaṃ atthacariyāya, atthacariyā samānattatāya

1. Kiccesu (Si)

2. Pariyādānaṃ (Ka)

alaṅkatā saṅgahitā ca. Tesam sabbepi satte attanā nibbisese katvā bodhisambhāresu paṭipajjantānam sabbattha samānasukhadukkhataya samānattatāya siddhi. Buddhabhūtānampi ca teheva catūhi saṅgahavatthūhi caturadhiṭṭhānaparipūritābhivuddhehi janassa accantikasaṅgahakaraṇena abhivinayanam¹ sijjhati. Dānam hi Sammāsambuddhānam cāgādhiṭṭhānena paripūritābhivuddham, piyavacanam saccādhiṭṭhānena, atthacariyā paññādhiṭṭhānena, samānattatā upasamādhiṭṭhānena paripūritābhivuddhā. Tathāgatānam hi sabbasāvaka paccekabuddhehi samānattatā parinibbāne. Tatra hi nesam avisesato ekībhāvo. Tenevāha “natthi vimuttiyā nānattan”ti. Honti cettha—

“Sacco cāgī upasanto, paññavā anukampako.
Sambhatasabbasambhāro², kam nāmattham na sādhave.

Mahākāruṇiko Satthā, hitesī ca upekkhako.
Nirapekkho ca sabbattha, aho acchariyō Jino.

Viratto sabbadhammesu, sattesu ca upekkhako.
Sadā sattahite yutto, aho acchariyō Jino.

Sabbadā sabbasattānam, hitāya ca sukhāya ca.
Uyyutto akilāsū ca, aho acchariyō Jino”ti.

Kittakena kālena sampādananti? Heṭṭhimena tāva paricchena cattāri asaṅkhyeyyāni mahākappānam satasahassaṅca, majjhimena aṭṭha asaṅkhyeyyāni mahākappānam satasahassaṅca, uparimena pana soḷasa asaṅkhyeyyāni mahākappānam satasahassaṅca. Ete ca bheda yathākkamam paññādhikasaddhādhikavīriyādhikavasena nātabbā. Paññādhikānam hi saddhā mandā hoti paññā tikkhā, saddhādhikānam paññā majjhimā hoti, vīriyādhikānam paññā mandā, paññānubhāvena ca sammāsambodhi adhigantabbāti **Aṭṭhakathāyam** vuttaṁ.

Apare pana “vīriyassa tikkhamajjhimamudubhāvena bodhisattānam ayam kālavibhāgo”ti vadanti. Avisesena pana vimutti paripācanīyānam dhammānam tikkhamajjhimamudubhāvena yathāvuttakālabhedena bodhisambhārā tesam pāripūrim gacchantīti tayopete kālabhedā yuttātipi vadanti³. Evaṁ

1. Abhinivesanam (Sī) 2. Sambhavo sabbasambhāro (Sī) 3. Vadanti eva (Ka)

tividhā hi bodhisattā abhinīhārakkhaṇe bhavanti
 ugghaṭitaññūvipañcitaññūneyyabhedena. Tesu yo ugghaṭitaññū, so
 Sammāsambuddhassa sammukhā catuppadikaṃ gātham suṇanto gāthāya
 tatiyapade apariyosite eva chahi abhiññāhi saha paṭisambhidāhi arahattaṃ
 adhigantum samatthūpanissayo hoti, sace sāvakabodhiyaṃ adhimutto siyā.

Dutiyo Bhagavato sammukhā catuppadikaṃ gātham suṇanto apariyosite
 eva gāthāya catutthapade chahi abhiññāhi arahattaṃ adhigantum
 samatthūpanissayo hoti, yadi sāvakabodhiyaṃ adhimutto siyā.

Itaro pana Bhagavato sammukhā catuppadikaṃ gātham sutvā
 pariyoṣitāya gāthāya chahi abhiññāhi arahattaṃ pattuṃ samatthūpanissayo
 hoti.

Tayopete vinā kālabhedena katābhinīhārā Buddhānaṃ santike
 laddhabyākaraṇā ca anukkamena pāramiyo paripūrentā yathākkamaṃ
 yathāvuttābhedenā kālena sammāsambodhiṃ pāpuṇanti. Tesu tesu pana
 kālabhedesu aparipuṇṇesu te te mahāsattā divase divase
 Vessantaradānasadisam mahādānaṃ dentāpi tadanurūpe
 sīlādisabbapāramidhamme ācinantāpi pañca mahāpariccāge pariccajantāpi
 ñātattacariyā lokattacariyā Buddhattacariyā paramakoṭiṃ pāpentāpi
 antarā ca Sammāsambuddhā bhavissantīti netam ṭhānaṃ vijjati. Kasmā?
 Ñāṇassa aparipaccanato Buddhakāradhammānaṃ apariniṭṭhānato.
 Paricchinnakālanipphāditaṃ viya hi sassam yathāvuttakālaparicchedenā
 parinipphādita sammāsambodhi tadantarā sabbussāhena vāyamantenāpi na
 sakkā adhigantunti pāramipāripūri yathāvuttakālavisesena sampajjati
 veditabban.

Ko ānisaṃsoti? Ye te katābhinīhārānaṃ bodhisattānaṃ—

“Evaṃ sabbaṅgampannā, bodhiyā niyatā narā.

Samsaram dīghamaddhānaṃ, kappakoṭisatehīpi.

Avīcimhi nuppajjanti, tathā lokantaresu ca.

Nijjhāmataṇhā khuppipāsā, na honti Kālakañjikā.

Na honti khuddakā pāṇā, upapajantāpi duggatim.
 Jāyamānā manussesu, jaccandhā na bhavanti te.
 Sotavekallatā natthi, na bhavanti mūgapakkhikā.
 Itthibhāvaṃ na gacchanti, ubhatobyañjanapaṇḍakā.
 Na bhavanti pariyāpannā, bodhiyā niyatā narā.
 Muttā ānantarikehi, sabbattha suddhagocarā.
 Micchādiṭṭhim na sevanti, kammakiriyadassanā.
 Vasamānāpi saggesu, asaññaṃ nūpapajjare.
 Suddhāvāsesu devesu, hetu nāma na vijjati.
 Nekkhammaninnā sappurisā, visaṃyuttā bhavābhave.
 Caranti lokatthacariyāyo, pūrenti sabbapāramī”ti¹—

evam saṃvaṇṇitā ānisaṃsā, ye ca “sato sampajāno Ānanda bodhisatto
 Tusitā kāyā cavitvā mātukucchim okkamati”ti-ādinā² soḷasa
 acchariyabbhutadhammapākārā, ye ca “sītaṃ byapagataṃ hoti, uṇhañca
 upasammati”ti-ādinā³ “jāyamāne kho Sāriputta bodhisatte ayaṃ dasasahassī
 lokadhātu saṅkampaṭi sampakampaṭi sampavedhati”ti-ādinā⁴ ca dvattimsa
 pubbanimittappākārā, ye vā panaññepi bodhisattānaṃ
 adhippāyasamiijhanaṃ kammādīsu vasībhāvoti evamādayo tattha tattha
Jātakabuddhavaṃsādīsu dassitākārā ānisaṃsā, te sabbepi eṭasaṃ ānisaṃsā.
 Tathā yathānidassitabhedā alobhādosādiguṇayugalādayo cāti veditabbā.

Api ca yasmā bodhisatto abhinīhārato paṭṭhāya sabbasattānaṃ pitusamo
 hoti hitesitāya, dakkhiṇeyyako garu bhāvanīyo paramaṇca puññakkhettaṃ
 hoti guṇavisesayogena, yebhuyyena ca manussānaṃ piyo hoti,
 amanussānaṃ piyo hoti, devatāhi anupālīyati,
 mettākaruṇāparibhāvitasantānatāya vāḷamigādīhi ca anabhibhavanīyo hoti,
 yasmim yasmīñca sattanikāye paccājāyati, tasmim tasmim uḷārena vaṇṇena
 uḷārena yasena uḷārena sukhena uḷārena balena

1. Abhi-Ṭṭha 1. 72; Jātaka-Ṭṭha 1. 53; Apadāna-Ṭṭha 1. 55 piṭṭhādīsu.

2. Ma 3. 161; Dī 2. 10 piṭṭhesu.

3. Khu 4. 313 piṭṭhe.

4. Ma 3. 161; Dī 2. 13 piṭṭhādīsu.

uḷārena ādhipateyyena aññe satte abhibhavati puññavisesayogato.

Appābādho hoti appātānko, suvisuddhā cassa saddhā hoti suvisadā, suvisuddham vīriyam, satisamādhipaññā suvisadā, mandakilesa hoti mandadaratho mandapariḷāho, kilesānam mandabhāveneva suvaco hoti padakkhiṇaggāhī, khamo hoti sorato, sakhilo hoti paṭisanthārakusako, akkodhano hoti anupanāhī, amakkhī hoti apaḷāsī, anissukī hoti amaccharī, asaḷho hoti amāyāvī, athaddho hoti anātimānī, asāraddho hoti appamatto, parato upatāpasaho hoti paresam anupatāpī, yasmiñca gāmakhette paṭivasati, tattha sattānam bhayādayo upaddavā yebhuyyena anuppannā nuppajjanti, uppannā ca vūpasammanti, yesu ca apāyesu uppajjati, na tattha pacurajano viya dukkhena adhimattam piḷiyati, bhiiyoso mattāya samvegamaṇḍapajjati. Tasmā mahāpurisassa yathāraham tasmim tasmim bhava labbhamānā ete sattānam pitusamatādakkhiṇeyyatādayo guṇavisesā ānisaṃsāti veditabbā.

Tathā āyusampadā rūpasampadā kulasampadā issariyasampadā ādeyyavacanatā mahānubhāvatāti etepi mahāpurisassa pāramīnam ānisaṃsāti veditabbā. Tattha **āyusampadā** nāma tassam tassam upapattiyam dīghāyukatā ciraṭṭhitikatā, tāya yathāraddhāni kusalasamādānāni pariyoṣāpeti, bahuñca kusalam upacinoti. **Rūpasampadā** nāma abhirūpatā dassanīyatā pāsādikatā, tāya rūpappamāṇānam sattānam pasādāvaho hoti sambhāvanīyo. **Kulasampadā** nāma uḷāresu kulesu abhinibbatti, tāya jātimadādimadamattānampi upasaṅkamanīyo hoti payirupāsānīyo, tena te nibbisevane karoti. **Issariyasampadā** nāma mahāvibhavatā mahesakkhatā mahāparivāratā ca, tāhi saṅgaṇhitabbe catūhi saṅgahavattūhi saṅgaṇhitum niggahetabbe dhammena niggahetuñca samattho hoti.

Ādeyyavacanatā nāma saddheyyatā paccayikatā, tāya sattānam pamāṇabhūto hoti, alaṅghanīyā cassa āṇā hoti. **Mahānubhāvatā** nāma ānubhāvamahantatā, tāya parehi na abhibhūyati,

sayameva pana pare aññadatthu abhibhavati dhammena samena
yathābhūtaguṇehi ca, evamete āyusampadādayo mahāpurisassa pāramīnam
ānisaṃsā, sayañca aparimāṇassa puññasambhārassa parivuḍḍhihetubhūtā
yānattaye sattānam avatāraṇassa paripācanassa ca kāraṇabhūtāti veditabbā.

Kim phalanti? Samāsato tāva Sammāsambuddhabhāvo etāsam phalaṃ,
vitthārato pana dvattimsamahāpurisalakkhaṇa asīti-anubyañjana
byāmappabhādi-anekaguṇagaṇasamujjalarūpakāyasampatti adhiṭṭhāna
dasabalacatuvesārajja-asaḍhāraṇañña
aṭṭhārasāveṇikabuddhadhammappabhuti
anantāparimāṇaguṇasamudayopasobhinī dhammakāyasirī. Yāvatā pana
Buddhaguṇā ye anekhepi kappehi Sammāsambuddhenāpi vācāya
pariyosāpetum na sakkā, idametāsam phalaṃ. Vuttañcetam¹—

“Buddhopi Buddhassa bhaṇeyya vaṇṇam,
Kappampi ce aññamabhāsamāno.
Khīyetha kappo ciradīghamantare,
Vaṇṇo na khīyetha Tathāgatassā”².

Evamettha pāramīsu pakiṇṇakakathā veditabbā.

Yaṃ pana Pāliyaṃ “**datvā dātabbakaṃ dānaṃ**”³ti-ādinā sabbāpi pāramī
ekajjham dassetvā parato “**kosajjam bhayato disvā**”³ti-ādinā
pariyosānagāthādvayaṃ vuttaṃ, taṃ yehi vīriyārambhamettābhāvanā
appamādavihārehi yathāvuttā Buddhakāradhammā visadabhāvaṃ gatā
sammāsambodhisankhātā ca attano vimutti paripācitā, tehi veneyyānampi
vimuttiparipācanāya ovādadānatthaṃ vuttaṃ.

Tattha **kosajjam bhayato disvā, vīriyārambhaṇca khematoti** iminā
paṭipakkhe ādīnavadassanamukhena vīriyārambhe ānisaṃsaṃ dasseti.
Āraddhavīriyā hothāti iminā vīriyārambhe niyojeti. Yasmā ca—

“Sabbapāpassa akaraṇam, kusalassa upasampadā.
Sacittapariyodapanam, etaṃ Buddhāna sāsanam”³—

1. Vuttañcetam Bhagavatā (Sī)

2. Dī-Ṭṭha 1. 257; Dī-Ṭṭha 3. 61; Ma-Ṭṭha 3. 289; Udāna-Ṭṭha 305;
Cariyāpiṭaka-Ṭṭha 9 piṭṭhādīsu.

3. Khu 1. 41; Dī 2. 42; Khu 10. 37, 68 piṭṭhesu.

saṅkhepato, vitthārato pana sakalena Buddhavacanena pakāsitā sabbāpi sampattiyo ekanteneva sammappadhānādhiṇā, tasmā Bhagavā vīriyārambhe niyojetvā “**esā Buddhānusāsani**”ti āha.

Tatrāyaṃ saṅkhepattho—yvāyaṃ sabbasaṃkilesamūlabhāvato sabbānatthavidhāyakanti kosajjaṃ bhayato tappaṭipakkhato catūhi yogehi anupaddavabhāvasādhanato vīriyārambhañca khemato disvā adhisīlasikkhādisampādanavasena vīriyassa ārambho sammappadhānānuyogo, tattha yaṃ sammadeva niyojanaṃ “āraddhavīriyā hothā”ti, esā Buddhānaṃ Bhagavantānaṃ anusāsani anusitṭhi ovādoti. Sesagāthāsupi imināva nayena attho veditabbo.

Ayaṃ pana viseso—**vivādanti** viruddhavādaṃ, chavivādavatthuvasena vivadananti attho. **Avivādanti** vivādapaṭipakkhaṃ mettāvaccikammaṃ, mettābhāvanaṃ vā. Atha vā **avivādanti** avivādahetubhūtaṃ chabbidhaṃ sāraṇiyadhammaṃ. **Samaggāti** avaggā, kāyena ceva cittena ca sahitā aviramitā aviyuttāti attho. **Sakhilāti** sakkilā mudusilā, aññaṃaññaṃhi muduhadayāti attho. **Esā buddhānusāsani**ti ettha sabbena sabbam vivādamanupagamma yadidaṃ chasāraṇiyadhammaparipūraṇavasena samaggavāse niyojanaṃ, esā Buddhānaṃ anusitṭhīti yojetabbaṃ. Samaggavāsaṃ hi vasamānā siladitṭhisāmaññagatā avivadamaṇā sukheveva tisso sikkhā paripūressantīti Satthā samaggavāse niyojanaṃ attano sāsanti dassesi.

Pamādanti pamajjanaṃ, kusalānaṃ dhammānaṃ pamussanaṃ akusalesu ca dhammesu cittavosaggaṃ. Vuttañhetam “tattha katamo pamādo, kāyaduccarite vā vacīduccarite vā manoduccarite vā pañcasu vā kāmagaṇesu cittassa vosaggo vosaggānuppadānaṃ kusalānaṃ vā dhammānaṃ bhāvanāya asakkaccakiriyatā asātaccakiriyatā anaṭṭhitakiriyatā olīnavuttitā nikkhattachandatā nikkhattadhuratā anāsevanā abhāvanā abahulīkammaṃ -pa- yo evarūpo pamādo pamajjanā pamajjitattaṃ, ayaṃ vuccati pamādo”ti¹.

Appamādanti appamajjanaṃ, taṃ pamādassa paṭipakkhato veditabbaṃ. Atthato hi appamādo nāma satiyā avippavāso, “satiyā avippavāso”ti

1. Abhi 2. 38, 191, 363 piṭṭhesu.

ca niccaṃ upaṭṭhitāya satiyā evetaṃ nāmaṃ. Apare pana “satisampajaññappadhānā tathā pavattā cattāro arūpino khandhā appamādo”ti vadanti. Yasmā pana appamādabhāvanā nāma visum ekā bhāvanā natthi. Yā hi kāci puññakiriyā kusalakiriyā, sabbā sā appamādabhāvanātveva veditabbā.

Visesato pana vivaṭṭūpanissayaṃ saraṇagamanam kāyikavācasikaṃvaraṇca upādāya sabbā sīlabhāvanā sabbā samādhībhāvanā sabbā paññābhāvanā sabbā kusalabhāvanā anavaṃjjabhāvanā appamādabhāvanā. “Appamādo”ti hi idaṃ padaṃ mahantaṃ atthaṃ dīpeti, mahantaṃ atthaṃ pariggahetvā tiṭṭhati, sakalampi Tepiṭakam Buddhavacanaṃ āharitvā appamādapadassa atthaṃ katvā kathento dhammakathiko “atitthena pakkhando”ti na vattabbo. Kasmā? Appamādapadassa mahantabhāvato. Tathā hi Sammāsambuddho Kusinārāyaṃ yamakasālānamantare parinibbānasamaye nipanno abhisambodhito paṭṭhāya pañcacattālīsāya vassesu attanā bhāsitaṃ dhammaṃ ekeneva padena saṅgahetvā dassento “appamādena sampādetthā”ti¹ bhikkhūnaṃ ovādamadāsi. Tathā cāha “seyyathāpi bhikkhave yāni kānici jaṅgamānaṃ pāṇānaṃ padajātāni, sabbāni tāni hatthipade samodhānaṃ gacchanti, hatthipadaṃ tesam aggamakkhāyati yadidaṃ mahantattena, evameva kho bhikkhave ye keci kusalā dhammā, sabbe te appamādamūlakā appamādasamosaraṇā, appamādo tesam aggamakkhāyati”ti². Tattha appamādabhāvanaṃ sikhāppattaṃ dassento Satthā **“bhāvetthaṭṭhaṅgikam maggan”**ti āha.

Tassattho—yo esa sīlādikhandhattayasaṅgaho sammādiṭṭhipubbaṅgamo sammādiṭṭhi-ādīnaṃyeva aṭṭhannaṃ aṅgānaṃ vasena aṭṭhaṅgiko ariyamaggo, taṃ bhāvettha attano santāne uppādettha. Dassanamaggamatte aṭṭhatvā upari tiṇṇaṃ maggānaṃ uppādanavasena vaḍḍhetha³, evaṃ vo appamādabhāvanā sikhāppattā bhavissatīti. **Esā Buddhānusāsani**ti yadidaṃ kusalesu dhammesu appamajjanaṃ, taṅca ussukkāpetvā ariyamaggassa bhāvanā esā Buddhānaṃ Bhagavantānaṃ anusitṭhi ovādoti.

1. Dī 2. 128 piṭṭhe.

2. Ma 1. 242 piṭṭhe thokaṃ visadisam.

3. Ghaṭetha (Sī)

Iti Bhagavā arahattanikūṭeneva Cariyāpiṭakadesanam niṭṭhāpesi. **Ittham sudanti**-ādīsu **itthanti** kappe ca satasahasseti-ādinā¹ pakārena. **Sudanti** nipātamattam. **Bhagavāti** bhāgyavantatādīhi kārāṇehi Bhagavā. **Attano pubbacariyanti** purimāsu Akittipaṇḍitādi jātīsu attano paṭipattidukkarakiriyaṃ. **Sambhāvayamānoti** hatthatale āmalakam viya sammadeva pakāseto. **Buddhāpadāniyaṃ nāmāti** Buddhānam purātanakammam porāṇam dukkarakiriyaṃ adhikicca pavattattā desitattā Buddhāpadāniyanti evamnāmakam. **Dhammapariyāyanti** dhammadesanam dhammabhūtam vā kārāṇam. **Abhāsithāti** avoca. Yaṃ panettha na vuttam, tam heṭṭhā vuttanayattā uttānatthattā ca na vuttanti veditabban.

Nigamanakathā

Ettāvatā ca—

Visuddhacarito² Satthā, Buddhacariyāya pāragū.
Sabbacariyāsu³ kusalo, lokācariyo anuttaro.

Yaṃ acchariyadhammānam, sabbamacchariyāti go.
Attano pubbacariyānam, ānubhāvavibhāvanam.

Desesi nātho **Cariyā-piṭakam** yañca tādino.
Dhammasaṅgāhakā therā, saṅgāyimsu tatheva ca.

Tassa attham pakāsetum, Porāṇaṭṭhakathānayaṃ.
Nissāya yā samāradhā, atthasamvaṇṇanā mayā.

Yā tattha paramatthānam, niddhāretvā yathārahā.
Pakāsanā **Paramattha-dīpanī** nāma nāmato.

Sampattā pariniṭṭhānam, anākulavinicchayā.
Sādhikāyaṭṭhavīsāya, Pāḷiyā bhāṇavārato.

Iti tam saṅkharontena, yaṃ tam adhigatam mayā.
Puññam tassānubhāvena, Lokanāthassa sāsanaṃ.

1. Khu 4. 385 piṭṭhe.

2. Visuddhacariyako (Ka)

3. Buddhacariyāsu (Ka)

Ogāhetvā visuddhāya, silādipaṭṭipattiyā.
Sabbepi dehino hontu, vimuttirasabhāgino.

Ciraṃ tiṭṭhatu lokasmiṃ, Sammāsambuddhasāsanāṃ.
Tasmiṃ sagāravā niccaṃ, hontu sabbepi pāṇino.

Sammā vassatu kālena, devopi jagatīpati.
Saddhammanirato lokaṃ, dhammeneva pasāsatūti.

Iti Badaratitthavihāravāsinā Ācariyadhammapālena katā

Cariyāpiṭakavaṇṇanā niṭṭhitā.

Cariyāpiṭakatṭhakathāya

Saṃvaṇṇitapadānaṃ anukkamaṇikā

Padānukkamo	Piṭṭhaṅko		Padānukkamo	Piṭṭhaṅko
[A]			[A]	
Akataññunā	122		Atthakāmo	195
Akampī	81		Atthavasam	63
Akampitam	81		Adam	38
Akāruṇā	172		Adhikāro	275
Akiñcane	79		Adhiṭṭhāya	118, 170
Akkhobham	48		Anagāriyam	188
Agamu	89		Anapekkhā	131
Aggivegabhayā	226		Anapekkho	179
Aṅge	170		Anariyo	139
Acetanā	102		Anavattḥāya	188
Accayena	209		Anavassutā	34
Acchariyam	88		Anisamma	188
Acchādanam	55		Anukūlamhi	153
Acchi	221		Anucchavo	38, 112
Acchindanto	255		Anuppattiyā	45
Ajjhogāhetvā	21		Anubrūhayim	178
Añjanasavhayam	36		Anubhontu	74
Aññathattam	113		Anurakkhaparijano	163
Ataṇḍulam	184		Anulimpitvā	216
Atikkhayam	230		Anuvisaṭo	161
Ativattati	223		Anussarim	134
Atitāsu	76		Anūnataṃ	214
Atelam	24		Anolaggo	24
Attānam	230		Antare	16
Atthakāmā	212		Andhībḥūtam	204
Atthakāminī	211		Annam	55

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Anvaddhamāse	81	Avañcanā	227
Apagato	184	Avamānitaṃ	141
Apaccāso	45	Avikampamānā	200
Apatanā	227	Avijānato	137
Aparājitaṃ	29	Aviññāya	102
Apare	260	Avivādaṃ	325
Apābhatam	107	Avītarāgo	199
Appakaṃ	260	Avuṭṭhiko	36
Appabhe	191	Avedum	239
Appasadde	132	Asaṃsi	222
Abbocchinnaṃ	55	Asaṅkhiye	12
Abravim	67	Asaññato	188
Abhave	263	Asaṅghitaṃ	81
Abhāsitta	327	Asuñño	91
Abhijātaṃ	211	Asesato	45
Abhinikkhami	131	Assatthakālaṃ	144
Abhinimmito	249	Assamaṃ	91, 153
Abhinivissatha	104	Ahaṃ	161
Abhivassatha	232	Ahu	79
Abhisapi	153	Ahorattānaṃ	209
Abhisiñcivā	216		
Amaccamaṅḍalaṃ	257	[Ā]	
Amanussake	142	Āgā	72
Amānusam	75	Ācarim	25
Amuccatha	137	Āturo	45
Ayasesu	261	Ādeti	43
Ayācissaṃ	86	Āmantayī	165
Ayogharamhi	189	Āmantayitvā	91
Alakkamālī	200	Ārādhanīyaṃ	56
Alampāyano	122	Ārāmaṃ	181

Padānukkamo	Piṭṭhaṅko	Padānukkamo	Piṭṭhaṅko
[Ā]		[U - Ū]	
Āropanaṁ	234	Uddharitvāna	70
Āvāsiko	200	Upagacchāmi	29
Āvuṇitvā	243	Upaṭṭhito	159
Āsayāṁ	107	Upatthaddho	251
Āsivisena	237	Upadduto	139
Āhu	68	Upadhārayi	112
Āḷake	113	Upapajjatha	72
[I]		Uparigaṅgāya	142
Icchakaṁ	184	Upavassatha	105
Icchasi	246	Upavuṭṭha-uposathaṁ	128
Icchāmi	56	Upaharanti	261
Itthaṁ	327	Upāgato	36
Itthīsaḥassassa	200	Upāgami	163
Iddhaṁ	179	Upāgamuṁ	132
[U]		Upāvisiṁ	108
Ukkaṭṭhamajjhimā	191	Uppatitvā	108
Ukkaṇṭhito	191	Ubbiddha	88
Ukkipantaṁ	195	Uragādhībhū	170
Uggaṭāpano	149	Ūrukkhambho	164
Ugghaṭṭapādaṁ	33	[E]	
Uṭṭhehi	70	Ekacciyo	146
Uṇhe	229	Ekamānasā	194
Uttamaṅgaṁ	237	Ekarājā	200
Uttariyaṁ	191	Ekasāsani	134
Uttasati	251	Ekākiyo	88
Udakaṁ	50	Ekodibhūto	50
Udakañjalī	96	Enti	88
Udicca	239	Erakavāyuttā	34
		Esati	56

Padānukkamo	Piṭṭhaṅko	Padānukkamo	Piṭṭhaṅko
[O]		[Ka]	
Ocināyatu	211	Kāmaduhā	33
Otthaṭaṃ	204	Kāmito	181
Odapattakiyā	133	Kāyaṃ	109
Orā	221	Kāraṃ	30
Oruyha	96	Kāraṇā	73
Olīno	25	Kāraṇikā	185
Ohadeti	139	Kāsuyā	256
Ohāya	226	Kāhāmi	140
[Ka]		Kicchāladdhaṃ	211
Kaṅkhī	50	Kīḷeti	122
Kaṭukam	188	Kuñjaro	111
Kaṭhinaṃ	195	Kuṇapena	139
Kaṭhinabhūmiyā	29	Kuppeyyaṃ	161
Kaṭṭhapuñjo	108	Kulalassenakā	229
Kaṇṇabherim	86	Kulavare	202
Kaṇṇhavattani	225	Kule	132
Kadariyo	158	Kusalatthiko	53
Kanakasannibhā	131	Kuhakaṃ	185
Kapaṇikā	114	Kuhaṇatāpaso	181
Kappe	9, 12	Kevalaṃ	109
Kamo	270	Koṭṭeyyum	113
Kampito	24	Kovido	181
Kammāyatanāni	188	[Kha]	
Karaṇaṃ	144	Khattiyo	64
Karattale	243	Kharā	172
Karuṇaṃ	88	Khippaṃ	108
Kalyāṇapaṭibhānavā	181	Khīṇe	79
Kasimā	199	Khīyatha	229
Kātave	226	Khettam	30

Padānukkamo	Piṭṭhaṅko	Padānukkamo	Piṭṭhaṅko
[Ga]		[Ca]	
Gajaṁ	38	Catuvāhiṁ	86
Gajaṅgalāyaṁ	200	Catussadaṁ	199
Gaṇe	132	Catussālaṁ	54
Garū	161	Candaṁ	104
Gavaṁ	86	Campeyyako	125
Gāmaṇī	200	Carati	234
Gāmaṇḍalā	260	Carātu	200
Gāḷhabandhanaṁ	186	Caritaṁ	17
Gini	137	Cāgo	223
Gimhasamaye	225	Cātummahāpathe	87
Gihidhamme	195	Cittarūpaṁ	87
Guṇavā	163	Cittānuvattanto	128
Guṇasampatti	275	Cintayi	128
Guṇasampanno	181	Cintitasannibho	128
Guṇena	111	Cintento	66
Gopaye	153	Ceṭake	133
[Gha]		[Cha - Ja]	
Ghāsahetu	107	Chaḍḍetvā	205
Ghoratare	191	Chattaṁ	211
Ghoraviso	170	Chandatā	275
[Ca]		Chamhi	200
Cakkavattī	40	Chavaṭṭhikaṁ	260
Cakkhupathāni	68	Chātako	36, 43
Cajamāno	97	Chārikaṁ	128, 153
Cajitvā	144	Chinnabandhu	131
Cajeyyaṁ	122	Chekācariyaṁ	112
Caṇḍoraṇaṁ	114	Chetvāna	180
Catuppathe	170	Jaṭilahīṭā	185
Catummukhaṁ	54	Jaṭilo	149

Padānukkamo	Piṭṭhaṅko	Padānukkamo	Piṭṭhaṅko
[Ja]		[Ta - Tha]	
Janayitvāna	62	Tiroselaṃ	74
Jalitaṃ	108	Tuccho	106
Jahitvāna	24	Tuttavegahataṃ	204
Jāṭisu	76	Tuttehi	200
Jānamāno	45	Tumūlo	86
Jānāhi	50	Tulābhūto	261
Jīvitavuttikāraṇā	184	Tejena	79
Jutindharaṃ	211	Thalaṃ	212
Jeṭṭho	160	[Da]	
[Jha - Ña]		Dakāsāye	138
Jhāpaye	172	Dakkhiṇanucchavaṃ	106
Jhāpento	226	Dakkhiṇabāhu	66
Ñatvā	63	Dakkhiṇassa	87
[Ta]		Dakkhiṇeyye	62
Tathaṃ	66	Dajjā	106
Tapatejena	24	Daṇḍamuggarapāṇino	172
Tapassi	199	Datvāna	62
Tapassino	57	Dadamānassa	73
Tappetvā	45	Dandhayi	70
Tasitaṃ	33	Dayito	181
Tasitavedhito	164, 226	Darīsāye	220
Tasitā	226	Dasakusalakammapathe	255
Tasito	43, 144	Dāṭhāvudho	170
Tasissati	166	Dātave	105
Tāso	211	Dānabalā	103
Tidivābhibhū	24	Dānāni	105
Tipukaṇṇapiṭṭho	200	Dālayitvā	188
Tibbaṃ	199	Diṭṭhaṃ	223
Tirokuṭṭaṃ	74	Dinnadānassa	73

Padānukkamo	Piṭṭhaṅko	Padānukkamo	Piṭṭhaṅko
[Da]		[Na]	
Dinnavarā	77	Naggo	43
Dibbā	99	Naṭā	202
Dibbāni	74	Nadīkūle	220
Disvāna	131	Nayantiyā	134
Dukkhena	190	Naradevehi	46
Dubbhikkho	36	Naro	143
Dummedhagocarō	137	Nāgasahassānaṃ	113
Durannayo	100	Nānākaṭṭhe	108
Dussa	107	Nānājanasamākule	170
Dentassa	73	Nikkhanto	62
Devalokaṃ	117	Nikkhamitvāna	89
Dessā	77, 135	Nikhaṇī	256
Dessiyo	73	Nigame	256
Dvijivho	170	Niggaṇḥim	134
[Dha]		Nicayo	44
Dhaññaṃ	36	Nicchubhamānānaṃ	86
Dhanaṃ	93	Nindisuṃ	214
Dhanikehi	142	Nipakā	132
Dhanimā	199	Nipati	156
Dhanena	45	Nippīlayanto	133
Dhammacāriṃ	128	Niplavitaṃ	146
Dhammapariyāyaṃ	327	Nibbāpetvāna	161
Dhammo	223	Nimantiṃsu	204
Dharaṇīruhaṃ	77	Nimi	52
Dhārehi	194	Nimminiṃ	147
Dhiti	223	Niyyātayim	246
Dhuraṃ	159	Nirākule	132
Dhure	159	Nirāmagandho	50
Dhūmaketu	137	Nirālayā	131
		Nivārayim	136

Padānukkamo	Piṭṭhaṅko	Padānukkamo	Piṭṭhaṅko
[Na]		[Pa]	
Nisedhayitvā	185	Patikuṭṭati	204
Nekkhammaṃ	131	Patitaṃ	178
Nekkhammābhirato	194	Patthayāno	25
Nhāpetvā	216	Pathato	162
[Pa]		Pathavī-uppatanaṃ	122
Pakampatha	103	Padesikā	175
Pakuppeyyaṃ	113	Padese	142
Pakkhittayoghare	191	Pabbajim	188
Pakkho	212	Pabbajjā	275
Paccayaṃ	82	Pabbājesuṃ	84
Paccūhā	99	Pabbhāre	138
Pajjaṃ	50	Pabhijjeyya	140
Pajjunno	230	Pabhindeyyaṃ	122
Pañjalikā	179	Pamaddī	137
Paṭikkamāmi	63	Pamādaṃ	325
Paṭigūhāmi	83	Pamilāpetvā	243
Paṭidissare	74	Pamocaya	231
Paṭipādayi	33	Pamocayim	156
Paṭimuñcati	69	Parakkare	137
Paṭiyādeṭha	105	Parantihi	184
Paṭivedayi	111	Paramasīlasamāhito	141
Paṭivedenti	88	Paralokahetu	70
Paṭissuṇitvā	246	Parahetṭhanavivajjito	104
Paṭṭanaṃ	29	Parākari	69
Paṇayeyya	188	Parāmasi	237
Paṇḍaraṃ	211	Parikireyyuṃ	69
Paṇḍiccayaṃ	211	Parikkhāya	112
Patarā	239	Parikkhārā	175
		Paridahissati	43
		Paridevante	101

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paripīlito	142	Pāpassa	186
Paripūrito	67	Pāpā	69
Paripūretuṁ	45	Pāpo	158
Paribhāsetvā	153	Pāraṁ	221
Parimocayuṁ	226	Pāramiyo	269
Parivāretvā	251	Pāvako	225
Parihīnassa	129	Pāsasatehi	200
Pare	62	Pāhunāgataṁ	237
Paropaññāsavassāni	233	Piyāppiyena	161
Pavakkhissaṁ	20	Puññatthiko	238
Pavaḍḍhakāyo	138	Puṇṇamāse	81
Pavattayim	62	Punesanaṁ	24
Pavattetuṁ	86	Pubbacariyaṁ	327
Pavattehi	184	Pubbajo	194
Pavanacārako	104	Pubbasālohitā	211
Pavane	88, 111	Pūtikuṇapasampuṇṇā	191
Pavedhayi	70	Pūrayituṁ	45
Pasadamigavarāhehi	251	Pettikasambhavaṁ	79
Pasannacitto	238	Porisādaṁ	163
Pasannamanasaṅkappo	96	Posanaṁ	191
Pasāsāmi	254	[Pha]	
Pahitā	194	Phalakūpapannā	34
Pahūtatejo	239	Phaline	88
Pākatikaṁ	113	Phītaṁ	179
Pātirūpā	161	Phoṭetvā	108
Pādāsi	70	[Ba]	
Pānaṁ	55	Balavā	138
Pāpaṁ	77	Bālamato	211
Pāpataro	69	Buddhānumatāni	188
Pāpayakkhassa	162		

Padānukkamo	Piṭṭhaṅko	Padānukkamo	Piṭṭhaṅko
[Ba]		[Ma]	
Buddhāpadāniyaṃ	327	Matthake	156
Bodhi	18	Maddiyā	214
Bodhijaṃ	56	Maddiye	192
Bodhiyā	73	Madhusākaṃ	50
Brahārañṇe	21	Manujesu	50
Brahmaloke	50	Manussattaṃ	274
Brāhmaṇavaṇṇinā	107	Manorame	142
Brāhmaṇasannibho	96	Manthamānasmiṃ	137
[Bha - Ma]		Mahabbalo	41
Bhakkhayissasi	107	Mahāgamaṃ	30
Bhagavā	327	Mahājane	192
Bhaddakaṃ	138	Mahādānaṃ	62
Bhayato	131	Mahāyakkho	157
Bhava	263	Mahāmagge	170
Bhavābhave	20	Mahāyuddho	159
Bhijjatu	129	Mahārañṇā	117
Bhijjissati	166	Mahāsāle	202
Bhinde	161	Mahāsikhī	226
Bhisena	262	Mahiddhikaṃ	91
Bhīto	144	Mahiddhiko	157, 170
Bhīmadassano	138	Mahīpati	40
Bhīmaseno	137	Mahodake	146
Bheravo	86	Mātuposako	111
Bhesmā	159	Mānasaṃ	67
Bhojanaṃ	55	Mānusaṃ	65
Bhojaputtā	172	Mānusa	99
Maṅgalasampannaṃ	38	Māpayitvāna	54
Maccuno	180	Mālāvaccharaṃ	181
Mattikaṃ	79	Migānaṃ	146
		Mittadubbhiraṃ	147

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ra]	
Muccitvā	191	Rājā	36
Mutteti	139	Rājābhirājā	199
Muddhaphālanam	153	Rājuyyāne	132
Mettāya	251	Rājūpajīve	256
[Ya]		Ropeti	30
Yakkho	139, 158	[La]	
Yajanā	62	Latṭhihato	200
Yaññatthe	243	Labhe	106
Yaññavāṭato	62	Lahu	139
Yathāpatthitam	141	Lābham	25
Yamasādhanam	69	Lābhena	200
Yasam	25	Liṅgasampatti	274
Yasasā	70	Luddā	172
Yasesu	261	Lokaṁ	204
Yasokaro	160	Lomahamsanam	88
Yācakaṁ	38	Lohena	161
Yācaye	80	[Va]	
Yācayogena	57	Vaṭṭamanukkipam	237
Yāpanamattakaṁ	118	Vanacaro	111
Yāpaya	66	Vaniṁ	68
Yiṭṭham	33	Vanibbake	45, 70
Yogena	156	Vanibbako	44
[Ra]		Vanibbato	68, 72
Rajagate	108	Varam	48
Rajabhūtam	161	Vara	76
Raṇṇo	163	Varuttame	77
Ratṭhavaḍḍhana	66	Vasamānayim	186
Rattibhattam	107	Vāto	77
Ramme	142	Vāmaṁ	66
Rājakiriyāni	186		

Padānukkamo	Piṭṭhaṅko	Padānukkamo	Piṭṭhaṅko
[Va]		[Sa]	
Vāsaṃ	170	Sāmpīḷe	191
Vāsakāle	239	Sāmvacchare	225
Vāsavena	199	Sāmviggamānasā	260
Vāhane	146	Sāmviggamānaso	67
Vikatthamānā	200	Sāmvijjīṃ	178
Vicaranto	138	Sāmsito	122
Vicintayim	29	Sakañātibhi	191
Vijjati	209	Sakabhuttā	62
Viññāya	112	Sakamattānaṃ	106
Viññū	140	Sakalaṃ	109
Vitathaṃ	66	Sakkena	249
Vinicchayaṃ	211	Sakhilā	325
Vinivijjhante	172	Saggagamanatthāya	118
Vindati	146	Sāṅkati	200
Vipāko	188	Sāṅkappaṃ	107
Vipinakānane	21	Sāṅkappo	67
Vibhajja	188	Sāṅkhipimsu	88
Vibhāvaya	211	Sāṅgahavatthūhi	255
Viravante	192	Sāṅgānavijayuttamaṃ	38
Vilaggamajjhe	33	Saccam	222
Vivādam	325	Saccatejabalassito	232
Vivitte	142	Saccavācānurakkhiya	266
Vissuto	181	Sajanaṃ	191
Viharāmi	21	Satabhāgo	62
Vuḍḍhāpacāyī	181	Sattakkhattuṃ	103
Vegā	188	Sattarajjesu	48
Vejjam	45	Sattarājapurohito	46
Vebhaṅgo	188	Satthāradassanaṃ	275
Vessānaṃ	79	Sadatthaṃ	137
Vessantaro	79	Sadātthuto	160

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Saddāyanto	226	Saraṭṭhake	256
Sanantanāṁ	50	Sarājake	179
Sanigamaṁ	191	Sarīrakiccaṁ	118
Sanegamā	179	Sarīrānugataṁ	113
Santaṁ	83	Sallapante	101
Santatto	24	Sallāpaṁ	89
Santi	227	Sallite	238
Santuṭṭho	107	Sasako	104
Sabalaṭṭhe	256	Sasatthahatthūpagataṁ	166
Sabbaṅgasobhanā	88	Sasāgarantaṁ	172
Sabbalokānukampako	157	Sahagahite	112
Sabbasamāgatānaṁ	200	Sahajā	134
Sabhāvaṁ	80	Sahadaṭṭho	237
Samako	261	Sahanto	141
Samaggaṁ	223	Sahāyā	202
Samaggā	325	Sahāyo	234
Samatiggayha	74	Sahorodhe	179
Samasādisaṁ	113	Sāgarūpamaṁ	48
Samāgatā	84	Sāmaññā	184
Samādānaṁ	38	Sārattagadhito	133
Samānaya	108	Sāvayitvā	86
Samāpanno	211	Sāvayum	195
Samitto	157	Sāhukāraṁ	88
Samimhā	159	Sineruvanavaṭṭamaṁsakā	81
Sambhāvayamāno	327	Sivayo	84
Sammānanāvamānane	267	Sīmantiṇīnaṁ	200
Sammāpaṇidhī	188	Sīlaṁ	254
Sayambhum	29	Sīlaguṇaṁ	163
Saraṭṭhakaṁ	191	Sīlabalā	175
Saraṭṭhakā	179	Sīlabbataṁ	118

Padānukkamo	Piṭṭhaṅko	Padānukkamo	Piṭṭhaṅko
		[Sa]	
Sīlarakkhāya	113	Semi	118
Sīlavā	181	Seḷasitthisahassānaṃ	209
Sukhasamappite	117		
Sukhedhito	34	[Ha]	
Suññe	21	Hañchati	161
Suṇohi	20	Haṭṭhā	260
Sutadhammo	163	Haṭṭho	67
Suttapoto	104	Hadayabandhanaṃ	108
Subbhūru	33	Harātu	118
Sumāpaya	91	Himsitaṃ	230
Sumāpayi	91	Hitakāmā	212
Suvāsitaṃ	202	Hitesinaṃ	195
Susamāhito	149	Hitvā	50
Susāne	260	Hirīmā	181
Susīlavā	131	Hirīsukkaṃ	194
Sussoṇi	33	Hirīsukkadhammajahito	184
Sūriyasantāpe	229	Hīḷitā	140
Sūriyātape	178	Hīnaṃ	191
Seṭṭhe	202	Hutaṃ	33
		Hetu	274

Cariyāpiṭakaṭṭhakathāya

Lakkhitabbapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akittikumārassa saṃviggo	21	Annapanādideyyadhammo	
Akittitittha	22	bahuko siyā	100
Akittidvāra	22	Apalitaḅhāvo	77
Aggamahesibhāvo	77	Apāyadukkha	131
Agginā anabhibhavanīyatta- kappaṭṭhiyaṭṭhānaṃ	228	Appamādena sampādettha	326
Āṅgapariccāga	97	Abrahmacariyā viramaṇassa phalaṃ	302
Acchariyabbhutadhammā cattāro	281	Abhayadāna	295
Ajjhattikadātabbavatthu	295	Abhijjhāya viramaṇassa phalaṃ	302
Ajjhattikabalaṃ	280	Abhinīhārakkhaṇe bodhisattā tividhā	321
Ajjhāsaya cha	282	Abhinīhārassa paccayā cattāro	277
Atthacariyā	181, 255	paṭhamahetu	278
Adinnādānā viramaṇassa phalaṃ	301	dutiyahetu	278
Adosajjhāsaya	282	tatīyahetu	278
Adhikāra	16, 274	catutthahetu	278
Adhiṭṭhānapāramī	27, 175	Abhinīhārassa lakkhaṇarasādīni	276
Adhiṭṭhānapāramiyaṃ paccavekkhaṇānayo	292	Abhinīhārā aṭṭha	16, 274
Adhiṭṭhānāni cattāri	314	Amacca	257
Adhiṭṭhānidḍhi	154	Amanussā nāma ayo- gharena bhāyanti	190
Anunnatakucchibhāvo	77	Amarāṇadhammo nāma koci satto natthi	167
Antarasaddassa atthuddhāro	16	Amohajjhāsaya	282
Annadāna	295		
Annapanādideyyadhammaṃ aparikkhayaṃ pasannacitto dadeyyaṃ	100		

Padānukkamo	Piṭṭhaṅko	Padānukkamo	Piṭṭhaṅko
[A]		[U - O]	
Ariyiddhi	154	Ugghaṭitaññū	321
Ariyūpavādassa khamāpanaṃ	156	Ugghaṭitaññūnaṃ	
Alambatthanaṭā	77	dhammābhisamayo	321
Alobhajjhāsaya	282	Upanissayabalaṃ	280
Avatthānaṃ	282	Upapāramiyo dasa	312
Avidūrenidānaṃ	3	Upasamādhiṭṭhānaṃ ante	315
Asaṅkhyeyyakappāni cattāri	11	Upekkhāpāramī	27, 175
Asaṅkhyeyyakappa		Upekkhāpāramiyaṃ	
paricchedā	12	paccavekkhaṇaṇayo	292-3
Asaṅkhiya,asaṅkhyeyyānaṃ		Uposathādhiṭṭhānaṃ aṅgāni	
viseso	12	cattāri	118
Asippassa ādīnavā	142-3	Ummaṅgo	282
Assattho assāseyyaṃ	274	Ussāho	282
[Ā]		Odapattikā	133-4
Ādeyyavacanāṭā	323	[Ka]	
Āposamvaṭṭakappa	11	Kaṇhājinā	81
Ābhassara	11	Kapilavatthuto Rājagaha-	
Āmisadāna	295	nagaraṃ saṭṭhiyojanikaṃ	5
Āyatanacariyā	17	Kappa	11
Āyusampadā	323	Kappasaddassa atthuddhāro	9, 10
Āvasatha	295	Kappassa sāsapūpamā	11
Āhārapariyeṭṭhimūlakadukkha	131	Kammavipākajiddhi	154
[I]		Kalyāṇamittassa lakkhaṇaṃ	280
Ijjhati bhikkhave sīlavato		Kālavibhāgo aparo nayo	320
cetopaṇidhivisuddhattā	286	Kālasampādanassa	
Itthīnaṃ vasaṃ na		uparimaparicchedo	320
gaccheyyaṃ	100	majjhimaparicchedo	320
Itthī nāma brahmacariyassa		heṭṭhimaparicchedo	320
malaṃ	90		
Iddhiyo dasa	154		
Iriyāpathacariyā	17		
Issariyasampadā	323		

Padānukkamo	Piṭṭhaṅko
[Ka]	
Kāḷakaṇṇivasantagehassa	
antarāyā tayo antepure	214
Kīḷanakaṃ anantthūpasamhitaṃ	
pamādāvahaṃ dānaṃ na deti	
mahāpuriso	295
Kumbhīlā nimmīlanti akkhīni	
mukhe vivaṭe	222
Kulasampadā	323
Kodhassa ādīnavā	136
[Kha]	
Khantipāramiyaṃ	
paccavekkhaṇānayo	290-1
Khantipāramī	27, 175
Khīramūlassa sahaṣsaṃ	46
Khīrapānena sinehaṃ	
uppādeti	164
[Ga]	
Gaṇha nāgaṃ, maṇiṃ me dehi	120
Gandhadāna	295
Garudhammassa ānisaṃsā	40
Garudhammāti vuccanti pañca	
sīlāni	39
Gāthā nava	2
Guṇavisesayuttaputtapaṭi-	
lābho	77
Guṇasampatti	16, 274
[Ca]	
Cakkavattī	40
Catuvīsati Buddhānaṃ	
byākaraṇaṃ	14

Padānukkamo	Piṭṭhaṅko
[Ca]	
Cande sasalakkhaṇaṃ	
kappaṭṭhiyaṃ	109, 168
Cariyā aṭṭha	17
Cāga	222
Cāgādhiṭṭhānaṃ	314-5-6
Cāgādhiṭṭhānaṃ majjhe	315
Cārittasiḷa	301
Cārittasiḷe paṭipattikkamo	303-4-5
Cittadukkhaṃ sarīradukkhena	
tanukaṃ bhaveyya	95
Cīrakālabhāvanā	19
[Cha - Ja]	
Chattupāhanadānassa	
nissando	30, 31, 33
Chandatā	16, 274
Chātakabhaya	37
Jambudīpatale hiraññasuvaṇṇaṃ	
jātaṃ nāgabhavanato	130
Jarā	131
Jātaveda	227
Jātamattova kathesi bodhisatto	
pacchimattabhava	
tīsu ṭhānesu	80
Jāti	131
Jālī	81
Jīvitadānaṃ dhammadāne	
saṅgahaṃ gacchati	300
Jīvitapariccāga	97

Padānukkamo	Piṭṭhaṅko
[Ja - Ña]	
Jetuttaranagarato Cetaraṭṭham	
timsayojanikaṃ	88
Ñānacariyā	17
Ñānavipphāridhi	154
[Ta]	
Tāpasānaṃ sapatthavacanāni	
	197-8-9, 200
Tiṇṇo tāreyyaṃ	274
Tiracchānayoniyaṃ nibbatti	
bodhisatto tiracchā-	
nānaṃ anuggaṇhanattham	104
Tejosaṃvaṭṭakappa	274
[Da]	
Dasakusalakammapatthadhammo	
pubbe pāturaḥosi	
imasmim loke	160
Dātabbavatthu duvidhaṃ	295
Dānaṃ tividhaṃ	295
Dānaṃ dadantena kammaṅca	
phalaṅca saddahitvā	
dātabbaṃ	240
Dāna	181, 255
Dāna-upapāramī	312
Dānaparamatthapāramī	312
Dānapāramī	35, 180, 312
Dānapāramiyā	
paṭipattikkamo	295-6-7-8-
	9,300
Dānapārami-ādīnaṃ	
paṭipakkhadhammā	294-5

Padānukkamo	Piṭṭhaṅko
[Da]	
Dānapārami-ādīnaṃ	
saṅkilesā	294
Dānapāramiyaṃ	
paccavekkhaṇānayo	284-5
Dānavinibandhā cattāro	318
catutthadānavinibandha	318-9
tatiyadānavinibandha	318
dutiyaḍānavinibandha	318
paṭhamadānavinibandha	318
Dānasālāyo cha pañca	
	29, 36, 47, 54, 62, 64,
	78, 248, 255
Dānādīnaṃ padaṭṭhānāni	314
Diṭṭhamaṅgalikā	149
Dīpaṅkarabuddhassa	
byākaraṇaṃ	14
Dubbhikkhabhaya	37
Dūrenidānaṃ	3
Devaputtānaṃ vivādakaraṇaṃ	158
Desadhamma	150
Desadhammo nāma atthi	
yattha yattha	150
Desanākkamo	270-1-2
Dosāgatiṃ agamaṇaṃ	317
[Dha]	
Dhanapariccāga	97
Dhamma	222
Dhammadāna	295
Dharamānakabuddhānaṃ eva	
santike Buddhattaṃ patthanā	
samijjhati	275

Padānukkamo	Piṭṭhaṅko
[Dha - Na]	
Dhiti	222
Nābhiparāmasanagabbha	251
Nikāyā pañca	2
Nidānānaṃ paricchedā	3
Nidānāni tīṇi	3
Nirantarabhāvanā	19
Nissaraṇajjhāsayaṭā	282
Nīlanettatā	17
Nīlabhamukatā	77
Nekkhammajjhāsayaṭā	282
Nekkhammapārami-ādīnaṃ liṅgāni	279
Nekkhammapāramiyaṃ paccavekkhaṇānayo	287-8
Nekkhammapāramiyā paṭipattikkamo	306-7
Nekkhammapāramī	27, 175
Neyya	321
Neyyassa dhammābhisamayo	321
[Pa]	
Paccayagaja	82
Paccavekkhaṇāvidhi	283
Paccāmittānaṃ atikkamaṇadhammā cattāro	222
Pañca mahāpariccāge aparicca- jitvā Buddhā nāma bhūtapubbā natthi	98
Paññākaruṇānaṃ phala- siddhibhāvo	281-2

Padānukkamo	Piṭṭhaṅko
[Pa]	
Paññādhikabuddhānaṃ adhigantabbaparicchedo sammāsambodhi	320
Paññādhiṭṭhānaṃ	314-5-6, 315
Paññāpāramiyaṃ paccavekkhaṇānayo	288-9
Paññāpāramiyā paṭipattikkamo	307-8-9
Paññāpāramī	27, 175, 180
Pattānumodanakammaṣṣa phalaṃ	34
Patticariyā	17
Padīpa	295
Pabbajjā	16, 274
Payogabalaṃ	281
Paradāraṃ na gaccheyya	100
Paramatthapāramiyo dasa	312
Parinibbuto parinibbāpeyyaṃ	274
Parūpaghātāvahaṃ satthavisamajjādikaṃ na deti mahāpuriso	295
Pavivekajjhāsaya	282
Pāṇātipātā viramaṇassa phalaṃ	301
Pānadāna	295
Pāramīnaṃ lakkhaṇarasādīni	272-3
Pāramīnaṃ saṅgaho	313
Pāramiyo samattimāsa	312
Pāramiyo dasa	27, 35, 175, 180, 258, 261-2

Padānukkamo	Piṭṭhaṅko
[Pa]	
Pāramī	270
Piṭakāni tīṇi	2
Piyavacana	181, 255
Puññavatiddhi	154
Puttapariccāga	97
Putto me dīghāyuko siyā	100
Punadeva rajje patiṭṭhāpanaṃ bhavyeyyaṃ	100
Purissasseva Buddhattapatthanā samijjhati	274
Petānampi pattim dinnam dānakāle	55
Pesuññā viramaṇassa phalaṃ	302
Porāṇakarājūnaṃ vassāpanaṃ	37
Porisāda	240
[Pha]	
Pharusavācā viramaṇassa phalaṃ	302
Phussatītināmaṃ	77
Phussatīdevaccharāya gahitavarā dasa	77
Phoṭṭhabbadāna	295
[Ba]	
Bārāṇasinagarassa porāṇanāmāni	177
Bāhiradātabbavatthūni dasa	295
Bāhirabalaṃ	280
Buddhakāradhammā dasa, keci cha	270

Padānukkamo	Piṭṭhaṅko
[Ba]	
Buddhabhāve chandamahanta- tāya opammaṃ	275-6
Buddhabhāvo nāma natthi itthibhāvena	274
Buddhabhāvo nāma natthi gahaṭṭhabhāvena	275
Buddhabhūmiyo	282
Buddhavaṃsaṃ pālessāmīti dhammaṃ eva sakkaronto tattha cittaṃ ṭhpeti	277
Buddhavaṃsadesanā	6
Buddhasuññakappassa paricchedo	15
Buddhānaṃ anusāsanī	325
Buddhānaṃ antarakālagāṇanaṃ	15
Buddhānaṃ āṇakhettaṃ	11, 12
Buddhānaṃ sāsanam	324
Buddhānubhāvapaṭisaṃyuttaṃ dhammaṃ suṇitvā tattha cittaṃ ṭhpeti	277
Buddhānubhāvaṃ passitvā tattha cittaṃ ṭhpeti	277
Buddhānubhāvaṃ suṇitvā tattha cittaṃ ṭhpesi	277
Buddho bodheyyaṃ	274
Buddho uppajjati loke pabbajitabhāveneva	275
Bodhisattānaṃ dhammābhisayo	321-2-3
Bodhisattānaṃ dhammatā	19
Bodhisattānaṃ sampadā	323

Padānukkamo	Piṭṭhaṅko
[Ba]	
Bodhisaddassa atthuddhāro	18
Bodhisattassa mahābhinnikkha- manāṃ ekūnatimsavasse	4
Bodhisambhāresu bhāvanā catasso	19
Byādhi	131
Byāpādā viramaṇassa phalaṃ	302
Brahmalokā gatā itthī	132
[Bha]	
Bhayāgatim agamaṇaṃ	317
Bhayāni tīṇi	37
Bhāriyapariiccāga	98
Bhāvanā catasso	19
Bhūridatta	116
[Ma]	
Makkhikaṃ sūlena vijjhitassa doso	235
Maggacariyā	17
Maccharājassa saccakiriyakaraṇaṃ	230
Macchā nidhīti vuccanti	231
Maṇimekhalāya rakkhaṇaṃ	32
Manussattaṃ	16, 274
Manussattabhāveveva Buddhattaṃ patthentassa patthanā samijjhati	274
Manomayiddhi	154
Maraṇaṃ	131
Mahākappa	12
Mahānubhāvatā	323

Padānukkamo	Piṭṭhaṅko
[Ma]	
Mahāpathavī catunahutādhika- dviyojanasatasahassabahalā	162
Mahāpadhānaṃ padahati chabbassāni	4
Mahāpariccāgā pañca	98, 263
Mahāpurisassa upanissayasampadā	278
Mahāpurisassa ajjhattikadāne pariccattaniyamo	296-7
Mahāpurisassa cetopaṇidhi	298-9
Mahāpurisassa dānaniyamo dānavatthūsu	295-6
Mahāpurisassa dānaniyamo dhammadāne	297
Mahāpurisassa dānapāramiyā liṅgāni	279
Mahāpurisassa sīlapāramiyā liṅgāni	279
Mahāsattānaṃ sammāsambodhiṃ apāpuṇanakāraṇāni	321
Mahāsutasomaraṇṇo gahitavarā cattāro	248
Mahāsutasomassa upāyakusalatā	248
Mātā nāma puttassa bahūpakārā	115
Mātupaṭṭhānaṃ nāma paṇḍitena paññattaṃ	115

Padānukkamo	Piṭṭhaṅko
[Ma]	
Mānatthaddhānaṃ ādīnavo	150
Mārassa mārakāyikānaṃ devatānaṃ na deti mahāpuriso	297
Mālādāna	295
Migavaṃ	164
Micchādassanā viramaṇassa phalaṃ	302
Mutto moceyyaṃ	274
Musāvādā viramaṇassa phalaṃ	302
Mettāpāramiyaṃ paccavekkhaṇānayo	292
Mettāpāramī	27, 175
Mohāgatiṃ agamaṃ	317
[Ya]	
Yakkhānaṃ lakkhitabbakāraṇaṃ	168
Yaññayaṇassa doso	61
Yānadāna	295
Yugalaśiddhiyo	313-4
Yugalā pañcadasa	313-4
[Ra - La]	
Rasadāna	295
Rūpadāna	295
Rūpadānādīnaṃ vibhāvanā	299, 300
Rūpasampadā	323
Rūpādīnaṃ dātabbavattḥūni chabbidhāni	295
Rogabhaya	37
Liṅgasampatti	16, 274
Lokatthacariyā	17

Padānukkamo	Piṭṭhaṅko
[La]	
Lokavivaraṇapāṭihāriya	5
Lobhāgatiṃ agamaṃ	317
[Va]	
Vajjhajanānaṃ mocanasamatthata	77
Vajjhappattaṃ vadhato moceyyaṃ	100
Vaṭṭamūlakadukkhā	131
Vaṭṭarājassa saccakiriyakaraṇaṃ	228
Vatthadāna	295
Vassavalāhakadevarājā meghagītaṃ gāyati	231
Vāyosaṃvaṭṭakappa	11
Vārittasīla	301
Vārittasīle paṭipattikkamo	301
Vikubbaniddhi	154
Vijjāmayiddhi	154
Vipañcitaññū	320
Vipañcitaññūnaṃ dhammābhisamayo	321
Vilepanadāna	295
Vivaṭṭakappa	11
Vivaṭṭatṭhāyikappa	11
Vīriyapāramiyaṃ paccavekkhaṇānayo	289, 290
Vīriyassa aṅgāni cattāri	118
Vīriyapāramiyā paṭipattikkamo	309, 310-1
Vīriyapāramī	27, 175
Vīriyādhikabuddhassa adhigantabbaparichedo sammāsambodhi	320
Vejjakammaṃ na karoti pabbajito	237

Padānukkamo	Piṭṭhaṅko
[Va]	
Vessantarabhāve sattakkhattuṃ	
mahāpathavī akampittha	103
Vessantararājassa gahitavarā	
aṭṭha	100
Vehapphalā	11
[Sa]	
Samvattakappa	11
Samvattakappassa sīmā	11
Samvattakappā tayo	11
Samvattatṭhāyikappa	11
Samvegavatthūni aṭṭha	131
Samvego jāto palitena	53
Sakkaccabhāvanā	19
Saṅgahavatthādhiṭṭhānehi	
sampayogā cattāro	320
Saṅgahavatthūni cattāri	181, 255,
	319
Sacca	222
Saccakiriyānaṃ balaṃ	60-1
Saccapāramitācakkhūni	73
Saccapāramiyaṃ	
paccavekkhaṇānayo	292
Saccapāramī	27, 175
Saccādhiṭṭhānaṃ	314-5-6
Saccādhiṭṭhānaṃ ādimhi	315
Saccāpanaṃ nāma mahābodhi-	
sattānaṃpaveṇīkulavaṃso	246
Satārahagāthāyo	244, 247
Saticariyā	17

Padānukkamo	Piṭṭhaṅko
[Sa]	
Sattasatakamahādānaṃ	85
Satthāradassanaṃ	16, 274
Saddadāna	295
Saddhādhikabuddhassa	
adhigantabbaparicchedo	
sammāsambodhi	320
Santikenidānaṃ	3
Santo sameyyaṃ	274
Sabbasattānaṃ avassayo	
bhaveyyaṃ	100
Sabbasaddassa atthuddhāro	18
Sabbasambhārabhāvanā	19
Samādhicariyā	17
Samādhivipphāridhi	154
Samānattatā	181, 255
Sampādanūpāyo	317, 319
Samphappalāpā viramaṇassa	
phalaṃ	302
Sammāsambuddhā aṭṭhavāsati	14
Sasatthuto	168
Sīlaṃ duvidhaṃ	301
Sīlapāramiyaṃ	
paṭipattikkamo	300-1, 305-6
Sīlapāramiyaṃ	
paccavekkhaṇānayo	285-6-7
Sīlapāramī	27, 180
Sukhumacchavitā	77
Suddho sodheyyaṃ	274
Sumedhatāpasassa kāya-	
veyyāvaccakaraṇaṃ	14
Sumedhabrahmaṇassa	
jātiṭṭhānaṃ	12

Padānukkamo	Piṭṭhaṅko	Padānukkamo	Piṭṭhaṅko
[Sa - Ha]		[Ha]	
Subhakiṇhā	11	Hitacariyā	282
Setagajo abhimaṅgalasammato	82	Hiraññasuvaṇṇaṃ	
Seyyadāna	295	nāgabhavanato jātaṃ	130
Sobhanadevo	231	Hīna, majjhima, uttamasīlānaṃ	
Hatthimahussava	115	phalapavattanaṭṭhānaṃ	57
		Hetu	16, 274

Cariyāpiṭakatṭhakathāya

Nāmānaṃ anukkamaṇikā

Nāmānukkamo	Piṭṭhaṅko	Nāmānukkamo	Piṭṭhaṅko
[A - Ā]		[Ā]	
Akitti (tāpasa)	21, 24, 27	Ānandatthera	35, 40-1, 43, 58, 75, 109, 124, 137, 148, 175, 180, 202, 208 ādipiṭṭhesu
Akitti (brāhmaṇa)	110, 263	Ālāra (kuṭumbika)	173, 175
Akittitittha	22	[I - U - E]	
Akittidvāra	22	Indapattha (nagara)	36-7, 181, 240, 245
Aṅgulimālatthera	169, 249	Uggasena (rājā)	127, 131
Accimukhī (nāginī)	123-4	Udena	156
Accuta (tāpasa)	103	Upakañcana (kumāra)	196-7
Añjana (maṅgalahatthī)	36	Uppalavaṇṇā (therī)	35, 40, 63, 103, 124 ādipiṭṭhesu
Aññāsikoṇḍañña	4	Uruvela (vana)	4
Aṭṭhisena (paribbājaka)	267	Uruvelakassapa (jaṭila)	4
Atthadassī (Buddha)	15	Ussadaniraya	5, 210
Adhamma (devaputta)	158, 162	Ekarājā (rājā)	59, 254, 258
Anuruddhatthera	27, 40, 58, 75, 103, 202, 254	[Ka]	
Anomadassī (Buddha)	14-5	Kakusandha (Buddha)	15-6
Amaravatī (nagara)	5	Kaccānatthera	40
Amittatāpāna (brāhmaṇī)	91, 103	Kañcana (kumāra)	193-4-5
Ayoghara (kumāra)	189, 190	Kañcana (tāpasa)	202
Araka (paṇḍita)	265	Kañcanadevī	193-4-5
Ariṭṭha (nāgakumāra)	116	Kaṇḍambarukkha	5
Ariṭṭhapura (nagara)	64		
Alampāyana (brāhmaṇa)	120-1, 123		
Alīnasattu (kumāra)	163, 169		
Ahidīpa	22		
Āṇimaṇḍabya (tāpasa)	236, 240		

Nāmānukkamo	Piṭṭhaṅko
[Ka]	
Kaṇhadīpāyana (tāpasa)	233, 235-6, 240
Kaṇhavaṇṇā (nadī)	170
Kaṇhājīnā (rājadhītā)	81, 87, 93, 97, 103
Kapirāja	266
Kapila (nagara)	163
Kapilavatthu (nagara)	5
Kappakataruvana (uyyāna)	81
Kappāsika (vanasaṇḍa)	4
Kaliṅga (raṭṭha)	36-7, 100
Kaliṅga (rājā)	39, 91
Kassapa (Buddha)	14-5
Kassapaṭṭha	40, 63, 254
Kāṇāriṭṭha (nāgakumāra)	122, 124-5
Kāradīpa	22
Kārarukkha	22
Kāvīrapaṭṭana (uyyāna)	22
Kāsi (gāma)	132
Kāsiraṭṭha	234
Kāsirājā	209, 219, 267
Kāḷahatthī (senāpati)	240, 249
Kāḷudāyitthera	4, 202
Kudālapaṇḍita	265
Kuraṇḍaka (assamaṇḍa)	115
Kururaṭṭha	36, 240, 245
Kururājā	39
Kusāvati (nagara)	40-1
Ketumatī (nadī)	90

Nāmānukkamo	Piṭṭhaṅko
[Ka]	
Koṇāgamana (Buddha)	15
Koṇḍañña (Buddha)	14-5
Kontimārā (nadī)	88
Korabya (rājā)	240
Kolitatthera	40
Kosambika (rājā)	234
Kosambī (nagara)	234
Kosala (janapada)	255
Kosala (raṭṭha)	229, 231
[Kha]	
Khaṇḍahāla (purohita)	59, 60-3
Khantivāda (tāpasa)	265
Kharadāṭhika (yakkha)	98
Khujjuttarā (dāsī)	202
Khemabrāhmaṇa	267
[Ga]	
Gajaṅgala (nagara)	200
Gandhamādana (pabbata)	30, 90
Gayā (gāma)	18
Gijjhakūṭapabbata	6
Gotamīdevī	63
Govindabrāhmaṇa	47, 49-1
[Ca]	
Caṇḍoraṇa (pabbata)	111, 114
Candakumāra	59, 61
Candā (mahesī)	59, 60, 63, 209, 210, 214, 219
Campā (nagara)	125

Nāmānukkamo	Piṭṭhaṅko
[Ca - Cha]	
Campeyya (nāgarājā)	125, 131, 264
Ciñcamāṇavikā	103, 223
Citta (gahapati)	202
Cittakūṭa (pabbata)	58
Cittacūḷa (kacchapa)	116
Cūḷakammāsadamma (nigama)	169
Cūḷadhammapāla	267
Cūḷabodhi (paribbājaka)	131
Cūḷasutasoma	264
Cetaputta (luddaka)	91, 103
Cetaraṭṭha	87, 89
Chaddanta	264
Channa (amacca)	103
[Ja]	
Jayaddisa (rājā)	163-5
Jātimanta (brāhmaṇa)	152-7
Jālī (kumāra)	81, 87, 93, 97, 103
Jūjaka (brāhmaṇa)	91, 94-5, 100, 103
Jetuttara (nagara)	78, 88, 91-2, 100
Jotipāla (kumāra)	46-7, 266
[Ta]	
Takkasilā (nagara)	64, 165
Taṇhaṅkara (Buddha)	12, 14
Tissa (Buddha)	15

Nāmānukkamo	Piṭṭhaṅko
[Ta - Da]	
Temiya (kumāra)	208, 210, 218-9, 262, 266
Daṇḍabrāhmaṇagāma	88
Datta (nāgakumāra)	116
Dantapura (nagara)	37
Dabbasena (rājā)	255-8
Damīlaraṭṭha	22
Diṭṭhamaṅgalikā	149, 150-7
Dibbacakkhu (tāpasa)	185-6
Dibbacakkhuka (tāpasa)	169
Disampati (rājā)	47
Dīpaṅkara (Buddha)	3, 4, 12, 13, 15
Dīpāyana (kumāra)	234
Dukūla (kumāra)	249
Dukūla (tāpasa)	250-3
Devadatta	63, 103, 115, 124, 131 ādipiṭṭhesu
[Dha - Na]	
Dhataratṭha (rājā)	47, 116
Dhanañcaya (rājā)	36-7
Dhamma (devaputta)	157, 265
Dhammadassī (Buddha)	15
Nanda (kumāra)	203-8
Nandanavana (uyyāna)	81
Nandabrāhmaṇa	165, 241-2, 249
Nārada (Buddha)	14-5
Nālika (pabbata)	90
Nigrodha (rukkha)	90, 122, 241
Nigrodhārāma	1, 5, 9
Nimi (rājā)	52, 54, 56-8, 266

Nāmānukkamo Piṭṭhaṅko

[Na - Pa]

Nesāda (brāhmaṇa)	118-9, 120, 122, 124-5
Paccayagaja (maṅgalaṭṭhī)	81-2
Pañcālaraṭṭha	163
Pañcāvudha (kumāra)	265
Paṇḍukambala (silāsana)	117
Paduma (Buddha)	14
Padumuttara (Buddha)	14-6
Pārikā (kumārī)	249
Pārikā (tāpasī)	250
Pāricchattaka	117
Pālileyya (nāga)	202
Piyadassī (Buddha)	15
Piḷiyakkha (rājā)	252
Puṇṇatthera	40, 202
Pupphavatī (nagara)	59
Porisāda (yakkhinīputta)	163-6, 169, 204-8

[Pha]

Phārusakavana (uyyāna)	81
Phussa (Buddha)	15
Phussatī (devī)	76, 77-8, 84, 101

[Ba]

Bandhuma (rājā)	76
Bandhumatī (nagara)	76
Bārāṇasī (rājā)	174-5, 111
Bārāṇasī (nagara)	4, 21, 22, 29, 59 ādipiṭṭhesu

Nāmānukkamo Piṭṭhaṅko

[Ba]

Bimbisāra (mahārājā)	4
Bodhikumāra	132
Bodhiparibbājaka	134, 265
Bodhirukkha	18
Brahmadatta (rājā)	21, 47
Brahmavaḍḍhana (nagara)	202-3, 206

[Bha]

Bhaddakāpilānī	254
Bhaddavaggiya (rājaputta)	4
Bhaddasena	59, 63
Bharata (rājā)	47
Bhūridatta	116-7, 120, 122, 124

[Ma]

Magadharājā	4
Maghadeva (rājā)	53, 264
Maṅgala (Buddha)	14-5
Maṇimekhalā (devadhītā)	32
Maṇḍabya (kumāra)	156-7, 234
Maṇḍabya (tāpasa)	233, 235-6, 240
Maddī (devī)	84, 86-7, 89, 90, 92 ādipiṭṭhesu
Maddī (rājadhītā)	81
Madhuvāsītṭha	202
Manoja (rājā)	206, 208
Mahākapi	264-5
Mahākassapa	202, 249

Nāmānukkamo	Piṭṭhaṅko
[Ma - Ya]	
Mahāgovinda (brāhmaṇa)	46, 48, 52, 265
Mahājanaka (rājā)	110, 265
Mahānigrodha (rukkha)	117
Mahāniraya	5
Mahāmāyā (devī)	40, 63, 115
Mahārakkhita (tāpasa)	181, 189
Mahālomahaṃsa	262, 267
Mahāvānarinda	265, 267
Mahāsīlava (rājā)	265, 267
Mahāsutasoma (rājā)	110, 266
Mahāsudassana(cakkavattirājā)	40, 41, 43
Mahimsarājā	265
Mahosadha (paṇḍita)	265
Mātaṅga (paṇḍita)	149, 150-6
Mātali (devasārathi)	57-8
Mārañjanāgiri (pabbata)	88
Migasammata (nadī)	249
Mithilā (nagara)	52-3, 57-8
Missakavana (uyyāna)	81
Mucalinda (sara)	90
Medhaṅkara (Buddha)	12, 14
Moggallānatthera	4, 63, 109, 124, 202
Moḷinī (nagara)	29, 34
Yaññadatta (kumāra)	237
Yamunā (nadī)	117, 119
Yasa (setṭhiputta)	4

Nāmānukkamo	Piṭṭhaṅko
[Ya]	
Yugandhara (pabbata)	9
Yadhañjaya (kumāra)	117-8, 180, 262, 264
Yudhiṭṭhila (kumāra)	180
[Ra]	
Ramma (nagara)	177
Rammavati (nagara)	13
Rājagaha (nagara)	4, 6
Rāhula (Buddhaputta)	45, 63, 103, 240
Rāhulamātā	40, 63, 103, 131, 137, 169
Rurumigarājā	265
Reṇu (kumāra)	47-8, 51-2
Revata (Buddha)	14
[La]	
Laṭṭhivana (uyyāna)	4
Lokantara (niraya)	5
[Va]	
Vaṃsaraṭṭha	234
Vaṅkapabbata	88-9, 90-1
Vāraṇa	202
Vāsula (rājaputta)	59, 63
Videharaṭṭha	53
Vidhura (paṇḍita)	265
Vipassī (Buddha)	15-6, 76
Virūpakkha (nāgarājā)	116-7
Visayhasettṭhi	263

Nāmānukkamo Piṭṭhaṅko

[Va]

Visākhā	240
Vissakamma (devaputta)	188, 193, 217-8, 250
Vejayanta (pāsāda)	117
Vejayanta (ratha)	57-8
Vettavatī (nagara)	152
Vepulla (pabbata)	90
Velāma	263
Vessantara (kumāra)	79
Vessantara (rājā)	87, 89, 91, 101, 103
Vessabhū (Buddha)	15-6
Vessabhū (rājā)	47
Veḷuvana (vihāra)	4

[Sa]

Sakkaraṭṭha	1
Saṅkhapāla (nāgarājā)	170, 175-6, 264
Saṅkhabrahmaṇa	29, 263
Sacca (kumāra)	224
Sacca (tāpasa)	266
Sañjaya (kumāra)	78
Sañjaya (rājā)	79, 84, 92, 102
Sattabhū (rājā)	47, 51
Sanaṅkumāra (brahmā)	48-9
Sabbadatta (rājā)	177
Samuddajā (rājakaññā)	116
Saraṇānkara (Buddha)	12, 14
Sarabhaṅga	266

Nāmānukkamo Piṭṭhaṅko

[Sa]

Sasa (paṇḍita)	263
Sāgarabrahmadatta (rājaputta)	116
Sātāgira	202
Sāma (tāpasakumāra)	249, 267
Sāriputtatthera	4, 6, 7, 9, 21, 40, 63, 103-4, 109 ādipiṭṭhesu
Sāvatti (nagara)	229
Sikhī (Buddha)	15-6
Siddhattha (Buddha)	15
Sineru (pabbata)	81
Sivaka (vejja)	68, 70
Sivi (kumāra)	64
Siviraṭṭha	64
Sivirājā	64-5, 72, 74-5, 77-8
Silava (nāgarājā)	264
Sujāta (Buddha)	15
Sutasoma (kumāra)	240
Sutasoma (rājā)	241, 244, 246
Sudassana (nāgakumāra)	116, 122-4
Sudassana (mahāvihāra)	13
Suddhodana (mahārājā)	4
Sudhammā (sabhā)	56, 58
Sudhammā (aggamahesī)	182, 186
Sunakkhattatthera	124
Sunanda (sārathi)	215, 217
Subhaddādevī	45

Nāmānukkamo	Piṭṭhaṅko	Nāmānukkamo	Piṭṭhaṅko
[Sa]		[Sa - Ha]	
Subhoga (nāgakumāra)	116, 122, 124-5	Sūra	59, 63
Sumana (Buddha)	14	Sūriyakumāra	59, 63
Sumanā (nāgamahesī)	126, 129, 130-1	Senaka (paṇḍita)	265
Sumedha (tāpasa)	13	Selā (rājadhītā)	59, 63
Sumedha (Buddha)	15	Soṇa (kumāra)	203-6, 208
Sumedha (brāhmaṇa)	13	Soṇa (paṇḍita)	262
Suvaṇṇagirītāla (pabbata)	88	Soṇananda	262
Suvaṇṇabhūmi (nagara)	29	Sobhita (Buddha)	14
Suvaṇṇasāma (kumāra)	250,252, 267	Somadatta (kumāra)	118-9, 124
		Somanassa (kumāra)	183, 189, 264
		Hatthipāla (kumāra)	264

Cariyāpiṭakatṭhakathāya

Nānāpāṭhā

Paṭhamo mūlapāṭho, Sī = Sīhaḷapotthakaṃ, Syā = Syāmapotthakaṃ, Kam = Kambojapotthakaṃ, I = Inḡalisapotthakaṃ, Ka = kesuci Marammapotthakesu dissamānapāṭho, Ka-Sī = kesuci Sīhaḷapotthakesu dissamānapāṭho.

Nānāpāṭhā

Piṭṭhankā

[A]

Akālavuṭṭhidhārā = Akālavuṭṭhi (Ka)	136
Accimukhī = Ajamukhī (Ka)	123
Acchariyatāvacaṇato = Amacchariyatāvacaṇato (Sī)	271
Accinnadhāraṃ = Abbochinnadhāraṃ (Ka)	232
Accubbhantipi = Acchantipi (Sī)	48
Ajānāpetvā = Anārocetvā (Ka)	22
Aññāṇe = Aṭṭhāne (Sī)	283
Aññāsikoṇḍaññappamukhā = Aññātaḱoṇḍaññappamukhā (Ka)	4
Añño vā = Amacco vā (Sī)	134
Aṭṭabhūtaṃ = Andhatthabhūtaṃ (Sī)	45
Atittimaṃ = Akittimaṃ (Sī)	81
Atiduggandhavāyanena = Akittiduggandhavāyanena (Sī)	139
Atimuttakasuṇe = Adhimuttakasuṇe (Jātaka-Ṭṭha 4. 28 piṭṭhe)	234
Ativimhayatā = Avimhayatā (Ka)	58
Attā me na ca dessiyo = Napi dessaṃ mahāyasam (Sī, Ka)	266
Ananuññātāya = Aññātākāya (Sī)	138
Anubhavatopi = Anubhavantopi (Ka)	125
Avatṭhānanti = Avatthānanti (Sī)	253
Anavasumbhetvā = Amuñcitvā (Sī)	252
Anuciṇṇam mahāpatham = Āsevitānisevitam (Sī, Ka)	270

Nānāpāṭhā

Piṭṭhānkā

[A - Ā]

Anuṭṭhānaṃ = Anupaṭṭhānaṃ (Ka)	52
Anupubbikathā = Ānupubbikathā (Sī)	21
Anubhavatopi = Anubhavantopi (Ka)	125
Andhassa = Atthassa (Ka)	68
Anvatthanāmena = Attano nāmena (Ka)	254
Apagamanena = Accayena (Sī)	209
Aparamariyā = Aparantapanīyā (Sī, Ka)	8
Apaloketvā = Oloketvā (Sī)	86
Appiyenapi dadanto = Appiyo santo (Ka)	161
Abhibhuyyamānaṃ	
dukkhavedanaṃ = Abhibhuyyamānadukkhavedano (Sī)	71
Abhivinayanaṃ = Abhinivesanaṃ (Sī)	320
Alampāyanamantaṃ = Ālambāyanamantaṃ (Sī)	119
Allāpasallāpaṃ = Ālāpasallāpaṃ (Ka)	120
Avatṭhānanti = Avatṭhānanti (Sī)	253
Aviditavipulānatthāvahena = Aviratavipulānatthāvahena (Sī)	210
Avisaṃvādibhāvena = Avisamvādādibhāvena (Sī)	223
Ahituṇḍika = Ahiguṇṭhika (Sī)	122
Ākaḍḍhi = Ākaḍḍhati (Sī)	93
Ākāseṇa = Ākāse (Sī)	227
Āgacchantūti = Gacchantūti (Ka)	21
Āgañchi = Āgacchati (Sī, Ka)	30
Ācārasampattiṃ = Ākārasampattiṃ (Ka)	174
Āyāpāya-upāyakosallabhūtā = Āyāpāyakosallabhūtā (Sī)	308
Ārambhapāramimadhigacchati = Ārambhapāramadhigacchati (Ka)	289
Ārāmuyyānataḷākavanadānaṃ = Tapovanadānaṃ (Ka)	298
Ārocāpetvā = Ārocetvā (Ka)	182
Ālasiyadīnatābhāvo = Ninnatābhāvo (Ka)	282
Āliṅgetvā = Āliṅgitvā (Ka)	34
Āhunapāhunavasena = Āhunapāhunavasena (Ka)	33

Nānāpāṭhā

Piṭṭhaṅkā

[I - U]

Idaṃ = Etaṃ (Ka)	300
Indapatthe = Indapatte (Sī)	36, 181
Imaṃ = Naṃ (Ka)	167
Imā hi = Imāpi (Ka)	160
Ime = Imesaṃ (Ka)	101
Ukkaṃsagatāya = Ukkaṭṭhasaṅgahako (Ka)	175
Uggatāpanaṃ = Uggatapaṃ (Sī)	184
Uggiramānaṃ = Uggiriyamānaṃ (Ka)	98
Uṭṭhāpanato = Upaṭṭhāpanato (Sī)	132
Udakatumba = Udakakumbhi (Sī)	41
Udakasittāni = Udakasinnāni (Ka)	22
Upakkhalanaṃ = Upalakkhaṇaṃ (Sī)	134
Upagacchati = Nupagacchati (Ka)	305
Upaḍḍharajjampi = Uparajjampi (Ka)	206
Upanetunti = Patāretunti (Sī)	195
Ubbhijji = Ubbatti (Ka)	81
Ummūlento = Uppīlento (Ka)	77
Ussāha-ummaṅga = Ussāha-ummagga (Sī)	282

[E - O]

Etaṃ = Evaṃ (Sī)	299
Etesaṃ pamilāpetvāti = Ete sampamilāpetvāti (Sī)	243
Okkamāpetvā = Okkāmetvā (Ka)	159
Oṭṭhubhanādinā = Niṭṭhubhanādinā (Sī)	267
Odapattakiyāti = Odapattakiniyāti (Sī)	134
Odahitvā = Olambetvā (Sī)	142
Olokento = Oloketvā (Ka)	210
Ovijjhitāṃ = Oviijhitvā (Sī)	172
Osiñci = Opi (Sī)	127
Ohadetīti = Ohanetīti (Sī, Ka)	139

Nānāpāṭhā

Piṭṭhānkā

[Ka]

Kaṇayaggasadiṣehi = Kaṇḍaggasadiṣehi (Sī)	229
Kadāci = Kadāci kadāci (Ka)	177
Kambalageṇḍukaṃ = Kambalabheṇḍukaṃ (Sī)	71
Karaṇuttariyakaraṇalakkhaṇā = Karaṇuttariyalakkhaṇā (Ka)	137
Karissāmi taṃ = Karissāmīti (Sī)	2
Karīsāvacchādanā = Karīsāvacchādanasukhaṃ (Sī, Ka)	306
Karuṇekarasatā = Karuṇokāsatā (Sī, Ka)	311
Kareṇukā = Kaṇerukā (Sī, Ka)	82
Kasmā ca pana tvaṃ = Tathā hi pana tvaṃ (Ka)	186
Kahāpaṇakabhaṇḍikaṃ = Kahāpaṇamāsakabhaṇḍikaṃ (Sī)	186
Kākā vā itare vā = Kākā divā itare (Ka)	229
Kāmūpasamanato kāmāpariḷāhavūpasamanato = Kammūpasamanato kammāpariḷāhavūpasamanato (Ka)	315
Kāyārahaṃ = Kāyappasādaṃ (Sī)	14
Kāraṇaṃ = Karaṇena (Sī, Ka)	140
Kāḷavettayaṭṭhiyo = Tālavettayaṭṭhiyo (Sī)	171
Kicchesu = Kiccesu (Sī)	319
Kiñca = Kiñci (Sī)	275
Keci = Ye keci (Sī)	259

[Kha - Ga]

Khaggabandhā = Khaggahatthā (Sī)	187
Gaṅgāya = Gaṅgāvahe (Sī)	146
Gacchanto = Āgacchanto (Ka)	252
Gajaṅgalanagaraṃ = Kajaṅgalanagaraṃ (Sī)	200
Gabbhaṃ = Naṃ gabbhaṃ (Ka)	182
Gamanavīthi = Gamanavidhi (Ka)	293
Garudhamme = Kurudhamme (Sī, Ka)	39
Gāmaṇḍalāti = Gomaṇḍalāti (Sī, Ka)	260
Guṇasambhāvanāpākaṭo = Guṇasambhāvanāsakkato (Sī)	159

Nānāpāṭhā

Piṭṭhaṅkā

[Gha - Ca]

Ghātakāvacchādanā = Ghātakāvacchādanakisālayo (Sī, Ka)	306
Caturassasālavasena = Catusālavasena (Sī, Ka)	189
Catuvīsati-akkhobhanīparimāṇāya = Catuvīsati-akkhobhiṇī- parimāṇāya (Sī, Ka)	207
Candasamānasommavaravaṇṇatāya ca = Candasamāna- sommavadanatāya ca (Sī)	240
Cāgasuta = Sati (Sī, Ka)	313
Cittacūlena = Cittasūlena (Sī)	116
Cintanaṃ = Vitathaṃ (Sī)	66

[Ja]

Jaṭākalāpaṅca = Jaṭāmaṇḍalaṅca (Sī)	14
Jaṭilahīlitānaṃ = Jaṭilahīlitānaṃ hīlitajaṭilānaṃ (Ka)	185
Jāyi = Nibbattā (Ka)	21
Jitoti = Jātoti (Sī, Ka)	163
Jīvitapemassa = Jīvitagavesassa (Sī, Ka)	143

[Ña - Tha]

Ñatvā = Karitvā (Sī)	127
Ṭhapetha = Vāsetha (Ka)	155

[Ta]

Taṇhāmānadiṭṭhīhi = Taṇhāmānādīhi (Ka)	269
Taṇḍuleyyakādisākaṅca = Vārisākaṅca (Ka)	181
Tattha te = Tathā (Sī)	196
Tatheva = Tasseva (Ka)	28
Tadā = Tathā (Ka)	63
Tassa = Gatassa (Sī)	167
Tāta = Tattha (Ka)	93
Tāpasam = Tam tāpasam (Ka)	184

Nānāpāṭhā

Piṭṭhaṅkā

[Ta]

Tusitabhavane = Tusitapure (Ka)	3
Te brāhmaṇe = Bhonto brāhmaṇā (Sī)	37
Tesaṃ deti = Rajjaṃ dānaṃ deti (Ka)	296

[Da]

Dadhivāraṅgaṃ = Dadhithālaṅgaṃ (Sī, Ka)	107
Dānaṃ = Api ca dānaṃ (Ka)	270
Dānavittako = Dānavitakko (Sī, Ka)	86
Dānena = Dhanena (Sī)	56
Dāsīdāsaparivāraṅgaṃ vā dātabbā siyā = Dāsīdāsaparivāraṅgaṃ vā dātabbaṃ siyā (Sī)	84
Devamanussanayanavihaṅgaṅgaṃ = Devamanussanāgavihaṅgaṅgaṃ (Sī)	6
Devasikaṃ = Devasikaṃ devasikaṃ (Sī, Ka)	36

[Dha]

Dhammanti = Saddhammanti (Sī)	246
-------------------------------	-----

[Na]

Naṃ = Dhanam (Sī, Ka)	21
Na kilamitoti = Kilamitoti (Sī)	244
Na jhāyamānova = Najjhāyamānova (Sī)	228
Niggacchi = Nikkhamitvā gacchi (Ka)	218
Niddasavatthūni = Nijjaravatthūni (Sī, Ka)	8
Niddhāretabbāti = Veditabbāti (Ka)	40
Niddhāretabbāti = Vibhāvetabbāti (Ka)	64

[Pa]

Pakkhandi = Pāyāsi pakkhandi (Sī)	231
Paccupādī = Paccapādī (Sī)	201
Paññavā eva = Paññāya eva (Sī)	288
Paññā = Saññā (Ka)	8

Nānāpāṭhā

Piṭṭhaṅkā

[Pa]

Paṭiññātassa = Patthitassa (Sī, Ka)	165
Paṭisanthāraṃ = Paṭisandhāraṃ (Ka)	244
Paṭiharaṇaniyāmena = Vaṭṭiharaṇaniyāmena (Sī)	173
Paṭṭhāya = Vuṭṭhāya (Ka)	102
Paṇṇākāraṃ = Sakkāraṃ (Sī, Ka)	116
Patantopi = Marantopi (Sī, Ka)	146
Patticariyā = Pakaticariyā (Sī)	17
Patticariyānaṃ = Pakaticariyānaṃ (Sī)	18
Pabbatapāda = Pabbapapāde (Ka)	139
Paratīti = Pūretīti (Sī, Ka)	269
Paramadhitindriyā = Parivāritindriyā (Sī)	196
Paramadhitindriyoti = Samitindriyoti (Sī)	149
Parākari = Parakkari (Sī, Ka)	68
Parābhibhavasamatthānaṃ = Parābhibhavane samatthānaṃ (Ka)	290
Parikireyyuṃ = Parikareyyuṃ (Sī)	68
Parikkharaṇato = Parikkhāraguṇato (Sī)	110
Paricāravasena = Parivāravasena (Ka)	43
Paripūrayāmi = Paripūressāmi (Sī)	178
Pariyodātasabbasippassa = Pariyositasabbasippassa (Ka)	47
Parivāriyamānaṃ = Paricāriyamānaṃ (Sī)	118
Parivārena = Parihārena (Ka)	80
Parivuddhiyaṃ = Parisuddhiyaṃ (Ka)	289
Parisosanaṃ = Pariyādānaṃ (Ka)	319
Parihārena = Parivārena (Ka)	4
Pavattiyā = Pavaḍḍhiyā (Ka)	281
Pavicayabahulo = Paricayabahulo (Sī)	289
Pavicayahetukaṃ = Paricayahetukaṃ (Sī)	270
Pavicini = Pavici (Sī)	16
Pucchiṃsu = Vadiṃsu (Ka)	155

Nānāpāṭhā

Piṭṭhānkā

[Pa]

Putto me dīghāyuko siyā = Puttā Maddī ca dīghāyukā siyā (Ka)	100
Puna = Yadi puna (Sī)	233
Pūtibhūtam = Patissutam (Ka)	98
Petānampi = Devatānampi (Ka)	55
Pokkharāṇim = Pokkharāṇitīram (Ka)	92

[Pha - Ba]

Phussatīti = Phusatīti (Sī)	76
Bārāṇasiseṭṭhi = Bārāṇasiseṭṭhi brāhmaṇo (Ka)	142
Buddhabhūmiyoti = Bhūmiyoti (Sī, Ka)	282
Buddhalīlāya = Buddhalīlāya (Sī, Ka)	6
Bodhisatto, paramassa = Bodhisatto paramo (Sī)	269
Byākaritum = Jānitum (Ka)	33

[Bha]

Bhāvitattabhāvā = Bhāvitattabhāvanā (Sī)	304
Bhāvitabhāvino = Bhāvitabhāvanā (Ka)	28
Bhisacariyā = Mahākañcanacariyā (Sī)	193
Bhisamuḷālam = Bhisamūlam (Sī, Ka)	112

[Ma]

Maghadevo = Makhādevo (Sī)	53
Matthake = Matthako (Sī)	126
Madhupiṇḍam = Madhubindu (Ka)	306
Mama = Mam (Sī, Ka)	64
Mahaccadevānubhāvena = Mahatā devānubhāvena (Sī)	5
Mahājana = Mahājanam (Sī)	255
Mahāsattam = Mahāsattassa (Ka)	252
Mahoghena = Mahāmeghena (Sī)	232
Mātā mahāmāyā = Mātāpitāro rājakulāni ahesum (Ka)	189
Mārañjanāgiri = Añchanagiri (Sī) Añcaragiri (Ka)	88

Nānāpāṭhā

Piṭṭhaṅkā

[Ma]

Micchādhimāno = Micchāmāno (Sī)	307
Muddādhikāre = Maddhādhikāre (Sī, Ka)	30
Muddito = Muddhato (Sī, Ka)	30
Mudhappasanno = Muddhappasanno (Sī)	59
Me cittato = Mettacittato (Sī, Ka)	134

[Ya - Ra]

Yakkhāti deva = Yakkhoti devo (Ka) (Jātaka-Ṭṭha 5. 35 piṭṭhe.)	168
Yathācāha = Aparampi vuttaṃ (Ka)	270
Yathāruciyaṅva = Yathāruciyaṅ vamaṃ (Sī)	148
Yasmā = Tato yasmā (Sī)	222
Yāciyamāno = Yāciyamāna... (Sī) Yācanānantarameva deti (?)	297
Yāya = Nissāya (Sī, Ka)	257
Yugandharavātapamadditaṃ viya = Yugantavātapahatapamadditaṃ viya (Sī)	101
Yo = Ko (Sī, Ka)	144
Yogaṃ = Voyogaṃ (Ka)	279
Rajjasiriṃ = Rājissariyaṃ (Sī)	189
Rañño imaṃ = () (Natthi Sī)	218
Rammavatīnagaraṃ = Rammanagaraṃ (Sī)	13
Rūpakāyādīsu = Rūpamukhādīsu (Ka)	297

[La - Va]

Laggaṃ = Saṅgaṃ (Ka)	179
Lajjāpassayo = Lajjājjhāsayo (Sī)	280
Lañjavittako = Lañjavitakko (Sī)	59
Laddhavarānubhāveneva = Laddhavarānubhāvenekaṃ (Sī)	199
Vacanapaṭivacanakathā = ...gāthā (Ka)	160
Vaḍḍhetha = Ghaṭetha (Sī)	326
Vadanti = Vadanti eva (Ka)	320
Vanibbako = Vaṇibbako (Ka)	44
Vayasampattiyā = Vayappattiyā (Sī)	138

Nānāpāṭhā

Piṭṭhānkā

[Va]

Varam = Param (Ka)	74
Varam varassu paṭiggaṇhāhīti = Varam taṃ gaṇhāhīti (Sī)	76
Varalābhanavasena = Varayācanavasena (Ka)	216
Varākā = Anāthā (Ka)	114
Varāvaram = Carācaram (Sī)	162
Vassāpento = Vassanto (Sī)	48
Vāmaṃ = Padakkhiṇaṃ (Sī)	158
Vāsulo = Vasulo (Ka)	59
Vibhāvetabbā = Veditabbā (Sī)	115
Viyūhitvā = Byūhitvā (Ka)	230
Vivaritvā = Dvāram vivaritvā (Sī)	13
Visadapariccāgato = Visādapariccāgato (Ka)	314
Visapītena = Visalittena (Ka)	252
Visuddhacarito = Visuddhacariyako (Ka)	327
Visussamāne = Parisussamāne (Sī)	310
Vītikkamappahānena cittassa = Vītikkamappahāne ṭhitassa (Sī)	271
Vuṭṭhadhanaṃ = Vuṭṭhitadhanaṃ (Sī)	102
Vuttañcetam = Vuttañcetam Bhagavatā (Sī)	324
Vejayantapāsādam = Vejayantam pāsādam (Sī)	117

[Sa]

Sakka = Nāma (Ka)	25
Sakkosīti = Sakkāti (Sī)	255
Saññaṃ paṭṭhapetvā = Aññaṃ apaṭṭhapetvā (Ka)	197
Sattasaṅkhārakatavipākāresu ca = Sattakatavipākāresu ca (Sī)	175
Sattāhameva = Sattāhamattameva (Ka)	233
Santāsanamattenapi = Santāpanamattenāpi (Sī)	115
Santike = Santikā (Sī)	14
Sandacchāyassa = Sampannacchāyassa (Ka)	182
Sabbaṅgasobhanaṃ = Sabbaṅgasobhinaṃ (Sī, Ka)	100

Nānāpāṭhā

Piṭṭhānkā

[Sa]

Sabbacariyāsu = Buddhacariyāsu (Ka)	327
Sabbasamantavedaṃ = Sabbasamattavedaṃ (Sī, Ka)	198
Samakā = Sādhikā (Ka)	27
Samannāgatenā = Samannāgamena (Ka)	40
Samādhānalakkhaṇā = Samādānalakkhaṇā (Sī)	273
Samāpattisañcāritamahāvajiraññaṇaṃ = Samāpattisañcara- mahāvajiraññaṇaṃ (Dī-Ṭṭha 3. 58 piṭṭhe)	8
Samuddhata = Samuṭṭhāta (Sī)	28
Sambhata sabbasambhāro = Sambhavo sabbasambhāro (Sī)	320
Sammāsamādhi () = Sammāsamādhi pañcaññaṇiko sammāsamādhi (Ka)	7
Sarīrassa = Sarīraṃ (Sī)	184
Sahāyā = Sahāsā (Sī)	201
Taṇḍuleyyakādisākaṇca = Vārisākaṇca (Ka)	181
Sādhukammikā = Dhammikā (Ka)	158
Sāmo = Suvaṇṇasāmo (Ka)	249
Sāvaka paccekabodhisattā = Abodhisattā (Sī, Ka)	100
Sikkhamānā = Ete sikkhamāno (Sī, Ka)	51
Siyaṃ = Siyā (Sī, Ka)	191
Sivakaṃ = Sīvakaṃ (Sī, Ka)	68
Sivisañjayarañño = Sivirañño sañjayassa (Ka)	78
Sīsadhovana-udakaṃ = Pādadhovana-udakaṃ (Jātaka-Ṭṭha 4. 378 piṭṭhe)	151
Surundhananagaraṃ nāma = Sududdanagaraṃ nāma (Sī)	177
Sodhethāti = Haṭṭhātuṭṭhā sodhethāti (Sī)	13
Soḷasavāhagoṇe = Soḷasabhojaputtānaṃ vāhagoṇe (Ka)	173

[Ha]

Haṭṭho = Tuṭṭhahaṭṭho (Ka)	214
Hatthikalabhappamāṇo = Hatthikkhandhappamāṇo (Sī)	138
Hatthe = Hatthaṃ (Sī)	237
Hanissati = Hanīyati (Ka)	161

Cariyāpiṭakaṭṭhakathāya

Gāthāsūci

Paṭhamapādā	Piṭṭhāṅkā		Paṭhamapādā	Piṭṭhāṅkā
[A]			[A]	
Akittim disvāna sammantaṃ	25		Ammā ca tāta nikkhantā	93
Aggīva tiṇakaṭṭhasmiṃ	136		Alakkamālī tipukaṇṇapiṭṭho	199
Acinteyyānubhāvā ca	28		Alaso gihī kāmabhogī	
Acetanaṃva koṭṭente	266		na sādhu	187, 236
Acetanāyaṃ pathavī	102		Avīcimhi nuppajjanti	321
Accheraṃ vata lokasmiṃ	56		Avuṭṭhiko janapado	82
Ajjhāyakaṃ			Asiṅca sattiṅca parāmasāmi	243
sabbasamantavedaṃ	198		Assaṃ gavaṃ rajataṃ	
Atīradassī jalamajjhe	265		jātarūpaṃ	197
Atthi loke sīlaguṇo	227		Ahaṃ nisajja cintesiṃ	106
Addasaṃsu bhojaputtā	172		Ahaṃ Soṇo ca Nando ca	204
Addhā have sevitaḅbā sapaṅṅā	174		Ahaṅca brāhmaṇo eko	152
Adhane āture jīṇṇe	79		Aho me mānasaṃ siddhaṃ	67
Adhammayānaṃ			[Ā]	
daḷhamāruhitvā	159		Āgacchum dovārikā	
Adhammikassa luddassa	247		khaggabandhā	187
Anayaṃ nayati dummedho	26		Āgamehi mahārāja	145
Anānutappāni hi ye karonti	187		Ācariyo mesi pitā ca mayhaṃ	201
Aniccā vata saṅkhārā	45		Ānando ca pamodo ca	207
Anindho dhūmaketūva	136		Āyumu nu vaṇṇaṃ nu sukhaṃ	
Anisamma kataṃ kammaṃ	187		balaṃ nu	69
Anuttare kāmaguṇe samiddhe	257		Āvajjetvā dhammabalaṃ	227
Anumodāmi te deva	95		Āvāsiko hotu mahāvihāre	199
Anvaddhamāse pannarase	81		Āsanaṃ udakaṃ pajjaṃ	49
Amaccamaṇḍalaṃ rajjaṃ	257		Āsīviso tāta pahūtatejo	239
Ambapakkam dakaṃ sītaṃ	107			

Paṭhamapādā	Piṭṭhaṅkā	Paṭhamapādā	Piṭṭhaṅkā
[I]		[E - O]	
Īṅha Maddi nisāmechi	87	Evam acchariyā hete	28, 35, 103
Iti ākaṅkhamānassa	2	Evam bahubbidham dukkham	267
Iti taṃ saṅkharontena	327	Evam mandassa posassa	136
Iti silavataṃ hetu	169	Evam sabbaṅgasampannā	321
Idaṃ hi so brāhmaṇaṃ		Evāham cintayitvāna	31
maññamāno	168	Eso ce Sivīnaṃ chando	84
Idānāham cintayitvāna	66	Ehi sivaka uṭṭhehi	70
Idha' nnapānaṃ sayanāsanañca	32	Ogāhetvā visuddhāya	328
Imasmim Bhaddakappasmim	1	[Ka]	
Isīnaṃ hi sā		Kaṭukaṃ hi sambādham	
sabbasamāgatānaṃ	199	sukicchaṃ patto	188
[U - Ū]		Kaṭṭhasmim	
Ujjālehi mahā-aggiṃ	167	manthamānasmim	136
Uttamaṅgaruhā mayham	53	Katvā dalhamadhiṭṭhānaṃ	268
Uposathamhi divase	104	Kappe ca satahasse	3
Uppajji me na muccittha	135	Kalaho vattatī bhesmā	159
Ubho kumārā pabbajitā	180	Kaliṅgaratṭhavisayā	82
Ubhopi nettā nayanā	66	Kā nu te sā Mahānāga	114
Ubho mātā pitā mayham	196	Kāmaṃ maṃ sivayo sabbe	85
Ussāvabindum sūriyātape	178	Kim te uppajji no mucchi	135
Ussāvova tiṇaggamhi	179	Kim nu te akaraṃ dhīro	26
Ūrū bāhuñca me passa	217	Kim nu te akaraṃ bālo	26
[E]		Kim nu ruru garahasi	
Ekaṃ te yācamānassa	68	migānaṃ	146
Etampi disvā sivayo	74	Kinnu santaramānova	217
Etasmim te sulapite	25-6	Kismim me sivayo kuddhā	85
Etasmim vanasaṅdasmim	142	Kīdiso te Mahāvīra	7
Ete ahesuṃ Sambuddhā	15	Kuto nu āgacchasi dummavāsī	152
Ete ca saṅgahā nāsu	207	Kenā'nusiṭṭho idhamāgatosi	67

Paṭhamapādā	Piṭṭhaṅkā	Paṭhamapādā	Piṭṭhaṅkā
[Ka]		[Ta]	
Koṇḍaññassa aparena	15	Tato ratyā vivasāne	84
Ko nī'dha vittam na dadeyya yācito	74	Tato Vessantaro rājā	103
Ko nu maṃ usunā vijjhi	252	Tato so codito mayhaṃ	70
Komārī yassāhaṃ bhariyā	97	Tattha vattetvā sallāpaṃ	89
[Kha - Ga]		[Ta]	
Khantībalo yuddhabalaṃ vijetvā	162	Tathaṃ nu vitathaṃ netaṃ	65
Gaṇikā Uppalavaṇṇā	40	Tadāpi maṃ nimantiṃsu	203
Gantvā so hatthidamako	112	Tadāpi lokaṃ disvāna	203
Gahito Porisādena	242	Tadā maṃ tapatejēna	23
[Gha - Ca]		[Ta]	
Ghamme pathe brāhmaṇa ekabhikkhuṃ	33	Tadāsi yaṃ bhiṃsanakaṃ	83
Catussadaṃ gāmaṃ samiddhaṃ	198	Tadāhaṃ māpayitvāna	54
Cando yathā rāhumukhā pamutto	168	Tadāhaṃ yajanā mutto	61
Cariyā sabbalokassa	1	Tadāhaṃ sattarajjesu	48
Ciraṃ jīvatu so rājā	114	Tamahaṃ anurakkhanto	147
Ciraṃ tiṭṭhatu lokasmiṃ	328	Tamahaṃ upaṭṭhahitvāna	236
[Cha - Ja]		[Ta]	
Chaviṃ cammaṃ maṃsaṃ nhāruṃ	108	Tasmā taṃ avalambitvā	2
Jāliṃ Kaṇhājinaṃ dhītaṃ	97	Tasmā sataṅca asataṃ	99
Jīranti ve rājarathā sucittā	244, 247	Tasmā hi ne namasseyya	207
[Ta]		[Ta]	
Taṃ ekarājā pathaviṃ vijetvā	198	Tassa atthaṃ pakāsetuṃ	327
Taṃ tādisaṃ devavaṇṇaṃ	27	Tassa gāmaṃ dammi	144
Taññevādhipatiṃ katvā	178	Tassa taṃ vacanaṃ sutvā	112
Taṇhaṅkaro Medhaṅkaro	14	Tassa datvānaṃ paṇṇaṃ	23
Tato cutā sā Phussaṭī	78	Tassa puṭṭho viyākāsi	7
		Tassa rañño ahaṃ putto	218
		Tassa sambodhisambhāra	2
		Tassā āyukkhayaṃ ñatvā	76
		Tassāhaṃ vacanaṃ sutvā	66
		Tāya naṃ pāricariyāya	207
		Tāsaṃ sambodhicariyānaṃ	1
		Tirokuṭṭaṃ tiroselam	74
		Tisso Phusso ca Sambuddho	15

Paṭhamapādā	Piṭṭhaṅkā
[Ta]	
Tenevāhaṃ sataguṇato	34
Te me sādḥūti vatvāna	105
Tesu cittappasādopi	29
[Da]	
Dakkhiṇaṃ vāpa'haṃ bāhuṃ	85
Datvā dātabbakaṃ dānaṃ	267
Dadato me na khīyetha	26
Dadamānassa dentassa	73
Dadāmi na vikampāmi	82, 96
Dadāmi bhoto bhariyaṃ	100
Dabbaseno upagantvā	256
Dasakusalakammapathe	157
Dasa pāramī tayā dhīra	7
Dasamāse dhārayitvāna	79
Dānaṃ sīlaṅca	
nekkhammaṃ	7, 270
Dānaṅca peyyavajjaṅca	207
Dānāni paṭiyādettha	104
Diṭṭhadhammahitatthāya	49
Diṭṭhā mayā mānusakāpi	
kāmā	174
Disvāna vividhaṃ pāpaṃ	203
Dīpaṅkarassa Bhagavato	15
Dukkho punabbhavo sakka	25
Dutiyampi tatiyampi	23
Duddadaṃ dadamānānaṃ	99
Dumapphalānīva patanti	
māṇavā	174
Dussa me khettpālassa	107
Devatā nu'si gandhabbo	217
Devī ahaṃ saṅkha	
mahānubhāvā	32
Desesi nātho cariyā	327

Paṭhamapādā	Piṭṭhaṅkā
[Da - Dha]	
Dosehi nābhibhūyanti	28
Dvāsīti Buddhato gaṇhiṃ	2
Dhammena bhāsītā gāthā	74
Dhammo have pāturahosi	
pubbe	160
[Na]	
Na kappayanti na	
purekkharonti	10
Nagaraṃ gantvāna ācikkhi	145
Na cāgamattā paramatthi kiṅci	74
Na tassa alikaṃ bhaṇitaṃ	222
Na tassa dānaṃ dadamāno	24
Na te naṭā no pana kiḷaneyyā	201
Nadītiresu saṅṭhāne	16
Na badhiro na mūgo'smi	217
Nabhaṅca dūre pathavī ca	
dūre	244, 247
Na bhavanti pariyāpannā	322
Na maṃ koci uttasati	267
Na mayhaṃ mattikaṃ nāmaṃ	79
Na me atthi tilā muggā	106
Na me tappaccayā atthi	23
Na me dessā ubho puttā	97
Na me yācakamanuppatte	38, 82
Namhi devo na gandhabbo	218
Nayaṃ nayati medhāvī	26
Na yācanāya napi pātirūpā	160
Na vāhametaṃ yasasā dadāmi	69
Na he'te sulabhā kāyā	57
Na hete jānanti sadevamānusā	6

Paṭhamapādā	Piṭṭhaṅkā
[Na]	
Na he'te sulabhā kāyā	57
Na honti khuddakā paṇā	322
Nāgaṃ gahetvā soṇḍāya	38, 82
Nāradassa Bhagavato	15
Nāsāya vinivijjhitvā	172
Nisajja pāsādavare	65
Nisamma khattiyo kayirā	187
Nisamma ca kataṃ kammaṃ	187
Nisamma daṇḍaṃ paṇayeyya issaro	187
Nissitaṃ vācanāmaggaṃ	2
Nītaneyyatthabhedā ca	2
Nūna Maddī varārohā	94
[Pa]	
Paññāya vicinantohaṃ	265
Paṇḍite paripucchitvā	268
Panuḍḍa dukkhena sukhaṃ janinda	258
Pabbatyā'haṃ Gandhamādane	253
Pabbājesuṃ sakā raṭṭhā	84
Pavanā ābhataṃ paṇṇaṃ	23
Pavane vasamānassa	92
Pavedhamāno palitasiro	65
Pahūtaṃ me dhanāṃ Sakka	72
Pahūtaḍhañño kasimā yasassī	198
Pāpo kadariyo yakkho	158
Piyo garu bhāvanīyo	280
Pīlito susumārena	221
Pucchāmi brahmānaṃ sanaṅkumāraṃ	49

Paṭhamapādā	Piṭṭhaṅkā
[Pa]	
Putte pasuṅca dhaññaṅca	95
Punadeva sakko oruyha	96
Punāparaṃ dadantassa	83
Punāparaṃ brahārañña	102
Punāparaṃ brahāraññe	101
Punāparaṃ yadā homi	47, 225
[Ba - Bha]	
Bahūhi vatacarīyāhi	27
Buddhopi Buddhassa bhaṇeyya vaṇṇaṃ	9, 324
Brahmāti mātāpitaro	207
Bhikkhāya upagataṃ disvā	110, 263
Bhiyyo maṃ āvisī pīti	72
Bhummā mahārājikā Tāvatisā	5
[Ma]	
Maṃ passa maddi mā putte	95
Maṃ ve kumāraṃ jānanti	49
Maṅgalo ca sumano ca	14
Maddiṃ hatthe gahetvāna	96
Maddiyā dīyamānāya	96
Manussattaṃ liṅgasampatti	16, 274
Manusso udāhu yakkho	93
Mama saṅkappamaññāya	65
Mamevāyaṃ maññaṃāno	140
Mahākāruṇiko Satthā	320
Mahāraḍḍaṃ hatthagataṃ	264
Mahāvātasamuddhataṃvīcimālo	28

Paṭhamapādā Piṭṭhaṅkā

[Ma]

Maheśī Rāhulamātā	40
Mātāpitā na me dessā	266
Mātāpitū ca vanditvā	166
Mātā me sā mahārāja	114
Mā naṃ daṇḍena satthena	84
Mā no deva adā cakkhuṃ	68
Mā maṃ deva nivārehi	178
Mālaṃ ca so Kāsika- candanāṃ ca	197
Migavaṃ gahetvā muñcassu	165
Micchādiṭṭhiṃ na sevanti	322
Muñcathe'taṃ Mahānāgaṃ	114
Mutto ca bandhanā nāgo	114
Mutto Campeyyako nāgo	130

[Ya]

Yaṃ acchariyadhammānaṃ	327
Yaṃ kiñci'tthi kataṃ puññaṃ	253
Yaṃ kiñci mānusaṃ dānaṃ	65
Yaṃ kiñci yiṭṭhañca hutañca mayhaṃ	32
Yaṃ khuddakanikāyasmim	1
Yaṃ tvaṃ sukhenā'bhi- samekkhase maṃ	32
Yaṃ Dhammasenāpatino	1
Yaṃ maṃ so yācituṃ āgā	72
Yaṃ so tadā maṃ abhisapi	155
Yañhi yāce tañhi dade	69
Yadāhaṃ dārako homi	80
Yadāhaṃ Phussatiyā kucchim	78

Paṭhamapādā Piṭṭhaṅkā

[Ya]

Yadi koci eti dakkhiṇeyyo	106
Yadi māsaṃpi dvemāsaṃ	23
Yathā cittaṃ vase hoti	28
Yathā taṃ Sivayo sabbe	68
Yathā rukkho tathā rājā	218
Yamāhu devesu Sujampatīti	67
Yamuddharim vāhane vuyhamānaṃ	146
Yamekarattim paṭhamāṃ	192
Yamhi jāte na passati	136
Yamhokāse ahaṃ ṭhatvā	221
Yasokaro puññakarohamasmi	159
Yasmā ca saṅgahā ete	207
Yasmā dānaṃ nābhinandim kadāci	239
Yasmiñca jāyamānaṃhi	136
Yassa rukkhassa chāyāya	218
Yasse'te caturo dhammā	222
Yācakaṃ upagataṃ disvā	93
Yācanti maṃ pañjalikā	179
Yācāmi taṃ mahārāja	66
Yā tattha paramatthānaṃ	327
Yā devatā idha loke	60
Yāvatā karaṇaṃ sabbaṃ	147
Yutte deva rathe dehi	68
Yena atthena āgacchi	67
Yena jātena nandanti	136
Yenābhibhūto kusalaṃ jahāti	136
Ye maṃ yācituṃyanti	72

Paṭhamapādā	Piṭṭhaṅkā	Paṭhamapādā	Piṭṭhaṅkā
[Ya]		[Va]	
Yesaṃ ve attani sneho	28	Viratto sabbadhammesu	320
Yo te kato saṅgaro		Visuddhacarito Satthā	327
brāhmaṇena	243	Vīmaṃsamāno isino bhisāni	201
Yo me kaniṭṭhako bhātā	204	[Sa]	
Yo ve anattṭhamva natṭhanti		Sakideva mahārāja	247
cāha	200	Sakideva Sutasoma	244
Yo ve dassanti vatvāna	68, 69	Sake putte cajantassa	93
[Ra]		Sakkohamasmi Devindo	72, 100
Rajjaṃ putta paṭipajja	165	Sace tuvaṃ yuddhabalo	
Raṅṅo mūgo ca pakkho ca	217	adhamma	160
Ratanāni satta vassimsu	102	Saccaṃ kireva māhaṃsu	146
Rathaṃ niyyātayitvāna	218	Saccavācaṃ anurakkhanto	266
Ramme padese ramaṇīye	142	Saccena me samo natthi	222
Rājā mātā mahesī ca	39	Sacco cāgī upasanto	320
Rājūpajīve nigame	256	Saṭṭhirājasahassāni	89
[La]		Satta me rohitā macchā	106
Lābhālābhe yasāyase	268	Saddhāya nikkhamma puna	
Loke sañjātavaddhāpi	28	nivatto	233
Lohena ve haññati jātārūpaṃ	160	Sabbadā sabbasattānaṃ	320
[Va]		Sabbapāpassa akaraṇaṃ	324
Vaṇṇavā yasavā sirimā	49	Sabbā disā anuvisaṭo'-	
Vanibbato mayha vaniṃ		hamasmiṃ	160
anuttaraṃ	67	Sabbe jītā te paccūhā	99
Vandanājanitaṃ puññaṃ	1	Sabbe pavitṭhā nirayaṃ	61
Varaṅce me ado Sakka	25-7	Sabbhireva samāsetha	244, 247
Vicaranto anukūlamhi	153	Sabrahmacārī maṇḍabyo	236
Vicinanto tadā dakkhiṃ	270	Sabhāvaṃ cintayantassa	80
Vijjācaraṇasampannā	1	Sampattā pariniṭṭhānaṃ	327
		Sammā vassatu kālena	328
		Sarājake sahorodhe	179

Paṭhamapādā	Piṭṭhaṅkā
[Sa]	
Saha kate saccavare	232
Saha saṁvaṇṇanaṁ yasmā	2
Saha sacce kate mayhaṁ	228, 238
Sahassiyā imā gāthā	245
Sā tattha vittā sumanā patītā	34
Sā nūna'sā kapaṇikā	114
Sāriputto tadā seṭṭhi	40
Sāriputto mahāpaṇṇo	7
Sā hotu nāvā phalakūpapannā	33
Sirasmiṁ palitaṁ disvā	53
Sīlādiguṇasampanno	1
Sutvā dhammaṁ vijānanti	247
Suddhāvāsesu devesu	322
Sumedho ca Sujāto ca	15
Suvāsitaṁ isinaṁ ekarattaṁ	201
Susāne seyyaṁ kappemi	267
Sūlehi vinivijjhante	264
So khattiyo hotu pasayhakārī	198

Paṭhamapādā	Piṭṭhaṅkā
[Sa]	
So gāmaṇī hotu sahāyamajjhe	198
So tadā paggahetvāna	66
Sotavekallatā natthi	322
So bajjhataṁ pāsasatehi chamhi	199
So brāhmaṇo hotu avītarāgo	198
Sobhitassa aparena	15
So maṁ asaṁsi ehīti	222
So maṁ tattha khamāpesi	188
[Ha]	
Hadayaṁ cakkhumpa'haṁ dajjaṁ	85
Hadayaṁ dadeyyaṁ cakkhum	80
Handa Buddhakare dhamme	277
Handāhaṁ dassayissāmi	6
Hitvā mamattaṁ manujesu brahme	49
Hirottappena garuṇā	101
Hīnena brahmacariyena	57